



~~151~~ 151

13-16 A. 29

DE
CONSTITVTIONIBVS
APOSTOLICIS,

B. Clemente Romano auctore,

LIBRI OCTO,

Nunc primùm è tenebris eruti, & ad orthodoxam
fidem austruendam apprimè utiles.

IO. CAROLO BOVIO, EPISCOPO
Ostunensi interprete.

EIVSDEM SCHOLIA IN LOCA, QVAE
dubitationem aliquam habere videntur.

Rerum, & verborum memorabilium Index.



*Cum privilegio summi Pontificis, Cas. Maieſtatis,
& Illuſtriſſimi ſenatus Veneti.*

Venetiis, ex Officina Iordani Ziletti. M. D. L X III.

DE
CONSTITUTIONIBUS

APOSTOLICIS.

B. Clementis Romano Pontificis.

LIBRI OCTO.

Nunc primum in lucem editum, & ab Antiquariis
revisum, & auctoritate Pontificis confirmatum.

IO. CAROLO DE VIO, EPISCOPO

Officij interpretis.

AVVENTURIERIS, & SOCIJBUS IN LUGDUNO

Abbatibus, & Capitulis, & Clericis.

Edidit, & Typis curavit, Jo. Baptist. de



Curavit, & Typis curavit, Jo. Baptist. de

Typis, & Officina Typographica, in B. L. X. L. L.

IOANNI MORONIO,

S. R. E. Episcopo, Stanislao Hosio,
Ludouico Simonetæ, Bernardo Nauagerio Presbyteris Cardinalibus, & sedis Apostolicæ in Concilio Tridentino Legatis,

Ioannes Carolus Bouius
Episcopus Ostunensis. S. P. D.



*V*M tenuitatem meam non ignorarem, nunquam adhibui diligentiam, ut quæ in optimarum artium studijs mediocri exercitatione versatus, comprehenssem, atq; annotassem, ea extra priuatos parietes educta, in notitiam aliorum peruulgarem. Quòd si in omni ratione ac cursu studiorum meorum faciendum mihi unquam fuit, certè seruandum maximè erat hoc tempore, atq; eo loco, in quo congregatis magna frequentia excellentibus inge-

Epistola

nijs, exquisitaq; doctrina viris, amplissimum Orbis Christiani theatrum habere-
mus. Quid enim ego in tanto hominum e-
ruditissimorum cœtu excogitare possem,
vel tam nouum, quod illorum singularem
in omni uarietate literarum scientiam su-
geret, vel tam accuratum, quod non eo-
rum iudicio leue & contemnendum vide-
retur? Sed tamen hoc consilium sequenti
mihi, et vehementer probanti, occasio qua-
dam oblata perpetuum meum illud silen-
tium pracidit, & me ab hac periclitatione
ingenij remotum, quasi in arenam prodire
coegit. nam cum nuper in Clementis Ro-
mani libros incidissem, quibus ille descri-
ptam ab Apostolis Ecclesie formam, & o-
mnem rerum sacrarum rationem accura-
tè est complexus, primum (quod est meum
antiquitatum ecclesiasticarum studium)
auide legi, deinde, ut qua legeram, atque
in ijs obseruaueram, memoriæ firmius hæ-
rerent,

nuncupatoria.

rerent, cæpi insigniores ex ijs sententias in
latinum sermonem conuertere. tùm reci-
tata à nonnullis in conuentu Patrum ex
Clementis libris verba, valdè ad id, quod
tunc agebatur, apta, prima indicia fue-
runt, quibus abditi iam pridem ij libri, &
à paucis cogniti, hominibus pijs, & rerum
diuinarum studiosis proderentur. Deinde
cùm prolatis alijs ex ijs testimonijs, ser-
monibusq; illorum, qui eorum auctore de-
lectabantur, celebrius iam fieret Clemen-
tis nomen, institi vehementius, & ad in-
tegram, atq; absolutam totius operis inter-
pretationem me contuli. In quo labore, a-
lijs studiorum meorum occupationibus im-
peditus, fortasse non perseuerassem, nisi
multis sermonibus cum viris grauissimis
ea de re habitis, ijs quasi pradiis fidem
meam obstrinxissem. Verti igitur, et (quan-
tum mea vires tulerunt) dedi operam, vt
Clemens à tenebris, atque obliuione homi-
num

Epistola

num vindicatus, in Ecclesia luce, et viro-
rum religiosorum manibus versaretur.
Cumq; mecum cogitarem, cui nam eum
commendarem, & ipsius quasi patroci-
nium deferrem, vos mihi potissimum oc-
curristis, quorum nomini dicatus Cle-
mens, in hanc Ecclesia celebritatem pro-
diret. Nam si mihi in eo praestantis alicu-
ius viri auctoritas quarenda fuit, profectò
vos cum dignitate vestra, tum eius per-
sona, quam hic sustinetis, munere, princi-
pem in Ecclesia locum obtinetis. Si cui ho-
norem habere velim, hac ipsa sanctissima
munera, quibus praeestis, faciunt, ut vos an-
te alios, omnium studys colendos atque ob-
servandos intelligam. Quòd si illud specta-
re debemus, ut ea potissimum munera mit-
tamus, qua illorum, ad quos mittuntur,
studio atque instituto conveniant, èn san-
ctissimi atque amplissimi Legati trado vo-
bis exemplum, ad cuius similitudinem,
eam,

nuncupatoria.

eam, quam formādam suscepistis figuram, fingere atque expolire possitis. Nulla per hos dies quaestio proposita est, nulla à patribus paulò grauior deliberatio habita, quam non ijs libris enucleatè expositam ac declaratam videamus. Qua vos de restituenda veteri disciplina cura cogitatioq; sollicitat, eam nulla alia ratione adiuuari posse arbitror, quàm ope eorum librorum, qui cum Ecclesia nati, pietatem maiorum nobis consignatam testatamq; commendant. Quare accipite huius meae lucubrationis munusculum, quod à mea exiguitate profectum, spero vobis, & omnibus ijs, qui religionis pietatisq; studio ducuntur, non iniucundum futurum.

IO. CAROLI BOVII
EPISCOPI OSTVNENSIS
IN CLEMENTIS LIBROS

P R A E F A T I O.



ANTEQVAM Clementem latinè loquentem audiamus, libet præfari quædam, quæ non aliena à propositi muneris ratione uidebuntur. Tractabo autem Prolegomena illa, quæ Philosophi in principiis librorum quærere consueuerunt: ea uerò (quantum ad præsens institutum attinet) sunt septem, scopus, utilitas, an sit legitimus liber, inscriptio, numerus librorum auctoris, partitio horum librorum in capita, ordo lectionis, methodus. Primùm ergo uideamus scopum, hoc est quĩnam sit finis propositus scriptori, ad quem omnis disputatio sit referenda.

LEGISLATOR noster, & Ecclesiæ fundator CHRISTVS, ordiens propagandæ religionis iniriũm, eas nobis credendi, atque uiuendi leges dedit, quæ uniuersam fidei summam, rationem sacramentorum, ac uitæ degendæ præcepta continerent. Haud faciliẽ autem Dei cultus amplificari, neque pietas coli potuisset, nisi mandata, quæ de huiusmodi rebus uniuersa quadam ratione, & generatim tradita fuerant, in certos ac proprios modos essent distributa. uidemus enim in omni optimè constituta ciuitate, eum morem disciplinamque haberi, ut legum descriptione definita sint singula rerum agendarum munera, qua tam ii, qui aliis præfunt, quàm qui eorum potestati obediunt, intelligant, quantum sibi impositum sit muneri, quo loco, quo tempore, qua ratione ac modo unumquodque sit agendum. Huiusmodi autem dispositionem

* * atq;

P R A E F A T I O.

atq; moderationem rerum Saluator noster mandauit Apostolis, quorum consilio & legibus, institutam à se Ecclesiam, regendam atque tuendam commisit. Cum enim Dominus se ita Apostolos misisse affirmet, quemadmodum ipse à Patre missus fuisset, constet autem eum (ut alia ipsius œconomiae munera prætermittantur) à Patre missum, ut legislatoris, moderatoris, Episcopi munere fungeretur; necesse est Apostolos eorum munerum potestatem obtinuisse à Domino, qua ad gubernationem Ecclesiae, & ad reliquam instituti operis substructionem absoluendam uterentur. quibus etiam cum dixit, Qui uos audit, me audit, & qui uos spernit, me spernit; significauit Apostolicarum præceptionum auctoritatem perinde futuram, atque si ipsius mandatis obtemperantes, ad illas seruandas compelleremur. Hac igitur auctoritate præditi Apostoli, ut diuinum cultum constituerent, & Euangelicas leges stabilirent, post Domini ascensionem, fidelium cœtu in ordines distributo, singulis ordinibus officia, & propriam uiuendi normam dederunt; sacra, ceremonias, preces, ieiunia, ritus, solennia omnia instituerunt; fidem, hoc est credendi legem, pro ratione temporum explicauerunt. Hæc uerò omnia Apostoli in Ecclesiis, in quibus Euangelium nunciauerant, uoce ac uerbis tradiderunt. Quanquàm aliqua etiam epistolis præceperunt, quæ non ita multa sunt, *Cætera enim (inquit Apostolis) cum uenero disponam.* Et alio in loco, *Tenete traditiones, quas accepistis, siue per sermonem, siue per epistolam.* Has igitur traditiones, quæ nullis literarum monumentis ab Apostolis commendatæ sunt, sed sermone, & non scripta institutione ad Ecclesias peruenerunt, collegit in unum Clemens Pauli familiaris ac comes, atque iis octo libris digessit: ut uerè affirmare possimus, propositum esse Clementi, dispositum D E I cultum, ritus sacrorum, ceremonias, obseruationes, ordines, statum Ecclesiæ, & præcepta ad eum pertinentia, iis libris completi, atque is quidem est horum librorum scopus.

Venio

P R A E F A T I O.

VENIO ad utilitatem, quam puto esse tantam, ut credam hos libros diuinitus nobis oblatos hoc tempore, quo oppugnatur legum Ecclesiasticarum auctoritas, in dubium ueniunt Apostolicæ traditiones, labefactantur sacra, euertuntur solennia, omnis denique pietatis cultus extinguitur. Quæ cum fiunt, ipsa Euangelii summa, & fidei caput concidat necesse est. quod declarat Sanctissimus Pater Basilius in libro, quem de Spiritu sancto inscripsit, in quo de iis ipsis non scriptis traditionibus disputans, *Sic concemur (inquit) non scriptas consuetudines, quasi non magnam uim habentes reijcere, eò deueniemus, ut præcipuas Euangelij partes labefactemus, immo ad nudum nomen predicationem redigamus.* Quam sententiam iis calamitosis temporibus ueram esse experimur. nam dum contemptis ceremoniis, quæ ad excitandam, atque fouendam pietatem humanæ imbecillitati sunt necessariae, religio ad nudum Euangelium reuocata est, confusionem & fidei obliuionem inductam uidemus. Quæ d dicam de Episcopis, Presbyteris, Diaconis, & reliquis inferiorum graduum ordinibus, quorum hic mystica institutio explicatur, & eam ad Dominum, uel ad Apostolos pertinere intelligimus? quæ res Ecclesiasticam Hierarchiam contra hæreticorum errores constituit.

LICET quoque iis in libris cernere continentia leges, aliarum rerum, quas adiaphoras uocant necessitatem, iusta mortuorum, liberi arbitrii facultatem, operum ad salutem consequendam uim, in tuendis leuissimis officiis diligentiam, tantam quantam nunc in maximis mandatis seruandis nemo adhibet. Quod si nostrum officium expendere & considerare libuerit, facile iis libris intelligemus, quantum munus suslineamus, quis nobis id imposuerit, quid præstare debeamus, quo studio, qua diligentia, qua uigilantia, quantis animi, & corporis uiribus in eo sit laborandum, quanto uirtutum ornatu instructos nos ad id præstandum accedere oporteat. Quæ, & si nos deterrent à tanto onere, & desperatione debilitant, tamen non ni-

P R A E F A T I O.

hil proficimus cū officii nostri admoniti, antiquam pietatem imitari, uel certè studio & amore prosequi conamur. Atque ut omnia simul complectar, cū duobus malis laboret Ecclesia, hæresum immanitate, & corruptorum morum deprauatione, ad utrumque malum magnis libris adhibentur remedia. Nam nihil ferè oppugnant hæretici, quod horum librorum auctoritas non defendat; & quæ ii, ueluti Christianæ pietati contraria, per errorem & superstitionem in Ecclesiam irrepsisse affirmant, ea in ipsis Ecclesiæ incunabulis instituta, atque ab antiquissimis illis Ducibus approbata, & per tot sæculorum ætates continuata, ad nos peruenisse cognoscimus. Disciplinam uerò Ecclesiasticam quid magis constituere potest, quàm ueteris illius Ecclesiæ proposita nobis ad imitandum forma? quam cū intuemur, animum ad pietatem erigimus, & priscæ uirtutis studio incendimur; cū uerò illam cum iis, quæ nunc usuueniunt comparamus, intelligimus, quàm omnia conuersa, ac propè iam ad interitum perducta sint. Quare si perditis Ecclesiæ rebus subuenire, & has ruinas restituere cupimus, ea in primis quærere debemus, quæ antiquorum temporum disciplinam nobis proponunt, & expressam Apostolicæ religionis imaginem oculis nostris subiiciunt.

SED uideo non defuturos quamplurimos, qui ne sententiarum, quas defendunt impietas tam graui testimonio relutetur, eleuabunt horum librorum auctoritatem, affirmantes, eos esse apocryphos, & ab Ecclesia iam pridem eiectos. Quare necesse est de illo tertio capite pertractare, quo in Prolegomenis quæritur, An liber sit auctoris, cui inscribitur, legitimus atque germanus. Ad id autem de præsentī scriptore confirmandum, primi prodeant
 " Canones Apostolorum, perpetuo constantique omnium Græcorum, multorum Latinorum patrum consensu, atque approbatione recepti. in quorum ultimo, inter eos libros, qui in Ecclesiis ueluti sacrosancti habendi sunt, numerantur octo libri de Constitutionibus, auctore Clemente

P R A E F A T I O.

mente, scripti Episcopis; quos, inquit, non oportere per-
uulgari, propter mystica, quæ in iis sunt scripta.

SEQUITUR Ignatius, qui Ecclesiæ Antiochenæ secundus
post Petrum præfuit. nam is in duodecim Epistolis, quas
cum Romam ad supplicium duceretur, in itinere ad Eccle-
sias misit, Institutiones Clementis ita est imitatus, ut non
solum earum dogmata atq; præcepta expresserit, sed etiam
ex iis sæpe sententias totidem uerbis exscriptas transtule-
rit, easdem figuras, idem dicendi genus seruauerit, eas-
dem rationes in suis sententiis confirmandis, atq; in ali-
enis confutandis attulerit. Quæ singula separatim in suis lo-
cis annotabo. nunc tantum quædam proferam, quæ id a-
pertè ostendent. In epistola ad Trallianos, institutam Pa-
rasceuis, sabbati, atque diei dominici obseruationem iis-
dem uerbis, quibus Clemens, refert ad passionem, sepul-
turam & resurrectionem Domini. In Epistola ad Philip-
penses, præcipiens Quadragesimam, eandem præceptio-
nis causam, eademq; uerba adducit, quæ Clemens. quod
idem seruauit in hebdomade passionis, Parasceue, & quar-
ta feria. Sabbatissimum in principio nascentis Ecclesiæ
aliqua ex parte seruatum, eodem modo instituit. In Epi-
stola ad Magnesios docens nil præter sententiam Episcopi
agendum; *Non licet, inquit, sine Episcopo baptizare, neque of-
ferre, neque sacrum facere.* Et deinde nonnullis interiectis
uerbis, *Ve Dominus sine Patre nihil facit, (non possum enim
inquit, facere à me ipso quicquam) sic nec uos sine Episcopo, neq;
Presbyter, neque Diaconus, neque Laicus.* Et ad Heronem
scribens, *Nihil, inquit, sine Episcopis agito; sunt enim sacerdo-
tes, tu sacerdotum minister. Illi baptizant, sacrificant, ordi-
nant, manus imponunt.* Quæ omnia totidem uerbis tran-
slata sunt à Clemente. In Epistola ad Trallianos, iubet re-
uereri Episcopum ueluti Christum. atque ut ostenderet
fontes, ex quibus præceptum hauserat, dixit id faciendum
ex Apostolica constitutione: quam secutus in omnibus se-
rè Epistolis, Hierarchiam Ecclesiasticam designat ad imi-
tationem Clementis. In Epistola ad Mariam, & in Epi-
stola

stola ad Magnesios, Diaconos, inquit, obtinere locum CHRISTI, Episcopum DEI, Presbyteros referre ceterum Apostolorum; quo nihil frequentius in Clementis libris reperiatur. Multa praeterea, quae de DEI Patris auctoritate, Verbi origine, Spiritus sancti natura iisdem sententiis atque uerbis, quibus Clemens, accuratè disputauit: quem etiam imitatus est, cum CHRISTI dispensationem secundum carnem exposuit: & cum aduersus haereticorum errores Catholicam fidem defendit, in quibus omnibus latum unguem à Clemente non discessit.

Quod si quis hoc non satis esse uelit, neque omnino ex eo id effici putet, quod nos probandum suscepimus, propterea quod Ignatius, nec librorum, neque eorum auctoris mentionem ullam faciat, (quod ad constituendam auctoritatem testimonii necessarium uidetur) nos non dicimus Ignatium Clementis ueluti horum librorum auctoris mentionem facere: illud autem satis esse iudicamus, quod Ignatius hos libros cognouit, uidit, atque ita probauit, ut ex eorum sententiis & uerbis, suas Epistolas conflauerit, ac totam Ecclesiarum, quas docebat institutionem, ad eorum exemplum expresserit. Quare certum ex eo ducitur argumentum, nec nuper scriptos hos libros esse, neque in apocryphis omnino numerandos, quos prima illa Ecclesia habuit, & Apostolici uiri cognitos probatosque in sua scripta transtulerunt. Quod ut necessaria ratione colligimus, sic illud non leui coniectura assequimur, hos libros ab Ignatio Clementi tributos. Is enim ea, quae ex iis libris hausit, ab Apostolis disposita, atque instituta fuisse, non obscurè affirmat. Clementem autem Petri & Pauli auditorem appellat, ut faciliè quis intelligat, Ignatii testimonio Apostolicas constitutiones ei tribuendas, qui Apostolorum auditor fuisset. Non ignoro autem esse nonnullos, qui has ipsas, quarum auctoritate utimur, Ignatii Epistolas in eandem suspensionem adducant: quos rectè facturos existimo, si patientur nos Irenaei, Athanasii, Eusebii, Hieronymi auctoritatem ipsorum

rum iudicio anteponere. Ii enim has Epistolas agnoscunt, & eas ipsas esse, quarum ii mentionem faciunt, ex particulis Epistolarum, quas in suis scriptis inserunt, intelligimus. Quòd si ex ceremoniis, quas non probant, atque ab illius temporis consuetudine alienas existimant, eas su spectas facere uolunt, est id quidem omnino superbum & arrogans, ex sententiis, quas ipsi ueras opinantur, uelle de ueterum scriptorum auctoritate coniecturam facere, & ad suum iudicium, aliorum disciplinam accòmodare; cùm potius hæ sententiæ condemnandæ sint, quæ à certissimis probatissimisq; priscorum monumentis dissentiant, quam ea in dubium reuocanda, quæ cum opinionum; quas ii tuentur nouitate non cohæreant. Ac de Ignatio quidem hætenus.

ATHANASIUS, cuius testimonium grauissimum esse debet, horum librorum mentionem facit, & de iis præclare sensit, in ea Epistola ad Ammum Monachum, in qua libros Canonicos numerauit. Aggregat enim Apostolorum doctrinam (ita enim eos appellat) in ordinem eorum librorum, qui quidem in Canonem relati non sunt, sed tamen ab iis, qui pietatis & ueri cultus rationem percipere expetunt, non contemnendi: de quo librorum genere post Canonicos libros scribit iis uerbis, *Sed ut res sit accurata, & exactior, hoc quoque adijcio, scribens necessario, quòd extrà hos, sunt aliquoque libri. non in Canonem quidem reducti, sed quos legi à patribus decretum est, ut, qui nunc accedunt, & uolunt in pietatis, uerig, cultus ratione inuari. Sapientia Solomonis, Sapientia Sirach, & Esther, & Iudith, & Thobias, et Doctrina, quæ dicitur Apostolorum, & Pastor, qui sunt tamen non aspernandi.*

ATHANASII iudicium secutus Eusebius, neque in eis scripturis hos libros numerauit, quæ pro Canonicis ab omnibus Ecclesiis receptæ erant, neque in apocryphis, sed in eis, quas non omnes Ecclesiæ agnoscebant, in quo etiam ordine statuit quosdam libros, qui olim omnium Ecclesiarum consensu non ita probati, nunc ab omnibus
sine

P R A E F A T I O.

sine controuersia pro canonicis habentur. Sed præstat, ut Eusebii locum proferam. Is enim in primo libro Ecclesiasticæ Historiæ, connumeratis scripturis ab omnibus receptis, subiungit hæc uerba, *In eis, quæ sunt in controuersia, cognita tamen sunt à multis, numeratur Epistola Iacobi, quæ appellatur, & Iuda, & Petri secunda, & secunda ac tertia, quæ dicuntur scripta à Ioanne, siue is sit Euangelista, siue eiusdem nominis alius. Aggregetur quoque in nothas scriptura de Actis Pauli, & Pastor, & Apocalypsis Petri; præterea Epistola Barnabæ, & Institutiones Apostolorum, quæ appellantur, præterea, ut dixi, Apocalypsis Ioannis.* Vides cum quibus libris connumerentur ab Eusebio institutiones Apostolorum. Ex quo perspicuum fit, à ueteribus non esse dubitatum de ueritate doctrinæ, sed num essent ii libri in Canonem sacrarum scripturarum referendi. Quod certè nunquā obtinuerunt, neque nos eis tantam auctoritatem tribuere uolumus.

HANC uerò fuisse Eusebii sententiam, declarant eius uerba, quæ mox sequuntur. in quibus hæreticorum commenta, & compositas in fraudem fidelium fabulas, quæ nomine Apostolorum erant inscriptæ, ab hoc gemino librorum ordine segregauit. Reddens enim rationem, cur eorum librorum, qui non ita ab omnibus Ecclesiis reciperentur, mentionem fecerit, sic inquit, *Necessariò horum quoque catalogum fecimus, discernentes, quæ secundum Ecclesiasticam traditionem, uera, germana, & cetera scriptura haberentur; & præterea illas, quæ non sunt illa quidem in testamento, & in controuersiam ueniunt, sed tamen à multis Ecclesiasticis agnoscuntur; idq; ea de causa fecimus, ut & has scripturas cognosceremus, & eas, quæ nomine Apostolorum ab hæreticis circumferuntur, continentes Petri, Thomæ, Matthiæ, & quorundam aliorum Euangelia, uel Andree, Ioannis, & aliorum Apostolorum, Acta, quorum nullus omnino ex Ecclesiasticorum traditione uir mentionem faciendam censuit, multumq; in ijs dicendi Character, ab Apostolico more dissidet, ipsaq; sententia, & eorum, quæ dicuntur institutum, à uera, atque orthodoxa norma longissimè aberrans, manifestum facit, hæc hæreticorum commenta fuisse; quod,*
neque

P R A E F A T I O.

neque in nothis sunt numeranda, sed ut absurda atque impia re-
icienda. Habemus Eusebii censuram, id tantum iis libris
detrahentis, ut propter quorundam dubitationem, eos in
Canonicarum scripturarum numerum non aggregauerit.

HORVM duorum æqualis Cyrillus Hierosolymarum
Episcopus, in decima octaua Catechesi, ut probaret mor-
tuos reuiuiscere, ex quinto Clementis libro, iisdem penè
uerbis, usus est renascentis Phœnicis similitudine: eius uer-
ba hæc sunt, *Quarum Græci resurrectionem è mortuis mani-
festam magis; & aiunt, quòd & si reuiuiscunt animalia, quæ di-
ximus, tamen hoc fieri, quoniam non omnino interierunt; & que-
runt aliquod animal, quod manifestè corruptum reuiuiscat. No-
uit Deus eorum incredulitatem; atque auem ad hoc condidit
Phœnicem, quæ (ut scribit Clemens, & multi narrant) cum sit
soligena, post quingentorum annorum circuitum, ad Ægyptiorum
regionem aduolans, resurrectionem demonstrat, eamq, non in deser-
tis locis, ne mysterium esset occultum, sed in clara urbe, ut res in-
credibilis manibus tractaretur. Extructo enim sibi tumulo ex thu-
re, smyrna, atq, aromatibus, post absolutum annorum cursum eò
accedens, euidenter moritur, atque corrumpitur. postea ex illius
mortuæ corrupta carne, uermis quidam gignitur, qui in auem
formatur.*

QUANTO opere iis libris delectatus sit Epiphanius,
declarat eius scripta aduersus hæreses, in quibus frequen-
ter Apostolicæ Constitutionis mentionem facit. Nam in
primo libro attulit uerba translata ex procæmio, in quo
scriptum extat, Dei plantationem, & uineam esse Catho-
licam Ecclesiam. Et in tertio disputans aduersus Aërium,
solennem sextæ & quartæ seriæ obseruationem, & exquisi-
tum illud ieiunium, quod sex diebus ante Pascha seruaba-
tur, confirmat unâ cum reliquo ueteris Ecclesiæ ritu, ex ea
Apostolorum Constitutione, quæ in octauo libro scripta
reperitur. Et in eodem tertio libro eam de alenda barba,
& capillo præceptionem producit, quæ extat in primo li-
bro harum institutionum. Quæ uerò fuerit de iis libris
Epiphani sententia, quam ipse exposuit, cum contra Au-

*** dianos

P R A E F A T I O.

dianos disputaret, dicam cum reliquos numerauero, qui horum librorum mentionem faciunt, in quibus est Chrysostomus, qui in Homilia l i i i. in Matthæum, hos libros nominat iis uerbis, *Quomodo autem quidam sacerdotes ex hominibus ordinantur, manifestè in libro octauo Canonum Apostolorum dicitur. Qui autem ex hominibus ordinatus est, quantum ad Deum non est Diaconus, aut Sacerdos.* Hanc sententiam in eo ipso libro, quem Chrysostomus nominat, totidem uerbis scriptam inuenies.

Hos ipsos Apostolorum Canones, quorum Clementem auctorem facit, nominat Ioannes Damascenus in quarto de fide orthodoxa libro, cum recenset sacrorum librorum uolumina.

PROCLVS quoque Patriarcha Constantinopolitanus hos libros agnoscit, in quodam capite De Traditione diuini sacrificii, & Oecumenius in Commentariis in Epistolam primam ad Timotheum; & S. Nicolaus Methonensis Episcopus, in eo libello, in quo probat uerum Corpus & sanguinem Christi contineri in Eucharistia.

QUAMPLVRIMA alia eiusdem rei testimonia ex ueterrum monumentis, quæ non dum edita sunt, præsertimq; ex prima & octaua Synodo excerpta, collegit in unum Romanæ homo doctus, & illustrandæ Ecclesiasticæ antiquitatis laude excellens Guglielmus Sirlætus Protonotarius; cuius lucubrationes, ad stabiliendam horum librorum auctoritatem fortasse aliquando in lucem prodibunt. Nos tamen interea facilè iis contenti esse possumus. nam cui hæc satis non sunt, certè cum neque aliis auctorum testimoniis crediturum existimo.

RELIQVVM est nunc, ut de sexta Synodo aliquid dicam, cuius sententia ii libri damnari uidentur. Omitto ea, quæ uerè dicere possem, Canones illos, qui sextæ Synodo tribuuntur, potiùs, quàm Clementis libros esse damnandos, ut qui à sexta Synodo nullo modo prodierint, sed à conuentu quodam Græcorum Constantinopoli sint editi, in quo ii pleraq; à recta religionis norma aliena decreue-

P R A E F A T I O.

creuerunt. Confirmatum est enim in eo cœtu Concilium illud Afrorum à Cypriano coactum, in quo statutum est hæreticos ad Ecclesiam se recipientes iterum baptizandos. Alia quoque aduersus sanctissimas Ecclesiæ Romanæ leges sunt diffinita; quò factum est, ut Ecclesia hos Canones, quanquã plurimi multa utilia haberent, nunquã in Sanctionibus Canonicis numerauerit.

SED hoc totum aduersariis omitto: alia ratione agam, Habeant Canones aliquam auctoritatem, ut qui si non ab Ecclesia, at ab hominibus doctis, & rerum diuinarum scientia præditis sint compositi. quid ait Canon? *Ordinationibus Sanctorum Apostolorum per Clementem, iam olim ab ijs, qui in fide aliena sentiunt, adulterina quadam & à pietate aliena introducta sunt, quæ diuinorum dogmatum elegantem ac decoram speciem obscurarunt.*

SENTENTIAE horum patrum sanctissimi ac doctissimi Patris Epiphaniï iudicium oppono. is enim negat iis libris aliquid à fide alienum contineri. nam in tertio libro, cùm refutaret Audianos ad horum librorum auctoritatem confugientes, de iis ita scripsit. *Ad hoc Audiani proferunt Apostolorum ordinationem, quæ quidem apud multos renouatur in dubium, sed tamen non est improbanda. nihil enim habet peruersum in fide aequè confessione, sed neque in Ecclesiastica gubernatione & Canone.* Non potuit Epiphanius expressius horum librorum auctoritatem commendare. Duo sunt, quæ nostræ religionis summam continent. recta fidei sententia, & Ecclesiæ disciplina. in iis duobus (inquit Epiphanius) nihil habet absurdi Apostolorum ordinatio.

QVOD si quis contenderet in sequenti tempore hos libros fuisse deprauatos, cùm prius integri fuissent; primum accipio id, quod Canon apertè affirmat, libros esse Clementis, germanam & integram (ut paulò post Canon inquit) habuisse olim Apostolorum doctrinam. An uerò ii libri fuerint postea hæreticorum erroribus aspersi, puto hoc melius posse lectione ipsa librorum iudicari, quàm cuiusquam auctoritate uel sententia statui. Iam pridem

P R A E F A T I O.

explosæ sunt omnes ueterum hæreticorum sententiæ, omnia, de quibus aliquo tempore dubitatum est, ita nunc sunt certa atq; explorata, ut unusquisq; , qui modò in Ecclesia educatus, catholicam normam tenere studeat, possit uera à falsis, integra à corruptis secernere. Percurrat hos libros qui uelit, & singulas eorum sententias expendat; nihil profectò in iis inueniet, quod Christianæ pietati non sit maxime consentaneum, quodque non appareat ab Euangelii fontibus manasse. quin etiam multorum errorum labem iam tum ab hæreticis Ecclesiæ inuectam, in iis libris ita repulsam uidebit, ea ad cauendum remedia adhibita, atque ita totius Christiani mysterii rationem expositam, ut Clemens non ab hæreticis deprauatus, sed ipsè hæreticorum impietatem labefactasse uideatur.

ILLUD autem negandum non est, uideri aliquando Clementem de Spiritu sancto exiliter loqui, de Verbo quoque, & si ille præclare sentit, tamen duriores quasdam interdum uoces sündere, quæ certè defendi omnia possunt, & suam propriam habent rationem atque sententiam; de quibus cum ad illum locum peruenero, dicam quid sentiam.

SED tamen ut concedamus Paulianos, Arianos'ue, siue etiam Macedonianos, aliquas uoculas iis libris iniecis-
se, quibus opinionis suæ prauitatem possent defendere, erit'ne obsecro uerum, ut ideo integrum amittamus Clementem? aut num minima eius cicatrix reliquum corpus obscurabit, & quia næuum in corpore non probamus, egregiam atque omnibus numeris absolutam speciem contemnemus? Si quid habet Clemens ab hæreticis inculcatum, & resectum, id quanquam est exiguum, cum reliquis partibus comparatum, facile cognoscitur. nam ut in nitidissima ueste leuis macula, sic in hoc præclarissimo opere modica peruersio eminet atque apparet. Est autem illud considerandum, quòd si libri hi, ab hæreticis (ut Canon ait) deprauati fuissent, id tantum ex ea parte accidere potuisset, quæ illorum sententias attingeret, quæ uerò ad hæreticos

P R A E F A T I O .

reticos nihil pertinerent, integra mansissent. Quare, cum Ecclesiæ descriptionem ac disciplinam, (quam ferè omnem Clemens iis octo libris est complexus) in controuersiam eius ætatis hæretici non uocauerint, ut qui unam fidei sententiam perstrinxerint, non est cur suspicemur eam hæreticorum deprauatione minus sinceram relictam. Aerius autem, qui post primā Ecclesiæ ætatem, exæquare ordines, & plerasq; obseruationes, quarum hîc mentio fit, euertere est conatus, tantum abest, ut hos libros corrumpat, ut nullis ualidioribus armis aduersus eius insaniam pugnare possimus. Si quis dicat hæc de ceremoniis, & de diuino cultu præcepta, permista iis libris fuisse à superstitionis, qui Euangelii, & Christianæ pietatis leges ignorarent, primum Canon testatur ab hæreticis deprauatos libros fuisse, qui ut suas sententias fidelibus probarent, eas horum librorum testimonio commendari uoluerunt. Deinde si externi cultus, & ceremoniarum uestigia in omni antiquitate nusquam apparerent, possent, quæ à Clemente præciuntur, in eam uenire suspicionem, ut ad Apostolicam institutionem minimè referenda uiderentur. Sed cum nullus ferè ex antiquis illis patribus reperiatur, qui hos ipsos uiuendi ritus à Clemente expositos, non uehementer approbet, eosq; ad Apostolorum auctoritatem, atque ad illius temporis consuetudinem pertinere non iudicet, pleraq; etiam ab illo tradita (quod est omnium maximum) constanti perpetuaq; omnium gentium, omniumq; sæculorum consensione sint in Ecclesiis obseruata, dubitandum non est, ea à Clemente ita fuisse exposita, atq; tradita, quemadmodum ipse ab Apostolis accepisset. Quod si illud dicant Clementis uituperatores, satis esse ad eleuandam eius testimonii fidem, si minima ex parte ii libri sint deprauati, uel in aliquo suspecti; leuia enim errata fidei, & parua iis in rebus dubitationes, non solum illam rem in qua est offensum, euertunt, sed etiam uniuersam sententiæ summam perturbant. quod quidem dici posset, si ex Clementis libris noua pietatis dogmata constituenda essent. Quòd
si an

P R A E F A T I O.

si antiqua & probata solum confirmare, uel Apostolicam pietatis formam intueri sit in animo, nullus, credo, in Ecclesia liber tam receptus, tamque omnium iudicio probatus reperietur, qui uberiores nobis harum rerum facultatem præbere possit. quem, ut scriptoris auctoritas non probet, saltem ita commendat uetustas, ut à nemine magis priscæ Ecclesiæ testimonium petendum censeam. Nemo enim iis libris unquam adimet, quin detracto illis Apostolicæ auctoritatis nomine, sint tamen certi fidelesque illorum temporum testes: à quibus, ueluti ab inspectoribus earum rerum, quas narrant, primæui illius temporis ritus, mores, instituta, religionis originem, Ecclesiæ incunabula possimus cognoscere. Quæ certè amplam materiam nobis præbent, non solum Ecclesiæ constituendæ, sed etiam nouæ huius impietatis refutandæ.

ARGUMENTANTVR quoque detractores ex his ipsis libris, quod in iis quædam reperiri affirmant, peruersa, atque inter se pugnantia: alia uerò puerilia atque indigna omnino tanti auctoris nomine. Ad quæ respondebo, cum de methodo agam, ostendamque; (ut spero) ex uia & ratione, quam auctor tenuit, nihil esse iis in libris non graue, non constans, nihilque quod uiro Apostolico meritò non sit tribuendum.

VENIO ad inscriptionis causam: nam ea quoque in Prolegomenis quæri solet. Inscriptio semper ferè, libri scopum indicat. id sit, cum ab eo, de quo tractandum est, appellatio ducitur. quod in horum librorum inscriptione est seruatum. dicuntur enim διατάξεις ἀποστόλων hoc est præscripta, & institutiones Apostolorum. &, ut uox ad communem loquendi usum accommodetur, constitutiones, siue ordinationes possunt dici. Estque huius uocis ea uis, ut disciplina lexque; ab aliquo præscripta significetur; quod totius operis instituto aptissimè conuenit.

REPERIO autem hos libros uariè à patribus appellatos; nam, ut uidimus, Athanasius doctrinam Apostolorum nominat, Chrysostomus & Ioannes Damascenus Canonones;

nones; Oecumenius Diatyposim, hoc est informationem & institutionem. quæ tamen uoces, in inscriptione idem ualent, atque in uarietate nominum, eadem est rei uis, & significatio. communius, uerò & frequentius est, ut Diataxes inscribantur; quam uocem sæpe, cum de iis ageret, usurpauit Ignatius, ususq; est ea Paulus, huiusmodi Ecclesiasticæ æconomix leges præscribens.

NON est omittendus numerus eorum librorum Clementis, qui quidem in cognitionem nostram peruenire potuerunt. Epiphanius, qui huius scriptoris libris præcipuè est delectatus, eorum librorum, qui de Recognitionibus inscribuntur, mentionem facit, ex quibus, disputans contra Gnosticos, nonnulla est mutuatus. ii libri quòd continent Petri plerasq; Prouincias, docendi causa obeuntis peregrinationes, Itinerarii nomen obtinuerunt: quos erroribus refertos esse, auctor est idem Epiphanius, & in Apologia Origenis Ruffinus, qui eos in Latinum conuertit. cis autem nõ modò permisti errores adimunt auctoritatem, sed etiam ille casus parentum & fratrum Clementis, qui cuiusdam fabulæ potius argumentum, quàm ullam ueritatis similitudinem uidetur continere; in quo tamen illud ex Apostolicis constitutionibus compertum habemus, Nicetam, & Aquilam Clementis fratres fuisse. Scripsit quoq; decem libros, quorum argumenta exposita sunt in calce libri tertij de Recognitionibus. Agnouit antiquitas eius epistolas, in quibus una ad Corinthios penè sacræ scripturæ auctoritatem obtinuit. Canon tamen ille Apostolorum duabus dat auctoritatem, quæ uicio temporum interierunt. relictæ uerò nobis sunt aliæ epistolæ Clementis nomine inscriptæ, ex quibus Romani Pontifices, & Triburienſe Concilium, atq; Vansenſe, aliqua transtulerunt. Quas tamen certum est, non esse eas, quarum meminit Epiphanius in primo contra hæreses libro; in quo scribit laudari in iis epistolis uirginitatem, atque omnes Prophetas, ex eoq; sumi argumentum contra Hebionem illos uituperantem. Quæ quidem in iis peruulgatis epistolis nõ legimus,
leguntur

P R A E F A T I O.

leguntur autem in eis multa translata ex Itinerario, quæ illarum auctoritatem reddunt leuiorem: in quibus unum de quotidiana lotionem corporum, quasi ea ad mentis mundiciem pertineat, est omnino non ferendum. Hebionitæ enim cum quotidianos baptismos haberent, corruptis Clementis libris, Petrum fecerunt illorum baptismorum auctorem. Tributi sunt etiam Clementi Dialogi quidam inter Petrum & Appionem habiti, quos Eusebius respuit. Libros autem Clementis à Hieronymo conuersos (ut ipse testatur in fine interpretationis commentariorum Origenis in Epistolam ad Romanos) iudico has ipsas esse Apostolorum constitutiones. quid enim ille in uertendis Apocryphis tantopere insudaret, præsertim si sciret palmam sibi à Rufino præreptam? Doctrina uerò Apostolorum, qua Latinæ Ecclesiæ hætenus caruissent, digna profectò erat, in cuius interpretatione tantus uir laboraret.

Q V A N T U M attinet ad librorum diuisionem, huius operis argumentum digestum est octo libris. In quorum primo traduntur officia pertinentia ad communem uitam. nam primùm exponuntur aliqua præcepta moralia ueteris legis, quibus adiunguntur alia perfectiora ex Euangelio, quod dicitur Caput & exemplum legis. Deinde proponuntur præcepta, quibus prohibetur cultus & ornatus corporis, admonenturq; fideles ne otiosi discurrant, sed domi suis rebus dent operam, præscribiturq; eis, quid domi agere debeant; interdicitur ipsis lectio librorum Ethnicorum, danturq; legendi libri ex ueteri testamento; admonentur iidem, quid in iis libris obseruare debeant; Traditur præceptum ex Solomone de cauenda illecebra mulierum; instituuntur uxores, quæniadmodum uiris obtemperare debeant, & erga ipsos fungi officio: quarum probitas etiam Solomonis testimonio commendatur. Denique in balneis ab earum societate repelluntur uiri, & quædam alia officia eis seruanda præscribuntur. In secundo libro exponuntur mores & officia Episcopi, in quibus copiosè agitur de illo graui ac præcipuo eius munere, quod uersatur

tur in recipiendis conciliandisque pœnitentibus; de quorum statu multa præclare scribuntur. Præterea tractatur diligenter de Decimis Episcopo debitis, deque earum dispensatione. Item de honore habendo, & de obedientia præstanda Episcopis; simulq; de Presbyteris ac Diaconis; quam scilicet ii personam, siue figuram referant. Præterea de iudiciis Episcoporum iuste exercendis. quibus expositis, describitur forma, qua Ecclesiastici conuentus ab Episcopo celebrari debeant, ac quemadmodum peregrini recipiendi sint, & laici ad conuentus inuitandi, quos bis in die Ecclesiam adire oporteat, ac templa dæmonum & ludos omnino uitare. de quibus multa utilia præciuntur.

TERTIVS liber de uiduis ac de illarum statu pertractat. in quibus quædam iniecta sunt de oblationibus, à quibus nam hæ sint recipiendæ. in eodem libro interdicitur mulieribus docendi munus, rerumq; sacrarum administratio; quod etiam ad omnes Laicos pertinere ostenditur. Assignantur Episcopis & Presbyteris certæ quædam ac propriæ functiones, deinde redit oratio ad officium uiduarum, in quo mentio fit officii Diaconissarum in baptismo mulieribus administrando. Cuius rei occasione exponitur diuina initiatio baptismi, & præscribuntur mores illorum, qui sunt initiandi. Deniq; agitur de officio Diaconi, & de ordinatione Episcopi, atque de officio Presbyteri, quæ occasione quadam, atq; obiter uidentur allata.

QUARTVS liber tractat de pupillorum cura suscipienda, de collectis conferendis accipiendisque, de officio parentum & liberorum, dominorum & seruorum, de subiectione & obedientia magistratibus exhibenda. denique de uirginibus.

QVINTVS de Martyribus omni cultu atq; officio prosequendis, de persecutionibus & ærumnis pro Christi nomine perferendis, simulque de moderatione adhibenda in morte pro fide obeunda; item de resurrectione, cui adiunctæ sunt quædam morales admonitiones, de Idolorum cultu fugiendo, de dierum festorum celebritate seruanda: cui

**** ser-

P R A E F A T I O.

sermoni accedit digressio de Passione Domini, & institutio certorum dierum, in quibus ieiunium seruandum sit.

S E X T V S liber hæreticorum errores complectitur, quibus ex aduerso opponit Catholicam Apostolicæ fidei doctrinam, commendat legem à Mose scriptam, explanat legem naturalem, differt de humanis traditionibus, & de inductis obseruationibus, quas Euangelium uel sustulit, uel mutauit.

S E P T I M V S tradit præcepta de uita & moribus ex lege Moïsi, quæ coniungit cum iis, quæ longè excellentius, atque perfectius lex Euangelica præcepit. Iis absolutis tractat de baptismo eiusq; ceremoniis, nec non de iis, qui baptismi sacris sunt initiandi: repetit quædam de ieiuniis, & festis diebus, quibus additæ sunt præclaræ quædam, & diuinæ formulæ rogâdi Deum cum præconio laudum, & gratiarum actione. instituit Catechumenos, exponens consecrationem aquæ, olei, & mystici chrismatis; connumerat Episcopos ab Apostolis institutos; quibus postremo accedunt quædam præcès solennes certis dici temporibus conceptæ.

O C T A V V S liber prosequitur omnium serè rerum mysticarum argumentum. primùm disputat de Charismatibus, hoc est de iis muneribus, quæ Spiritus sanctus ad regendam & conseruandam Ecclesiam distribuit; in quibus Episcopatum numerat, cuius omnem mysticam institutionem præclarè exponit, cum quo sermone simul omnem ritum factorum, omnem rei diuinæ rationem, ceremonias, solennes preces, admirabili Eucharistiæ sacrificio adiunctas complectitur. Deinde ad reliquorum graduum institutionem descendit. cui sermoni cum inseruisset nonnullas alias mysticas benedictiones, & pauca quædam de oblationibus, descendit ad propria quædam præcepta certis personis atque officiis accommodata. qui in cætum fidelium sint admittendi, quiue repellendi; quandiu Catechumeni instituendi; quibus diebus ab operis cessandum sit; quando, ubi, quomodo supplicandum; iusta mortuis
quibus

P R A E F A T I O.

quibus diebus soluenda; quibus nonnulla alia minuta sunt permista, quæ cum uix in summam colligi possint, suis locis lectori patebunt. Denique pulcherrima Ecclesiasticæ Hierarchiæ descriptione totum opus clauditur.

EST autem intelligendum hanc per capita, partitionem, & synopsis, quæ singulis capitibus præposita est, non uam esse, singuli enim libri ab Auctore perpetua oratione sunt continuati. quam rem illud maximè ostendit, quòd sæpe sequentis capituli initium continuatur cum fine capituli superioris, ut ex utroque integra constet oratio. fit etiam in quadam synopsis, Hegesippi & Tertulliani mentio; quos Apostolicis temporibus inferiores fuisse neminem arbitrator ignorare. Vidi ego codicem in quo capita non eodem modo diuidebantur, & minùs interrupta erat oratio. Is uerò, qui hanc Capitum distributionem composuit, uidetur interdum in synopsis scribenda negligens fuisse, ut quæ non semper capiti ex omni parte respondeat, nec contineat plenum & integrum rei, qua de agitur argumentum.

SEQUITUR ordo librorum, qui nihil est aliud, nisi librorum inter se connexio & dispositio quædam, quæ cum ratione & uia tractatur, ita aptos efficit libros, ut sequens liber à priori pendeat. quod scriptor ita assequitur, si diuidenti arte aptè utatur; Gaudeant enim (inquit Plato) qui hac methodo uti sciunt. mihi uerò omnes hos libros, singulasque eorum partes diligenter consideranti, non uidetur accurata ulla partitio à Clemente in iis libris disponendis adhibita. Nam si prima octo librorum argumenta expendere uelinus, inueniemus ea nullo uinculo connexa esse, neque inter se ita coherere, ut mutuus ordo sponte existat, & ex natura rei distributio nascatur. Quin etiam in ipsis libris uidemus quædam crebrò inculcata, ut in eis collocandis diuisione ex arte uti nullo modo possimus. Necessè enim esset aliqua sæpe repetentes, partes ita diuidere, ut aliquando alia aliam contineret, quod est diuisionis uitium uel maximum. Tenuit igitur Clemens Christianam illam simplicitatem Apostolorum discipulo dignam,

* * * * 2 sicq;

P R A E F A T I O.

sicq; ordinem est secutus, ut à rebus confusionem tolleret, exquisitum illud artificium contemneret. non enim negari debet, aliquando ordinem in nonnullis locis notari posse, sed cum nec de industria quæsitum, neque summa arte elaboratum.

ERIT etiam utile, si scriptoris methodum cognouerimus. methodum autem uoco docendi uiam, & argumenti tractationem. quam ad subtilem illam Philosophorum rationem non reuoco. ut quærenda nobis sint demonstrationum genera, diffinitiones, componendi & resoluendi uix, à notioribus nobis, uel naturæ progressionibus. quibus modis & uis scientiæ & facultates utuntur. non hæc instrumenta Apostolicus Philosophus ad docendum adhibuit, ut quæ Christianæ institutioni, quam sibi tractandam proposuerat, non ita erant accommodata. Omnia igitur rerum probandarum argumenta Clemens ducit à scripturarum auctoritate. nam siue uitæ ac morum præcepta tradat, siue rerum Ecclesiasticarum formam doceat, siue Christi Oeconomiam, ac rerum diuinarum rationem demonstraret, singula ita efficit, ut ea, uel in sacris literis explicata ostendat, uel ex iis necessaria consequutione colligat. Atque ea laus præcipua ac summa Clementi tribuenda est, quòd nemo ex scriptoribus sacris, scripturarum locis sit usus tam propriis tamq; ad docendum accommodatis, quare ex multis utilitatibus, quas hi libri continent, hæc quoque magna habenda est, quòd ex iis plerasque ueras ac germanas scripturarum sententias intelligimus. Scripturas autem duobus modis tractauit Clemens, nam aut earum auctoritate est usus, proferens ex iis testimonia, quibus sua dicta confirmantur, aut eas in sua scripta ita transtulit, & in oratione inclusit, ut sententias ex suis & scripturæ uerbis contextas, perpetuo stylo continuauerit. quod cum sit, grauitas & sanctior quædam dignitas orationis existit. Eas uerò frequenter composuit ex uerbis Pauli, quem omni ex parte est imitatus, ut faciliè intelligatur disciplinam Clementis, præsertim eam, quæ pertinet ad mores & uitam in omni

P R A E F A T I O.

ni statu regendam, ex Pauli præceptis translatam, atque ad eius generis similitudinem expressam.

I L L U D quoque; uerè possumus dicere, Clementis libros ex coaceruatis, & in unum locum collectis sacrarum literarum partibus constare. Vñus est autem ueteris testamenti interpretatione septuaginta Interpretû, ut quæ illo tempore erat in usu, & ab omnibus sacrosancta habebatur. nã Euangelistæ quoque & Paulus hebraicè doctus, ea uti uoluerunt; nec erat illo tempore (credo) alia interpretatio, quæ omnibus esset peruulgata, cum Apostoli Aquilam, Theodotionem, & alios, qui uetus testamentum sunt interpretati, ætate longè antecesserint: quo fit, ut sententiæ plerunque ab hac communi & uulgata interpretatione dissideant, aliquæ etiam ex iis in nostro Canone non reperiuntur. Constat enim ex Epiphanio septuaginta Interpretes in uertendo, eam rationem secutos, ut ueluti explanantes scripturam, aliqua de suo adderēt, alia ueluti superflua relinquerent. non solum enim interpretum, sed etiam Prophetarum, (ut idem Epiphanius inquit) functi sunt munere.

Q U A T U O R docendi generibus scriptura frequenter utitur. unum est, quod dogmaticum uocant, aliud in imperando ac præcipiendo consistens *ὑποτακτικόν* Græcè dicitur. tertium quo aliquid definitur & quasi suis terminis describitur, proptereaquæ; *ἑπιστολὴν* appellatur. quartum est propheticum, quod pertinet ad prædictiones. Ex iis Clemēs dogmaticum & præcipiens frequenter usurpat, definiens non est ipsi adeò frequens. is enim docendi modus nō præcipit, neque decreto statuit, sed quid ad rem aliquam adipsendam uel fugiendam sit opus, designat & præscribit, cuiusmodi est illud, Qui non tollit crucem suam, & sequitur me, nō est me dignus. Et illud, Nisi mādūcaueritis carnem filii hominis, & biberitis eius sanguinem, non habebitis uitam in uobis. Quærendum etiam esset an Prophetico genere aliquando sit usus. fortasse enim nonnulla, quæ nondum uiuis omnibus Apostolis acciderant, potuerunt ab ipsis,

ipsis, ut mox futura, præscribi, & prædictione designati.
 QVO D attinet ad genus sermonum, cum Clemens disciplinam ex Apostolorum sermonibus exceptam, atque fidelibus traditam, in Ecclesiis uellet esse perpetuam, eam iis octo libris est complexus, in quibus suppressa sua persona, omnem sermonem tribuit Apostolis, putans, opinor, maiorem auctoritatem habituram orationem, si quæ ab Apostolis præcepta accepisset, ea Apostolos ipsos faceret exponentes. Dixi autem eum suum nomen suppressisse, propterea quod ex propria persona non est præfatus, quanquam se aliquando faciat ex cætu loquentium unum, socium Apostolorum, & in rebus agendis administrum. Ex quo intelligitur, huiusmodi scribendi genus esse quasi mistum ex dialogo, & ex eo genere in quo perpetuo orationis cursu res narrantur, quod *διεξοδικόν* uocant. Nam ex ea parte, qua personæ loquentes inducuntur, uidetur dialogi similitudinem habere; quatenus sermones non habentur inter ipsos loquentes, sed à principio in Apostolorum personam instituta oratio eandem formam conseruat, quasi ipsi Apostoli hos libros conscripserint, potest in fufum illud & perpetuum genus referri.

IN iis sermonibus duo sunt diligentissimè animaduertenda, unum est illud, aliqua facta uel instituta Apostolorum, non eo ordine à Clemente exposita esse, quo ab ipsis sunt gesta uel præcepta: nam pro argumento rei, quam tractabat, mentionem fecit Clemens earum actionum, quæ ad rem propositam pertinebant, in quibus euenit aliquando ut illa primo loco narrantes fecerit Apostolos, quæ tempore inferiora erant iis, quæ post commemorantur. Alterum est attendendum, quæ à Clemente in personam Apostolorum dicuntur, non ita intelligi præcepta ab Apostolis, ut omnes uno tempore atque unum in locum conuenientes, uniuersa, quæ iis octo libris continètur, præscripserint, sed esse quædam, quæ diuersis temporibus, separatim, ac non ab omnibus præcepta sint, in quæ Clemens cum incidebat, continuo illa rescerebat ad institutionis auctorem, cumq;

eumq; more suo, loquentem inducebat. Iis duabus rebus
 obseruatis, multa quæ videntur pugnantia, uel præposterè
 dicta, conciliantur, & ad distinctam rerum seriem redigun-
 tur. Ex hoc enim accidit, ut Clemens cum res postulat, lo-
 quentem faciat Iacobum fratrem Domini, quem tamen
 mortuum fatetur in quinto, & septimo lib. & in secundo li-
 bro Ioannes sui Euangelii, & Apostoli Actorum mentione
 faciant, quæ tamen, euident est, ultimo loco scripta fuisse.
 Ita anteuerit aliquando Clemens, & anticipat rerum Ec-
 clesiasticarum institutiones, easdem nonnunquam in po-
 stremum locum reiicit, præponens ea, quæ logo post tem-
 pore acciderunt. quod totum methodo, quam tenuit, tri-
 buendum censeo. Nam cum, excluso nomine Auctoris,
 res narrentur ab Apostolis, quemadmodum ipsi eas gessè-
 runt, atq; instituerunt, necesse est, ut cum mentio fit certæ
 rei, ad unum, uel plures Apostolos pertinentis, is, qui eius
 auctor extitit, loquatur, & sui facti se auctorem faciat. ita
 euenit, ut quæ tempore posteriora sunt, plerunq; primo lo-
 co commemorentur, uel quæ multo ante acciderunt, ab
 iis dicantur, quos mortuos iam conslet. proptereaq; non
 sunt quibusdam in locis (quo ad temporum seriem atti-
 net) sequentia cum superioribus continuanda. Id si consi-
 deretur, quæ perturbata & confusa putantur, apparebunt
 aptissimè disposita, Clemensq; uituperatorum reprehèn-
 sione, atq; calumnia facilè liberabitur. Dictionem autem
 eam est secutus Clemens, quæ rerum, quas tractabat san-
 ctitati conueniret. Simplici utitur oratione, casta, subtili,
 pressa, quam tamen concinnitate quadam ita eliminuit, ut
 non modò nihil habeat horridum, atq; ieiunum, sed etiam
 mediocri cultu expolita uideatur. Attico more plerunquè
 mutat numeros, etiam nonnunquam personas. sequitur
 ἀναλλήλων illud & ἀνατὰ τοῦ ὁρίον, quod fit, cum uel orationi
 sequens membrum non respondet, uel cum oratio suspen-
 sa suslinetur, nec habet aliquid quo nixa consistat. In uer-
 tendo autem satisfecisse me suscepto muneri existimarem,
 si adhibita ueritate sententiarum, aptisq; ad loquendum
 uerbis

P R A E F A T I O.

uerbis Clementeum scribendi genus esse imitatus. Sed sententias (ut spero) ita expressi, ut in iis fidelis interpretis diligentia non desideretur. quòd uerò attinet ad uerba, uoluisssem quidem semper iis uti idoneis, atq; huiusmodi, quæ à Latini sermonis consuetudine non abhorrent; sed cum Ecclesiastica tractarem, nephas esse duxi, ab eis uocibus discedere, quæ iampridem ab Ecclesia receptæ, suam quandam habent religionem: cum præsertim eas loquentium consuetudine tritas, usus iam emolliuerit. Plerumq; etiam cum mystica occurrebant, quæ penè in singulis uerbis totidem contiuent sententias, uerbum pro uerbo necessariò reddens, non potui omnem orationem ad ueterem illam purè loquendi normam dirigere. Ac cum frequenter in eas sententias inciderem, de quibus summæ sunt nobiscum cum Ecclesiæ aduersariis concertationes, malui in iis uertendis uerba sequi Græcum quiddam olentia & peregrinum, quàm existimari, paululum à uerbis deflectens, sententiarum integritatem deprauasse. De similitudine uerò scriptorum, scio eam præcipuam haberi laudem interpretis, si is eius, quem transferendum suscepit uirtutes imitatione assequi studeat. In quod quidem studium me aliquid operæ, ac laboris contulisse non nego, sed non eo animo, ut sperarem interpretationem meam Clementis laudes assecuturam. non enim adeo insaniebam, sed ut (quod à diligenti interprete præstari erat æquum) aliqua ex parte latino stylo eius formæ similitudinè adumbrarem. In quo, & si intuens meam tenuitatem, atque in huius generis facultate inopiam, quicquam laude dignum efficere me non potuisse intelligo, sit tamen illud in optatis, ut cum illam politissimam elegantiam genere dicendi meo attingere non potuerim, hoc saltem, *δύταρον πλῶν* (quod aiunt) sim assecutus, ut opera mea Clemens quasi ciuitate Romana donatus, nostris hominibus, Græca non plenè intelligentibus, perspicuè atq; enucleatè loquatur.

C O N S T I T U T I O N U M

CONSTITVTIONVM

SANCTORVM APOSTOLORVM

B. CLEMENTE ROMANO

A V C T O R E,

L I B E R P R I M V S.

IO. CAROLO BOVIO

EPISCOPO OSTVNENSI,

I N T E R P R E T E.

Catholica doctrina de laicis. C A P . I.



APOSTOLI, & Presbyteri omnibus, qui ex Gentibus crediderunt in Dominum Iesum Christum; gratia vobis, & pax ab Omnipotente Deo per Dominum nostrum Iesum Christum abundet in cognitione ipsius. Dei plantatio est catholica Ecclesia, & uinea eius electa: illi, qui crediderunt in infallibilem pietatem ipsius; qui fruuntur æterno regno eius per fidem; qui acceperunt uirtutem ipsius, & armati sunt communicatione Sancti Spiritus per Christum, & timorem eius induerunt, participes preciosi, & immaculati sanguinis Christi; qui fiduciam acceperunt, ut Omnipotentem Deum inuocarent, cohæredes & consortes facti dilecti filii eius. Audite doctrinam sacram, qui amplectimini promissionem eius, ex
B mandato

mandato Saluatoris, æquiparandam gloriosis uocibus ipsius. Attendite filii Dei omnes, ut in obedientia Dei uitam agatis, estoteque in omnibus placentes Christo Deo nostro: nam si quis iniquitatem secutus, faciat, quæ uoluntati Dei aduersantur, is ueluti gens iniqua à Deo æstimabitur.

C A P. I I.

Exo. 20. **A**BSTINETE animum uestrum ab omni cupiditate, & iniquitate. nam in lege scriptum est, Non
 » concupisces uxorem proximi tui, non agrum eius, non
 » seruum, non ancillam, non bouem, non iumentum
 » eius, neque aliquid, quod proximi sit: quoniam om-
 » nis harum rerum cupiditas à malo prouenit. Nam qui
 uxorem concupiscit, uel seruum, uel ancillam proximi, iam mente adulter, ac fur censetur (nisi eum poeniteat) ac iudicatus est à Domino nostro Iesu Christo, per quem gloria Deo in sæcula, Amen. Inquit enim in Euangelio (in summam redigens, & stabiliens, ac perficiens legis Decalogum) In lege scriptum est, Non mœchaberis. ego autem dico uobis, hoc est in lege, quæ per Mosem scripta est, ego locutus sum: nunc
Matt. 5. uerò, idem ille uobis dico, Omnis, qui aspexerit uxorem proximi ad expetendam eam, iam corde suo mœchatus est. ita mœchus iudicatur, qui animi cupiditate ardet. Qui uerò bouem, uel asinum concupiscit, non ne in eam cogitationem uenit, ut furetur? ut suum faciat? ut abducatur? Rursus qui agrum cupit persequerans in huiusmodi affectione, non ne improbe facit? ut cum fines proferre uelit, cogat possessorem, uilissimi uendere. Ait enim quodam in loco Propheta,
 Væ

„ Væ coniungentibus domum domui, & agrum agro *Isa. 65.*
 „ continuantibus, ut proximo auferant aliquid: propte-
 „ rea dicit, Numquid habitabitis soli super terram? au-
 „ dita sunt enim in aures domini Sabaoth hæc. Et alio *Deu. 27.*
 „ in loco, Maledictus, qui transfert terminos proximi
 „ sui; & dicet omnis populus fiat. Ideo inquit Moyses, *Deut. 19.*
 „ Non commouebis fines proximi tui, quos posuerunt
 „ patres tui. Ea de causa igitur formidines, mortes, iu-
 „ dicia, damnationes à Deo talibus hominibus immi-
 „ nent. Iis uerò, qui Deo sunt obedientes, una est Dei
 „ lex imposita, quæ simplex, uera, uiua existit, Quod
 „ in te ab altero fieri non uis, id tu in alterum ne feceris.
 „ Non uis ut aliquis in uxorem tuam turpiter coniiciat
 „ oculos, animo eam uitandi? nec tu in uxorem proxi-
 „ mi tui improbè oculum defigas. Non uis uestimētum
 „ tuum tolli? neque tu alterius uestimentum tollas. Non
 „ uis percuti, contumeliam ferre, petulantiam perpeti?
 „ neque tu in alium hæc ipsa committas.

*De non referenda contumelia, & de non ulciscendo eum,
 qui iniuriam intulit. CAP. III.*

„ **A**T maledicit aliquis tibi, tu benedic ei; quoniam
 „ scriptum inuenitur in libris Numerorum, Qui be- *Cap. 24.*
 „ nedicit tibi, benedictus est, & qui maledicit tibi, ma-
 „ ledictus est. Eodem modo in Euangelio scriptum est,
 „ Benedicite maledicentibus uobis. Cum iniuriam pa-
 „ timini, nolite iniuriam referre, sed æquo animo pati.
 „ quoniam inquit Scriptura, Noli dicere, ulciscar inimi-
 „ cum meum de iis, quæ in me iniuste fecit; sed expecta
 „ ut pro te uindictet Dominus, & ultionem inferat iniu-
 „ riam inferenti tibi. Etenim rursus in Euangelio ait,
 „

B 2 Diligite

CONSTIT. S. APOSTOLORVM

Matt. 5 Diligite inimicos uestros, & benefacite iis, qui ode-
 runt uos, & orate pro calumniantibus, & persequen-
 tibus uos, & eritis filii patris uestri, qui in cœlis est,
 quoniam solem suum oriri facit super malos, & bo-
 nos, & pluit super iustos, & iniustos. Attendamus igitur
 dilecti iis mandatis, ut eis obsequentes, filii lucis
Eph. 4. inueniamur. Ferte igitur serui, & filii Dei uos inuicē.
 Vir aduersus eius uxorem ne sit superbus, neque elatus,
 sed facilis, ac benignus, cupiens tantum propriæ
 uxori placere, atque ei indulgere, cum honorē illi studens
 gratificari.

De cultu, & ornatu; atque de peccato ex eo proveniente. CAP. IIII.

NEQUE ornatui studebis, quo aliqua alia mulier in
 te capiatur. Nam, siue ab ea uictus peccabis,
 mors à Deo æterna tibi parata est, & sensu doloris acerbè
 cruciaberis: siue flagitium non facies, sed illa re
 pulsa non consenties. at hoc ipso peccasti, etiam si non
 feceris, quoniam solùm propter ornatum tuum illaqueasti
 mulierem, ut tui cupiditate flagraret. Fecisti enim ut quæ
 hoc passa est, per concupiscentiam in te mœcharetur.
 sed non ita es in culpa, quoniam non morem gessisti ei,
 quæ tui amore irretita fuerat. Non enim tu illam concupi-
 uisti. Et quoniam illi non es obsecutus, misericordiam inuenies
 à Deo, qui dixit, Non mœchaberis, & non concupisces.
 Nam si illa, cùm te uidit, uel intempestiuè obuiam tibi facta
 est, mente plagam accepit, & ad te misit, tuque ut pius
 reiecisti eam, illa uerò corde sauciata est, tu tamen
 quia iuuenis formosus es, & ornatus incedis, utideo
 illa

illa tui amore capta sit, reus iudicariſi peccati illius,
 tanquam is qui cauſam ſcandalo illius dediſti, & in uæ
 incidiſti. Quare roga Dominum Deum, ut nihil mali
 „ tibi propterea, contingat. non enim te hominibus pla *Gal. 8.*
 „ cere oportet in peccatum; ſed Deo in ſanctitatem, &
 „ uitam; ac quietem æternam amplecti. Pulchritudi-
 nem tibi à natura, Deo auctore collatam, noli adiecto
 cultu, exornare, ſed humiliter eam aduerſus homines
 ita cohibe: capillum comæ non nutriendis, ſed potius
 illum detondens, & adimens, ne tu pruritu uexatus,
 & caput lacerationis expers conſeruans, uel unguen-
 tis perfundens, inducas tibi mulieres, quæ hoc modo
 illaqueant, uel illaqueantur. Neque uerò uestitu
 uti uelis comparato ad decipiendum: neque femora-
 lia uel crepidas pedibus tuis improba arte conſuas, ſed
 tantum iis utere, quæ ad grauitatem, & uſus neceſſa-
 rios pertinent. Neque auream palam in digitos tuos
 induas, quoniam hæc omnia ſcortationis ſunt argu-
 menta, quibus qui præter id, quod decet, ſtudet, iniu-
 ſtè facit. Fidelis enim cum ſis, & homo Dei, non li-
 cet tibi nutrire capillum, & in unum complicare,
 quod eſt delicatum, & molle, uel diſcerniculo diſcri-
 minare, neque uerò intortum calamistris criſpare, uel
 ſlauum facere: quoniam quidem lex uetat in Deuterq
 „ nomio, inquit, Non facietis uobis rotunditatem ex *Leu. 19.*
 „ coma capitis ueſtri, neque incisiones. Neque uerò licet
 „ barbæ pilos corrumpere: neque hominis figuram præ
 „ ter naturam mutare. Non incidetis (inquit lex) ſuper *Leu. 21.*
 „ ficiem barbæ ueſtræ. Hoc enim mulieribus decens crea-
 tor Deus ſtatuit, uiris indecorum eſſe iudicauit. Tu
 uerò hæc faciens, & ut tibi placeas legem uiolans, in
 odio eris apud Deum, qui creauit te ſecundum imagi-
 nem

nem suam. Si igitur cupis Deo placere, contine te ab omnibus, quæ odit ipse, & nihil facias, quod animo eius displiceat.

Quòd non oportet esse curiosum de ijs, qui malè uiuunt, sed proprio operi inuigilare. CAP. V.

Psal. I.

NOLI quasi peruolare, discurrere, & uagari per plateas intempestiuus speculator eorum, qui perditè uiuunt: sed arti tuæ, & operi tuo incumbens, quære ut facias, quæ sunt Deo accepta, & Christi sermones in memoriam reuocans, assiduè meditare. Inquit enim Scriptura, In lege eius meditaberis die, ac nocte. scilicet, cum in agro ambulas, cum domi sedes, cum in lectulo cubas, cum manè surgis: ut in omnibus intelligas. Quòd si diuitiis abundas, & ut te sustentēs arte, opus non habes, noli circumcursare, & intempestiuè obambulare.

Quos scripturæ libros legere oporteat. CAP. VI.

SED siue ad fideles, & eiusdem sententiæ homines accedis conferens cum iis, uitalia uerba loquere: si minus accedis, intus sedens percurrere legem, Reges, Prophetas, psalle hymnos Dauid, lege diligenter Euangelium, quod est horum complementum.

Quòd oportet abstinere ab omnibus exteris libris. CAP. VII.

ABSTINE te ab omnibus Gentilium libris. Quid enim tibi cum externis libris, uel legibus, uel falsis Prophetis? quæ quidem leues à fide abducunt. Nam quid tibi deest in lege Dei, ut ad illas gentium fabulas

bulas confugas? Nam si Histórica percurrere cupis, habes Reges, si Sophistica, & Poetica, habes Prophetas, & Iob, & Prouerbiorum auctorem, in quibus omnis Poeticæ, ac Sapientiæ accuratam rationem inuenies; quoniam Domini Dei, qui solus est sapiens, uoces sunt. Quod si cantilenas cupis, habes Psalmos: si rerum origines nosse desideras, habes Genesim: si leges, & præcepta, gloriosam Dei legem. Ab omnibus igitur externis, & diabolicis libris uehementer te contine: ueruntamen legem quoque perlegens, inducta illa, atque adiecta, quæ appellantur, reice. Quod si non omnia, at quædam, quæ sunt in traditionibus seniorum, Deuteroses quæ appellantur. Solùm autem historię causa illa lege, ut cognoscas, & glorifices Deum, qui te à talibus, ac tantis uinculis liberauit. Habeas autem præ oculis ad cognoscendum quid sit naturalis lex, quid sint traditiones, & illa inducta, atque adiuncta, quæ in deserto iis, qui uitulum conflauerunt, sunt imposita. Lex enim est, id quod locutus est Dominus, antequàm populus in Idololatriã incideret, & uitulum conflatilem faceret illum Aegyptiorum Apim: Hoc est Decalogus. Quæ uerò illis peccantibus uincula accesserūt, illa tibi ne attrahas: Saluator enim noster nullam aliam ob causam uenit, nisi ut saluaret reos reseruata iræ, & impleret legem, & Prophetas, & uincula adiecta humanarum traditionum, & inductorum, uel solueret, uel mutaret. Ideo inuitans nos dicebat, Venite ad me omnes, qui laboratis, & onerati estis, & ego reficiam uos. Tu ergo perlegens legem consentaneam Euangelio, & Prophetis, lege etiam Reges; ut intelligas quot Reges iustè uixerunt, eos à Deo auctos fuisse, & iis promissionem uitæ æternæ apud ipsum per-

Matt. II.

„ ex Aegypto, asperſi cubile meum croco, domum me-
 „ am cinnamomo; ueni, & fruamur amicitia, donec il-
 „ luceſcat dies; ueni, & implicemur amore. & reliqua,
 „ quibus ſubiungit, Decepit illum multus ſermo, & la-
 „ queis labiorum protraxit illum. Ipſe autem ſequitur
 „ eam delinitus. & rurfus dicit, Noli attendere mulieri *Pron. 5.*
 „ prauæ; mel enim ſtillat à labiis mulieris fornicariæ,
 „ quod breui tempore impinguat guttur tuum. Poſtea
 „ amarius felle inuenies, & acutius gladio ancipiti. Et
 „ rurfum, Fuge, & ne moreris, neq; ſigas oculum tuum
 „ in illam: multos enim uulnerans percuffit, & innume-
 „ rabiles ſunt, quos interfecit. Quod ſi non feceris, mu-
 „ taberis, inquit, in nouiſſimis tuis, quando conſumen-
 „ tur carnes corporis tui, & dices, Quomodo odio habui
 „ doctrinam; & redargutiones iuſtorum declinauit cor
 „ meum? non audiui uocem erudientis me, & docenti
 „ me non accommodaui aurem meam: propemodum
 „ factus ſum in omni malo. Ne pluribus testimonia pro-
 „ ducamus. Quòd ſi aliqua omiſimus, ſapientes ipſi
 „ uobis legentes bona, ex ſacris ſcripturis confirmemini,
 „ fugientes omnia praua, ut ſancti reperiamini in uita
 „ æterna apud Deum.

*De ſubiectione mulieris ſtudioſæ erga uirum ſuum, &
 temperatæ. CAP. IX.*

MULIER ſubdita eſto uiro tuo; quoniam caput
 mulieris uir eſt: uiri ambulantis in uia iuſtitia caput
 eſt Chriſtus; Chriſti caput eſt Deus, & Pater eius.
 Igitur poſt omnipotentem Deum noſtrum, & Patrem
 præſentis, & futuri ſæculi dominum, omnis ſpiritus,
 & omnis uirtutis creatorem, & poſt dilectum eius fi-
 lium

CONSTIT. S. APOSTOLORVM

lium Dominum nostrum IESVM Christum, per quem
 gloria Deo; time tuum uirum ò mulier, & reuerere,
 illi soli placere studens, illi obsequens in ministeriis
 tuis: ut in te beatificetur uir per Sapientiam dicentem
 » per Solomonem hæc uerba, Mulierem fortem quis in-
 » ueniet? æstimabilius est lapidibus preciosis. Quæ talis
 » est confidit in ea uir suus, talis spoliis non indigebit.
 » Operatur enim uiro bona omnibus diebus uitæ suæ,
 » ducens lanam, & linum; fecit utilia manibus suis. Fa-
 » cta est quasi nauis mercaturam faciens, de longè con-
 » gregans uictum suum. Et surgit de nocte, deditque ci-
 » baria domui, & opera ancillis. Considerans agrum
 » emit eum, & de fructibus manuum suarum plantauit
 » possessionem. Accingens lumbos suos sustulit brachia
 » sua, & gustauit quod bonum est operari, & non extin-
 » guitur lucerna eius in tota nocte. Cubitos suos exten-
 » dit ad utilia, manus suas firmat ad fustum. Manus suas
 » aperuit pauperi, & palmam extendit mendico. Non
 » curat de iis, quæ sunt domi uir eius: omnes. n. qui apud
 » eum sunt, uestiuntur stolis duplicibus. Chlamydes
 » fecit uiro suo: ex bysso, & purpura uestimenta. Con-
 » spicius in portis uir eius quando sedet in confessu cum
 » senioribus habitantibus. Sindones fecit, & uendidit
 » Phoenicibus, cingula Chananæis. Gloriam, & hono-
 » rem induit, & gauisus est in diebus nouissimis. Os eius
 » aperuit sapienter, & opportunè, & ordinem misit lin-
 » guæ suæ. Angustæ sunt semitæ domus suæ, & pa-
 » nem ociosum non comedit. Aperuit os suum sapien-
 » ter, & conuenienter. Lex misericordiæ in lingua eius.
 » Surrexerunt filii eius, & ditaram laudauerunt eam: &
 » uir laudauit eam. multæ filiæ possederunt diuitias.
 » multæ fecerunt uirtutem. Tu autem supergressa es, &
 » superasti

- » superasti omnes. Falsa gratia, & uana pulchritudo
 » mulieris ne sit tibi: mulier. n. pia benedicitur, & timens
 » Deum ipsa laudatur. Date ei de fructibus labiorum
 » eius, & laudatur in portis uiri eius. Et rursus, Mulier
 » fortis corona uiro eius. Et rursus, Multæ mulieres ædi-
 » ficauerūt domū. Didicistis qualia encomia mulier tem-
 » perata, & uiri studiosa capit à Domino Deo. Si fidelis,
 » & grata Deo cupis esse ò mulier: noli te ornare, ut pla-
 » ceas alienis uiris, & meretricum plicaturas, uestitus,
 » calceamenta imitari, ad alliciendum eos, qui huiusmo-
 » di rebus tenentur. Nam quanquàm tu non peccandi
 » studio hoc nefas commisisti, sed tantum cultus causa;
 » tamen non ideo effugies poenam, quia illo ornatu coe-
 » gisti aliquem, ut ad te concupiscendum induceretur.
 » neque adhibuisti cautionem, ut neque tu in pecca-
 » tum incideres, neque alii in scandalum. Quòd si tu
 » quoque peccabis, laxata libidine, & tu deliquisti, & il-
 » lius animæ rea facta es. deinde cum in uno peccaueris,
 » ueluti in desperationem adducta, in alio rursus delin-
 » ques, ut quæ omnem sensum doloris amiseris, quem-
 » admodum affirmat diuinus sermo, Impius cum in *Pro. 18.*
 » profundum malorum uenerit, contemnit: aduenit ei
 » tristitia, & opprobrium. Talis. n. mulier deinde, ultra
 » modum saucia, illaqueat animas insipientium. Videam-
 » us igitur quomodo triumphum agat de talibus di-
 » uinus sermo, Odi supra mortem mulierem, quæ est *Ecd. 7.*
 » laqueus, & plaga animæ. Ligatæ sunt manus eius. Et ali- *Pro. 11.*
 » bi, Quasi in auris aurea in naribus suis, sic mulieri in- *Pro. 25.*
 » sipienti pulchritudo. Et rursus, Sicut in ligno uer- *Pro. 21.*
 » mis, sic perdit uiros mulier malefica. Et rursus, Me-
 » lius est habitare in angulo aperto, quàm cum muliere
 » procaci, & contentiosa. Nolite igitur imitari nos ta-

les mulieres cum sis Christianæ. Si uerò fidem seruare uelis uiro tuo, stude ut illi tantum placeas. In plateis uerò caput tuum uela. Nam si te texeris, ab aspectu tui arcebis curiosos. Noli depingere os tuum, quod fecit
 „ Deus. nihil est. n. in te, quod ornatum desideret. quoniam
 „ omnia, quæ fecit Deus, erant ualde pulchra: accessio autem ornamenti in pulchro est importuna, & artificis laudem dedecorat. Demissis oculis uiam tuam ingredi, obuoluto capite, quemadmodum decet mulieres.

Non debere mulierem lauare unà cum uiro. CAP. IX.

DEVITA confusam unà cum uiris in balneo lotionem. multa enim sunt retia mali. Mulier fidelis cum uiris ne lauet: nam si contegit faciem, ut ab alienorum uirorum aspectu os suum uerecundè occultet; quomodo nuda cum uiris talis mulier in balneum intrabit? Muliebres si sit balneum, cum pudore ordinatè; & modestè lauet, neque superfluam lotionem faciat, neque multam, neque frequentem, neque in meridie; sed si fieri potest, neque de die. Hora sit tibi constituta balneo decima. Oportet .n. te, fidelis cum sis, omni occasione, & undique superuacaneam oculorum sedulitatem declinare.

Hæc duo aduerbia ordinatè & modestè, usurpauit. S. Ignat. ad Heronè.

De contentiosa, & procaci muliere. CAP. XI.

CONTENTIONEM uerò tuam aduersus omnes, maximè uerò aduersus uirum præcide, fidelis cum sis, ne uir tuus si infidelis fuerit, uel gentilis, propter te offensus, Deum blasphemet, & tu illius uæ hæreditatem

S. Ignat. ad Trall.

„ tatem apud Deum adepta reperiaris. Væ enim, inquit, *Isa. 52.*
„ ei, propter quem nomen meum blasphematur inter
gētes. Quod si fidelis uir tuus fuerit, cogetur tanquàm
scripturarum peritus dicere uerbum, quod in Sapien-
„ tia inuenitur scriptum, Melius est habitare in deserto, *Pro. 21.*
„ quàm cum muliere procaci, & contentiosa. Quare
mulieres per pudorem, & mansuetudinem, religionem
ostendite in conuersionem, & exhortationem fidei
externis omnibus, siue mulieribus, siue uiris. Et
si his paucis admonitas instituimus uos so-
rores, & filia, & membra nostra, ipsæ quoq;
tanquàm sapiētes absq; ullo uitæ pro-
bro permanete. Quærite ut disci-
plinam cognoscatis, per quam
poteritis ad Domini nostri
regnum bona ipsius uo-
luntate peruenire,
& requie-
scere.

CONSTITUTIONVM
SANCTORVM APOSTOLORVM

B. CLEMENTE ROMANO

A V C T O R E.

LIBER SECVNDVS.

De Episcopis, Presbyteris, & Diaconis. CAP. I.



DE EPISCOPIS audiuiamus à Domi
no nostro, Pastorem, qui constituitur
Episcopus per Ecclesias in omni pa
rœcia oportere esse sine crimine, in
quem non cadat reprehensio, exper
tem omnis iniquitatis hominum, non
minorem annis quinquaginta; quod quodammodò
in hac ætate iuueniles perturbationes, & externas ca
lumnias superauit aduersus blasphemias, quæ multis
à quibusdam falsis fratribus infliguntur, qui non no
runt uerbum Dei, quod est in Euangelio, Qui locutus
Mat. 12 fuerit uerbum ocium, reddet de eo rationem Domi
no in die iudicii. Et rursus, Ex uerbis tuis iustificaberis,
& ex uerbis tuis condemnaberis. Sit igitur, si fieri po
test, eruditus, & peritus in scientia uerbi conuenienter
ætati. Quod si in parua parœcia grandior natu aliquis
non reperitur, qui testimonio probatus, & sapiens in
Episcopum constitui possit, iuuenis uerò ibi est, testi
monium habens eorum, qui cum eo uixerunt, Episco
patus munere illum dignum esse, in mansuetudine, &
modestia senectutem præ se ferens, & probatus talium
testimonio commendetur; is cōstituatur in pace. Nam
Solomon

Solomon duodecimum agens annum, in Israele regna-
 uit; & Iosias octo annos natus regnavit in iustitia. Item
 Ioias in septimo anno præsuit populo. Quare quan-
 quam iuuenis, at mitis esto, timidus, & quietus. quo-
 33 niam per Isaiam Dominus Deus inquit, Ad quem re-
 33 spiciam nisi ad humilem, & quietum, & timentem fer-
 33 mones meos per omnia? Item in Euangelio hoc mo-
 33 do, Beati mites, quoniam ipsi hereditabunt terram; *Matt. 5.*
 Sit uerò & misericors; quoniam rursus dictum est, Bea-
 33 ti misericordes, quoniam ipsi misericordiam cōsequen-
 tur. Sit etiam bonæ conscientiae: omni malitia, atque
 improbitate uacuis: quoniam rursus dictum est, Bea-
 33 ti mundo corde, quoniam ipsi Deum uidebunt.

Qualem oporteat esse Episcopum, & reliquos Clericos. CAP. II.

SIT igitur sobrius, temperans, moderatus, constans, *1. ad Ti-*
 placidus, non uinolentus, non percussor, sed æquus; *mot. c. 3-*
 non contentiosus, non avarus, non neophytus, ne in
 superbiam elatus, in iudicium, & in laqueum incidat
 33 diaboli. quoniam omnis, qui se exaltat, humiliabitur. *Luc. 14.*
 Talem uerò oportet esse Episcopum, qui sit unius uir
 uxoris, quæ quidem semel nupserit. Bene suæ domui
 præsideat. Sic n. probetur, cum ordinationem capiens
 in Episcopatus loco collocatur, si sit honestus, fidelis,
 moderatus, si uxorem honestam habeat, uel habuerit;
 si filios religiosè educatos, & in disciplina Domini in-
 stitutos produxerit; si domestici uenerabiliter, reue-
 renterque omnes illi obediunt. Nam si secundum car-
 nem propinqui dissident ab eo; & parere ei nolunt;
 quoniam modo, qui extra domum propinqui futuri
 sunt, ei parebunt?

hoo

In

CONSTITUTIONES APOSTOLORVM

In quibus oporteat probari propositum Episcopatum. CAP. III.

PROBETVR igitur an uacet omni culpa in iis, quæ ad communis uitæ usum pertinet. Scriptum est enim, *Leu. 21.* Exquirite diligenter assumendum in sacerdotium. Sic igitur expers iræ, quoniam, inquit Sapientia, Ira sapientes perdit. Sit misericors, non illiberalis, charitate præditus, quoniam dicit Dominus, *Ioan. 13.* In hoc cognoscent omnes, quod mei discipuli estis, si diligetis uos inuicem. Sit facilis ad communicandum, studiosus uiduarum, hospitalis, promptus ad suppeditandum, ac ministrandum paratum se exhibens, sine pudore inseruiens, noscens quis nam dignior sit, ut accipiat.

Quod non oportet singulis uiduis suppeditare, sed aliquando nuptia proponenda est: & quod noratori, ebrio, inertī non est ministrandum. CAP. IIII.

NAM si quæ uidua sit, quæ possit sibi necessarios uitæ usus parare, alia uerò sit non uidua, sed tamen quæ uel propter morbum, uel propter alendos filios, uel propter manuum imbecillitatem egestate laboret, in hanc potius manum porrigat. Si quis uerò heluo, ebriosus, iners, inopia rerum uitæ necessariorum prematur, non est is subsidio dignus: neque uerò Dei Ecclesiæ. Scriptura enim de iis inquit, *Pro. 19.* Quoniam abscondens piger manum suam in sinu, non poterit ad-mouere ipsam in os suum. Et rursum, *Eccl. 4.* Piger comprehendit manus suas, & comedit carnes suas. *Pro. 23.* Omnis enim ebrius, & fornicator mendicabit, & induetur scissa, & lacera somnolentus. Et alibi, *Ignat. ad Tharsen.* Si dederis ad phialas & calices oculos tuos, postea ambulabis nudior pistillo. Verè enim pigritia mater est famis.

Quod

Quòd oportet Episcopum non esse acceptorem personarum in iudicando, & moribus moderatum, & uictu frugalem. CAP. V.

NE sit autem Episcopus acceptor personarum; neque diuitem reueretur, uel assentetur ei, præter id quod decet, neque pauperem contemnat, uel opprimat. Non accipies enim, inquit Deus Mosi, personam diuitis: neque pauperis misereberis in iudicio; quoniam domini iudicium est. Et rursum, Iustus est persequeris iudicium. In cibo & potu frugalem, & parcum se præbeat Episcopus, ut possit sobrius esse, dum corripit homines carentes disciplina; nec sit sumptuosus, nec delicatus, nec uoluptuosus, neque bonorum ciborum uorator. Sit autem patiens, longaminis in admonitionibus, copiosus in docendo, meditatione, ac studio inuigilans in Dominicis libris; nimius in lectionibus, ut scripturas diligenter exponat. Euangelium interpretetur conuenienter Prophetis, & legi. Interpretationes ex lege, & Prophetis procedant ad conuenientiam, & similitudinem Euangelii. Ait enim Dominus, Scrutamini scripturas, quoniam ipsæ testimonium perhibent de me. Et rursum, De me enim Moses scripsit. Præ omnibus autem discriminator bonus sit, legem, & traditiones diuidens, ac demonstrans, quæ sit lex fidelium, & quod sit uinculum infidelium, ne quis in uincula incidat. Attende igitur diligenter uerbo o Episcope, ut quatenus fieri potest, omnia ad uerbum interpreteris. Et in multa doctrina abundè nutrias, & illumines populū tuum illuminatione legis, Immitte, enim, inquit Deus, ipsis lumen scientiæ, quòd adhuc tempus est.

Exo. 23.

Deu. 16.

Ioan. 5.

D Quod

Quod Episcopus non debet esse turpis lucri cupidus, nec fideiussor, neque Aduocatus. CAP. VI.

NE quærat Episcopus turpe lucrum, maximè in gen-
tibus; detrimentum patiatur potius, quàm inferat;
ne sit iniurius, nec rapax, nec expilator, nec diuitiarum
cupidus; ne inopes odio habeat; ne sit loquax; ne falsum
testimonium dicat; ne sit iracundus; ne contentiosus,
ne uitæ negotiis impediatur; ne fideiubeat pro ullo,
nec sit aduocatus in pecuniarum litibus; ne sit ambi-
tiosus, nec duplicis mentis, neque bilinguis, neque ad
calumniam, neque ad detrahendum præbeat aures;
ne sit hypocrita; ad festa gentium ne accedat, uanis
deceptionibus non utens; ne sit cupidus, nec auarus,
quoniam hæc omnia infesta Deo sunt, & dæmonibus
amica. Hæc omnia Episcopus laicis confirmando de-
nunciet, inducens eos, ut eius mores imitentur. Ti-
moratos enim, inquit, facite filios Israel. Sit sapiens,
humilis; præceptor in disciplinis Domini; bonæ men-
tis, qui abrenunciauerit omnibus, quæ sunt in uita, ma-
lis studiis, & omnibus ethnicis cupiditatibus. Sciat be-
ne præcipere; sit acutus in cognoscendis malis, iisque
uitandis; amicus omnibus; iustus; iudicio præditus.
Et denique quæcunque bona in hominibus reperiu-
ntur, ea Episcopus in se possideat. Quoniam si uacaue-
rit iniustitia Pastor, proprios discipulos coget, & con-
suetudine sua compelleret, ut suarum actionum digni imi-
tatores existant, ut inquit quodam in loco Propheta,
Isa. 24. Et erit sicut sacerdos, sic & populus. Etenim Domi-
nus noster, & magister Iesus Christus filius Dei, incœ-
pit prius facere, & postea docere, ut inquit Lucas, Quæ
incœpit Iesus facere, & docere. Propterea dicit, Qui fe-
cerit,

» cerit, & docuerit, hic magnus uocabitur in Regno Dei.
 Speculatores enim oportet uos Episcopos fieri popu-
 lo; quoniam & uos speculatorem habetis Christum.
 Igitur efficiamini uos quoque boni speculatores popu-
 » lo Dei; quoniam ait Dominus per Ezechielem, Spe- *Eze. 33.*
 » culatorem dedi te domui Israel, & audies de ore meo
 » uerbum & custodies. Et annuntiabis eum ex me, di-
 » cente me iniquo, Morte morieris, & non locutus fue-
 » ris, ut auerteres iniquum ab iniquitate sua. Iniquus il-
 » le in iniquitate sua morietur, & sanguinem illius de ma-
 » nu tua requiram. Tu uerò si annunciaueris iniquo, ut
 » auertatur a uia sua, & non fuerit auersus, ipse in iniqui-
 » tate sua morietur, & tu animam tuam liberafti. Simili-
 » ter si gladius belli uenerit, & constituerit populus spe-
 » culatorem ad custodiã, & uidens eum uenientem non
 » indicauerit, & ceperit animam, anima quidem pecca-
 » to ipsius capta est, sanguis uerò de manu speculatoris
 » requiretur, quoniam non significauit tuba: Si au-
 » tem significauerit buccina, & non cauerit, qui audi-
 » uit, & uenerit gladius, & ceperit eum, sanguis ipsius
 » erit super ipsum, quoniam non cauit audiens bucci-
 » nam: qui uerò cauit, animam suam liberauit, & spe-
 » culator, quoniam significauit, uita uiuet. Gladius
 est iudicium; tuba sacrum Euangelium; speculator,
 constitutus in Ecclesia Episcopus, quem oportet an-
 nunciantem contestari, & confirmare de iudicio: Nisi
 annunciaueritis, & contestati fueritis populo, in uos
 peccatum ignorantium recidet. Ideo carentes discipli-
 na admonete, & redarguite cum libertate, ignorantes
 docete, scientes confirmate, errantes reducite. Eadem
 de iisdem rebus dicentes, non peccabimus fratres. Nam
 ex frequentibus sermonibus uerisimile est, aliquos pu-

- dore deterritos, quanuis semel aliquid boni facturos, & mala declinatu-
Ezec. 2. ros. Inquit enim per Prophetam Do-
 minus, Contestare ipsis hæc, fortè audient uocem tuā.
Ezec. 3. & rursum. Si fortè audiant; si fortè quiescant. Et Mo-
Exo. 15. ses dicit populo, Si auribus audiueris Dominū Deum,
 & feceris bonum & rectum in oculis eius. Et rursum,
Exo. 20. Audi Israel, Dominus Deus tuus unus est. Et Domi-
Luc. 8. nus in Euangelio sæpe inculcat illud, Qui habet aures
Prou. 1. audiendi, audiat. Et sapiens Solomon dicit, Audi fi-
 li disciplinam patris tui, & ne abiicias legem tuæ ma-
 tris. Atque hucusque quidem non audiuerunt; nam
 cū audire uiderentur, perperam audiuerunt, relin-
 quentes unum, ac solum uerum Deum, in perniciosas,
 & graues hæreses inducti, de quibus alio loco dicemus.

Qualem oporteat esse initiatum. CAP. VII.

COGNITVM autem sit uobis charissimi, quòd ba-
 ptizati in mortem Domini Iesu, ampliùs peccare
 non debent. Nam ut mortuū peccandi potestatem sunt
 priuati, sic qui commoriuntur Christo, peccandi con-
 suetudinem amittunt. Quare non credimus fratres
 eum, qui lauacrum uitæ est adeptus, postea iniquo-
 rum flagitia facturum: qui uerò post baptismum pec-
 cavit, nisi peccati dolore sit affectus, & delictis finem
 faciat, condemnabitur in gehennam.

*De eo, qui iniuste accusatur, uel de eo, qui redar-
 guitur. CAP. VIII.*

SI quis ab Infidelibus per caluminiam accusetur, eo
 quòd unà cum eis flagitiosè non uiuat, sciat quòd
 talis

- talís beatus apud Deum censetur, quemadmodum in
 22 Euangelio Dominus dicit, Beati eritis cum exprobra- *Mat. 5.*
 23 uerint uobis, uel persecuti uos fuerint, uel dixerint con-
 24 tra uos omne malum uerbum, mentientes propter me;
 25 gaudete & exultate, quoniam merces uestra multa est
 26 in coelis. Si quis igitur blasphemiam patiatur in re fal-
 27 sa, is beatus est existimandus. Dicit enim Scriptura,
 28 Vir reprobus intentatus apud Deum. Quòd si quis ali-
 quam rem iniquam egisse conuincatur, is non modò
 29 sibi obfuit, sed etiam communi Ecclesiæ corpori; &
 30 doctrinæ blasphemiam intulit. Quasi non facientibus
 31 nobis illa, quæ bona esse dicimus, & arguemur à Do- *Mat. 23.*
 32 mino, Quoniã dicunt, & non faciunt. Vnde tales ue-
 33 rè conuictos & redargutos uitabit cum libertate Epi-
 scopus, si mores non mutauerint.

Quòd integrum oportet esse Episcopum. CAP. IX.

- N**ON solùm enim offensione uacare Episcopum
 oportet, sed etiam acceptorem non esse persona-
 rum, in bonitate corrigentem peccatores. Quòd si ip-
 se non bona conscientia præditus, personis gratificatus
 fuerit, propter turpem quandam & quæstuosam mu-
 nerum perceptionem parcat impiè peccanti; permit-
 tens eum in ecclesia manere, negligens diuinam il-
 22 lam, & Dominicam uocem dicentem, Iustè quod *Exo. 23.*
 23 iustum est persequeris, non accipies personam in iudi- *Deu. 16.*
 24 cio, non iustificabis impiũ, non capies munera propter
 25 animam; munera .n. obcæcant oculos sapientum, &
 26 euertũt uerba iustorum. Et in aliis inquit, Educite ma- *Ioan. 5.*
 27 lum de uobis. Et Solomon dicit in Prouerbiis, Eiice *Pro. 22.*
 28 pestilentem de consilio, & exibat eum eo contentio.

Quòd

CONSTIT. S. APOSTOLORVM

Quòd Episcopus sine iudicio parcens peccatori, est in culpa. CAP. X.

IS igitur rebus non attendens, inconsideratè par-
cet, cui debetur poena. Quod Saul fecit in Agag,
& Heli in filiis, qui non nouerant Dominum, qui ta-
lis est, prophanauit propriam dignitatem, & Dei Ec-
clesiam, quæ sua paroecia continetur. Iniustus est ille,
& Deo, & sanctis hominibus, ut qui causam scandali
dederit multis nuper illuminatis; & Catechuminis, at-
que ætate iuuenibus, quem uæ manet, & mola asina-
ria in collo, & profundum, cui obnoxius factus est.
Nam propter omissi iudicii iniquitatem, uidètes talem
uirum sibi præesse, ipsi inter se disceptabunt, lapsique
in eundem morbum, unà cum illo interire cogentur,
ut populus cum Roboam & cum Core, ii, qui cum ad-
iuuerunt. Quòd si peccator cernet Episcopum, & Dia-
conos criminis expertes, & gregem purgatū, primū
non audebit per cōtēptum in ecclesiam intrare, per-
cussus conscientia. Quòd si id nihili faciens ingredie-
tur, continuò refutabitur, ut Ozar cū arcam attre-
ctasset, & ut Achar in furto muneris, & ut Giezi in pe-
cuniis Naaman; & statim poenas dabit, uel cōreptus
à Pastore in poenitentiam reducet. Circumspiciens
enim omnes singillatim, & in nullo maculam inue-
niens, neque in Episcopo, neque in populo sibi subie-
cto, pudore affectus cum multis lacrymis egredietur,
pacificè commotus, & grex relinquetur purgatus: ille
uero ingemiscet in conspectu Dei, & poenitentiam aget
de iis, quæ peccauit, & habebit spem, grexque totus
uidens illius gemitum, admonēbitur, quòd peccator,
si poenitentiam egerit, non perit.

Quomodo

Quomodo oporteat Episcopum iudicare eos, qui peccant. CAP. XI.

QUARE, ò Episcopo, stude mundicie operum excellere, cognoscens locum ac dignitatem tuā, tanquam locum Dei obtinens, eo quòd præes omnibus Dominis, Sacerdotibus, Regibus, Principibus, patribus, filiis, magistris, atque subditis simul omnibus. Sicque in Ecclesia sede cum sermonem facis, ut potestate habens iudicandi eos, qui peccauerunt: quoniam
 „ uobis Episcopis dictum est, Quodcunque ligaueritis *Mat. 18.*
 „ super terram, erit ligatum in cœlo, & quodcunque sol-
 „ ueritis super terram, erit solutum in cœlo.

Doctrina, quomodo oporteat se gerere cum pœnitentibus, & huius rei exemplaria. CAP. XII.

IUDICA igitur, ò Episcopo, cum potestate, tanquam Deus, sed pœnitentes recipe. Deus enim, misericordiarum Deus est. Increpa peccantes; admone eos, qui non conuertuntur; hortare stantes ut perseuerent in bonis; pœnitentes recipe, quoniam Dominus Deus cum iurciurando promisit remissionem se concessurum pœnitentibus de iis, quæ peccauerunt. Dicit enim per ipsum Ezechiel, Dixi eis, Viuo ego dicit Dominus Adonai. Si uolero mortem peccatoris, sed ut conuertatur impius à uia sua mala & uiuat. Conuertimini igitur à uis uestris malis, & ut quid moriemini domus Israel? Hic sermo fiduciam dedit peccatoribus, ut si pœnitentiam egerint, salutis spem habeant; ne aliquando sensu doloris amisso, se tradant iniquitatibus, sed habentes spem salutis, conuersi clament ad Deum pro peccatis suis, & pœnitentiam agant ex corde, placentes

- E** Os uerò, qui non peccauerunt, tales manere oportet, neque descendere ad experientiã peccatorum, ne opus habeant dolore, tristitia, gemitu pro remissione. Quid enim scis homo cùm peccasti, si unum diem uicturus es in hac uita, ut pœnitentiam agere possis? quoniam incertus est tuus è uita discessus, & in peccato morienti, nulla pœnitentia relinquitur, ut inquit per
- Psal. 6.* Dauid, In Inferno quis confitebitur tibi? Oportet igitur paratum esse in bonis, ut sine tristitia illud iter peragamus. Propterea hortatur diuinus sermo per sapientem Solomonem dicens, Tibi præpara in exitum opera tua, & para in agrum; ne desit nobis aliquid ex bonis, quemadmodum quinque in Euangelio uirginibus propter stultitiam defuit pietatis oleum, & extinctis diuinæ cognitionis lâpadibus, expulsæ sunt à sponso. Propterea securus manet omnis, qui uitæ suæ parcat, & perseverat sine peccato, ut iustitias à se prius peractas, sibi conseruet. Tu igitur ita iudica tanquam
- Exo. 23.* Deus iudicium exercens. Iudicium enim, inquit, Domini est. Primum igitur potestate reum iudica, deinde cum misericordia, humanitate, & indulgentia eum concilia, promittens ei salutem, si morem mutauerit, & ad pœnitentiam redierit. Pœnitentem corripiendo
- Luc. 15.* recipe, mêmor Domini dicentis, Quòd gaudium sit in Cœlo super uno peccatore pœnitentiam agente.

De dicentibus, recipiendum non esse pœnitentem. CAP. XIII.

- S**I pœnitentem non receperis, insidiatoribus trades, oblitus Dauid dicentis, Ne tradas bestiis animam confitentem

confitentem tibi. Ideo inuitans ad pœnitentiam Iere-
 33 mias inquit, Num cadens non refurgit, uel se conuer-
 33 tens non conuertitur? Quoniam conuersus est popu-
 33 lus meus conuersione audaci, & deuicti sunt in ele-
 33 ctione ipsorum. Conuertimini, qui elongati estis; &
 33 ego medebor contritionibus uestris. Recipe igitur pœ-
 nitentem, sine ulla dubitatione omninò, neque impe-
 diaris ab iis, qui crudèlitter dicunt, non oportere cum
 iis coinquinari, neque sermonis communionem habe-
 re. Hæc. n. consilia sunt hominum ignorantium Deum,
 atque eius prouidentiam de agrestibus beluis, ferisq̃ue
 indomitis. Non enim uident quòd oportet non com-
 munionem sermonis cauere à peccatoribus, sed ope-
 33 ris. Iustitia enim iusti super ipsum erit, & iniquitas ini-
 33 qui super ipsum erit. Et rursum, Terra si peccauerit
 33 mihi, ut præuaricaretur præuaricationem, & extendam
 33 manum meam in illam, & conteram super eam uirgam
 33 panis, & immittam famem, & exterminabo ab ea ho-
 33 minem, & iumentum. Et si fuerint tres uiri in medio
 33 eius, Noe, Iob, & Daniel, ii in iustitia sua saluabunt
 33 animas suas, dicit Dominus Adonai. Manifestè de-
 clarauit Scriptura, quòd iustus si uiixerit cum iniquo,
 non perit cum eo. In hoc enim Mundo iusti, & iniu-
 sti unà congregantur societate uitæ, non sanctitatis;
 neque in hoc peccant sancti. Imitatores enim sunt Pa-
 33 tris sui, qui est in Cœlo; qui Solem suum oriri facit su-
 33 per iustos & iniustos; & pluit super bonos & malos; &
 nullum ex hoc periculum imminet iusto: nam in sta-
 dio & uictores cernuntur, & uicti; in corona soli, qui
 generosè certauerunt. Nemo uerò coronatur, nisi qui
 33 legitimè certauerit. Vnusquisque de se confitebitur,
 33 & nō perdet Deus iustum cum iniusto. quoniam apud
 E cum

Ier. 8. &
 eadē hēt
 sententiā
 Ignat. ad
 Eph.

Ezē. 18.
 Ezē. 14.

Ignat. ad
 Philadel-
 phi.
 Matt. 5.

2. Ti. 2.

CONSTIT. S. APOSTOLORVM

Gen. 7. eum expers peccati uita immunis est à supplicio : nam
 Gen. 19. nec Noe aqua obruit, neque Lot incendio consum-
 Ios. 2. psit, neque Raab unà cum aliis interemit.

Quòd nemo pro alio punitur, sed unusquisque pro se rationem reddit. CAP. XV.

QVO'D si scire uultis ea, quæ nobis euenerunt; Iudas cùm esset nobiscum accepit sortem ministerii eam, quam nos accepimus; & Simon Magus accepit sigillum in Domino. Sed uterque cùm se prauum ostendisset, alter suffocatus est, alter contra naturam uolans attritus est. Et in arca Noe, & filii eius erant, sed solus Cham improbus repertus, in filio pœnas dedit. Quanquàm parentes pro filiis non puniuntur, neque filii pro parentibus, neq; serui pro dominis, neq; propinqui pro propinquis, neque amici pro amicis, neque iusti pro iniustis, sed unusquisque de suis operibus rationē est redditurus. Nam neq; Noe pro Mundo pœnas pendit, neque Lot pro Sodomitis, igne flagrauit; neque Raab pro Ierichuntis interfecta est, neque Israel pro Aegyptiis. Non enim cohabitatio condemnat iustos cum iniustis, sed eiusdem propositi, ac uoluntatis consensio. Non oportet igitur ad cædem paratis, nec iis, qui odio homines habent, neque criminum studiis, & per occasionem mortem inferentibus, mentem adhibere; alius enim pro alio mortem non subit, sed priorum peccatorum catenis unusquisque constringitur, & ecce homo & opus eius.

Quòd

Quòd oportet infirmis in fide, opem ferre. CAP. XVI.

OPORTET autem uos opem ferre infirmis periclitantibus, & errantibus, & quoad fieri potest, sermonis exhortatione sanare eos, & liberare à morte. non enim opus habent, qui ualent, medico, sed qui ægrotant, quoniam non est uoluntas coràm Patre, ut *Mat. 18.*
 ,, pereat unus ex paruulis. Non enim hominum duri
 ,, cordis uoluntatem expendere oportet, sed Dei & Patris cunctorum, quæ est per Christum dominum nostrum, cui honor in sæcula. Amen.

Quòd non oportet Episcopum obsequi laico seditioso. CAP. XVII.

NON enim est æquum, caput cùm sis ò Episcopo, caudæ obsequi, hoc est laico homini seditioso in alterius perniciem, sed Deo soli. Imperare enim debes subditis, non parere: nam, neque filius imperat patri secundum originis rationem, nec seruus domino secundum potestatis rationem, neque discipulus magistro, neque miles Regi; ita neque laicus Episcopo. nam quod dicitur, Ne uideantur cum iniustis consuetudinem habentes, sermonis doctrina quasi contagione inquinari, uel communicare cum eorum peccatis; Ezechiel præcidens hanc improborum suspitionem, in *Cap. 18.*
 ,, quit, Quid uos dicitis ipsis parabolam hanc in terra
 ,, Israel: Patres comederunt uuam acerbam, & dentes
 ,, filiorum obstupescunt; Viuo ego dicit Adonai Dominus. Si dicetur in uobis hæc parabola in Israel; quoniam
 ,, niam omnes animæ meæ sunt: Quomodo anima patris, ita anima filii mea est: anima quæ peccauerit ipsa
 ,, morietur. Vir autem, qui erit iustus faciens iudicium

CONSTIT. S. APOSTOLORVM

„ & iustitiam . Et deinceps exponens reliquas uirtutes
 „ concludit dicens , quòd hic iustus est , uita uiuet , dicit
 „ Dominus Adonai . Et si genuerit filium pestilentem
 „ fundentem sanguinem , & in uia patris sui iusti nō am-
 „ bulauerit . Et subiungens reliqua , quæ sequuntur , tan-
 „ dem infert , Vita non uiuet , omnes iniquitates has fe-
 „ cit , morte morietur . Sanguis eius super ipsum erit . Et
 „ dicere quòd non portauit filius iniquitatem patris , &
 „ iustitiam ipse , qui iustitiam , & misericordiam fecit ,
 „ & dices eis , Anima , quæ peccauit , ipsa morietur . Fi-
 „ lius non portabit iniquitatem patris , & pater non por-
 „ tabit iniquitatem filii . Iustitia iusti super ipsum erit ,
 „ & iniquitas iniqui super ipsum erit . Et paulò post ait ,
 „ Si auerterit se iustus à iustitia sua , & fecerit iniustitiam ,
 „ secundum omnes iniquitates non recordabuntur : in
 „ prauaricatione , quam prauaricatus est , & in peccato ,
 „ quo peccauit , in eo morietur . Et post pauca infert ,
 „ Cùm auerterit se impius ab impietate sua , quam fecit ,
 „ & fecerit iudicium , & iustitiam ; hic animam suam ser-
 „ uauit , & auertit se ab omnibus iniquitatibus suis , quas
 „ fecit ; uita uiuet & non morietur . Et infrà , Secundum
 „ uias uestras iudicabo uos domus Israel , ait Dominus
 „ Adonai . Videte filii nostri charissimi quàm misericors
 „ cum iustitia sit Dominus & Deus noster , bonus & be-
 „ nignus , qui innocentem non absoluit , reum , & se con-
 „ uertentem recipit , atque uiuificat , non relinquens su-
 „ spicandi locum acerbè iudicare uolentibus , ac omnino
 „ declinare peccantes , & nullam societatem cum eis ha-
 „ bere sermonum consolatoriorum , qui ad poenitentiam
 „ possint inducere . Contra quos Deus per Isaiã inquit
 „ Episcopis , Consolamini consolamini populum meum ,
 „ Sacerdotes loquimini ad cor Ierusalem .

Quòd

Quòd oportet Sacerdotem neque contemnere peccata, neque esse promptum ad puniendum. CAP. XVIII.

OPORTET igitur uos, ipsum audientes, hortari eos, qui in peccatum inciderunt, & ad poenitentiam inuitare, & bonam spem iniicere, ac non existimare uos delictorum cõmunione habituros ob charitatẽ, quæ erga illos ostenditur. Libenter uerò poenitentes admittite, gaudẽtes illorum causa cū misericordia, & humanitate, iudicantes eos, qui deliquerunt. Nā si aliquem in ripa fluminis ambulante, & labi incipientem, baculo impuleris, & in flumen deieceris, cui potius manum eras porrecturus, certè occidisti fratrem *Ignat. ad Philad.* cū labenti dexteram præbere debeas, ne penitus intereat, ut populus admoneatur, & ne, qui peccauit, omnino pereat. Oportet autem te, Episcopo, neque contemnere populi peccata, neque poenitentes uitare, ne tanquam imperitus corrumpas gregem Domini, & uile efficias eius nomen nouum, quod est impositum *Isa. 62.* eius populo, & exprobrabitur tibi, sicut antiquis pastoribus, de quibus Dominus per Ieremiam dicebat, *Ier. 12.* Pastores multi corruerunt uineam meam, inquinauerunt hæreditatem meam. Et alibi, Contra pastores incitatus est furor meus, contra agnos irascar. Et in aliis; Vos sacerdotes, qui uilificatis nomen meum. *Malach. 1.*

De poenitentia, & quis sit eius modus, & quomodo rectè peragatur. CAP. XIX.

CVm aliquem peccauisse cognoueris, exacerbatus iube eum foras eiici, & exeunte illo exacerbentur Diaconi, ac quæsitum detineant extra ecclesiam, ingressique

- gressique pro eo te rogent: etenim pro peccatoribus Saluator patrem rogauit, ut in Euangelio est scriptum,
- Lu. 23.* Pater dimitte eis, non enim sciunt quid faciunt. Tunc tu iubebis illum intrare, & expendens an poeniteat, & dignus sit, qui in ecclesiam omnino recipiatur, afflictum illum diebus ieiuniorum pro ratione peccati hebdomadas duas, uel tres, uel quinque, uel septem, dimitte, dicens ei quaecunque conueniunt ad peccatorem corripiendum, & increpatum doce, & admo-
ne, ut maneat apud se, & humiliter se gerat, roget-
que Deum, ut sit sibi benignus, & dicat, Si iniquitates obseruaueris Domine, Domine quis sustinebit? Quoniam apud te est propitiatio. Nam quiddam hu-
iulmodi innuit illud, quod in Genesi dictum est Cain. Peccasti, quiesce. hoc est, ne addas. Nam quodd eum, qui deliquit, oportet proprii delicti pudore affici, satis demonstrat sermo Moysis pro Maria dictus, quando rogabat ut ei peccatum remitteretur. ait enim Deus Mo-
ysi, Si pater eius spuisset in faciem illius, non ne uerecundia affecta esset? septem dies eiiciatur extra castra, & postea ingrediatur. idem nos facere debemus, & eos, qui se peccatorum poenitere dicunt, segregare per certum tempus secundum proportionem peccati, deinde poenitentia peracta, recipere tanquam patres filios.
- Ps. 129.*
- Gen. 4.*
- Num. 15.*

Quod sine reprehensione oportet esse Episcopum, tanquam formam subditorum. CAP. XX.

QUOD si Episcopus ipse in offensione fuerit, quomodo amplius prodibit ad quaerendum crimen alicuius? uel ad coarguendum aliquem, cum ob gratifica-

tificationem personarum, uel ob munerum perceptio-
nem nec ipse, neque Diaconi bonæ conscientie præ-
diti fuerint? Nam cum Magistratus petit, & iudex ca-
pit, nunquam ad finem perducitur iudicium. Quod
si cum furibus societatem habeant, & iudicio uidua-
rum non attendant, non poterunt qui Episcopo sub-
sunt, adiuuare Episcopum: dicent enim ei quod est in
„ Euangelio scriptum; Quid aspicias festucam in oculo *Matth. 7*
„ fratris tui; trabem uero in proprio oculo non confide-
ras? Caueat igitur Episcopus cum suis Diaconis, ut
audiat sermonem huiusmodi, hoc est, ne det occasio-
nem. Nam peccator cum uidet aliquem similia suo-
rum operum facientem, confirmatur, ut eadem fa-
ciat. Deinde improbus ex illo uno occasionem accipi-
ens, cum aliis operatur (quod absit,) atque ita per-
uertitur ouile. Cum enim plures sunt peccantes, ma-
ior existit improbitas, quæ ab illis committitur. Pec-
catum enim non repressum, fit deterius, & in alios graf-
„ satur: Quoniam paruum fermentum totam massam *Gal. 5.*
„ corrumpit, & fur unus uniuersæ genti fraudem illam *Ecll. 10.*
„ inuehit, & muscæ mortuæ corrumpunt unguenti sua-
„ uitatem, & Rex si audiat sermonem iniustum, omnes *Prov. 29*
eius ministri fiunt iniusti; sic ouis scabiosa cum aliis
communicat morbum, nisi separentur ab ea oues inte-
græ: & homo pestilens à multis cauendus est; & canis
rabidus, nisi coerceatur, periculosus est omnibus,
quos attigerit. Si igitur hominem iniquum ab Eccle-
sia non separemus, faciemus domum Dei speluncam
latronum. non enim oportet in peccantibus conniue-
re, sed coarguere, admonere, urgere, ieiuniis affli-
„ gere, ut aliis timorem incutias: Timoratos enim (in-
„ quit) facite filios Israel. Oportet enim Episcopum pec-
catorum

remissionem consecuturos. Nam in illorum fordibus
 nostra securitas, & admonitio consistit, quod ueniam
 „ obtinebimus. Scriptum est enim, Quis gloriabitur ca- *Prov. 10*
 „ stum se habere cor? uel quis confidit mundum se esse
 à peccato? Nemo igitur sine peccato uiuit. Tu igitur,
 quo ad potes, conare reprehensione carere, & de om-
 nibus sollicitus esto, ne quis propter te scandalum pas-
 sus pereat. Laicus enim de se solo est sollicitus, tu au-
 tem de omnibus, ut qui maius onus habes, & grauius
 sustines pondus. Scriptum est enim, Et dixit Dominus *Nu. 18.*
 „ ad Moysen & Aaron, Accipietis peccata sacerdotii. Qua
 re tanquam de pluribus rationem redditurus, de om-
 nibus curam suscipe; ac sanum quidem conserua, pec-
 cantem castiga, & ieiunio afflictum remissione releua,
 & ingemiscntem recipe, omni Ecclesia pro illo rogan-
 te, manuque ei imposita permittite deinde illum esse in
 ouili. Somnolentos autem & inertes conuerte, confir-
 ma, hortare, cura, sciens quanta merces tibi parata
 sit, cum hæc facis, quemadmodum contrà quantum
 periculum tibi immineat, si hæc negligas. Inquit enim
 „ negligentibus populum Episcopis Ezechiel, Væ pa- *C. 34.*
 „ storibus Israel, quoniam pascebant semetipsos: non
 „ greges pascunt pastores, sed seipsos. Lac comeditis, &
 „ lanis induimini, crassum occiditis, oues non pascitis.
 „ Quod infirmum fuit, non consolidastis, & quod agro-
 „ tum, non sanastis; quod fractum, non alligastis; quod
 „ abiectum est, non reduxistis, & quod perierat, non qua-
 „ sistis; sed in potentia corrigebatis illas, & cum super-
 „ bia; & dispersæ sunt eo quod non esset pastor, & factæ
 „ sunt in deuorationem omnibus feris sylvarum. Et rursum,
 „ Et non quæsiuerunt pastores oues meas, & pascebant
 „ pastores se ipsos, oues autem meas non pascebant. Et

» paulò post; Ecce ego aduersus pastores, & exquiram
 » ego oues meas de manu ipsorum, & cessare faciam eos
 » ne pascant oues meas, & non pascunt amplius pasto-
 » res se ipsos, & liberabo oues meas de manu ipsorum,
 » & non erunt ipsis in escam. Et subiungit, populo di-
 » cens, Ecce ego iudicabo inter ouem & ouem, arietem
 » & arietem. Num parum erat uobis quòd pascua bona
 » depascebatis, & reliquias pascuarum conculcastis pe-
 » dibus uestris, & oues conculcationes pedum uestrorum
 » comedebant? Et paulò post subiungit; Et cognosce-
 » tis quòd ego Dominus, & uos oues pascuarum mea-
 » rum. Homines mei estis, & ego Deus uester, dicit
 » Dominus Adonai.

*Quòd pastor negligenter se gerens cum ouibus, pœnas dat, & ouis non
 obediens pastori, punitur. CAP. XXII.*

AVDITE Episcopi, & audite laici quomodo dicit
 Deus, Iudicabo inter arietem, & arietem, & inter
 ouem, & ouem. Et ad pastores dicit, Iudicabimini pro-
 pter imperitiã uestram, & perditionem ouium. Hoc
 est, Inter Episcopum & Episcopum iudicabo: & inter
 laicum & laicum, & inter Principem & Principem.
 Sunt enim rationales hæ oues, & hi arietes, non irra-
 tionales, ne fortè dicat laicus, ego ouis sum, non pa-
 stor; & nullam rationem mei habeo, sed pastor uide-
 bit, & ipse solus de me rationem est redditurus. Nam
 quemadmodum si ouis bonum pastorem non sequa-
 tur, lupis exponitur ad interitum, ita si malum pasto-
 rem sequatur, in euidentem mortem incidit: uorabit. n.
 cam pastor. Quare fugiendi sunt pastores perniciosi.

Quomodo

Quomodo oporteat subditos obedire presidentibus
 Episcopis. CAP. XXIII.

PASTOREM bonum laicus honoret ut dominum,
 ut Pontificem Dei, ut magistrum pietatis. Nam
 qui illum audit, Christum audit; & qui illum spernit,
 Christum spernit; qui uero Christum non recipit, non
 recipit eius Deum ac patrem. Nam qui uos audit, in-
 quit, me audit; & qui uos spernit, me spernit, & qui
 me spernit, spernit eum, qui misit me. Item Episcopus
 laicos, ut filios diligit, fouens ac complectens charita-
 tis studio tanquam oues ad pullos procreandos, uel
 tanquam pullos in uinis tenens ad educandas gallinas;
 omnes admonens, omnes, qui quidem reprehensione
 opus habent, obiurgans, sed non percutiens; adigens
 ad pudorem, sed non ad euersionem; castigans ad con-
 uersionem; coarguens ad correctionem; & rectitudi-
 nem uiae. Quod est ualidum conserua; hoc est, quod
 est firmum; fide securum custodi; populum pacifice
 pascens; in firmum consolida; hoc est, quod tentatio-
 nem patitur, admonitione confirma. Aegrotum sa-
 na, hoc est; quod laborat ex fide in incertitudine, per
 doctrinam cura. Fractum alliga, hoc est, quod erra-
 uerat, uel quod comminutum, uel disruptum fuerat
 peccatis in errore uiae; alliga per consolatoriam ad-
 monitionem, leuatum delictis & bona spe iniecta re-
 creatum, sic robustum ad Ecclesiam reuoca, reducens
 ad gregem. Abiectum restitue, hoc est, in peccatis
 repertum, & in poenam segregatum, non permittens
 foris manere, sed apprehendens, & conuertens reduc
 ad ouile, hoc est ad populum immaculatæ Ecclesiæ.
 Quod perierat quaere, hoc est, eum, qui ob multitudi-

Luc. 10.

1. uol

cc

cc

cc

cc

nem peccatorum de salute desperauerat; ne finas funditus interire; eum, qui ob multum torporem atque inertiam, somnolentus factus est, & qui propter grauem somnum, suæ uitæ est oblitus, & à proprio ouili ita longè discessit, ut in lupos incideret, tu require, & correptum conuerte, & sobrium esse hortare, atque spem iniice, non permittens illum dicere id, quod à quibusdam dicitur, Quod impietates nostræ in nobis sunt, & in ipsis tabescimus, & quo nam modo uiuimus? Si igitur fieri potest, transferat in se Episcopus peccatum, & dicat ei, qui peccauit, Tu modò conuere, & ego mortem debitam tibi, in me suscipio, ut Dominus mortem nobis & omnibus debitam, in se suscepit. Nam bonus pastor animam suam ponit pro ouibus suis; mercenarius autem, qui non est pastor, cuius non sunt oues propriæ, uidet lupum uenientem, hoc est diabolum, & relinquit oues, & fugit, & lupo diripit eas. Intelligere igitur oportet, quod cum erga peccatores misericors sit Deus, cum iureiurando poenitentiam promisit. Qui ergo peccat, & promissionem Dei de poenitentia ignorat, & longanimitatem, ac patientiam eius nescit; præterea uerò sanctas Scripturas eam prædicantes, cognitæ non habet, ut qui abs te eas non didicerit, is ad interitum ruit, tu uerò tanquàm pastor beneuolus, & custos bonus, inuestiga numerans gregem, & quod deest, quære, quemadmodum Dominus Deus, & bonus Pater noster, cum misisset filium suum pastorem bonum, & saluatorem, magistrum nostrum Iesum, mandauit ei ut relinqueret nonaginta nouem in montibus, & pergeret ad quarendam errantem, & inuentam, super humeros attolleret, & ad gregem ferret lætus quod perditam

tam ouem reperisset. Eodem modo te obedientem præbe ò Episcopo, quærens quod perierat, dirigens, quod aberrauerat, reducens quod recesserat; potestatem . n. habes reducendi, & absoluendi uulneratos in remissione. Propter te Saluator dicit paralytico in peccatis, Remittuntur tibi peccata. Fides tua te saluauit, uade in pace. Pax autem, & portus tranquillus est, Dei Ecclesia, cui absoluendo peccatores restitue sanos, immaculatos, alacres, studiosos, laboriosos in operibus bonis. Ut peritus & clemens medicus medere omnibus in peccato errantibus. non enim opus habent, qui ualent, medico, sed qui ægrotant. Venit enim filius hominis saluare, & quærere quod errauerat. Quoniam ergo medicus es Ecclesiæ Dei, adhibe medicamentum accommodatum unicuique ægroto: Omnibus modis cura, sana, saluos restitue Ecclesiæ. Pasce gregem. noli cū superbia præesse tanquàm dominans, sed tanquàm pastor bonus in sinum congregans agnos, & pregnantēs consolans.

Matt. 9.

Ignat. ad Polyc.

1. Pet. 5.

Isa. 40.

Periculosum esse, reo non audito, iudicare, & pœnam in reum statuere, antequàm sermone redargutus sit.

C A P. X X I I I.

SIT autem probus, bonus, māsuetus, simplex, uerus, nō durus, non contumax, non imanis, nō gloriosus, non misericordiæ expers, non inflatus, non acceptor hominum, non timidus, non duplex, non illudens populis subiectis, non abscondens ab eis Dei leges, & sermones de pœnitentia, non promptus ad eiiciendū, & expellendum, sed cautus; non obiurgator; non præceps; non admittens testimonium contra aliquem si-
ne

ne tribus testibus, iisq̃ue, quorum mores pridem sint testimonio probati, & qui neque inimicitis, neque inuidia ducantur. Reperiuntur enim multi, qui aliorum malis lætantur, dicaces, triplicis linguæ, fratres odio habentes, operam dantes, ut Christi oues dissipent; quorū sermones si temerè audire uolēs, disperges tuū ouile, & trades lupis in cibum, hoc est Dæmonibus, & prauis hominibus: quin potius non hominibus, sed in figura humana feris, Ethnicis, Iudæis, & hæreticis impiis. Nam ad expulsū ab Ecclesia, statim accedūt perniciosi lupi, & eum tanquā agnū uorare existimant, suū lucrum illius interitum credentes. Etenim horum pater diabolus homicida est. Et qui ob temeritatem iudicii tui iniuste damnatus est, mœstitia affectus, & imbecillitate animi oppressus, uel ad gētes trāsfugiet, uel hæresibus impedietur, & omnino ab Ecclesia atque à spe in Deum abalienabitur, & implicabitur impietati: tuq̃ue illius interitus reus efficieris. Non enim est æquū promptum esse ad eiiciendum peccatores, tardum ad recipiendum reuertentem, & paratum ad abscindendum, durum ad ægrotos curandum.

Ioan. 8. Nam de talibus diuina Scriptura dicit, Pedes eorum in malitiam currunt, ueloces sunt ad effundendum sanguinem. Contritio & labor in uis eorum, & uiam pacis non cognouerunt. Non est timor Dei ante oculos eorum. Via pacis est Saluator noster Iesus Christus,

Prou. 1. qui docuit nos cū dixit, Remittite, & remittetur uobis: date & dabitur uobis: hoc est date remissionem peccatorum, & remittentur uobis delicta, quemadmodum & per orationem, nos instituit ut Deo dicemus, Dimitte nobis debita nostra, sicut & nos dimittimus debitoribus nostris. Nisi ergo uos dimiseritis peccatoribus

catoribus, qua ratione remissionem peccatorum uestrorum obtinebitis? Nonne contrà ipsi uos alligamini dicentes dimittere cùm non dimittitis? Nonne uestro ipsorum ori aduersamini dicentes, dimittimus, non dimittentes? Scitote enim quòd, qui innocentem eiicit, uel redeuntem non recipit, interfector fratris existit, & eius sanguinem fundit, ut Cain sanguinem Abel fratris; sanguisque eius clamans ad Deum requiretur. Nam iustus ab aliquo iniuste occisus, in requiete apud Deum manebit in æternum. Eodem modo si quis temerè ab Episcopo fuerit eiectus. Ille, qui eiecit innocentem, tanquam peccatorem, acerbior interfector censetur, cùm non respiciat ad Dei misericordiam, nec memor sit illius erga pœnitentes bonitatis, neque talium rerum scopos habeat eos, qui multitudinis peccatorum in pœnitentia remissionem impetrauerunt. Quare audacior existimandus est interfectore corporali is, qui infontem reiiicit, eodem modo qui pœnitentes non recipit, dissipat quæ Christi sunt, contra illum ueniens. Nam ut Deus iustus est in peccatoribus condemnandis, sic etiam misericors in pœnitentibus recipiendis. Misericordiam enim, & iudicium canebat de eo pius Dauid. Psa. 150

*Quòd magnum exemplum pœnitentiæ proponitur nobis Dauid,
& Neniuta & Ezechias, & eius filius Manasses.*

CAP.

XXV.

NECESSÉ est autem, Episcope, ut ante oculos habeas exempla præteritorum, iisque peritè utaris ad regendum eos, qui uel asperis, uel lenioribus

„ luci imaginem , quam fecit in domo Domini , in quo
 „ elegit Dominus ponere nomen suum illhic in Ierusa-
 „ lem sancta ciuitate in æternum , & dixit , Non faciam
 „ pedem meum moueri à terra Israel , quam dedi patri-
 „ bus ipforum . Verùm si custodiuerint omnia quæcun-
 „ que mandauì ipsis secundum mandatum , quod man-
 „ dauit seruus meus Moses , & non audiuerunt . Et se-
 „ duxit eos Manasses ut facerent malum in conspectu
 „ Domini super gentes , quas deleuit Dominus à facie
 „ filiorum Israel . Et locutus est Dominus ad Manassem,
 „ & ad populum eius in manu Prophetarum seruorum
 „ eius dicens , Eo quòd fecit Manasses Rex Iuda abomi-
 „ nationes has malas , ab omnibus , quæ fecit Amor-
 „ ræus in conspectu eius , & peccare fecit Iudam in ido-
 „ lis suis , hæc dicit Dominus Deus Israel , Ecce ego
 „ porto mala in Israel , & Iudam , ut omnis , qui audit
 „ illa , perfont ambæ aures eius ; & extendam super
 „ Israel mensuram Samariæ , & pondus domus Achaab ,
 „ & delebo Ierusalem tanquàm tabulam , quæ deletur ,
 „ & euertam in faciem suam , & tradam reliquias hære-
 „ ditatis meæ , & dabo eos in manus inimicorum ipso-
 „ rum , eruntque in uastitatem , ac in rapinam omnibus
 „ inimicis ipforum , eo quòd fecerunt mala in oculis
 „ meis , & sunt irritantes me à qua die eduxi patrem ip-
 „ sorum à terra Aegypti , usque ad hanc diem . Insuper
 „ sanguinem innocentem effudit Manasses multum ue-
 „ hementer , donec impleuit Ierusalem usque ad os , præ-
 „ ter peccata ipsius , quibus peccare fecit Iudam , ut fa-
 „ ceret malum in oculis Domini . Et eduxit Dominus
 „ duces copiarum Regis Assur , ceperuntque Manassem
 „ in uinculis , & uinxerunt compedibus ferreis , duxe-
 „ runtque Babylonem , & erat uinctus , & totus ferro

G cir-



» circumdatus in carcere, & dabatur ei fufuraceus pa-
 » nis pondere modicus, & aqua cum aceto in mensura,
 » ut uiuere posset. Et erat oppressus, dolensque ualde.
 » Et postquam uehementer afflictus est; quæsiuit faciem
 » Domini Dei sui, & humiliatus est uehementer à facie
 » Domini Dei patrum ipsius, & orauit ad Dominum
 » dicens,

Oratio Manassis Regis Iuda. CAP. XXVI.

» **D**OMINE Omnipotens Deus patrum nostrorum
 » Abraam, Isaac, & Iacob, & seminis ipsorum iu-
 » sti, qui fecisti cœlum, & terram cum omni ornatu
 » eorum; qui ligasti mare uerbo mandati tui; qui con-
 » cluisti abyssum, & consignasti eum terribili, & glo-
 » rioso nomine tuo; quem omnia pauent, & tremunt à
 » facie uirtutis tuæ: quoniam importabilis magnificen-
 » tia gloriæ tuæ, & intolerabilis ira in peccatores com-
 » minationis tuæ, immensa, & inuestigabilis miseri-
 » cordia promissionis tuæ, quia tu es Dominus miseri-
 » cors, longanimis, multæ misericordiæ, & pœnitens
 » super improbitates hominum. Quoniam tu Deus se-
 » cundum bonitatem probitatis tuæ, promissisti pœni-
 » tentiæ remissionem peccantibus in salutem. Tu igi-
 » tur Domine Deus iustorum non posuisti pœnitentiam
 » iustis Abraham, Isaac, & Iacob, qui non peccau-
 » runt, sed posuisti pœnitentiam super me peccatore,
 » quoniam peccauī super numerum arenæ maris. Mul-
 » tiplicatæ sunt iniquitates meæ Domine, multiplicatæ
 » iniquitates meæ; & non ampliùs dignus sum figere o-
 » culos, & intueri altitudinem cœli à multitudine ini-
 » quitatum mearum: Incuruatus multo uinculo ferri,
 quo-

„ quoniam irritaui furorem tuum , & malum in conspe-
„ ctu tuo feci , statuens abominationes , & multiplicans
„ offensiones . Et nunc inclinans genua cordis mei , ro-
„ gans bonitatem tuam ; peccaui Domine , & peccata
„ mea ego cognosco , sed peto , rogans te , remitte mihi
„ Domine , remitte mihi , & ne simul perdas me cum
„ iniquitatibus meis , neque in æternum iratus conser-
„ ues mala mihi , neque condemnes me in infimis locis
„ terræ . Quia tu Deus , Deus poenitentium , & super
„ me ostendes bonitatem tuam , quoniam cum sim indi-
„ gnus , saluabis me secundum multam misericordiam
„ tuam , & laudabo te semper omnibus diebus uitæ meæ ;
„ quoniam te laudat omnis uirtus Cœlorum , & tua est
„ gloria in sæcula . Amen .

„ Et audiuit uocem suam Dominus , & misertus
„ est eius , & facta est circa ipsum flammâ ignis , & lique-
„ facta sunt omnia circa ipsum ferra menta , & sanauit Do-
„ minus Manassæ à tribulatione eius , & reduxit eum
„ Ierusalem ad regnum suum . Et cognouit Manassæ
„ quod Dominus ipse est Deus solus , & seruiuit soli Do-
„ mino Deo in toto corde eius , & in tota anima eius , &
„ puratus est iustus . Et sustulit deos alienos , & sculpi-
„ le à domo Domini , & omnia altaria , quæ ædificauerat
„ in domo Domini , & omnia altaria in Ierusalem eiecit
„ extra ciuitatem , & direxit altare , & sacrificauit super
„ ipsum sacrificium salutaris & laudis . Et dixit Manas-
„ sæs Iudæ , ut seruiret Domino Deo Israel , & dormiuit
„ in pace cum patribus suis , & regnauit Amon filius e-
„ ius pro eo , & fecit malum coram Domino , secundum
„ omnia quæcunque fecerat Manassæ pater eius in pri-
„ mis , & irritauit Dominum Deum suum . Audistis fili
„ charissimi quemadmodum Dominus Deus eum , qui

idola coluerat ; & multos infantes occiderat, leuiter castigatum recepit , & dimissis deliciis , cum in regnum reduxit . Non solum enim poenitentibus indulget , sed etiam pristinam dignitatem restituit .

Contra eos , qui ex contemptu peccant , sit exemplum Amon .

C A P . X X V J I .

4. Reg.
21.

NVL LV M peccatum idololatria reperitur grauius : ea est enim contra Deum impietas , sed tamen ipsa quoque per ueram poenitentiam condonatur . Si uero quis de industria peccet tentans Deum , quasi non ulciscentem mala ; is remissionem non consequitur , quamuis secum ipse dicat , Sit mihi propitius Deus , quoniam ambulabo in euerfione cordis mei prauī . Talis fuit Amon Manassis filius . Inquit enim scriptura , Et cogitauit Amon cogitationem transgressionis malam ; & dixit , Pater meus à iuuentute multa iniquè fecit , & in senectute poenitentiam egit , & nunc ego ambulabo prout concupiscit anima mea , & postea conuertar ad Dominum . Et fecit malum in conspectu Domini supra omnes , qui fuerunt ante ipsum , & exterminauit eum Dominus Deus cito à terra eius bona ; & irruerunt in eum serui sui , & occiderunt ipsam in domo ipsius , & regnauit annos duos solos .

Quòd Christus Iesus uenit peccatores saluare per poenitentiam .

C A P . X X V I I I .

AT TENDITE laici , ne quis uestrum cogitationē Amon in corde suo confirmet , & breui tempore pereat . Eodem modo Episcopus conseruet quantum potest

potest, eos, qui non peccauerunt, ut sine peccato perseverent; & eos, qui à peccatis conuertuntur, curatos recipiat. Si uerò poenitentem contra misericordiam non admiserit, peccabit in Dominum Deum suum, iustificans se ipsum supra illius iustitiam, & non recipiēs quem ille recepit per Christum; propter quem misit filium suum in terram hominibus tanquā hominem; propter quem uoluit de muliere illum nasci cū esset factor mulieris & uiri; cuius causa non parcens cruci, & morti, ac sepulturæ, permisit illum pati, cū esset natura impassibilis, filius dilectus, Dei uerbum, magni consiliū angelus, ut morti subiectos, morte liberaret. Hunc irritant non recipientes poenitentem. Is enim me Matthæum, cum essem prius publicanus, uocare non est ueritus, & Petrum, qui cum ob timorem ter negauit, cū is per poenitentiam ipsum placasset, & amarè fleuisset, in gratiam recepit, pastoremque priorum agnorum constituit. Et Paulum coapostolum nostrum, qui multa nobis prius intulerat mala, & blasphemauerat in nomen sanctum; pro persecutore Apostolum fecit, uas electionis illum instituens, & alteri cuidam mulieri peccatrici inquit, Remittuntur tibi peccata multa, quoniam dilexisti multum. Quandam aliam peccatricem statuerunt seniores corā eo, & reiecto in eum iudicio exierunt. Cognitor uerò cordium Dominus, cū quæssisset ab ea, nū seniores ipsam condemnassent, illaque negasset, dixit mulieri, Vade neque ego te condemno. Hunc Saluatorem, Regem, & Dominum, & Deum nostrum Iesum Christum dō Episcopi, tanquā scopum uos habere, huius imitatores uos esse oportet, mites, quietos, clementes, misericordes, pacificos, mansuetos, promptos ad docendum

Matt. 9.

Mat. 26.

Act. 9.

Luc. 7.

Ioan. 8.

Ps. 23.

2. 10.

dum, ad conuertendum, ad recipiendum, ad cohortandum, non percussores, non iracundos, non petulantes, non gloriosos, non superbos, non uinolentos, non ebrios, non inanes sumptus facientes, non delicatos, non sumptuosos, non tanquàm alienis, sed tanquàm propriis Dei donis utentes, tanquàm bonos dispensatores factos, tanquàm eos, à quibus Dominus rationē est postulaturus. Sufficientem habeat uictum. & uestitum Episcopus, usui, & dignitati accommodatum: non utatur Dominicis rebus tanquàm alienis, sed moderatē: dignus est enim operarius mercede sua. Delicatus ne esto, ne leuis, sed tantum expetat, quæ faciūt ad conseruandam naturam.

Mat. 10.

De primitiis & decimis, & quomodo debeat Episcopus ex ijs ipse capere, uel eas cum alijs communicare.

CAP. XXIX.

QUÆ ex decimis, & primitiis secundum mandatum Dei dantur, ut Dei homo consumat, uoluntaria, quæ occasione pauperum offeruntur, rectē dispense orphanis, uiduis, afflictis, & peregrinis egentibus; ut qui habet Deum harum rerum rationē ab eo reposcentem, qui hanc dispensationem illi commisit. Omnibus egentibus cum iustitia tribuentes, ipsique iis utentes, sed non abutentes; comedentes de iis, sed non soli uorantes, egenisque impertientes, Dei offensionem uitabitis. Nam si soli hæc consumetis exprobrabitur uobis à Deo dicente, tanquàm insatiabilibus; & uoratoribus, Lac comedebatis, & lanis uestiebamini. Et in alio loco, Numquid habitabitis soli super terram? Propterea in lege præceptum est uobis, Diliges proximum tuum sicut te ipsum. Atque hæc non idē dici-

Eze. 34.

Isa. 5.

dicimus, ut non capiatís fructum laborum uestrorum. Scriptum est enim, Non infrenabis os boui trituran-^{Den. 25.}

sed moderatè, & cum iustitia. Vt igitur in area laborans in somnis bos comedit quidem, sed non totù absumit, sic uos laborantes in area, hoc est in Ecclesia Dei, de Ecclesia comedite, more Leuitarum ministrantium in tabernaculo martyrii, quod per omnia Ecclesiæ figuram referebat, etiam uero ex nomine martyrium Ecclesiæ tabernaculum designabat. Hic igitur leuitæ tabernaculo assidentes, de iis, quæ Deo offerebantur ab omni populo, donis, partibus, primitiis, decimis, sacrificiis, oblationibus sine prohibitione partem habebant ipsi, & uxores eorum, filii & filiæ eorum. Quoniam autem eorum officium erat tabernaculo ministrare; pro-

pterea sortem terræ nō acceperunt in filiis Israel, quòd ^{Num. 8.}

oblationes populi fors Leui, & fors tribus eius. Vos igitur hodie, ò Episcopi, estis populo uestro sacerdotes.

Leuitæ, qui ministrant sacro Tabernaculo sanctæ, & catholicæ Ecclesiæ, atque assistentes ad altare Domini & Dei nostri, & adducentes ei rationales & incruentas hostias per Iesum magnum Pontificem. Vos laicis, qui inter uos sunt, estis Prophetæ, Principes, Duces, & Reges, mediatores Dei, & fidelium ipsius, participes uerbi ac nuncii, cognitores Scripturarum ac tubæ Dei, testesque eius uoluntatis, qui omnium peccata portatis, & de omnibus rationem redditis, quibus (ut audistis)

grauiter minatur sermo, Si abscöderitis ab hominibus ^{Lu. 11.}

clauem scientiæ. quibus periculum damnationis imminet, nisi annunciauertis uoluntatem eius, populo uobis subiecto; quibus certa merces à Deo parata est, & gloria ineffabilis laudabiliter, & rectè ministrantibus in Tabernaculo sancto. Nam quemadmodum uest-

strum

strum est onus, ita ministeria uictus, atque alios neces-
Ignat. ad sarios usus uos capitis. Imitatores enim estis Christi,
Polycar & ut ipse omnium nostrum peccata portauit in ligno
pum. affixus, immaculatus pro iis, qui supplicio digni erāt,
 sic uos populi peccata in uos ipsos transferre oportet.
Isa. 53. Dictum est enim de Salvatore in Isaia, quod hic pecca-
 „ ta nostra tollit, & pro nobis dolet. Et rursum, Ipse pec-
 „ cata multorum portauit, & propter iniquitates ipso-
 rum est traditus. Quemadmodū igitur uos scopi estis;
 ita scopum habetis Christum. Vt igitur ille omnium
 uestrum scopus est, sic uos laicorum uobis subiecto-
 rum. Nolite enim existimare facile, uel leue esse Epi-
 scopatus onus. Conuenit igitur, ut quemadmodum
 onus sustinetis ipsi, ita quoque fructuum primi parti-
 cipes sitis, & egentibus partem suppedietis, ut qui ra-
 tionē reddituri estis ei, qui falsas rationes à uobis non
 est accepturus. Oportet enim eos, qui Ecclesiæ assidēt,
 ali de Ecclesia. Quippè sacerdotes, Leuitas, assessores,
Nu. 18. ministros Dei, ut in libro Numerorum scriptum est de
 „ sacerdotibus, Et dixit Dominus ad Aaron, Tu & filii tui
 „ & domus patris tui accipietis peccata sanctorum sacer-
 „ dotii uestri. Ecce dedi uobis custodiam primitiarum
 „ de omnibus sanctificatis à filiis Israel. Tibi dedi ipsa in
 „ munus, & filiis tuis post te in legem æternam. Et hoc
 „ erit uobis à sanctificatis, à fructibus, & à donis, & ab
 „ omnibus sacrificiis, & ab omni delicto, & de peccatis.
 „ & quæcunque reddunt mihi, ab omnibus sanctis tibi
 „ erunt & filiis tuis. in sanctuario comedite ipsa. Et pau-
 „ lō post, Omnes primitiæ olei, & uini, & frumenti, quæ-
 „ cunque dederint Domino, tibi dedi ipsa. Primogeni-
 „ ta omnia tibi dedi, & dices omne donum omne primo
 „ genitum hominis & iumentum mundi & immundi, & ho-
 „ stia,

„ **M**an, & pectoris, & humeri dexteri ad sacerdotes perti-
 „ net, & reliquos inservientes Leuitas. Audite hæc uos
 laici, & electa Dei Ecclesia Dei. Etenim antea popu-
 lus, Dei populus & gens sancta uocabatur: uos quoq;
 „ igitur estis sancta Dei & sacra Ecclesia descripta in cœ-
 „ lo, regale sacerdotium, gens sancta, populus acquisi-
 tionis, sponsa ornata Domino Deo, Ecclesia magna,
 Ecclesia fidelis. Quæ prius dicta sunt, nunc auribus
 percipe, primitiæ Pontifici Christo; & ministrantibus
 ei, Decimæ salutaris initium nominis Iesu. Audi sa-
 cra catholica Ecclesia, quæ decem plagas effugisti, &
 Decalogum accepisti, & legem didicisti, & fidem es a-
 depta, & in Iesum credidisti, & de nomine eius appel-
 lata es, & in consummatione gloriæ ipsius firmata: quæ
 tunc uictimæ erant, nunc orationes sunt, preces & gra-
 tiarum actiones; quæ tunc primitiæ, & decimæ, partes
 & dona, nunc oblationes; quæ per sanctos Episcopos of-
 feruntur Domino Deo per Iesum Christum, qui pro ip-
 sis mortuus est. Ii enim sunt Pontifices uestri, sacerdo-
 tes uestri, Presbyteri sunt Leuitæ uestri, qui nunc sunt
 Diaconi, Lectores, Cantores, Ostiarii; Diaconissæ ue-
 stræ, uiduæ, uirgines, orphani uestri: iis omnibus supe-
 rior Pontifex est.

Exo. 19.

1. Pe. 2.

In cuius figuram, & dignitatem quilibet de Clero sit constitutus.

CAP. XXX.

EPISCOPVS uerbi minister est, scientiæ custos, me-
 diator inter Deum & uos in seruitute, quam Deo
 impendit; is pietatis magister est, is post Deum pater
 uester, qui per aquam uos regenerauit in adoptionem
 filiorum Dei; is Princeps & dux uester, is Rex uester &
 Dynasta,

*Tsa. 18.
S. Ignat.
ferè eadè
scripsit ad
Magnes.
Et ad alios.
Epi
Stola uerò
ad Trall.
hac ipsa
repetens,
mentionē
facit apo
stolicarū
constitut.*

dynasta. Denique is terrenus Deus post Deum, cui à uobis honor debetur: nam de eo & similibus Deus dicebat. Ego dixi dii estis & filii excelsi omnes. & diis non maledices. Episcopus .n. supra uos sedeat, ut qui Dei dignitate ornatus est, quatenus clero præstet & omni populo imperat. Diaconus huic assistat ut Christus patri, & ministret ei in omnibus sine reprehensione, quem admodum Christus à se ipso nihil faciens, quæ grata sunt patri facit omnino. Diaconissa in figuram Spiritus sancti honoretur à uobis, nihil sine Diacono agens uel loquens, quemadmodum nec paracletus à se ipso aliquid loquitur uel facit, sed glorificans Christum, expectat eius uoluntatem. & ut nemo in Christum credere potest sine doctrina spiritus, sic sine Diaconissa nulla mulier accedat ad Diaconum uel Episcopum. Presbyteri in formam Apostolorum à uobis censeantur; magistri sint sciētiæ Dei, quoniam Dominus nos mittens dicebat, Euntes docete omnes gentes, baptizantes ipsos, in nomine Patris, & Filii, & Spiritus sancti, docētes ipsos seruare omnia, quæ mandauimus uobis. Viduæ & orphani in figuram altaris existimentur à uobis, uirgines in figuram turibuli & incensi honorentur.

Quòd res tremenda est hominem se ipsum demittere ad dignitatem aliquam sacerdotalem ut Corin. 4, ut Saul, ut Ozias.

C A P. X X X I.

QUEMADMODUM non erat licitum alienigenam & cum, qui non esset Leuita, aliquid offerre, uel ad altare accedere sine sacerdotibus; ita uos sine Episcopo nihil facite. Quòd si quis sine Episcopo faciat aliquid, frustra illud facit: non enim in opus ipsi imputabitur. Vt .n. Saul cum sine Samuele obtulisset, audiuit quoniam

quoniam frustra fecisti . sic laicus omnis sine sacerdote perficiens aliquid , frustra facit . Et ut Ozias Rex cùm non esset sacerdos , & sacerdotum sacra administrasset , in lepram incidit propter iniquitatem ; sic omnis laicus non effugiet supplicium , si Deum contempserit , suoque sacerdotes despexerit , sibi que honorem arrogauerit , non imitatus Christum , qui non ipse se glorificauit ut fieret sacerdos , sed expectauit ut à patre audiret , Iurauit dominus & non pœnitebit eum , Tu es sacerdos in æternum secundum ordinem Melchisedech . Quòd si sine patre Christus ipse se non glorificat , quomodo fieri potest ut homo ipse se in sacerdotium proiciat , nō accepta dignitate à superiore , & ea faciat , quæ solis licita sunt sacerdotibus ? Non ne Coritæ quanquàm de tribu leuì erant , incendio consumpti sunt cùm in Mosem & in Aaron insultassent , & de iis , quæ ad se non spectabant , pugnassent ? & Dathan , & Abiron uiui in Infernum descenderunt ? Et uirga cùm germinasset , multorum insaniam compressit , & à Deo Pontificem institutum indicauit . Decet igitur & uos fratres sacrificia uestra , siue oblationes Episcopo afferre , ut Pontifici uel per uos , uel per Diaconos . etiam uerò primitias , & decimas , & uoluntaria ei afferte . Ipse enim cognoscit oppressos & cuilibet tribuit , quantum satis est , ne quis sæpe eodem die , aut eadem hebdomada accipiat , alius uerò nihil omnino . Aequum est enim iis , qui uerè oppressi sunt , potius in usus suppeditare , quàm iis , qui oppressi esse existimantur .

1. Reg.

13 .

4. Re. 15 .

2. Paralip. 26 :

S. Ignat.

in Ep. ad

Magnes .

Psal. 109

Nu. 16.

Nu. 17.

De conuiuio, & quemadmodum oporteat singulos Cleri ordines ab inui-
tantibus honorari. CAP. XXXII.

LUC. 14.

S. Ign. ad

Smyrn.

S. Ignat.

ad Mag.

Mala. 2.

„

QVI ad Agapas, siue (ut Dominus nominauit)
ad conuiuium instituerunt uocare Presbyteras:
quam norunt Diaconi oppressam, eam frequenter uo-
cent. Seponatur autem in conuiuio quod pastori con-
suetum est dari, dico autem id quod ad primitias per-
tinet, ueluti sacerdoti, etiam si conuiuio non adsit, in
honorem Dei, qui ei sacerdotium commisit. Quan-
tum autem unicuique Presbyterarum datur, eius du-
plum detur Diaconis in honorem Christi. Presbyte-
ris uerò, ut qui laborant in uerbo doctrinæ, duplex quo-
que seponatur pars in gratiam Apostolorum Domini,
cuius locum sustinent, tanquam consiliarii Episcopo-
rum, & Ecclesiæ corona. Sunt enim ii Senatus & con-
fessus Ecclesiæ. Si Lector sit, capiat partem unam in
honorem Prophetarum. Eodem modo Cantor & Os-
tarius, unicuique igitur gradui, laici debitum hono-
rem tribuant, in donis atque in omni uitæ ueneratione.
Non autem facile molesti sint præpositis, sed
per ministros, quæ uoluerint, significent, hoc est per
Diaconos, quibus cum maiori libertate poterunt uti,
non enim ad Omnipotentem Deum accedere licet, ni-
si per Christum. ita laici omnia, quæ uolent, per Dia-
conum manifesta. Episcopo faciant, sicque de illius
sententia ea perficiant. Neque enim olim in sacro
sanctuario offerebatur uel gerebatur aliquid sine sa-
cerdote. Labia enim sacerdotis custodient scientiam,
& legem exquirent de ore ipsius, ait quodam in loco
Propheta. Quoniam Angelus Domini Omnipoten-
tis est: nam si ii, qui demones colunt, in nefariis &
abomi-

abominandis impuriſq; eorum factis, etiam nunc ſan-
cta imitantur (ac longo quidem interuallò piaculum
ſi in comparationem ueniat, à pietate diſtet.) ueruntā-
men ſi ii in illis impiis religionibus ſine ſacerdote nihil
offerunt, nihil faciunt, ſed os lapidearum ſtatuarum ſa-
cerdotem putant, à quo expectant ſibi præcipi. quid fa-
cturi ſint, & quæ ille præceperit omnia exequuntur;
nihilque niſi de eius ſententia agunt, in honoreque
habent ſacerdotem, cuiusque nomen ſacroſanctum exi-
ſtimant in honorem inanimarum ſtatuarum, cultum-
que improborum ſpirituum: ſi inquam illi, cum ina-
nia falſaque opinentur, in nullaq; re firma ſpem ſuam
collocent, tamen ſanctitatem imitari conantur, quan-
to eſt æquius uos, qui clariffimam fidem certiffimam-
que ſpem obtinetis, & glorioſam æternam inſallibilem
promiſſionem amplectimini, in præpoſitis colere Do-
minum Deum, exiſtimantes os Dei, eſſe Episcopum:

Qua ſit dignitas Episcoporum, & Diaconorum. CAP. XXXIII.

NAM ſi Aaron poſtquam nunciauit Pharaoni ſer-
mōnes nomine Moſis, Propheta dictus eſt, Mo-
ſes uerò Pharaonis Deus, ſcilicet uti Rex ſimul, &
Pontifex (ut inquit ad eum Deus) Deum poſui te Pha-
raoni, & Aaron frater tuus erit tuus Propheta; cur non
uos quoque internuncios uerbi Prophetæ eſſe exiſti-
metis, eoſque ut Deos reuereamini?

Quomodo oporteat laicos parere Diaconis. CAP. XXXIII.

NVNC enim uobis loco Aaron Diaconus eſt, lo-
co Moſis Episcopus. quòd ſi Moſes à Domino ap-
pellatus

CONSTIT. S. APOSTOLORVM

pellatus est Deus, à uobis quoque Episcopus Dei loco in honore habeatur, & Diaconus sit tanquam eius Propheta: Nam quemadmodum Christus sine Patre nihil agit, ita Diaconus nihil agit nisi de sententia Episcopi. Et quemadmodum Filius sine patre non est, ita neque Diaconus sine Episcopo. Et quemadmodum Filius est obediens Patri, ita Diaconus omnis Episcopo paret. Et quemadmodum Filius nuncius est & propheta Patris, ita Diaconus nuncius est & propheta Episcopi. Propterea omnia, quæ à Diacono geruntur, significantur Episcopo, & per eum ad exitum perducantur.

Quodd non licet Diaconum sine Episcopo aliquid agere.

C A P. X X X V.

IN summa autem nihil agat Diaconus sine Episcopo, nec cuiquam quicquam det, nisi de illius sententia. Nam si clam Episcopo alicui egenti præbuerit aliquid, in contumeliam Episcopi præbebit, cumque calumniæ subiiciet, ut qui negligere uideatur eos, qui egestate oppressi sunt. Qui uerò Episcopo sermone uel factis detrahit, Deum offendit, non audiens eum, qui dixit; Diis non maledices. non. n. de lapidum & lignorum pialculis legē ferebat, quæ suo falso nomine sunt abominabilia, sed de sacerdotibus, & iudicibus, quibus dixit; Diis estis, & filii excelsi omnes.

Exo. 22.

Psal. 81.

Quodd

*Qudd non oportet Diaconum prater Episcopi sententiam dare
aliquid; nam in calumniam Episcopi hoc aget.*

CAP.

XXXVI.

SI uides, Diacone, aliquem inopia premi, admonito Episcopo illi suppedites, nec clam in eius contumeliam quicquam agas, ne murmurationem in illum excites. Non enim contra illum murmuratio orta uidebitur, sed contra Dominum Deum, & audiet Diaconus & alii, quæ Aaron & Maria in Mosem oblocuti, audiuerunt. Quomodo non timuistis loqui contra Mosem seruum meum? Et rursus idem Moses iis, qui in eum conspirauerant, inquit, Non enim Exo. 16. contra nos murmuratio uestra est, sed contra Dominum Deum nostrum. Nam cum laicus, qui dixerit racan, uel stulte, non impunè abiturus sit, ut qui nomē Christi contumelia affecerit, quid dicemus de Episcopo? per quem Dominus in ordinatione Spiritum sanctum uobis dedit; per quem sanctam doctrinam didicistis, & Deum cognouistis, & in Christum credidistis; per quem cogniti estis à Deo; per quem cōsignati estis oleo exultationis, & chrismate sapientiæ; per quem filii lucis facti estis; per quem Dominus in illuminatione uestra, Episcopi manus impositionem testimonio suo cōprobans, in singulis uestrum suam sacram uocem emisit, dicens, Filius meus es tu, ego hodie genui te. Per Episcopum, ò homo, adoptat te Deus in filium. Cognosce fili dexteram matris tuæ, & dilige eum, qui secundum Deum tuus pater est, & illum reuerere.

Quomodo

Quòd si aliquid orationi addendum est, plura hic capiat, quàm ille olim. Ille enim rem militarem tātum ad ministrabat, belli pacisque moderator ad tuenda corpora, hic uerò Dei sacerdotium administrans, corpus, & animam periculis liberat. Quanto igitur anima corpore est excellentior, tanto sacerdotium Regno præstat. Ligat enim id & soluit supplicio, uel indulgentia dignos. Ideo Episcopum diligere debetis, ut patrem; timere, ut Regem, honorare, ut dominum. Fructus uestros & opera manuum uestrarum in uestram benedictionem illi offerentes primitias uestras, decimas, partes, dona uestra dantes ei ut sacerdoti Dei; primitias inquam frumenti, uini, olei, pomorum, atque omniū, quæ Deus præbet uobis. Et erit oblatio tua accepta in odorem suauitatis Domino Deo tuo, & benedicet Dominus operibus manuum tuarum, & multiplicabit Dominus bona terræ tuæ, quoniam benedictio in caput tribuentis reuertitur.

Quòd quemadmodum leges decimas dare præcipiunt, ita & Euangelium. CAP. XXXIX.

INTELLIGENDVM est autem, quòd quanquàm Dominus liberauit uos à seruitute adiectorum uinculorum, & eduxit uos in refrigeriū, non ampliùs
 „ sinens uos sacrificare bruta animalia pro peccatis, solu- Leu. 16.
 „ tos illis expiationibus, emissariis, assiduis lotionibus, &
 „ aspersiōibus; non tamen oblationibus uos liberauit,
 „ quas sacerdotibus debetis; & beneficentiū erga eos,
 „ qui egent. ait enim Dominus noster in Euangelio, Nisi Matt. 5.
 „ abundauerit uestra iustitia plusquàm scribarum & Pha-
 „ risæorum, non intrabitis in regnum Cœlorum. Ita er-

CONSTIT. S. APOSTOLORVM

*Psal. 3.
Pro. 15.
Pro. 11.*

go abundabit iustitia uestra, si de sacerdotibus, orphanis, uiduis maiorem curam suscipietis, ut scriptum est, Dispersit, dedit pauperibus, iustitia eius manet in sæculum sæculi. Et rursum, Per eleemosynam & fidem delentur peccata. Et rursum, Anima benedicta omnis simplex. Ergo ita facies quemadmodum Dominus præcepit, & dabis sacerdoti iusta sua, primitias de area & torculari pro peccatis tanquàm mediatori, atque inter nuncio posito inter Deum & eos, qui expiationibus & deprecationibus opus habent. Te enim dare oportet, illum distribuere tanquàm œconomum, & dispensatorem rerum ecclesiasticarum: Neque enim ab Episcopo tuò rationem petere debes, neque eius dispensationem obseruabis quomodo eam peragat, quando, cum quibus, ubi, benè, uel malè, uel conuenienter. Habet enim iudicem Deum, qui in eius manus hanc dispensationem commisit, & dignum eum effecit sacerdotio tanti loci.

Admonitio decem mandatorum. CAP. XXXX.

HABE præ oculis timorem Dei, memor omni tempore decem Dei mandatorum:

- 1 Diligito Deum unum, ac solū omnibus uiribus tuis.
- 2 Noli attendere Idolis, & huiusmodi aliis tanquàm diis inanims, uel ratione carentibus, uel dæmonibus.
- 3 *S. Ignat. ad Mag.* Intellige Dei opera diuersum sumpsisse exordiū per Christū, & sabbatizabis per eum; qui cessauit ab operando, nō autem à prouidendo sabbatismū, qui est meditatio legum; non manuum cessatio.
- 4 Omnem absurdam cupiditatem abice.
- 5 Omnem iniuriam, quæ ad hominum perniciem pertinet,

pertinet, iram omnem.

6 Honora parentes tanquàm ortus tui auctores.

7 Dilige proximum, sicut te ipsum.

8 Impartire uictum egentibus.

9 Periurium & iusiurandum uanum uita: non enim innocens iudicaberis.

10 Non appareas coràm sacerdotibus uacuus, & uoluntaria assiduè offer, nec ab Ecclesia Dei absis: summo mane, ante omne opus, & iterum uesperè gratias agens Deo, eo quòd tibi uitam est largitus. Operare, perseuera, labora, offer Domino uoluntaria tua. Honora enim, inquit, Dominum tuis iustis laboribus, prabe peregrinis unum, uel duo, uel quin

que minuta. Congrega tibi cœlestes diuitias, quas
nec tinea, neque fur demolitur. Sicque faciens noli
iudicare Episcopum tuum, neque collaicum: nam si
fratrem iudicas, factus es iudex, à nullo ad hoc munus electus. Nam solis sacerdotibus concessum est
ut iudicent, quoniam dictum est eis, Iustum iudicium iudicare, Et rursus, Estote trapezitæ probati. Vobis enim permissum non est, immo. contra iis, qui iudicandi potestate carent, dictum est, Nolite iudicare, & non iudicabimini.

Matt. 6.

Deu. 1.

Ioan. 7.

Damasce

nus de fi.

Orthod.

lib. 4.

Matt. 2.

De accusatoribus, & calumniatoribus, & quòd non oportet iudicem
iis facile credere, uel non credere, sed cum diligenti inquisitione.

C A P. X I I.

OPORTET tamen ut Episcopus rectè iudicet, sicut scriptum est, Iustum iudicium iudicare. & alio in loco, Cur à uobis ipsis non iudicatis quod iustum est? Imitamini ergo peritos argentarios. Vt enim si improbos numos reiiciunt, probatos recipiunt,

Ioan. 7.

In secunda aucto.

ritate, ui
detur al-
ludere
ad præce-
ptū Pauli
in prima
ad Corin-
th. cap.
6.

fic Episcopus debet quæ à reprehensione absunt ,
retinere ; quæ uitium habent uel curare , uel si im-
medicabilia fuerint , proiicere ; & non statim abscin-
dere , neque cuius temere fidem habere . Accidit e-
nim ut aliqui uel propter æmulationem , uel propter
inuidiam contra fratrem falsam accusationem institu-
ant ; quod duo senes Babylone fecerunt in Susannam ,
& Aegyptia mulier in Ioseph . Tu igitur cū sis ho-
mo Dei , noli tales criminationes faciliè admittere , ne
perdas innocentem , & occidas iustum . Nam qui ta-
lia recipere uult , iræ magis , quàm pacis pater est . Vbi
autem ira reperitur , inde abest Dominus : nam ira cū
sit Satanæ amica (illam inquàm , quæ præter rationem
excitatur) per falsos fratres nunquam in Ecclesia con-
cordiam esse patitur . Quare quos tales cognoscitis de-
mentes , contentiosos , alienis malis gaudentes , iis no-
lite fidem habere , sed cauete ne quid à talibus contra
fratrem audiatis : quoniam in oculis eorum nihil insi-
det , præterquàm cædes , & in quo minus quis suspi-
catur , confodiunt uirum . Tu ergo mentem adhibe
accusatori , sapienter obseruans eius uitæ consuetudi-
nem , quæ , ac cuiusmodi fuerit ; & si comperies eum
uerum dicere , fac secundum præceptionem Domini ,
apprehensumque accusatum remotis arbitris corrige ,
ut ad pœnitentiam redeat . Quòd si obsequi noluerit ,
uocatis duobus , uel tribus uiris , monstra ei delictum ,
admonens eum in mansuetudine , & disciplina . Quo-
niam in corde bono requiescet sapientia , & in corde in-
sipientium non cognoscitur .

Prou.

Cap. 14.

Quòd

Quid oportet peccatores separatim increpare, & pœnites recipere secundum ordinationem Domini. CAP. XLII.

SI igitur persuasus fuerit in ore trium uestrum, bene habet; quod si obdurauerit, dic Ecclesiæ; si Ecclesiam non audierit, sit tibi tanquàm Ethnicus & publicanus, nec illum ampliùs ueluti Christianum in Ecclesiam admiseris, sed ueluti Ethnicum uitaueris. Pœnitentiam agere uolentem recipe: non enim prius Ethnicum uel publicanum in communionem recipis, quàm eum præteritæ impietatis pœniteat. nam pœnitentibus locum pœnitentiæ statuit Dominus noster Iesus Christus.

Exempla de pœnitentia. CAP. XLIII.

ET ENIM ego Matthæus unus ex duodecim; qui in hac doctrina loquūtur uobis, sum Apostolus, & cū prius publicanus essem, nunc per fidem misericordiam consecutus sum, pœnitentiamque egi de præteritis actionibus, & dignus factus sum, ut essem Apostolus, ac prædicator uerbi. Et Zachæus, quem Dominus recepit in pœnitentia illi supplicantem, item publicanus antea fuerat. Iam uerò milites, & publicanorum turba, cū accederent ad dominicum de pœnitentia sermonem, audierunt à Propheta Ioanne post baptismum, Nihil plusquàm quod ordinatum est uobis, facite. Eodem modo Ethnici spem uitæ non amiserunt, si per pœnitentiam incredulitatem abiecerint. Quare uti publicanum, & Ethnicum habeas illum, qui de opere malo correptus, pœnitentiam agere recusat. Et Ethnici, si postea dolere, & ab errore redire

redire uolent, eos in Ecclesiam recipimus, ut uerbum audiant, non tamen communionem habemus cum eis, quousque recepto baptismi sigillo, initiati sint. Eodem modo poenitentes, quousque poenitentiae fructum non ostenderint, permittimus ecclesiam ingredi, quod uerbum audientes funditus non intereant: non habeant autem communionem orationis, sed discedant post lectionem legis, Prophetarum, & Euangelii; ut per discessum meliores euadant in uitae consuetudine; studentes ad conuentus quotidie uenire, & precibus operam dare, quod & ipsi recipi ualeant, & eos, qui uident compungant, cautioreque fiant, uerentes ne in similia incidant.

Quod non oportet inimicum animum habere aduersus illos, qui semel bis'ue peccant.

CAP. XLIIII.

NOLI tu abominari de Episcopo eum, qui uno, altero'ue peccato lapsus est: nec illum Dominico sermone prohibeto, neque a communi uictu reiecto; quoniam neque Dominus recusabat cum publicanis & peccatoribus cibum capere. quod cum ei a Pharisaeis obiiceretur, dicebat, Non opus habent, qui ualent, medico, sed qui aegrotant. Versamini igitur, & consuetudinem habete cum iis, qui propter peccata segregati sunt, eos procurantes, consolantes, confirmantes, dicentesque iis, Corroboramini manus dissolutae, & genua debilitata. Consolari enim oportet lugentes, & parui animi hominibus alacritatem iniicere, ne ob magnitudinem moestitiae in dementiam incidant, quoniam pusillanimis ualde insipiens est.

Matt. 9.

Heb. 13.

6.

Quo-

Quomodo oporteat recipere penitentem, & quomodo cum peccatoribus agendum sit, & qui sint ab Ecclesia abscondendi. CAP. XLV.

SI quis conuersus poenitentiae fructum ostenderit, ad orationem eum admitti oportet, uti filium illum perditum & prodigum, qui consumptis bonis cum meretricibus, porcos pascebat, & siliquis satur fieri expetebat, cum nemo illi daret. Deinde cum poenitentia ductus, & ad patrem reuersus, dixisset, Peccavi in Coelum, & coram te, & non sum amplius dignus uocari filius tuus. eum amantissimus pater cum musicis recepit, redditaque illi ueteri stola, anulo, & calceamentis, atque occiso uitulo saginato, laetatus est cum amicis. Idem fac tu Episcopo. Sed quemadmodum Gentilem per lauacrum recipis, post eius institutionem, ita hunc per manuum impositionem uti per poenitentiam purgatum, omnibus pro eo rogantibus, in pristinum statum restitues, & erit ei in locum lauacri impositio manuum. Nam per impositionem manuum nostrarum credentibus Spiritus sanctus datur. Ac si quis ex firmis fratribus obiciat tibi, quod hunc in gratiam recepisti, dic ei, Tu semper mecum es, & mea omnia tua sunt; gaudere debebas & laetari quod frater hic tuus mortuus erat, & reuixit, perierat, & inuentus est. Quod autem deus poenitentes non modo recipit, sed etiam eos in pristinum gradum restituit, idoneus testis est sanctus Dauid, qui post commissum in Uriam delictum, rogabat deum dicens, Redde mihi exultationem salutaris tui, & spiritu principali confirma me. Et rursum, Auerte faciem tuam a peccatis meis, & omnes iniquitates meas dele.

Lu. 15.

Ps. 50.

Cor

- „ Cor mundum crea in me Deus, & spiritum rectum in-
 „ noua in uisceribus meis. Ne proicias me à facie tua,
 „ & Spiritum sanctum ne auferas à me. Tu igitur uti cle-
 mens medicus, peccatores omnes cura, utens accom-
 modatis ad salutem medicamentis, non modò secàn-
 do, urendo, nouaculam adhibendo; sed etiam alli-
 gando, exiccando, iniiciendo medicamenta leuia, ci-
 catricem obducentia, emolliendo sermonibus conso-
 latoriis. Si uulnus altum fuerit, reficito suaui unguen-
 to, ut repletum reliquis partibus æquetur. Si sordes
 collegerit, nouacula perpurgato, hoc est sermone ad
 incidendum idoneo. Si intumuerit, id acri collyrio
 complanato, hoc est iudicii minis. Si serpat, caute-
 rio cohibeto, tabemque excidito, ieiunii acrimonia.
 Quòd si hæc feceris, uiderisque à pedibus usque ad ca-
 put non prodesse fomenta: non oleum, non fascias, sed
 serpere tabem superareque omnem medicinam, uelu-
 ti cancerum omnia membra exedentem, tunc re mul-
 tum considerata, ac deliberata, adhibitisque aliis peri-
 tis medicis, tabidum membrum abscindito, ne totum
 Ecclesiæ corpus contabescat. Noli igitur esse facilis ad
 abscindendum, neque cito ad dentatam ferram cur-
 ras, sed primùm utaris cultello abscessum diuidens, ut
 causa, quæ dolorem faciebat expulsa, corpus sine dolo-
 re conseruet. Quòd si aliquem impoenitentem, atque
 obduratum uideris, tunc cum tristitia & luctu medici-
 nam respuentem, ab Ecclesia absconde. Tollite enim
 „ malum de uobis, & timoratos facite filios Israel. Et rur-
 „ sum, Non accipies personam diuitis in iudicio, & pau-
 „ peris non misereberis in iudicio, quoniam iudicium
 „ Domini est.

Exo. 23.

Quòd

Quod oportet Iudicem, non esse acceptorem personarum.

CAP.

XXXVI. DE IUDICE

QUOD. si falsa fuerit criminis accusatio, uosque pastores unà cum Diaconis uel ob personarum gratiam, uel ob munerum pactionem falsum pro uero acceperitis, uolentes criminatori gratificari, reumque accusatum illum quidem, sed innocentem ab Ecclesia eieceritis, rationem reddetis in die Domini. Quoniam scriptum est, Innocentem & iustum non occides; non capies munera ut percutias animam. Munera enim excæcant oculos sapientum, & perdunt uerba iusta. Et rursum, Iustificantes impium pro donis, & quod iustum est à iusto tollentes. Cauete igitur à condemnando aliquo iniuste, & ab improbis defendendis. Vae enim dicenti bonum malum, & malum bonum; amarum dulce, & dulce amarum; ponenti lucem tenebras, & tenebras lucem. Nam si alios iniuste condemnatis, ipsi contra uos pronuntiatis. quoniam ait Dominus; Quo iudicio iudicatis, iudicabimini, & quo condemnatis, condemnabimini. Quare si nulla personarum ratione habita, iudicaturi estis, cognoscite eum, qui falso testimonio accusat proximum, ostenditeque esse calumniatorem, inuidum, interfectorem, perturbatorem, oratione inconstantem, sibi pugnantem in iis, quæ loquitur, & uerbis proprii oris conuictum. Laqueus. n. ualidus insidet in eius labiis: quem resuratis eius mendaciis, seuerè iudica, & gladio ignis trade, facque tu in eum, quemadmodum ille cogitabat in proximum facere. Nam quod locutus est; quantum ad eum attrahet, occidit fratrem, iudicis auribus occupatis. Scriptum est autem, quod fundens sanguinem hominis,

Exo. 23.

Isa. 5.

Isa. 5.

Matt. 7.

Deu. 19.

K pro

pro sanguine ipsius effundetur, & tolles sanguinem innocentem à te effusum.

Quomodo oporteat calumniatorem punire. CAP. XXXVII.

EICITE eum extra cœtum uestrum ueluti fratris interfectorem: deinde interiecto tempore, si se pœnitere confessus fuerit, premite eum ieiuniis, postea manu ei inposita recipite, prius tamen fide accepta, se neminem posthac turbaturum. Quòd si reuersus in Ecclesiam, eodem modo seditionem moueat, & studio cōtentionis comparans crimina, non desinat fratrem perturbare, & uexare; exterminate eum; ueluti hominem pestilentem, ne Ecclesiam Dei euertat. Talis enim homo ciuitatem perturbat, & si intra Ecclesiam manet (quod decorum nō est) illi existit inutilis, & superfluous, inquinans, quantum in se est, Christi corpus. Nam si quidam homines, qui à suo ortu superflua membra reliquo corpori adiuncta habent, ueluti digitos, uel carnis processus, propter turpitudinem illas eminentias abscindunt, nihilque fit iis indecorum, cū per artificem naturalem corporis habitum recipiunt, quanto magis id facere debetis uos Pastores, cū sit Ecclesia corpus perfectum constans ex integris membris in Deum credentibus in timore Domini & charitate: scilicet cū inuenitur membrum aliquod superfluū, improba sapiens, & reliquum corpus deturpans, atque perturbans, seditione, contentione, detractione; afferens ei timores, molestias, maculas, detractiones, crimina, perturbationes, & huiusmodi Diaboli opera: operam dans ueluti ad id delectus à Diabolo ut nihili fiat Ecclesia per blasphemias, tumultus, contentiones, dissensiones:

ensiones. Is igitur extra Ecclesiam iterum eiectus à cœtu Domini meritò abscinditur; ornatiorq; est Dei Ecclesia, quàm antea, cùm illud superfluum, & à se alienum membrum nutriebat. Ideo neq; in blasphemiam ampliùs, neque in contemptum incurrit, liberata improbis, dolosis, contumeliosis, ferocibus, proditoribus, honestati infestis, uoluptuosis, uanæ gloriæ cupidis, deceptoribus, ostentatoribus, qui sibi proposuerunt dispergere, imò uerò dissipare agnos Domini. Tu autem Episcopo stude unà cum clero tibi subiecto, rectè tractare uerbum ueritatis, quoniam dicit Domi-

- » nus, Si obliquè contra me ambulatis, & ego contra *Leu. 26.*
 » uos obliquè ambulabo. Et alio in loco, Cum sancto *Psa. 17.*
 » sanctus eris; & cū innocente innocens eris, & cū peruerso peruerteris. Sãctè igitur ambulate, ut laude potius à Domino, quàm contrà reprehensione digni iudicemini.

Quòd oportet Diaconum leuare onus Episcopi & leuiores gubernare.

CONCORDIAM tenentes ò Episcopi, pacem inter uos seruate, misericordes & fratrum amantes, accurato studio pascite populum, unanimi mente docentes uobis subiectos eandem sententiam habere, & idem de iisdem rebus sentire. Ne sint in uobis schismata; sitis autem unum corpus & unus spiritus perfectus eadem mente, & eadem sententia secundum Domini mandatum. Atque omnia quidem Diaconus ad Episcopum referat, ut Christus ad patrem refert, sed quæ potest ipse, per se gubernet, accepta ab Episcopo potestate, ut Dominus à patre & creandi & prouidendi potestatem accepit. Grauiora Episcopus iudicet. Verùm

*Ignat. ad
Trall. ad
Mag. ad
Smirn.*

† CONSTITUTIONES APOSTOLORUM

esto Diaconus Episcopi auditus, oculus, os, cor, anima. Ne sit in multis sollicitus Episcopus, sed tantum in precipuis, quemadmodum Ithor Mosem admonuit, & eius consilium probatum fuit.

Quid non est conueniens Christiano controuersia, & altercatio.

CAP. XXXIX. In hac synodo

PRÆCLARA Christiani laus est, cum nullo habere negotium. Quod si ex aliqua uexatione, uel tentatione alicui oriatur, curet ut ea transigatur, etiam si detrimentum pati debeat; nec ad Ethnicum iudicium accedat, sed nec patiatür mundanos magistratus de nostris ius dicere. Nam per illos diabolus Seruos Dei uexat, & nobis notam inurit, quasi non habeamus nos unum sapientem, qui possit inter partes ius administrare, & controuersias componere.

Quid non oportet fideles coram infidelibus litigare, neq; ex ijs aliquem testem uocare aduersus Christianum. CAP. L.

NON cognoscant ergo gentes controuersias, quæ inter uos oriuntur; neque contra uos infidelium testimonia recipiatis; neque ab iis iudicari uelit, neq; iis aliquid tribuatis commodi, metus uel causa: Sed redite quæ sunt Cæsaris Cæsari, quæ Dei Deo; ueluti tributum, censum, didragmum; quemadmodum Dominus noster cum dedisset staterem, molestia liberatus est. Opta igitur potius detrimentum pati, & iis, quæ ad pacem pertinent, intende non solum erga fratres, sed etiam erga infideles. Nam si in commodis uitæ iacturam patieris, in iis, quæ ad Deum pertinent, damni nihil facis,

Mar. 12.

Mat. 17.

cis; cum pius sis; & secundum Christi mandatum ui-
uas. Quod si fratres inter se de iis rebus controuersias
habent (quod absit) hoc ipso Præpositi intelligere debe-
tis, quod qui tales sunt, fratrum in Domino officio nō
funguntur, sed potius, infensorum inimicorum: atque
unus quidem ex ipsis inuenietur, mitis, & probus, filius
lucis, alius uerò immanis, contumax, iniustus. Con-
demnatus igitur, mulctetur, segregetur, pœnas bdi ad
uersus fratrem pendat. Deinde si cum pœniteat, reci-
piatur, sicque castigati homines leuiores uobis reddent
iudicia. Oportet etenim inter se condonare iniurias,
non eos, qui iudicant, sed eos, quibus iniuria illata est,
quemadmodum Dominus pronunciauit cum ego Pe-
trus eū interrogassem, Quoties in me frater meus pec-
cabit, & remittam ei usque septies? Et ipse respondit,
Non dico tibi usque septies, sed usque septuagies se-
pties. Tales enim Dominus uult suos esse discipulos,
nihilque omnino eos habere aduersus quenquam uelu-
ti effrenatam iram, uel immanē furorem, uel iniustam
cupiditatem. Ira perturbatos igitur reducite in amici-
tiā, in inicitis irretitos in concordia, quoniam ait Do-
minus, Beati pacifici, quoniam ipsi filii Dei uocabuntur.

Mat. 18.

Mat. 18.

Mat. 5.

Quid oportet in secunda sabbatorum cognoscere causas.

CAP. LI.

IN IUDICIA uestra fiant in secunda sabbatorum, ut

si qua controuersia ex sententia uestra oriatur usque
ad sabbatum, libera sit uobis facultas, qua possitis illam
controuersiam componere, & pacem conciliare
inter eos, qui litigant. Adfint autem iudicio Diaconi
& Presbyteri integre iudicaturi, ueluti Dei homines
cum iustitia. Cum utraque persona uenerit, prout lex
iuber,

iubet, ambo qui litigant, statuantur in medio tribuna-
li, iisque auditis, sanctè iudicium pronunciate; stu-
dentes ante sententiam Episcopi, eos conciliare, ne
excet supra terram iudicium in peccatorem; prout in
tribunali consortem participemque causæ habet Chri-
stum Dei. Quod si qui, eo quod non rectè ambulant
in Domino, de blasphemiiis erunt ab aliquo redargu-
ti, eodem modo audite utramque personam, accusa-
toris & rei, non corrupti muneribus, neque in alte-
ram partem propensi, sed cum iustitia tanquàm uitæ
Deut. 16. æternæ mortisque sententiam ferentes. Iustè enim
(inquit) Quod iustum est, persequeris. nam qui iure
à vobis supplicio afficitur, atque eiicitur, à uita, glo-
riaque æterna expellitur, & apud homines sanctos, in-
famia notatus, & apud Deum iudicatus habetur.

*Quod non oportet pro omni delicto eandem pœnam inferre, sed
differentem pro uarietate peccati.* CAP. LII.

NOLITE pro omni peccato eandem sententiam
ferre, sed unicuique propriam pœnam statuite
cum multa prudentia, iudicantes singula delicta par-
ua ac magna; atque aliter quidem æstimabitis pecca-
tum operis, uel sermonis; aliter propositi uel conuicii,
uel suspicionis. Atque alios quidem minis subiicies, a-
lios subsidiis pauperum, alios ieiuniis affliges, alios
segregabis pro delicti magnitudine. Nam lex quoque
non omnibus delictis eandem pœnam decreuit, sed
aliter puniebat quæ in Deum, & quæ in sacerdotem,
& in sacrum, & in hostiam committebantur; aliter quæ
in Regem, & Principem, atque ea, quæ in militem,
& in subditum æqualem, siue quæ in seruum uel in bo-
na,

na, uel in bruta delinquebantur. Et rursus non erat eadem ratio peccati in parentes, atque consanguineos, & non eodem modo uindicabantur, quæ ex proposito fiebant, & quæ casu, atque illis quidem mors per crucem, uel per lapides poena statuebatur; iis multa uel uerba, uel talionis poena. Quare uos quoque diuersis delictis diuersas poenas imponatis, ne forte aliqua iniuria interueniens, prouocet Deum ad iram. Nam si quod iniustum iudicium exercebitis, eius à Deo mercedem capietis. Sicuti enim iudicio iudicatis, iudicabimini. *Matt. 7.*

Quales oporteat esse accusatores, & indices.. CAP. LIII.

SEDENTES igitur pro tribunali, præsentibus am-
 babus personis (non enim eos dicemus fratres, quo-
 usque pacem inter se conciliauerint) exquirite diligen-
 ter de iis, quæ in iudicium adducuntur. Et primùm
 de accusatore, an nunc primùm accusauerit, an alio-
 rum nomen detulerit; num ex similitate ipsorum, uel
 ex contentione crimen natum uideatur: qualis sit eius
 uitæ consuetudo, ac cum talis bonæ conscientiæ reper-
 tus fuerit, tamen non habeatur fides soli. Est enim id
 contra leges, sed habeat is alios testes similibus mori-
 bus præditos, prout lex iubet, In ore duorum uel trium *Matt. 18*
 stabit omne uerbum. Eam autem ob causam dixi-
 mus, mores illorum inuestigandos esse cuiusmodi sint,
 quoniam sæpenumerò euenit, ut duo uel plures in re
 mala testimonium dicant, & concorditer falsum de-
 fendant, quod factum est Babylone à duobus senibus *Dan. 13.*
 in Susannam, & Samariæ à filiis iniquorum in Nabu-
 thæ, & in Ierusalem à multitudine Iudæorum in Do-
 minum *3. Reg. Cap. 21.*

minum, & in Stephanum eius protomartyrem. Testes igitur sint mites, iræ expertes, boni, charitate præditi, temperantes, continentes, ab improbitate alieni, fideles, pii. nam talium hominum, propter mores firmum, & propter uitam eorum uerum censendum est testimonium. illorum, qui tales non sunt, testimonium nolite probare, etiam si aduersus aliquem concordēs esse uideantur. Præceptum est enim in lege, Non eris cum multis in malicia; Non accipies auditum uanum; Non sedebis cum multitudine ut declines iustum. Rursum reum quoque cognoscere debetis qua consuetudine, ac quibus moribus sit, si probata uita; si sine crimine; si sanctitatem amplectatur, si uiduarum, peregrinorum, & pauperum curam habeat; si fratres diligat; si turpis lucri cupidus non sit, non uorator, non pecuniarum direptor, si sit temperans, ac non asotus, uel ebrius, uel helluo, si sit clemens, & ad largiendum paratus.

Exo. 23.

8. 11. 12.

33

*Quod fieri potest, ut alicui ex prioribus malis in secundis
habereatur fides.* CAP. LIIII.

81. 12. 13.

SI enim ille præteritorum delictorum habet præiudicium, iam ex parte aliqua uera putanda sunt crimina, quæ ei nunc obiiciuntur, nisi ius ipsi faueat. Fieri enim potest, ut ille aliquando peccauerit, à præsentem uerò crimine innocens sit. Quare in iis diligenter inuigilantes, in reum tantas firmasque sententias proferte, ac si post segregationem is ueniam petat, procumbatque Episcopo, & peccatum confiteatur, recipite ipsum, neque illum calumniatorem impunitum dimittatis, ne in alium rectè uiuentem calumniam excogitet,

cogitet, neue aliquem alium inuitet ad eadem faciendum. Neque uerò conuictum sine nota relinquantis, ne alius in eandem culpam incidat. Nam nec testis prauorum impunitus manere debet, neque delinquens poenam effugere.

Quòd non oportet in iudicijs alteram tantum partem audire.

CAP.

L V.

DICIMVS non oportere iudicia ex altera tantum parte constituere: nam si unam tantum personam audiueritis absente altera, neque se defendente aduersus obiectum crimen; temereque sententiam damnationis tuleritis; rei interitus, & participes criminatoris esse apud Deum iustum iudicem reperiemini. Nam qui alterius iudicio præest, similis est eius, qui caudam canis manibus tenet. Quòd si Babylonios senes imitati fueritis, qui falso testimonio dicto Susannam morti addixerunt, illorum iudicio ac poenæ obstricti eritis, quoniam Susannam Dominus per Daniele m è manu iniquorum eripuit; eos uerò, qui sanguinis illius rei erant, igni adiudicauit; nos autem per ipsum in crepauit dicens, Sic fatui filii Israel non iudicantes, *Dan. 13.*
 ,, neque, quod uerum est, cognoscentes, condemnastis
 ,, filiam Israel, reuertimini ad iudicium, quia falsum testimonium locuti sunt contra eam.

Exempla iusti iudicij, externorum iudicum in sententijs cautio.

CAP.

LVI.

ASPICITE mundana iudicia, quorum potestati uidemus tradi homicidas, adulteros, ueneficos;
 L sepul-

sepulchrorum perfossores, latrones; de quibus cū quæ-
suerunt præfecti iudicio, ab iis, qui illos in iudicium
adduxerunt, demum interrogant reos, an illa ita se ha-
beant? Quibus affirmantibus, non continuò eos ad sup-
plicium mittunt, sed per plures dies quæstiones exer-
cent cum multo consilio, & uelo interiecto. Tandem
uerò is, qui sententiā mortis in reum pronunciaturus
est, sublatiis manibus aduersus solem, se innocentem
ab illius sanguine contestatur. Quod illi faciunt quan-
quā Ethnicī, & diuinī numinis ignari, ultionisquē à
Deo propositæ propter innocentium damnationem.

Quòd non oportet fideles contra se inuicem aliquid habere.

CAP.

LVI.

VO S uerò cū sciatis quis sit Deus uester, & cu-
iusmodi sint eius iudicia; quoniam modo poteritis
prauo animo in aliquem iudicii uestri sententiā fer-
re; quæ statim à Deo cognoscitur? Ac si iustè iudica-
stis, iusta præmia capietis nunc & in futurum; si in-
iustè, paria consequemini. Nos ergo fratres consuli-
mus uobis, ut à Deo potius laudem, quā uitupera-
tionem consequi uelit; quoniam laus hominum à
Deo uita æterna est, quemadmodum contrā mors æ-
terna paratur. Quare estote iusti iudices, pacifici, ira-
cundia uacantes: nam qui sine causa irascitur fratri,
reus erit iudicio. Quòd si accidat ex casu aliquo com-
moueri uos in aliquem, sol non occidat super iracun-
diam uestram. Irascimini (inquit David) & nolite
peccare. hoc est cito conciliamini, ne ira confirmata,
recordatio offensionum fiat, & peccatum efficiat. Ani-
mæ enim recordantium mala in mortem, inquit Solo-
mon.

Eph. 4.

Pf. 4.

mon. Dicit autem Dominus noster & Saluator Iesus Christus in Euangelio, Si offers donum tuum ad altare, & ibi recordatus fueris quòd frater tuus habet aliquid contra te, dimitte ibi munus tuum ante altare, & uade prius & reconciliare fratri tuo, & tunc ueniens offer donum tuum. Donum autem, quod Deo offertur, est cuiusque oratio & Eucharistia. Quare si quid aduersus fratrem tuum habes, uel ipse aduersus te, nec orationes tuæ exaudientur, neque Eucharistiæ tuæ recipientur propter subiectam iracundiam. Oportet autem assidue orare fratres. Sed quoniam Deus eos, qui in iracundia iniuste cum fratribus inimicitias habent, non exaudit etiam si ter in hora orauerint; ideo necesse est omnes inimicitias, & animi imbecillitatem deponere, ut corde puro & immaculato orare ualeamus. Quanquam inimicos quoque diligere Dominus præcepit: minimè uerò amantes odio habere.

- „ Et legislator inquit, Non odio habebis omnem hominem; non habebis odio fratrem tuum mente tua: redargutione redargues fratrem tuum, & non accipies per ipsum peccatum: non odio habebis Aegyptium, quoniam aduenia fuisti apud eum; non odio habebis Idumæum, quoniam frater tuus est. Et Dauid dicit, Si retribui retribuētibus mihi mala. Quare si uis Christianus esse, sequere legem Domini: solue omne uinculum iniquitatis: in te enim Dominus potestatem reposuit dimittendi peccata fratri, quæ in te commissæ sunt usque septuagies septies, hoc est ad quadringenta nonaginta. Quoties igitur dimisisti fratri tuo, ut nolis eidem etiam nunc dimittere? Quamquam Zachariam audiulistis dicentem, Vnusquisque malum proximi uestri ne cogitetis in eordibus uestris.

Matt. 5.

Leu. 19.

Deut. 23

Ps. 7.

Zach. 8.

Tu uerò tamen iniuriarum memor es, & conseruas inimicitias, & ad iudicium uocas, atque iram respicis, & oratio tua impeditur. Quòd si quadringenta nonaginta offensiones dimisisti fratri tuo, tamen auge præterea mansuetudinem tuam in bonitatem per te ipsum; & quamuis ille non faciat, tu tamen stude dimittere proximo, ut efficiaris filius Patris tui, qui est in cœlis, & cùm oraueris, exaudiaris tanquàm amicus Dei.

Quòd oportet Episcopos ea, quæ pertinent ad pacem, suggerere laicis per Diaconos. CAP. LVIII.

ID E O, ò Episcopi, cùm ad orationem peruenitis post lectionem, post psalmodiam, post Scripturarum doctrinam, Diaconus astans prope uos, alta uoce dicat, Ne quis contra aliquem; Ne quis in hypocritis. Vt si inter aliquos dissensio reperta fuerit, conscientia percussi rogent Deum, concilienturque cum fratribus. Etenim si domum aliquam intrantes ante omnia dicere debent, Pax huic domui, ueluti pacis filius, pacem largientes iis, qui ea digni sunt, uti scriptum est, uicinis & longinquis, quos nouit Dominus, quòd sunt sui, multo magis eos, qui Ecclesiam Dei ingrediuntur. Oportet in primis pacem precari. Quòd si quis aliis eam precatur, multo magis ipse in pace reperitur, ueluti filius lucis. Nam, qui illam in se non possidet, non est dignus, qui eam aliis concedat. Ideò opus est ut in primis habeat pacem ipse. Nam, qui ipse secum non dissidet, neque cum alio contendet, sed erit pacificus, amicabile, congregans quæ Domini sunt, cooperator eius factus ad multiplicandum ei illos, qui salui sunt in concordia. Qui enim inimicitias & dissidia

fidia excitant, nec non contentiones ac iudicia, improbi & alieni à Deo iudicantur.

Connumeratio uaria providentia, & quemadmodum Deus à principio per quamlibet generationem uocauit omnes ad pœnitentiam. CAP. LIX.

DEVS enim cùm misericordiæ Deus sit, à principio singulas generationes ad pœnitentiam uocauit per iustos ac Prophetas. Atque illos quidem, qui ante diluuium fuerunt, per Abel, & Sem, & Seth, præterea per Enos, & per Enoch, qui fuit translatus, instituit: eos, qui in diluuiο reperti sunt, per Noe; qui erāt Sodomis, per hospitalem Lot; eos, qui post diluuium nati sūt, per Melchisedech, per Patriarchas, per sanctū Iob; qui in Aegypto fuerunt, per Mosē; Israelitas per eūdem Mosē, & per Iesum Leb, Phinees & reliquos; eos, qui post legem fuerunt, per Angelos, & per Prophetas; eosdem per propriam incarnationem ex Virgine factam; illos, qui fuerūt paulò ante eius corporalem manifestationem, per præcursores Ioannem: eosdem per eundem, etiam post natiuitatem ipsius (Dicebat. n. *Matt. 3.*) Pœnitentiā agite, appropinquauit enim regnum cœlorum) eos, qui post eius passionem fuerunt, per nos duodecim, & per uas electionis Paulum. Nos ergo, qui digni facti sumus, ut essemus testes aduentus ipsius cū Iacobo fratre Domini, & aliis septuaginta duobus, & septē Diaconis eius ex ore Domini nostri Iesu Christi audiuius, & perfectè scientes dicimus, quæ sit uoluntas Dei bona, placens & perfecta per Iesum Christum nobis demonstrata, ut nullus intereat, sed uniuersi homines unanimi sententia credentes ei, & unanimē laudem ferentes in eum, uiuant in æternum.

Quod

CONSTIT. S. APOSTOLORVM

Quod uoluntas Dei est, ut omnes homines sint concordēs in pietatē et imitationem celestium Virtutum. CAP. LX.

HOC est enim illud, quod docuit nos Dominus dicere Patri suo, cū oramus, Fiat uoluntas tua sicut in cœlo & in terra, ut quēmadmodum cœlestes naturæ incorporearum uirtutum omnes concorditer glorificant Deum, ita & in terra omnes homines uno ore, unoque affectu glorificent solum Deum, unum, ac uerum per unigenitum Christum. Voluntas igitur sua est laudari ipsum concorditer, adorari unanimiter. Ea est enim uoluntas ipsius in Christo, ut multi sint, qui saluentur in ipso. nec ei damnum demus, neque Ecclesiam extenuemus, neq; numerū minuamus per unam animam hominis à nobis interemptam, quæ cū potuisset saluari per poenitentiam, periit non modò per propriam iram, sed etiam per uestras insidias, & impleuistis quod scriptum est, Qui non congregat mecum, dispergit. Ac cū talis dissipator fueris, eris etiam ouium aduersarius, Dei inimicus, agnorum corruptor, quorum Dominus pastor fuit; nos congregatores ex uariis gentibus & linguis in multo labore, in periculo, in fatione assidua, in uigiis, ieiuniis, humi cubationibus, persecutionibus, plagis, carceribus, ut Dei uoluntati obsecuti implemus triclinium recumbentium, hoc est sacram & catholicam Ecclesiam gaudentibus & exultantibus iis, qui sunt uocati; laudantibusq; & glorificantibus Deum, qui illos per nos ad uitam uocauit. Vos igitur quoad per uos fieri potuit, dispersistis, Vos uerò laici pacem inter uos seruare studentes Ecclesiam amplificare, & eos, qui putantur agrestes, ad illam reducere; mansuesfacere, atque restituere. Eaquē summa

ma repromissionis merces à Domino proponitur. Si *Ier. 3.*
separaueris ab indigno dignum, & preciosum, quasi
os meum eris.

Descriptio Ecclesiæ & Cleri, & quid unus quisque ex congregatis Clericis & Laicis in Synaxi facere debeat.

C. A. P. I. X. I.

TV uerò ò Episcopo esto sanctus, uacans culpa, nō
percussor, non iracundus, non immanis, sed ædifi-
cator, conuersor, paratus ad docendum, patiens, beni-
gnus, mitis, longanimis, monitor, consolator tanquā
Dei homo. Cū uerò Ecclesiam Dei conuocas, uelu-
ti magnæ nauis gubernator, iube cum omni sciētia cō-
tus celebrari, præcipiens Diaconis tanquā nautis, ut
disponant loca fratribus, tanquā Epibatis cum omni
diligentia & sanctitate. Ac primū sit longa domus,
ad Orientem, conuersa, ex utraque parte pastophoria
habens ad Orientem, quæ nauis habeat similitudinem:
In eius mediō sit Episcopi sedes, ad cuius utrunque la-
tus consideant Presbyteri, & Diaconi assistant succin-
cti & expediti. Hi enim sunt ad nautarum & muralium
præfectorum similitudinem. Horum cura laici in altera
sedeant cum omni quiete & ordine; mulieres quoque
separatim sedeant, silentium seruātes. Medius Lector ē
loco superiori stans, legat libros Moïsis, Iesu Nauæ, Iudi-
cum, Regnorum, Paralipomenon de reditu: præterea
Iob, Solomonis, sexdecim Prophetarum; seruata le-
ctionum uicissitudine. Alius Dauid hymnos canat, &
populus initia uersuum concinat. Post hæc acta no-
stra, & Epistolæ Pauli cooperitoris nostri, quas ad Ec-
clesias misit secundum institutionem Spiritus sancti.

Deinde

Deinde Diaconus uel Presbyter legat Euangelia, quæ ego Matthæus, & Ioannes uobis tradidimus, & cooperatores Pauli Lucas, & Marcus accepta uobis reliquerunt. Ac cum Euangelium legitur, omnes Presbyteri, Diaconi, & Laici assurgant cum magno silentio : *Den. 27.* Scriptum est enim, Tace & audi Israel. Et rursus, Tu *5.* uerò hic sta, & audies. Deinde uerò moneant Presbyteri populum, ut sedeat, sed non omnes, ac postremus omnium Episcopus, qui gubernatori est similis. Maneant autem Hostiarii ad introitus uirorum, illos custodientes : Diaconissa ad introitus sceminarum more nauticorum custodum. Nam in tabernaculo testimonii eadē seruabatur forma cum populo Dei. Si quis inueniatur extra locum sedere, increpetur à Diacono ueluti proreta, & in suum locum reducatur. Non solum enim nauis, sed etiam mandræ habet Ecclesia similitudinem : nam sicut pastores pecudes, capras inquam, & oues secundum genera & ætates separant, & quælibet sui generis similes sequitur ; sic in ecclesia iuniores seorsum sedeant si fuerit locus, alioqui maneant recti, grandiores natu ordine sedeant, pueros stantes recipiant eorum patres & matres. Adolescentulæ rursus, si sit locus, seorsum maneant : cæteroqui post mulieres stent ; nuptæ, & quæ iam liberos habent, seorsum maneant ; Virgines & uiduæ & anus primæ omnium uel stent, uel sedeant. Diaconus autem loca uideat, ut quilibet ingrediens in suum locum concedat, ac præter decorum ne sedeat. Eodem modo Diaconus attendat in populo ne quis murmuret, neuè conuiueat, uel nutet. Oportet enim in ecclesia accuratè, sobriè, uigilanter manere, attentas aures habentem ad Domini sermonē. Post hæc omnes simul assurgentes, & ad Oriëntem conuerſi

ureſi poſt Catechumenorum , & pœnitentum exitum ſupplicent Deo cœlum cœli tenenti , idq̃ue ad Orientem , in memoriam ueteris poſſeſſionis Paradifi ad Orientem poſiti , unde primus homo contempto mandato , ſerpentis conſilio obtemperans , expulſus fuit. Diaconi, abſoluta oratione, alii oblationi Eucharistiæ ſint intenti , miniſtrantes corpori Domini cum timore, alii turbas uideant, quietemq̃ue illis imperent . Dicat autem qui aſſiſtit Pontifici Diaconus populo, NE QVIS CONTRA ALIQVEM. NE QVIS IN HYPOCRISI. Deinde ſalutent inter ſe uiſi , & inter ſe mulieres oſculo in Domino, ſed caueant ne quis dolosè id faciat quẽadmodũ Iudas Dominũ oſculo tradidit. Poſtea Diaconus oret pro omni Eccleſia , proq̃; uniuerſo Mundo; pro ſuis partibus ac membris, itẽ pro ſacerdotibus, pro Principibus, pro Pontifice, pro Rege, atq; pro cõmuni pace. Deinde Pontifex populo precatus pacẽ, eidẽ benedicat, quẽadmodum Moſes mandauit ſacerdotibus, ut benedicerent populo his uerbis, Benedicat
 „ tibi Dominus, & cuſto diat te, oſtendat Dominus faciẽ
 „ ſuam ſuper te, & det tibi pacem. Item Epiſcopus oret,
 „ ac dicat , Saluum fac Domine populum tuum , & benedic hæreditati tuæ , quam poſſediſti , & acquiſiuiſti
 „ precioſo ſanguine Chriſti tui, & uocaſti regale ſacerdotium, & gentem ſanctam . His perfectis ſacrificium peragatur aſtante omni populo atque ſecrètò orante. Ac poſtquàm oblatum fuerit, accipiant ſinguli per ſe , ordine, dominicum corpus, & precioſum ſanguinem gradatim cum pudore, ac timore tanquàm ad Regis corpus accedentes; mulieres quoque uelato capite, quẽadmodum eas decet, ordine accedãt. Cuſtodiãtur portæ, ne quis infidelis , uel non dum initiatus ingrediatur.

SI quis uenit à paroecia frater : uel soror commenda-
 titias literas afferens , cognoscat de iis Diaconus ;
 exquirens, an fideles sint, an ecclesiastici, an ab hæresi
 non deprauati : & rursum si ne nupta uel uidua, atque
 ita cùm perspexerit illorum statum , quòd sunt uerè fi-
 deles & concordés in dominicis rebus , deducat unum
 quemque in conuenientem sibi locum . Si Presbyter à
 paroecia uenerit, recipiatur à Presbyteris in communio-
 nem ; Si Diaconus, recipiatur à Diaconis ; Si Episco-
 pus , unà cum Episcopo sedeat , eundem ab illo obti-
 nens honorem. Rogabisque eum , ò Episcope , ut ser-
 mones habeat ad populum ad docendum accommoda-
 tos , peregrinorum enim adhortatio & admonitio ualde
 accepta, atque uehementer utilis esse consueuit. Nul-
 lus enim Propheta , inquit , acceptus est in patria sua .
 Permittes etiam ei Eucharistiam offerre ; si propter re-
 uerentiam uelut sapiens , scilicet honorem tibi refer-
 uans, noluerit Eucharistiam offerre , coges eum ut uel
 populo benedicat . Si cùm sedet is , alius quidam in-
 terueniat honestus & clarus in uita peregrinus , uel in-
 digena ; tu Episcope qui fortè uel uerbum Dei prædi-
 cas, uel Cantorem aut Lectorem audis, noli illius perso-
 næ obsequio ministerium uerbi relinquere , ut illi pri-
 mum confessum præcipias , sed mane quietus non in-
 terrumpens sermonem , uel auditionem tuam ; fratres
 autem per Diaconos eum recipiant. Si locus desit, Dia-
 conus excitato eo, qui iunior fuerit , non tamen iram
 adhibens, sed persuasionem, illum in sede collocet. Est
 autè æquum ut beneuolus frater id per se faciat . Quòd
 si re-

si renuerit, illum ui deturbatum post omnes statuatur, ut discant reliqui præstantioribus cedere. Si inops aliquis uel obscurus, uel aduena uenerit siue senex, siue adulescens ætate is sit, locusq; desit, ei locum ex toto corde provideat Diaconus, ne personis gratificari uideatur, sed à Deo ministerii gratiam inire. Idem seruet Diaconissa cum aduenientibus mulieribus pauperibus siue diuitibus.

Quòd oportet manè & uespere cœtus frequentare.

C A P. L X I I I.

CVM doces, ò Episcopo, iube & hortare populum ecclesiam frequentare manè ac uespere quotidie, nunquamq; abesse omnino, sed assiduè unumquemq; conuenire, nec ecclesiam mutilare se ipsum subtrahentem, neq; truncum Christi corpus reddere. Non enim solum de sacerdotibus dictum est, sed quilibet Laicus de se id audiat cogitans dictum à Domino, Qui non est mecum, contra me est; & qui non congregat mecum, dispergit. Nolite ergo uos, membra Christi cum sitis, dispergi, cœtus non celebrando, Christum caput habentes, secundum promissionem suam, adiunctum & consociatum uobis. Nec ipsi uosmet negligatis, neque Saluatorem propriis membris destituatis, neque eius corpus scindatis, neque ipsius membra dissipetis, neque huius uitæ necessaria diuino uerbo antepوناتis, sed quotidie conueniatis manè ac uespere psallentes atque orantes in dominicis, manè dicentes psalmum sexagesimum secundum, uespere centesimum quadragesimum, maximè uerò hoc seruetis in sabbato & in die resurrectionis dicato. Verum in die dominico diligentius conue-

ni

M 2 nite,

nite , laudem Deo laturi , qui per Iesum cuncta condidit , & illum ad nos misit , atque mori permisit , & à mortuis excitauit . Nam quam excusationem afferre potest Deo , qui in hoc die non conuenit ad audiendum salutarem de resurrectione sermonem , in quo tres orationes stantes concipimus in memoriam illius , qui tertia die resurrexit , in quo Prophetarum lectio habetur , & Euangelii prædicatio , & sacrificii oblatio , atque sacri cibi dispensatio ?

Exemplum nos ad imitationem inducens , ductum ex Græcorum , & Iudæorum uano concursu ad templa , & Synagogas.

C A P. L X I I I I.

QVOMODO nō hostis Dei habēdus est is , qui in temporalibus diu noctuq̃ , est occupatus , æterna uerò contemnit ? ac balnea quidem & caducum cibum quotidie frequentat , quæ uerò perpetuò manent , non curat ? Quomodo non dicet Dominus huic , Iustificatæ sunt gentes supra uos ; quemadmodum Israeli im
 „
 Mat. 11. properans dicebat , Iustificata est Sodoma ex te . Nam si gentes de somno quotidie excitatæ concurrunt ad Idola , ut illa uenerētur , & priusquàm opus actionē uel aliquam instituant , illis supplicant , & à festis celebratibusque eorum se non subducunt , sed in iis sunt intenti non solū indigenæ , sed etiam qui longè absunt , atque in Theatra tanquàm in Synagogas conueniunt . Eodem modo qui frustra Iudæi nominantur , post sex dierum cessationem , septimo die in Synagogam conueniunt , & uacationis Synagogæque suæ rationem habent (qui tamen in sua infidelitate uirtute uerbi sunt priuati , præterea uerò ipsius nominis , quo appellātur , uim proprietatemque amiserunt , Iudas enim confes-
 fio

fio est, ii autem non sunt confitentes Deo, cùm Christi passionem per scelus effecerint, ut per poenitentiam salutem adipiscantur) si igitur qui non saluantur in iis, quæ sine fructu faciunt, sunt assidui; tu qua excusatione uteris cum Deo, qui Ecclesiam eius derelinquis, nec gentes imitaris; sed eo derelinquis, uel quia te das ignauix, uel quia deficere cogitas, uel alicui malo studes. Quibus dicit Dominus per Ieremiam, Iustitias meas non custodistis, sed neque secundum iustitias gentium ambulastis; paulò minus & superastis illos. Et rursum, Iustificauit animam meam Israel ab incompressa Iudæ, & deinceps, Si mutabunt gentes deos ipsorum, & ii non sunt dii, quoniam pertransistis ad Insulas Chetim, nisi & uidetis. Et in Cedar misistis. & cogitate uehementer si facta sunt hæc, quoniam illa non mutant sua legitima, populus etiam meus mutauit gloriam ipsius, de qua non iuuabitur. Ergo qua defensione utetur is, qui negligit, uel deserit Ecclesiam Dei?

Hæc sententia est in Ezec. 16. Ier. 3. Ier. 2.

Quòd nefas est res mundanas diuinis præferre. CAP. LXV.

QUOD si quis occasionem proprii operis opponens, negligens fuerit, excusando excusationes in peccatis; sciat is, artes fidelium succisuias, propriam eorum operam, pietatem esse. Artes igitur uestras in succisuiis subsecundariisq; operis ponite, ut uictui uestro inseruiant: opere autem pietatem colite, quemadmodum Dominus dicebat, Operamini non cibum, qui perit, sed manentem in uitam æternam. Et rursum, Hoc est opus Dei ut credatis in eum, quem misit ille. Conamini igitur nunquam Ecclesiam Dei relin-

Ioan. 6.

relinquere. Quòd si quis ea neglecta, in gentium con-
 scelerata templa fuerit ingressus, uel in Iudæorum Sy-
 nagogam, uel Hæreticorum, is quam excusationem
 apud Deum inueniet in die Iudicii? quia uerba Dei ui-
 uentis reliquit, uiuentia ipsa uitamque tribuentia, quæ
 possunt æterno supplicio liberare, & ad ædem Dæmo-
 niorum se contulit, uel ad Synagogam interfectorum
 Christi, uel ad Ecclesiam malignantium, non audito
Psal. 25. eo, qui dixit, Odi Ecclesiam malignantium, & cum
Psal. 1. iniqua gerentibus non ingrediare. Et rursum, Bea-
 tus uir, qui non ambulauit in consilio impiorum, & in
 uia peccatorum non stetit, & in cathedra pestilentium
 non sedit, sed in lege Domini uoluntas eius, & in le-
 ge eius meditabitur die ac nocte. Tu uerò relicto Fi-
 delium cœtu, Dei Ecclesia ac legibus, respicis spelun-
 cas latronum, sancta ducens, quæ ille nefaria esse uo-
 luit, & communia faciens, quæ illæ, separauit; non so-
 lumque id facis, sed etiam ad Græcorum ludos curris,
 & ad Theatra properas, expetens unus ex uenientibus
 eò numerari, & particeps fieri auditionum turpium ne
Ier. 15. dicam abominabilem: nec audisti Ieremiam dicen-
 tem, Domine non sedi in consilio ludentium, sed ti-
Iob. 31. muī a conspectu manus tuæ. neque Iob dicentem si-
 milia, Si uerò & cum irrisoribus ambulaui aliquando,
 appendor enim in statera iusta. Quid uerò cupis Græ-
 cos sermones percipere hominum mortuorum, affla-
 tu Diaboli tradentium ea, quæ mortem afferunt, fi-
 dem euertunt, ad deorum multitudinem credendam
 inducunt eos, qui ad illa attentionem adhibent. Vos
 uerò diuinis legibus inuigilantes, uitæ huius necessi-
 tatibus putate eas præstantiores, maioremque iis ho-
 norem deferentes, conuenite ad Ecclesiam Domini,
 quam

quam acquisiuit sanguine Christi dilecti primogeniti
 omnis creaturæ. Ea est enim altissimi filia, quæ par-
 turit nos per uerbum gratiæ, & formauit in nobis
 Christum, cuius participes facti sacra membra existi-
 tis, & electa, non habentia maculam neque rugam, *Eph. 5.*
 neque aliquid huiusmodi, sed tanquàm sancti & irre-
 prehensibiles in fide perfecti estis in ipso, secundum
 imaginem eius, qui creauit uos.

Quiddo oportet declinare omnes Græcorum impietates.

C A P.

L X V I.

CA V E T E igitur ne conuentus celebretis cum iis,
 qui pereunt, quæ est Synagoga gentium ad dece-
 ptionem & interitum. nulla est enim societas Dei cum
 Diabolo: nam qui congregatur unà cum iis, qui cum
 Diabolo idem sentiunt, unus ex ipsis connumerabi-
 tur, & uæ habebit. Fugite quoque indecora specta-
 cula Theatra (inquam) & Græcorum ludos, incanta-
 tiones, ariolationes, uaticinia, lustrationes, aruspici-
 nam, auguria, necromantiam, inuocationes, quo-
 niam scriptum est, Non erit augurium in Iacob, ne-
 que uaticinium in Israel. Et rursum, Augurium pec-
 catum est. Et alibi, Non augurabimini, & ariolatio-
 nes, diuinationes, & Pythones non sequemini, lustrato
 res non acquiretis. Ideo monet Ieremias dicens, Secun-
 dum uias gentium ne ambulaueritis, & à signis cœli
 ne timueritis. Propterea oportet fidelem fugere impio-
 rum cœtus Græcorum ac Iudæorum, reliquorumque
 Hæreticorum, ne ubi unà cum eis degimus, animis no-
 stris laqueos paremus, & ne ubi in eorum festis uerfa-
 mur, quæ in honorem Dæmonum celebrantur, cum
 eis

eis habeamus societatem impietatis. Vitandi quoque sunt illorum mercatus, & qui in iis fiunt ludi. Fidelem enim oportet ad mercatum tantum comparere, ut corpusculum emat, & animam acquirat, atque alia quædam ad usus necessarios comparet. Vitare igitur omnem Idolorum pompam, speciem, mercatum, conuiuia, gladiatores, denique omnia dæmoniacæ spectacula.

Quòd non oportet otiosum comedere, sicuti Petrus Piscator, & alij Apostoli; Paulus uerò & Aquila scenas faciebant, Iudas, & Iacobus agricolæ erant. narrat Hegefippus & Tertullianus Romanus. CAP. LXVII.

QVI in Ecclesia iuuenes estis curate in omnibus rebus necessariis sedulò ministrare, cum omni sanctitate operis uestris uacate, ut omni tempore, & uobis & egentibus suppeditare possitis, ne Ecclesiam Dei oneretis. Etenim nos quoque uacantes uerbo Euangelii succisuias operas non negligimus. Alii enim ex nobis piscatores sunt, alii scenarum artifices, alii agricolæ, ne unquam otiosi simus. Dicit autem quodam in loco Solomon, Vade ad formicam, & piger, et imitare uidens uias ipsius, & fias illa sapientior. Illi. n. cum agricolatio non sit, neq; cogentem habeat, neq; domino subdatur, parat in æstate cibum, multamq; in messe facit congregationem. Et accede ad apem, & disce quàm operaria sit, & opus quàm graue negocietur, cuius labores Reges & idiotæ ad sanitatem adhibent. est autem desiderabilis & gloriosa quemadmodum est uiribus in firma. Et deinceps, Quousque tandè piger iacebis, quando de somno excitaberis, parum dormis, parum sedes,

pau-

Prou. 6.

„ paululum dormitas, paulum autem suffarcinas mani-
 „ bus pectora, postea adest tibi sicut malus uiator pauper-
 „ tas, & egestas tanquam bonus cursor. Si uerò impiger
 „ fueris, ueniet sicut fons messis tua, & egestas tanquam
 „ malus uir transfugiet. Et rursum, Qui laborat terram *Prou. 12*
 „ suam, replebitur panibus. Et alio in loco, Piger com- *Eccl. 4.*
 „ plicat manus suas, & comedit carnes suas, Et dein- *Prou. 19*
 „ ceptus, Abscondens piger manus suas, non poterit ap-
 „ plicare ad os suum. Et rursum, Propter pigritiam *Eccl. 10.*
 „ manuum humiliabitur contignatio. Laborate

ergo assidue, est enim otiosi reprehensio ir-

reparabilis. Si quis non laborat, hic

apud uos non manducet, otiosos e-

nim odit Dominus Deus noster:

Nemo enim ex iis, qui Deo

uacant, esse debet

otiosus.



N CON-

CONSTITVTIONVM

SANCTORVM APOSTOLORVM

B. CLEMENTE ROMANO

AUCTORE,

LIBER TERTIVS.

De Viduis.

CAP. PRIMVM.

1. ad
Tim. 5.



Ecl.
cap. 5.

3. Reg.
17.

ID V A S constituite non minores an-
 nis sexaginta, ut quodammodo pro-
 pter illarum ætatem sitis certi eas bi-
 gamiæ suspitione uacare. Si iunio-
 rem in uiduali statu constitueritis, &
 illa non ferens in iuuentute uiduita-
 tem, nupserit, dedecorabit gloriam uidualis gradus,
 & rationem Deo reddet, non quoniam secundas nu-
 ptias secuta est, sed quoniam suam professionem non
 seruauit, luxuriata Christo. Quare oportet non te-
 mere facere professionem, sed cum consilio & confide-
 ratione: præstat enim eam non uouere, quàm uoue-
 re & non reddere. Si autem aliqua adolescentior sit,
 quæ cum breui tempore uirum suum habuerit, illum-
 que uel per obitum, uel per aliquam aliam occasio-
 nem amiserit, per se manere uoluerit, donum habens
 uiduitatis, beata hæc inuenietur imitata Sidoniam il-
 lam uiduam in Sarephtha, cuius hospitio sanctus Dei
 propheta Helias est usus. Talis mulier similis erit An-
 næ filiæ Phanuelis de Tribu Aser, quæ à templo non
 discedebat diu noctuque inuigilans precibus, & sup-
 plicationibus; quæ nata annos octuaginta quatuor, à
 uirgi-

uirginitate cum uiro uixerat annos septem, Christiſque aduentum glorificans, confitebatur Domino, & loquebatur de illo omnibus, qui expectabant redemptionem in Israel. Quæ talis fuerit, testimonio accepto honorabitur, adepta in terra apud homines gloriam, & in coelo apud Deum æternam laudem.

Quòd cauendum est à conſtitutione Viduæ iunioris propter ſuſpitionem.

CAP. II.

ADOLESCENTIORES Viduæ ad uidualem ſtatum ne ordinentur, ne fortè ea occasione, qua non poſſunt ſorem ætatis cohibere, ad ſecundas nuptias ſcendentes, negocium habeant. Adiuuentur autem & ſubleuentur, ne occasione moleſtiæ carnis, ad ſecundas nuptias delapſæ, in re indecora detineantur. Nam hoc quoque ſcire debetis, quòd primæ nuptiæ, ſi legitimæ ſiant, iuſtæ cenſentur, ut quæ ſecundum Dei uoluntatem ſunt. Bigamia poſt profeſſionem, iniqua habenda eſt, non propter coniunctionem, ſed propter mendacium. Trigamia incontinentiæ eſt argumentum. Id, quod ſupra trigamiam ſit, manifeſta fornicatio iudicatur, & non dubia intemperantia. Deus enim unam mulierem uni uiro tradidit in creatione, Erunt enim duo in carne una. Adoleſcentioribus uerò poſt primi uiri obitum concedatur ſecundus, ne incidunt in iudicium Diaboli, & in laqueos multos, atque in libidines inſanas inutilesque animis, quæ ſupplicium potius, quàm iucunditatem afferunt.

N 2

Quales

*Quales esse oporteat Viduas, & quomodo adiunandæ sint
ab Episcopo.* CAP. III.

VERÆ sunt Viduæ, quæ uni nuptæ fuerunt plurimorum testimonio probatæ, bonis operibus intentæ: uiduæ re uera temperatæ, castæ, fideles, piæ, quæ bene liberos educauerunt, & laudabiliter hospites receperunt, quibus opem ferre oportet tanquam Deo dicatis. Sed etiam pauperum, à Episcopo, memor esto, ipsis quoque adiutricem manum præbens, curamque eorum suscipe ueluti Dei œconomus, opportuno tempore unicuique tribuens, quæ sibi sunt necessaria, uiduis, orphanis, uitæ subsidia non habentibus, & in tribulatione constitutis.

Quid cui libet indigenti bene facere oportet. CAP. IIII.

QUID enim si quædam Viduæ non sint, & quidam uxoribus non careant, cum tamen subsidio egent ob inopiam, uel ob morbum, uel ob liberos alendos, omnes debes respicere, omnium curam suscipere. Nam qui dona dant, non præcisè illa destinant uiduis; sed in uniuersum conferunt, uoluntaria ea appellantes: quo tu sciens eos, qui præmuntur, uti bonus œconomus diligenter impertias eis de munere. Deus enim cognoscit eum, qui dedit, quamuis absens per te egentibus impertiat: atque ille quidem habet beneficentiæ mercedem, tu uerò probatæ œconomiæ laudem: dicque illis, quis dederit, ut ex nomine pro eo orare ualeant. Oportet enim omnibus hominibus benefacere, non facientes delectum huius quiscunam sit, uel illius. Inquit enim Dominus, Omni pe-

tenti

tenti te da. nimirum re uera egenti, etiam si amicus sit,
 etiam si inimicus, si consanguineus, si alienus, si sine
 uxore, si cum uxore uiuat. In omni enim scriptura Do-
 minus de pauperibus præcipit per Isaiam, Frange esu- Cap. 58.
 rienti panem tuum, & egenos uagosque introduce in
 domum tuam. Si uideris nudum, coöperi illum, & pro-
 pinquos seminis tui ne despexeris. Et per Daniele Cap. 4.
 dicit potenti, Ideo Rex consilium meum placeat tibi,
 & peccata tua eleemosynis redime, & iniquitates tuas
 in miserationibus pauperum. Et per Solomonem in- Prou. 14
 quit, Per eleemosynam & fidem purgantur peccata.
 Et per Dauid rursum ait, Beatus qui intelligit super
 inopem, & pauperem, in die mala liberabit eos Domi- Prou. 19
 nus: Et rursum, Dispersit; dedit pauperibus, iusti-
 tia eius manet in sæculum. Et Solomon inquit; Qui
 miseretur pauperis, Domino foeneratur, & secundum Prou. 21
 donum ipsius retribuetur ei. & deinceps, Qui obturat
 aures suas, ne audiat indigentem, & ipse inuocabit, &
 non erit, qui exaudiat eum.

Quod oportet Viduam probitati morum studere. CAP. V.

SI T omnis uidua mitis, placida; proba, malitiæ ex-
 pers; non iracunda, non loquax, non uociferatrix, I. 60. 6
 non procax, non maledica, non uerborum auceps,
 non bilinguis, non curiosa. Si quid uidit uel audiuit,
 quod fuerit minus rectum, perinde sit, atque si id non
 uiderit, nec audiuerit; neque ulla alia res uiduæ sit cu-
 ræ, quàm orare pro iis, qui subsidia ministrant, & pro
 uniuersa Ecclesia. Si quid ab aliquo rogetur, nolit
 facile respondere; nisi in iis, quæ ad fidem, iustitiam,
 spem in Deo habendam perçinent, reiiciatque ad præ-
 positos

CONSTITUTIONES APOSTOLORUM

positos, illos, qui in disciplina pietatis institui uolunt, eaque sola respondeat; quæ faciunt ad evertendum errorem de Deorum multitudine; explicetque rationem de unius Dei principatu; de reliquis non temerè respondeat; ne si quid indoctè dixerit, blasphemiam impingat uerbo. Grano enim sinapis simile esse uerbum Dominus docuit: id uerò ardorem habet, quo si quis imperitè utatur, amarum inueniet: oportet enim in mysticis non proditorem esse, sed cautum: admonet

Matt. 13

Matt. 7.

enim nos Dominus dicens, Nolite proiicere margaritas uestras ante porcos, ne fortè conculcent eas pedibus, & conuersi dilanient uos. Nam Infideles si audiant sermonem de Christo non perfectum, sed imminutum, & maximè cum, qui de incarnatione atque passione habetur, deridebunt nos ueluti eos, qui falsa opinamur. Itaque rea fiet temeritatis & blasphemix Presbyteri, & uæ habebit: Væ enim (inquit) ei,

Isa. 52.

ad Ro. 2.

per quem nomen meum blasphematur in gentibus.

Quòd non oportet mulierem docere; indecorum est enim, & quæ mulieres sequebantur Dominum. CAP. VI.

1. Co. 14

NON permittimus igitur mulieres in Ecclesia docere, sed tantum orare, & magistros audire. nā magister ipse & Dominus Iesus Christus cum nos duodecim ad docendum populum gentesque misisset, nusquam mulieres misit ad prædicationem, quanquā non deerant. Erat enim nobiscum mater Domini, & sorores eius, præterea Maria Magdalena, & Maria Iacobi, & Martha, & Maria sorores Lazari & Solome, & quædam aliæ. Nam si necesse fuisset mulieres docere, ipse primus iis quoque præcepisset, ut unā nobiscum populum

lum instituerent. Si enim caput mulieris uir est, non est æquum ut reliquum corpus capiti imperet. Intel-
ligat uidua se Dei altare esse, sedeatque domi apud se,
non frequentans fidelium domos cum occasione ali-
quid capiendi: altare enim Dei non circumcursat, sed
in uno loco stabile manet. Igitur uirgo quoque, & ui-
dua non circumcursent, neque uagentur per alienas do-
mos, quoniam uagæ impudentesque non consistunt
uno in loco, eo quod non uiduæ sed peræ potius sunt,
paratæ ad capiendum, garrulæ, maledicæ, contentio-
nes ferentes, impudentes, inuerecundæ: quæ sunt hu-
iusmodi, non habendæ sunt dignæ illo, qui eas uoca-
uit. Nam ad communem Synagogæ quietem in die
dominico non conueniunt, ut ii, qui uigilant, sed uel
dormitant, uel garriunt, uel lenocinantur, uel petunt,
uel alios captiuos faciunt, inducentes eos ad malum, ne-
que permittentes sobrios in Domino esse, sed ita illos
præparant, ut tales exeant, quales intrauerunt, scilicet
inanes, cum non audiant eos, qui docent, neque qui
legunt uerbum Domini. De iis enim Isaias propheta
„ inquit, Auribus audietis, & non intelligetis; & uiden-
„ tes uidebitis, & non cognoscetis: incrassatum est enim
„ cor populi huius.

*S. Ign. ad
Tarsen.*

*S. Ign. ad
Phylad.*

Isa. 6.

Quales sint falsæ Viduæ.

C A P. V I I.

EODEM modo talium uiduarum obturatæ sunt au-
res cordis, ne intra suos parietes sedentes, cum Do-
mino colloquia habeant, sed circumcursantes, animo
quæstum per nugas faciendi, aduersarii desideria ex-
pleant. Tales igitur uiduæ non pertinent ad Christi al-
tare: sunt enim uiduæ, quæ in opere hanc rem ponunt,
& quod

& quòd impudenter petunt, & ultra modum capiunt;
 idè iam multos ad dandum segniores reddiderunt: nã
 cum deberent propter modestiam propositi, ecclesiasti-
 cis rebus esse contentæ, per diuitum domos circumcur-
 santes, pecuniam extorquẽt, sibi cumulantes, atq; acer-
 bo fœnore mutuum dant, nihilque præter mammo-
 nam curant; quarum Deus crumena est; quæ escam &
 potum omni uirtuti anteponunt dicentes; Comeda-
 mus, & bibamus, cras enim morimur. Nam, quæ in
 quærenda pecunia est exercitata, pro Deo mammona
 colit, hoc est quæstui seruit. Deo autem grata esse non
 potest, neque eius cultui inferuire, cum nequeat affi-
 duè illum interpellare, ad parandam pecuniam mente
 animoque intenta; quoniam ubi est thesaurus, ibi &
 cor suum. Cogitat enim aliquò accedere quæstus gra-
 ria, uel quòd illa sua amica eius oblita est, & aliquem
 sermonem ad illam referre oportet. Quæ uerò talia co-
 gitat, non potest orationi intenta esse, sed occurrenti co-
 gitationi. Idè quamuis aliquando pro aliquo orare
 uelit, non exaudietur: non enim ex toto corde offert
 orationem Domino, sed distracta cogitatione. Quæ ue-
 rò uult Deo intendere, intus sedens cogitat quæ sunt
 Domini, diu noctuque incessabili ore offerens preces
 mundas. Vt igitur sapientissima Iudith temperantiæ
 testimonio commendata, diu noctuque supplicabat
 pro Israele Deo; sic similis illi uidua continuatam pro
 Ecclesia interpellationem Deo offeret, qui illam exau-
 diet: quoniam eius mens ad hoc solum fixa est, neque
 ad sumptuosam cupiditatem, neque ad insatietatem:
 se proiicit. Huius casti sunt oculi, aures purgatæ, ma-
 nus puræ, pedes quieti, os neque ad ingluuiem, neque
 ad loquacitatem paratum, sed loquens quantum est
 opus

opus, capiens quæ sunt solum ad conseruandam natu-
ram necessaria. Ita cum grauis fuerit & sedata, grata
erit Deo & simul ac petet aliquid, præueniet eam con-
cessio. Adhuc enim te, inquit, loquente, dicam, Ecce
adsum. Talis cum sit, careat auaritia, superbia, turpi lu-
cro; ne sit insatiabilis, ne gulosa, sed continens, mitis,
quieta, uerecunda, pudens, domi sedens; psallens,
orans; legens; uigilans; ieiunans; ex omni parte cum
Deo colloquia habens, cantibus & hymnis; lanam ac-
cipiens, aliis potius ministret, quam ipsa ab aliis petat:
memor commendatæ à Domino, in Euangelio uiduæ,
quæ cum ad templum accessisset; misit in gazophyla-
cium duo minuta; hoc est quadrantem: quam intaius
cordis scrutator Christus Dominus, & magister noster
dixit; Amen dico uobis, quod hæc uidua plusquam o-
mnes in gazophylacium misit, quoniã omnes ex abun-
danti miserunt, hæc ex eo quod deest illi; totum quem
habebat uictum misit. Sanctas igitur uiduas esse oportet,
obedientes Episcopis, Presbyteris & Diaconis,
etiam Diaconissas uenerantes, uerentes, timentes, non
libertate utentes, neque contra mandatum aliquid fa-
cere uolentes, præter sententiam Diaconi; ueluti si per-
gere uelit ad aliquem, ut apud eum comedat, & bibat,
uel si ab aliquo quidpiam capiat. Quod si iniussa ali-
quid horum fecerit, puniatur ieiunio, uel segregetur
ueluti temeraria.

Quod non oportet ab indignis capere, neque uiduam, neque Episcopum,
neque alium fidelem. CAP. VIII.

QVID enim scit qualis sit ea, à qua accipit, uel à
quali ministerio uictum suppeditat? num de ra-
pina,

pina, uel de aliquo non honesto studio ? ignorat uidua quod de una quaque harum rerum rationem Deo reddet, recipiens quæ Deo sunt indigna. Nam neque sacerdotes talis mulieris uoluntariam oblationem unquam recipient, ueluti furis uel meretricis. Scriptum est enim, Non concupisces res proximi, & non offeres mercedem meretricis Domino Deo; Non est igitur à talibus capiendum, neque etiam ab excommunicatis. Sint autem uiduæ paratæ ad obediendum iis, quæ eis à præpositis sunt præcepta, & ad præscriptum Episcopi faciant, ueluti Deo obediennes. nam qui ab huiusmodi excommunicato, uel extra Synagoram eiecto accipit, & pro tali orat, qui in malis perseuerare sibi proponit, nec aliquando uult ad poenitentiam redire; communicat cum eo in oratione, & offendit Christum, qui impiis declinat, & confirmat eum per indignam largitionem, & contaminat se cum eo, non sinens illum ad poenitentiam uenire, ut ingemiscat, & roget Deum.

Quod non oportet mulieres baptizare: impium est enim, & à Christi doctrina alienum. CAP. IX.

DE mulieribus autem an hæ baptizare debeant, significamus uobis, quod non paruum periculum imminet eis, quæ hoc faciunt. Ideo non consulimus; periculosum est enim, immo iniquum & impium. Nam si mulieris caput est uir, is uero ad sacerdotium promouetur, non est æquum opificium contemnere, & principium relinquentem, ad infimum corpus uenire. Mulier enim uiri corpus est, de costa conflatum, subiectūq; illi, à quo est abscissum ad filiorum procreationem. Ipse enim inquit, Tui dominabitur. Principium enim mulieris

mulieris uir est, quoniam eius est caput. Quòd si in præcedētibz docere eas non permisimus, quomodo quis eas præter naturam sacra facere concedat? Hæc est. n. inscitia ad Græcorum impietatem pertinens, sceminis deabus sacrificulas instituere. Sed non est Christi ordinationis proprium: nam si à mulieribus baptizandum fuisset, omnino Dominus à propria matre baptizatus fuisset, non à Ioanne: aut cū nos ad baptizandum misisset, unā nobiscum ad id mulieres misisset. nunc autē id nusquam ordinauit, neque scriptum reliquit, cognoscens & naturæ conuenientiam, & rei ipsius decorum, ut qui naturæ auctor erat & ordinationis legislator.

Quòd non oportet laicum sacerdotale officium facere, baptisma, sacrificium, manus impositionem, & benedictionem. CAP. X.

SED neque laicos concedimus aliquod sacerdotale munus exercere, ueluti sacrificium, baptismum, manus impositionem, uel benedictionem magnam, siue paruam. Non enim sibi quis sumit honorem, sed qui uocatur à Deo. Nam Per Episcopi manus datur hæc dignitas. Qui uerò ad eam promotus non est, sed eā sibi usurpat, Ozix pœnam sustinebit.

Quòd excepto Episcopo uel Presbytero, nemini ex reliquis clericis concessum est, sacerdotalia exercere: ordinare autem soli Episcopo conuenit; alij nemini. CAP. XI.

SED neque reliquos clericos baptizare permittimus, ueluti Lectores, Cantores, Ostiarios, ministros; sed solos Episcopos, & Presbyteros, ministrantibus illis Diaconis. Qui hoc ausi fuerint, Coritarum supplicium patientur. Non concedimus autē Presbyteros ordina-

re Diaconos, Diaconissas, Lectores, ministros, Cantores, Ostiarios; sed solos Episcopos: is est enim ordo, & harmonia ecclesiastica.

Deportatio ab Inuidia.

CAP. XII.

DE Inuidia, obrectatione, detractione, similitate, contentione antea dictum est uobis, quod hæc à Christianis aliena sunt, maxime uiduis, quoniam quidem agitator diabolus multiplex, uariisq; cum sit, de non uiduis triumphum querit, ueluti olim de Cain. Quædam enim uiduas se esse dicunt, officia autem digna uiduitate non faciunt, quemadmodum nec Cain fraterna iusta faciebat. Ignorant enim quod non uiduitatis nomen in regnum ipsas introducet, sed fides uera & opera sancta. Si uero aliqua nomen uiduitatis possideat, aduersarii studia exerceat, uiduitatis eius ratio non habebitur, sed regno expulsa, æterno supplicio tradetur. Audimus enim quasdam esse uiduas obrectatrices, inuidas, calumniatrices, dolentes aliorum commodis. Tales Christi non sunt, neque eius doctrinæ discipulæ. oportebat enim eas, cum conuiduas ab aliquo uestitur, uel argentum capit, uel cibum, uel potum, uel calceamenta, uidentes sororem recreatam dicere.

Quomodo oporteat uiduas orare pro ministrantibus uitæ subsidia.

CAP.

XIII.

BENEDICTVS es Deus, qui consolatus es uiduam! Benedic Domine & glorifica ministrantem ei & opus eius, ut ascendat in ueritate ad te, & memor esto eius in bonum in die uisitationis suæ. Et Episcopo, qui bene

bene ministravit & docuit, opportunam elemosynam
in iudæ conuiduæ meæ fieri, addas gloriam, & des ei co-
ronam gloriæ in die reuelationis uisitationis suæ. Eo-
dem modo uidua, quæ misericordiam accepit, precetur
pro eo, qui uictum ipsi ministravit.

*Quod non oportet gloriari, & efferre suum nomen eam, quæ fructificat
secundum Domini ordinationem. CAP. XIII.*

ILLA tamen, quæ benefecit, occultet proprium no-
men, ueluti sapiens, non canens tuba coram se, ut sit
elemosynâ in occulto apud Deum, sicut dicit Dômi-
nus, Cum facis elemosynam, non cognoscât sinistra
tua quod facit dextera tua, ut elemosynâ tua sit oc-
cultâ & uidua oret pro eo, qui dedit, quicumque
tandem ille sit, cum sanctum Christi altare referat, &
Pater in occulto uidens, beneficienti in aperto reddet.
Sed quæ secundum Dei mandatū uiduæ uiuere no-
lunt, exquirere student, quæ sit illa quæ ministravit,
& quæ accepit, quod cum cognouerint, accusant. mi-
nistrantem illam dicentes, Nesciebas quod ego eram
tibi uicinior, & quod magis egebam quàm illa? Cur
igitur anteposuisti eam mihi? Hæc dicit stulta, non in-
telligens non hominis uoluntate id factum, sed diuino
consilio. Nam cum ipsa testetur se uiciniorē & ma-
iori inopia oppressam, magisque nudam fuisse, etiam
animaduertere debuit, diuinam ordinationem, tacit-
amque, non accusantem præbitricem illam, domum
ingredi, & in faciem procumbentem rogare Deum ut
remittatur sibi peccatum. Deus enim facienti bonum
præcepit, ne opus bonum peruulgaret. hæc autem il-
lam accusauit quod suum nomen non indicauit, ut illo
cognito

21. m
01. m

cc

cc

cc

Matt. 6.

2. m

cc

01. m

cc

2. m

01. m

cognito ad capiendum posset accurrere, ac non solum accusauit, sed etiam illi maledixit, oblita eius, qui
Gen. 12. dixit, Benedicens tibi, benedictus es; & maledicens
Matt. 10 tibi, maledictus. Dicit autem Dominus, Cum intraueritis in domum, dicite; Pax huic domui; & si
 „ fuerit ibi filius pacis, pax uestra requiescet super eum;
 „ Si non fuerit dignus, pax uestra ad uos reuertetur.

Quodd indecorum est conuicio afficere proximum: alienum enim Christiano est maledicere. C. A. B. X. Y. I.

Id. 11. M. **Q**UOD si pax ad eos redit, qui eam miserunt, cum ipsa dignos non inuenerit, multo magis maledictum in caput illorum reuertetur, qui iniuste id miserunt; cum non sit dignus ut in maledictum incurrat is, in quem est iactum. Nam qui inaniter conuicium facit, ipse sibi maledicit, ut ait Solomō, Quemadmodum aues uolant, & passeret, ita maledictum uanum, in neminem superueniet; & rursum dicit, Qui proferunt contumelias, insipientissimi sunt. Atque ut apes robore suo imbecilla, ubi aliquem percussit, amittit aculeum, fitque sterilis, eodem modo uos iniuriam, quam in alios facitis, in uos ipsi recipitis. Lacum enim aperuit, & effodit eum, & incidet in foueam, quam fecit. Qui fodit foueam proximo, incidet in eam. Igitur qui maledictum fugit, alteri ne maledicat. Nam quod in te fieri non uis, nec tu id in alium feceris. Quare castigate inobedientes; increpate inuerecundas; hortamini pusillanimes; confirmate infirmas; laudate in sanctitate ambulantes; benedicant potius, & non conuiciantur; pacem componant, & non excitent bellum. Quare nec Episcopus, nec Presbyter,

sbyter, nec Diaconus, neque alius quisquam de sacro numero, maledicto linguam contaminet, ne pro benedictione consequatur maledictionem. Adhibeat autem studium diligentiamque ut nec laicus maledictum proferat. Omnium enim curam suscipere debet Clericorum, uirginum, uiduarum, laicorum. Ideo, ò Episcopo, coadiutores uitæ tuæ, & iustitiæ operarios Diaconos Deo acceptos gratosque elige, quos ex omni populo probatos iudicas esse dignos, & ad usus ministerii idoneos. Elige quoque Diaconissam fidelem & sanctam ad mulierum ministeria. nam accidit aliquando, cum in aliquorum domos Diaconum ad mulieres mittere non potes, propter infideles, mittes igitur mulierem Diaconissam propter improborum cogitationes. nam ad multos usus muliere Diaconissa indigemus: ac primum cum illuminantur mulieres, Diaconus ungit frontem ipsarum oleo sancto, deinde Diaconissa eas abstergit. Non est enim necesse mulieres aspici à uiris, sed solum in manus impositione caput illius unget Episcopus, quemadmodum sacerdotes, & Reges antiquo tempore ungebantur. non quòd, qui nunc baptizantur sacerdotes ordinantur, sed quòd à Christo Christiani dicuntur; regale sacerdotium, & gens sancta, Ecclesia Dei, columna & firmamentum thalami sponsi: qui aliquando non populus, nunc autem dilecti & electi, super quos inuocatum est nomen ipsius nouum, ut testatur Isaias propheta dicens, Et uocabunt populum

1. Pet. 2.

Isa. 62.

nomen eius nouum, quod Dominus nominabit eum.

De

De diuina initiatione sancti Baptismi. CAP. XVI.

T V ergo, Episcopo, illa figura unges caput illorum, qui baptizantur, siue ii uiri sint, siue mulieres, oleo sancto in figuram spiritualis baptismi. Deinde uel tu Episcopus, uel tibi subiectus Presbyter sacram super ipsos dicens ac nominans inuocationem Patris & Filii, & Spiritus sancti, baptizabis eos in aqua; ac uirum suscipiat Diaconus, mulierem Diaconissa, ut decore traditio infrangibilis sigilli administretur. Postea Episcopus liniat baptizatos unguento.

Quam causam habeat baptismus in Christum cum assignatione

causae eorum, quae in eo dicuntur, ac fiunt. CAP. XVII.

D A T V R igitur baptismus in mortem Iesu, aqua pro sepultura; oleum pro Spiritu sancto; sigillum pro cruce; unguentum est confirmatio professionis; mentio fit Patris uti causae & mittentis; Spiritus sancti uti testis; demersio significat quod commorimur; emersio quod resurgimus. Pater qui est super omnia Deus; Christus unigenitus Deus; dilectus Filius, gloriae Dominus, Spiritus sanctus, Paracletus, qui à Christo mittitur & ab illo docetur, & illum praedicat.

Qualis esse debeat is, qui initiatur. CAP. XVIII.

Q V I baptizatur sit ab omni impietate alienus, mortuus peccato, amicus Dei, hostis Diaboli, haeres Dei Patris, cohaeres filii sui, qui abrenunciauerit Sa-

Satanæ & Dæmonibus, & fraudibus suis, castus, mundus, sanctus, pius, filius Dei, orans tanquàm filius patrem & dicens uti à communi fidelium conuentu in hunc modum, Pater noster, qui es in Cœlis, sanctificetur nomen tuum; Fiat uoluntas tua sicut in Cœlo & in Terra. Panem nostrum super substantialem da nobis hodie, & dimitte nobis debita nostra, sicut & nos dimittimus debitoribus nostris; Et ne nos inducas in tentationem, sed libera nos à malo. Quoniam tuum est regnum, uirtus, & gloria in sæcula. Amen.

Qualis debeat esse Diaconus.

CAP. XIX.

SINT Diaconi nulla ex parte reprehendendi, quemadmodum & Episcopus; tantum sint faciliores, accomodati ad multitudinem Ecclesiæ, ut infirmis ministrare ualeant, ueluti operarii, qui pudore non deterreantur. Ac mulier quidem mulieres curare studeat; uterque nunciandi, cursandi, ministrandi, inseruienti officia absoluat, ut de Domino Isaias dicebat iis uerbis, *Isai. 53.*
 „ Iustifica iustum bene seruientem multis. Vnusquisque igitur suum locum agnoscat, & eum expleat diligenter, concorditer, unanimiter, cognoscens Diaconatus mercedem. Sint Diaconi à pudore alieni in ministrando egentibus, quemadmodum Dominus non ster non uenit ministrari, sed ministrare, & dare animam suam in redemptionem pro multis. Idem ipsos facere oportet; quanquàm animam pro fratre exponere opus foret, nolint dubitare; nam Dominus & Saluator noster Iesus Christus non dubitauit animam suam ponere (ut ipse inquit) pro amicis suis. Quòd si cœli & terræ Dominus omnia propter nos pertulit,
 P quo-

modo uos ministrare indigentibus uerebimini ? cum
 eius imitatores esse debeatis, qui seruitutem, pauper-
 tatem, plagas, crucem propter nos est passus. Quare
 oportet uos quoque uti Christi imitatores inseruire
 fratribus. Qui uult enim (inquit) inter uos esse ma-
 gnus, sit uester minister. Et qui uult inter uos esse pri-
 mus, sit uester seruus : Ita enim ille opere præstitit ut
 inseruaret multis, non sermone, nam cum accepisset
 linteam præcinxit se, deinde misit aquam in peluim,
 nobisque recumbentibus accedens, omnium nostrum
 lauit pedes, & linteo abstēsit. Quod faciens demon-
 strabat nobis fraterni amoris charitatem, ut nos quo-
 que inter nos idem faceremus. Cum igitur Dominus
 noster ac magister adeo semet exinaniuerit, qua ratio-
 ne uos pudebit idem facere in infirmos, & imbecillos
 fratres, cum sitis operarii ueritatis, & pietatis patro-
 ni ? Ministrare igitur amanter, non murmurantes, nec
 discordias excitantes : non enim propter homines hæc
 facitis, sed propter Deum, & ministerii mercedem ab
 illo consequemini in die uisitationis uestre. Necesse
 est igitur uos Diaconos omnes inuisere, qui quidem
 uisitatione opus habent, & de oppressis referre E-
 piscopo uestro. Vos enim anima eius sen-
 susque esse debetis, prompti, & obe-
 dientes in omnibus rebus ei, uti
 Episcopo uestro & patri,
 ac magistro.

Quod,

*Quod à tribus, uel duobus Episcopis debet ordinari Episcopus, &
non ab uno: irritum est enim.* CAP. XX.

EPISCOPVM mandamus ordinari à tribus Episcopis, uel ad minus à duobus. non licere autem ab uno uobis constitui. nam duorum uel trium testimonium firmitus, tutiusque existit. Presbyterum, & Diaconum, & reliquorum clerum ab uno Episcopo. Nec Presbyterum neque Diaconum iubemus ordinare ex laicis clericos, sed Presbyterum tantum docere, offerre, baptizare, benedicere populo; Diaconum ministrare Episcopo, & Presbyteris, hoc est, diaconatum exercere, non tamen reliqua peragere.

CONSTITVTIONVM

SANCTORVM APOSTOLORVM

B. CLEMENTE ROMANO

AUCTORE,

LIBER QVARTVS.

De Orphanis.

CAP. PRIMVM.



I QVIS Christianus Orphanus fiat, siue puer, siue uirgo, bene erit si aliquis ex fratribus carens liberis, puerum suscipiat, & filii loco habeat. uirginem uerò, qui filium habuerit ducendæ uxori idoneum, ei in matrimonium collocet; hoc enim qui faciunt, opus magnum præstant, orphanorum patres facti, & à Domino deo consequentur huius officii mercedem. Quòd si quis secundum gratiam hominum ambulans despexerit, cum sit diues, orphanatus membra, orphanò quidem prouidebit orphanorum pater, & uiduarum iudex; il-

li uerò occurret aliquis, qui ipsius parsimoniam deuorabit; fietque in illum, quod dicitur,

Quæ non comederunt sancti, comederunt Assyrii sicuti Isaias dicit,

Viduam uestram coràm

uobis, alieni deuor-

rant eam.

Isa. 1.

Quo-

Quomodo Episcopus debeat orphanis providere. CAP. II.

VO S Episcopi solliciti estote de eis alendis, in nullo deficientes, orphanis præstantes munera parentum, uiduis uirorum, adultis nuptias, artificum opus, infirmo misericordiam, esurienti cibum, sitienti potum, nudis uestitum, ægrotis medicinam, in carcere inclusis opem. Præterea uerò maiorem curam de orphanis suscipite, ne quid illis desit; uirgini quoad ad nubilem ætatem perueniat, & eam in matrimonium fratri detis; puero ut sit subsidium, quo artem discat, & alatur ex ministerio: ut cum in arte profecerit, tunc possit artis instrumenta sibi emere, ne amplius molestus sit ueræ fratrum erga se charitati, sed sibi suppeditet. Etenim uerè beatus dicendus est is, qui cum possit sibi in sumptus ministrare, orphanis, uiduis, & aduenæ locum nunc occupat.

Quibus debeant subsidia ministrari secundum Domini mandatum.

CAP. III.

QVONIAM & Dominus beatiorem esse dixit eum, *Act. 20.* qui dat, quàm qui accipit. Etenim rursum ab eo dictum est, Væ habentibus, & in hypocrisi accipientibus, uel iis, qui sibi opitulari ualent, & ab aliis accipere uolunt, uterque reddet rationem domino Deo in die iudicii. Nam qui uel propter pupillarem ætatem, uel propter senectutis imbecillitatem, uel propter morbi casum, uel propter filiorum numerum capit, non solum reprehendendus non est, sed etiam laude dignus censeatur. Pro altari enim Deo dicato existimatus, à Deo honorem consequetur, diligenter & assidue pro iis, qui ei præbent, preces fundens, qui non segniter accipit, sed.

sed doni quoad potest gratiam refert per orationem. Talis igitur homo in uita æterna à Deo beatitudinem consequetur. Qui uerò de suo habet, & propter hypocrisim capit, uel propter inertiam, cum tamen laborando aliis opem ferre debuisset, Deo pœnas dabit, quoniam pauperum escam surripuit.

De Auaritia.

CAP. II II L

Eccl. 6.

Prou. II

NAM qui argentum habet, & aliis non impartitur, nec ipse utitur, serpentis locum obtinet, quæ aiunt in thesauris dormire; & de eo uera est Scriptura, quæ ait, Congregauit diuitias, ex quibus non comedet, & nihil ei proderunt pereûti à uindicta. Non enim iuuabunt, inquit, existentes in die iræ. nam qui talis est, in Deum non credit, sed in aurum, existimans illud Deû, & in illo confidens. Veritatis hypocrita is est, personarû acceptor, perfidus, dissimulator, timidus, debilis, leuis, facilis, morosus, tristis, sibi infestus, nemini amicus; huius pecuniæ peribunt, & uir aduena eas consumit, uel à uiuo sublatas, uel illo mortuô perceptas: diuitiæ enim iniuste congregatæ euomentur.

Cum quali timore oporteat dominicarium collectarium participem esse. CAP. V.

MONEMVS igitur uiduas & orphanos, ut cum omni timiditate, ac uerecundia percipiât de iis, quæ ipsis præbentur, gratiasque agant Deo, qui dat exurientibus escam, & in eum oculos attollant. Quis enim, inquit, uestrum comedet, uel quis bibet sine ipso? Ipse enim aperit manum suam, & implet omne animal benedictione

» in edictione, frumentum adolescentibus, & uinum uirgi
 » nibus, & oleum in hilaritatem uiuentium, fenum iumē
 » tis, herbam seruituti hominum, carnes bestiis, semina
 » auibus, & omnibus accommodatam escam. Ideo inquit
 » Dominus, Videte uolatilia coeli, quoniam non semi- *Matt. 6.*
 » nant, neque metunt, neq; congregant in horrea, & Pa-
 » ter uester nutrit illa: nonne illis meliores estis uos? No-
 lite igitur esse solliciti dicētes, Quid comedemus, quid
 bibemus: nouit enim Pater uester, quod iis omnibus in-
 digetis. Cum igitur tanta prouidentia uobis consulat,
 bonaque ab illo percipiat, laudibus efferre debetis
 orphanum & uiduam susipientem, omnipotentem
 Deum per dilectum filium eius Iesum Christum Do-
 minum nostrum, per quem gloria Deo in spiritu & ue-
 ritate in saecula Amen.

Quorum oblationes recipiendae sint, & quorum non sint.

C A P. V I.

EPISCOPVM scire oportet quorum debeat recipe-
 re fructus, & quorum non debeat. Cauendi enim
 sunt illi in capiēdo caupones: non iustificabitur enim *Ecccl. 26.*
 caupo à peccato. De iis Isaias impropersans Israeli di- *Isa. 1.*
 cebat, Caupones tui miscent uinum aqua. Fugienda
 quoque sunt scorta: non offeres enim Domino merce-
 dem meretricis. Rapaces quoque uitandi, & rerum alic-
 narum cupidi, & adulteri: abominabilia enim horum *Deut. 23*
 sacrificia sunt apud Deum. Sed etiam opprimentes ui-
 duas, & orphanum affligentes, & carcerem implentes
 innocentibus. Illi quoque, qui seruos suos malè tra-
 ctant, uerberibus inquam & fame, atque acerba serui-
 tute; fugiendi quoque sunt tibi, ò Episcope, ii, qui ci-
 uitates

uitates totas perdunt, quorum oblationes sunt abominandæ. Vitabis quoque deceptores, & Rhetores iniuriam defendentes, idolorum artifices, fures, iniustos, publicanos, pondera & mensuras fraudantes, militem calumniatorem non contentum stipendiis, sed pauperes concutientem. Homicidam quoque & carnificem, iudicemque iniustum, rerum euerforem, hominum insidiatorem, in sceleribus uersatum, ebrium, blasphemum, cinædum, fœneratorem, denique quemcunque improbum & Dei uoluntatis aduersarium; quoniam inquit Scriptura, tales homines apud Deum esse abominabiles. Nam qui ab iis aliquid capiunt, & alunt de eo uiduas, & orphanos, rei in iudicio Dei efficientur;

3. Re. 13. quemadmodum Adonias in libro Regnorum, Propheta cum Deo non paruisset; panemque comedisset, &
 „ aquam bibisset in loco à Domino prohibito, propter
 „ impietatem Hieroboami, à Leone est interemptus.

Nam uiduæ panis labore partus iustior est, quamuis paucus & exiguus, eo, qui de iniquitate & calumnia quæritur, quamuis multus sit, & elaboratus. Inquit
 Psal. 36. enim Scriptura, Melius est modicum iusto, super diuitias peccatorum multas. Quòd si ab impiis pasta uidua, & satura facta, pro eis supplicauerit, non exaudietur, quoniam scrutator cordium Deus cum iudicio pronunciauit de impiis dicens, Si steterit Moses & Samuel

Isa. 15. ante faciem meam pro eis, non exaudiam ipsos; & tu
 „ ne ores pro populo isto, & noli misereri eorum, & non
 „ accedas ad me pro ipsis, quoniam non exaudiam te.

Quòd

*Quòd indignorum oblationes quousque ij tales manserint, non modò
Deum non placant, sed potius contrà illum ad
iram prouocant. CAP. VII.*

VERV'M etiam ii, qui in peccatis uersantur, nisi pœ-
nitentiam egerint, non solùm non exaudiuntur, cū
supplicanti, sed et Deum irritant, in memoriam ei redu-
centes suam improbitatem. Vitae igitur talia ministe- *Deu. 23.*
ria, tanquàm canis precium, & mercedem meretricis.
Vtrunque enim in lege est prohibitum. nam nec Eli- *4. Reg. 8.*
seus ab Azaele munera allata accēpit, neque Achias à
Ieroboamo. Quòd si Dei Prophetae ab impiis oblata *3. Re 11.*
munera reiecerunt; item uos reiicite ò Episcopi. Sed
etiam Simon Magus mihi Petro, & Ioanni pecuniam af-
ferens, conatus est precio inæstimabilem gratiam eme-
re, quibus reiectis, execrationibus perpetuis illum de-
uinximus; quoniam donum Dei non beneuolentia er- *Act. 8.*
ga Deum, sed pecunia existimauit possideri. Fugite er-
go oblationes altaris Dei à mala conscientia prouenien-
tes, quoniam, Abstine te, inquit, ab iniusto, & non ti- *Isai. 54.*
mebis, & pavor non appropinquabit tibi.

*Quòd praeſtat de proprio labore uiduis suppeditare, quamuis pauca; &
exigua, quàm ab impijs multa, & magna; praeſtat enim
fame perire, quàm ab impijs oblationem
accipere. CAP. VIII.*

SED si dicatis quòd ii sunt, qui eleemosynas dant, à
quibus nisi capiatur, non erit, unde uiduis ministe-
tur, & inopes populi alantur; audietis à nobis quòd
ideo accepistis donum Leuitarum, ut suppeditaretis, &
uobis, & egentibus, ac ne inopia laborantes ab impro-
bis caperetur. Quòd si adeò egebunt Ecclesiae, praestat
perire, quàm ab inimicis Dei aliquid capere in contu-
meliam

CONSTIT. S. APOSTOLORVM

Psa. 140 meliam & irrisiōem amicorum eius. Nam de iis Propheta dicit, Oleum peccatoris non impinguet caput meum. Probationem igitur talium facite, atque ab iis, qui sanctè uiuūt capite, & oppressis præbete, ab iis, qui foris sunt, nolite capere, priusquàm Ecclesiæ membra efficiantur. quòd si desit quod detur, significa fratribus, ex quorum collectis ministra orphanis, & uiduis in iustitia.

Quòd oportet incitari populum à sacerdote ad benefaciendum pauperibus, ut sapiens Solomon dicit. CAP. I X.

Prou. 3. **D**IC populo tuo quæ sapiens Solomon ait, Honora Dominum de tuis iustis laboribus, & primitias
33 da illi de tuis fructibus iustitiæ, ut impleantur horrea
32 tua repletionem frumenti, uino torcularia tua redundēt.
33 Quare de iusto labore fidelium alite, & uestite inopes, & quæ ex eo, ut ante dictum est, cogitur pecunia, statuite ut conferatur in redemptionem sanctorum, liberantes seruos, captiuos, uinctos, ignominia notatos, damnatos propter nomen Christi de Tyrannorum sententia ad monomachias & ad mortem. Inquit .n. Scriptura,
Prou. 24 Libera qui ducuntur ad mortem, & redime occisos,
33 ne parcas.
33

Constitutio ut si quis impius ui obrudat pecuniâ sacerdotibus, in ligna, & carbones eam consumant, & non in uictum. CAP. X.

SI necesse sit aliquādo ab aliquo impio inuitos pecuniam capere, in ligna & carbones illam consumite, ne uidua uel orphanus de ea sumens, cogatur præterphas cibum, uel potum sibi emere. æquum est enim talia quæ

lia, quæ ab impiis ueniunt, ignis pabulum, non piorum escam fieri. Hæc quoque lex præcipit, quæ sacrificium serotinum nõ comedendum appellat, & igni consumi iubet. non enim sua natura mala sunt, quæ offeruntur, sed sententia illorum, qui illa adducunt. Hoc uerò præcipimus, ne omnino uitemus illos, qui ad nos accedunt, cùm sciamus consuetudinem sæpè piorum impiis utilem esse, obesse tantum cultus, & superstitionis societatem. Hæc hætenus dilecti dicta sint uobis propter cautionem uestram.

Leu. 19.

De Parentibus, & filiis.

C A P. X I.

PATRES instituite filios uestros in Domino, educantes eos in disciplina atque præceptis Domini, erudientes in artibus idoneis, atque accommodatis uerbo, ne otio lasciuiantes, & à parentibus non correpti, atque ante tempus libertatem adepti, honestati aduersentur. Quare ne uereamini eos grauius castigatos corripere: non enim occiditis eos cum castigatis; quin potius seruatis illos, ut Solomon in Sapientia inquit, Castiga filium tuum, & requiescere te faciet, hic enim erit tibi bonæ spei; tu enim uirga percuties eum, animam autem eius à morte liberabis, & idem, Qui parcit baculo, odit filium. Et alio in loco, Tunde latera ipsius dum est infans, ne aliquando induratus non obediat tibi. Qui igitur negligit admonere & castigare filium, eum odio habet. Docete ergo filios uestros sermonem Domini, corripite uerberibus, obsequentes facite ab infantia, erudientes eos sacris literis uestris, diuinisque: atque in omni diuina Scriptura instituentes, attendentes, ne in uos potestatem habeant præter uestram sententiam,

Prou. 23

Prou. 13.

Eccl. 30.

Q 2 cum

CONSTIT. S. APOSTOLORVM

cum æqualibus in conuiuium non permittentes eos conferre. Ita enim in intemperantiam labentur & in fornicationem incident. Et si parentum incuria id patientur, genitores rei illarum animarum fient. Si enim negligentia parentum filii cum intemperantibus peccati consuetudinem habebunt, non solum ipsi intemperantes erunt, sed etiam pro eis parentes iudicabuntur. Ideo date operam ut cum ad adultam ætatem peruenerint, matrimonio iungantur, ne illi feruore ætatis in consuetudinem fornicandi incurrant, cuius uos in die Iudicii rationem Domino Deo essetis reddituri.

De Seruis, & Dominis. CAP. XII.

DE Seruis quid præterea dicere possumus, nisi quod seruus beneuolentia prosequatur dominum, quamuis impium, quamuis improbum? non tamen concordiam cum eo habeat religionis. Et dominus diligat seruum, ac quamuis illo præstet, tamen se æqualem iudicet quatenus homo existit. Qui fidelem habet dominum, saluo eius dominio, diligat ut dominum, ut eiusdem fidei consortem, ut patrem, non ut seruus ad oculum, sed ut domini studiosus, & amans; sciens Deum sibi redditurum seruitutis mercedem. Eodem modo dominus fidelem habens seruum, salua sibi seruitute, diligat ut filium, uel ut fratrem propter fidei societatem.

In quibus oporteat subiectos esse mundanis potestatibus.

CAP. XIII.

OMNI Regno, ac Magistratibus subditi estote in eo, quod Deo placet, tanquam Dei ministris, & impiorum

impiorum ultoribus; timorem illis debitum præstare, omne uectigal, omne tributum, omnem honorem, munus, censum: Dei est enim præceptio, nemini quicquam debere, nisi amicitiae signum, quod Deus statuit per Christum.

De Virginibus.

CAP. XIII.

DE uirginitate præceptum non accepimus, uolentium autem potestati id remittimus, tanquam uotum. Illud tamen admonemus, ne faciliè aliquid promittant, quoniam Solomon ait, Melius est non uouere, quàm uouere & non reddere. Virgo igitur ipsa fit sancta corpore, & anima, ut templum Dei, ut domus Christi, ut habitaculum Spiritus sancti. oportet enim eam, quæ promisit, digna promisso suo opera efficiens, ostendere promissum suum uerum esse, & propter exercitationem pietatis, non propter calumniam nuptiarum, conceptum. Ne sit uaga, ne intempestiuè ambulet, careat duplici mente, sit ueneranda, continens, temperata, casta, fugiat multorum commercia, præsertim profanorum.

*1. Corin-
th. 7.
Eccl. 5.*

CONSTITVTIONVM

SANCTORVM APOSTOLORVM

B. CLEMENTE ROMANO

AUCTORE,

LIBER QVINTVS.

De Martyribus.

CAP. PRIMVM.



I QVIS Christianus propter nomen Christi, & charitatem erga Deum, ac fidem ab impiis ad ludos, aut ad bestias, aut ad metallum fuerit damnatus; illum ne deferatis, sed de labore atque sudore uestro illi in uictum mitatis, & militibus in stipendium, ut subleuetur, & cura aliqua colatur, atque, quantum in uobis est, ne ærumnis prematur beatus frater uester. Nam qui propter nomen Domini Dei condemnatur, is Martyr sanctus est, frater Domini; filius Altissimi; habitaculum Spiritus sancti, per quem unusquisque fidelis illuminationem gloriæ sancti Euangelii accepit, eo quòd meruit incorruptibilem coronam martyrii passionum ipsius, & societatem sanguinis ipsius, configuratus morti Christi in adoptionem filiorum.

Quòd

Quòd ijs, qui propter Christum calamitatem ab Infidelibus perferunt, æquum est fideles necessaria præbere secundum Christi ordinationem. CAP. II.

QVARE omnes fideles per Episcopum uestrum de facultatibus, ac de labore uestro ministrare sanctis. Si quis non habeat, ieiunet, partiensque uictum quotidianum distribuat sanctis. Si quis copia bonorum abundet, plura pro ratione facultatum præbeat. Quòd si posset uenditis suis bonis, eos carceribus liberare, beatus censebitur, & amicus Christi. Nam qui pauperibus bona sua dat, perfectus est post rerum diuinarum cognitionem. multo magis qui id pro Martyribus facit; is enim dignus Dei amore obtemperabit eius uoluntati, præbens illis, qui cum confessi sunt coràm gentibus, Regibus & filiis Israel, de

„ quibus Dominus pronunciauit hæc uerba, *Qui me* *Matt. 10*
 „ confessus fuerit coràm hominibus, confitebor & ego
 „ eum coràm patre meo. Quòd si tales sunt ut Christi *S. Ign. ad*
 testimonium coràm Patre sint habituri, non debetis *Smyrn.*
 uos pudore detineri, quin ad eos accedatis. Hoc enim si feceritis, martyrium uobis attribuetur, quoniam illis martyrium tentatio fuit, uobis alioqui promptitudo, & alacritas, ut qui participes illorum certaminis estis. Inquit enim iis Dominus quodam

„ in loco, Venite benedicti Patris mei, accipite regnum, *Matt. 25*
 „ quod paratum est uobis ab origine Mundi. Esuriui enim & dedistis mihi manducare; sitiui, & dedistis mihi bibere; hospes eram, & collegistis me; nudus, & cooperuistis me; infirmus eram, & uisitastis me; in carcere eram, & uenistis ad me. Tunc respondebunt ei iusti dicentes, Domine quando uidimus te esurientem,

tem, & aluimus; uel sitientem, & dedimus tibi bibere; quando te uidimus nudum, & cooperuimus; uel infirmum, & uisitauius; quando te uidimus hospitem, & collegimus; uel in carcere, & accessimus ad te? Et respondens dicet eis, Quod fecistis uni ex iis fratribus meis minimis, mihi fecistis. Et ibunt ii in uitam æternam. Tunc dicet iis, qui à sinistris erunt, Discedite à me maledicti in ignem æternum, qui est paratus Diabolo, & angelis suis. Esuriui enim, & non dedistis mihi manducare, sitiui, & non dedistis mihi bibere; hospes eram, & non collegistis me; nudus, & non cooperuistis me; infirmus, & in carcere, & non uisitastis me. Tunc respondebunt & ipsi dicentes, Domine quando te uidimus esurientem, uel sitientem, uel hospitem, uel nudum, uel infirmum, uel in carcere, & non ministrauimus tibi? Tunc respondebit eis dicens, Amen dico uobis, Quod non fecistis uni ex iis minimis, nec mihi fecistis; & ibunt ii in supplicium æternum.

Quòd fugienda est falsorum fratrum consuetudo, quando perseuerant in malitia.

CAP. III.

SI QVIS dicens se fratrem esse, deceptus à Diabolo malum fecerit, conuictusque, morti sit adiudicatus ut fur, adulter, homicida; recedite ab eo, ut sitis inuiolati, ac ne quis uestrum in suspicionem ueniat societatis sceleris, & in maledictum incurratis, quasi omnes Christiani iniustis actionibus delectentur. Quare longè ab illis discedite, inclusis uerò in custodia odio aduersus Christum, uel ultimo supplicio traditis, uel in uincula coniectis, uel ablegatis,
omni

omni studio opem ferte, membra uestra liberantes de manibus impiorum; ac si quis cum illis repertus comprehendatur, atque flagella perferat, beatus existimatur, quoniam locius Martyris est effectus, imitatorque Christi passionum. Etenim nos quoque pro Christo sæpe à Caipha Alexandro, Anna plagis acceptis gaudentes exhibamus, quoniam digni habiti eramus pro Saluatore nostro talia perpeti. Vos quoque gaudete quòd hæc patimini, quoniam beati eritis in illa die.

Act. 4.

*Quòd per Christum uexatis oportet manum præbere, quamuis
adsit periculum.*

CAP.

IIII.

EOS qui persecutionem propter Christum patiuntur, & de ciuitate in ciuitatem fugiunt propter mandatum Domini recipite, subsidium eis præstantes, eosque uti Martyres amplectimini læti, quòd participes eorum persecutionis facti estis, scientes illos à Domino beatos appellari. Inquit enim ipse, Beati eritis quando exprobrauerint uos, & persecuti fuerint, & dixerint omne malum uerbum contra uos, mentientes propter me; gaudete & exultate, quoniam merces uestra multa est in cœlis. Sic enim persecuti sunt Prophetas ante nos. Et rursus, Si me persecuti sunt, & uos persequentur. Et deinde, Si persequentur uos in hac ciuitate, fugite in aliam, quoniam in Mundo tribulationem habetis. Tradent enim uos in Synagogas, & ante Præsides, & Reges ducemini propter me in testimonium ipsis. Et qui perseuerauerit usque in finem, hic saluus erit: nam qui propter fidem persecutionem patitur, & illi testimonium exhibet, ac perseuerat, is re uera homo Dei est.

Luc. 6.

Ioan. 15.

R

Quòd

CONSTIT. S. APOSTOLORVM

Quòd tremenda, & exitiabilis res est negare Christum.

CAP.

V.

QVI se Christi esse negat, ne hominibus sit in odio, & suam animam magis diligit, quàm Dominum, in cuius manu spiritus eius est positus, is denique miserabilis, atque infoelix est: nefarius, & abominandus, qui hominibus amicus esse uult, Deo inimicus; partem habens non ampliùs cum Sanctis, sed unà cum execratis; qui in locum regni benedicti expetit ignem æternum, paratum Diabolo & angelis eius; & qui non ampliùs ab hominibus odio habetur, sed à Deo repellitur, & à conspectu ipsius eiicitur. nam

Matt. 10 de hoc locutus est Dominus dicens, Qui negauerit me
 „ coràm hominibus, & erubuerit nomen meum, nega-
 „ bo & ego ipsum, & erubescam coràm Patre meo, qui
 „ est in cœlis. Et iterum nobis discipulis inquit, Qui a-
 „ mat patrem uel matrem supra me, non est me dignus,
 „ & qui amat filium, uel filiam supra me, non est me di-
 „ gnus; & qui non tollit crucem suam, & sequitur me,
 „ non est me dignus; qui inuenit animam suam, perdet
 „ eam; & qui perdit animam suam propter me, inueniet
 „ eam. Quid enim prodest homini, si uniuersum Mun-
 „ dum lucretur, animæ uerò suæ detrimentum patia-
 „ tur, uel quam retributionem dabit homo pro anima
 „ sua? Et deinceps, Nolite timere, qui occidunt cor-
 „ pus, animam autem non possunt occidere. Timete
 „ potius qui potest animam & corpus perdere in geen-
 „ nam.

Quod

*Quòd imitari oportet Christum in patiendo, & emu-
lari eius patientiam.* CAP. VI.

VNVS QVISQVE, qui artem aliquam discit, intuens magistrum actione, usuque suo absolvere artis munus, conatur in suo opere illius similitudinem imitari. Nisi igitur uires intenderit, non erit in arte perfectus. Item nos magistrum habentes Dominum nostrum Iesum Christum, cur eius doctrinam non imitamur? Ille enim renunciauit uoluptatibus, delitiis, gloriæ, diuitiis, superbix, opibus, matri, fratribus, denique propriæ uitæ, & propter suam erga patrem pietatem, erga nosque benignitatem, non modò pertulit perfectionem, uerbera, opprobria, illusionem, sed etiam crucis supplicium, ut Iudæos, & Græcos ad pœnitentiam reuocatos serualet. Cùm igitur ille propter nos uitæ commoda reliquerit, nec crucem sibi turpem existimans, neque mortem indecoram, quid est causæ cur nos eius passiones non imitemur, deseramusque præ eo uitam ipsam præstante illo nobis patientiam? Ille enim propter nos, nos propter ipsosmet patimur: non enim nobis opus habet ipse, sed nos illius misericordiâ indigemus. Solùm autem à nobis fidem germanam liberamque flagitat. Inquit Scriptura, Si iustus es quid dabis ipsi? uel quid de manu tua accipiet? uiro, qui est similis tui impietas tua & filio hominis iustitia.

*Iob. 35.
6.*

R 2

Quòd

60 CONSTIT. S. APOSTOLORVM

*Quòd non debet fidelis se periculis exponere, neque propter ignauiam
timere, sed cautè fugere, & si in discrimen incidat,
certare propter repositam coronam.*

C A P. V I I.

RENVNCIEMVS ergo parentibus, consanguineis,
amicis, uxori, filiis, possessionibus, denique omni
uitæ, si quidem aliquid horum impediatur pietatem. O-
portet enim orare nos ne intremus in tentatione. quòd
frad martyrium uocemur, constanter confiteri precio-
sum nomen, ac si propter hanc causam supplicio afficia-
mur, lætemur quòd ad immortalitatem properamus,
persecutionem patientes nolimus quasi in re noua ob-
stupefcere, ne diligamus præfens sæculum, nec huma-
nas laudes, neque principum gloriam atque honorem
more quorundam Iudæorum, qui Domini opera admi-
rantes, metu Pontificum & reliquorum principum, in
eum non credebant: Dilexerunt enim magis gloriam
hominum, quàm gloriam Dei. Profitentes pulchram
illam confessionem fidei, non solùm ipsi saluamur; sed
etiam nuper illuminatos confirmamus, & Catechu-
menos fideles reddimus. Si uerò de confessione decesser-
imus, negantes pietatem ob sententiæ imbecillitatem,
metumque breuissimi supplicii; non solùm ipsi nobis
uitam æternam eripimus, sed etiam aliis interitus aucto-
res sumus, & conduplicatum supplicium feremus, ut
qui propter abnegationem, suspensionem dedimus, cele-
bratam à nobis ueritatem, doctrinam erroris continere.
Quare ne simus nimis prompti, neque ad pericula
præcipientes: inquit enim Dominus, Orate, ne intretis in
tentationem. Spiritus quidem promptus est, caro au-
tem infirma. Quòd si tempus incidat, ne deturpemus
ignauia professionem nostram. Nam si quis abnegata
sua

Ioã. 12.

»

Mat. 26.

»

sua spe, qui est Iesus filius Dei, temporali morte sit liberatus, cras autem in grauissimum morbum incidens, uentris, siue stomachi, siue capitis, uel etiam in aliquam immedicabilem ægitudinem lapsus, ueluti in tabem, cancrum, apostema, morbum intestini, aquam intercutem, tormina, breui exitu finiatur, atque e uita discedat, nonne huius uitæ bonis priuatus erit, & æternis excidet? quin potius intra æternos cruciatus se cōiciet, profectus in tenebras exteriores, ubi est fletus & stridor dētium.

Qui uerò martyriū consequi meruit, gaudeat in Domino quod tantam coronam est adeptus, & per confessionem diem clausit extremum: ac quamuis fuerit catechumenus, lætus discedat: passio enim, quā pro Christo sustinet, cedet ei in ueriores baptismum, quoniam ipse re ipsa commoritur Christo, alii in figurā. Gaudeat igitur quod imitatur magistrum, quoniam de eo mandatum habemus, Perfectus sit omnis sicut magister eius: *Luc. 6.* magister autem eius, ac noster Iesus Dominus propter nos cæsus est, maledicta pertulit, & contumelias cum longanimitate, sputa, & alapas accepit, post flagella cruci affixus est, aceto & felle potatus, perficiens omnia, quæ de se scripta erant. Dixit Deo Patri, In manus tuas commendo spiritum meum. Quare, qui illius discipulus esse cupit, amuletur eius certamina; imitetur patientiam; sciens quamuis ab hominibus igne comburatur, nihil tamen se passurum, ueluti illi tres pueri. quod si patiatur aliquid, tamen præmium à Domino consequetur, fidem habens uni, & soli uero Deo, ac Patri per Iesum Christum magnum Pontificem, & redemptorem animarum, certaminumque remuneratorem, Cui gloria in sæcula Amen.

IPSÆ enim nos excitabit omnipotens Deus per Dominum nostrum Iesum Christum, propter promissionem ipsius ueram; excitabit autem cum omnibus, qui à principio dormierunt, tales quales modò sumus præsentī figura, nil mancum habentes, nec corruptio-
ni obnoxium; quoniam imortales resurgemus. Quamuis enim in mari moriamur; quamuis in terra discerpamur; quamuis à feris, uel ab auibus laniemur, tamen excitabit nos uirtute sua; quoniam Mundus totus Dei manu continetur. Capillus, inquit, ex capite uestro non perit. Ideo monet nos inquit, In patientia uestra possidete animas uestras. De resurrectione autem mortuorum, de quæ Martyrum remuneratione, Gabriel Danieli inquit, Et multi de iis, qui dormierunt, de terræ puluere resurgent; alii enim in uitam æternam, alii in turpitudinem & opprobrium æternum. Et intelligentes fulgebunt quasi sol, & quasi firmamentum; & stelle. Quasi luminaria splendorem habituros Sanctos prædixit Sanctis. Gabriel, ipsos enim intelligere ueritatem testatur, & sacrum nomen eius. Non solùm autem Martyribus promisit resurrectionem, sed etiam omnibus hominibus iustis, atque iniustis, piis, atque
Luc. 21. impiis, ut singuli pro meritis pendant. Adducet enim
Dan. 12. inquit, Deus uniuersam creaturam in iudicium in omni neglecto, siue bonum id fuerit, siue malum. Hanc resurrectionem non credentes Iudæi olim dicebant,
Ecl. 12. Aruerunt ossa nostra, & dissensimus. quibus Deus re-
Eze. 37. spondens dicit, Ecce ego aperio tumulos uestros, & educam uos ex ipsis, & dabo spiritum meum in uobis, & uiuetis, & cognoscetis, quoniam ego Dominus locutus
tus

- tus sum, & faciam. Et per Isaiam inquit, Resurgent *Isa. 26.*
 mortui, & excitabuntur qui sunt in sepulchris; & læta-
 buntur quiescentes in terra, quoniam ros tuus medi-
 cina ipsis est. Multa alia de resurrectione dicta sunt, &
 de iustorum in gloria permanfione, deque impiorum
 supplicio, casu, auersione, poena, infamia, igne æter-
 no, uerme non pereunte. Quod uerò si uoluisset homi-
 nes immortales manere, hoc facere potuerit; ostendit
 in Enoch, & in Helia, quos mortem experiri non per-
 misit. Item quod potuerit quolibet tempore, si uoluis-
 set, eos in uitam reducere, id facere, & per se, & per
 alios, manifestum fecit, cum filium uiduæ per Heliâ ex-
 citauit, & Sunamitidis filium per Helissæum. Persuasi
 autem sumus mortē, supplicium non esse, ex eo quod
 sancti eam sunt passi; immo ipse sanctorum Dominus
 Iesus Christus uita fidelium, & resurrectio mortuorū.
 Quare ueluti in magna ciuitate uersantibus nobis, post
 certamina, inducit breuis temporis dissolutionem, ut
 postea unumquemque in uitam excitatum uel repro-
 bet, uel coronet. Nam qui Adæ & reliquorum corpo-
 ra ex terra coagmentauit, post dissolutionem ea repa-
 rabit, quoniam debetur hæc res rationali hominum
 naturæ. Perpetuitatē inquā. qui igitur corpus dissoluit,
 idem restituet. Et qui dixit quod accepit Dominus pul-
 uerē de terra, & formauit hominē, & inspirauit in faciē
 eius spiritum uitæ, & factus est hō in animam uiuentē:
 & qui post inobedientiam dixit, Terra es, & in terram
 reuerteris. idem postea nobis resurrectionem promisit.
 Audient enim inquit, qui sunt in monumentis uocem *Ioan. 5.*
 filii Dei, & qui audiuerint, uiuent. Præterea credimus
 resurrectionem futuram, ex Domini resurrectione: Ip-
 se enim, qui Lazarum quatruiduanum in uitam reduxit, *Matt. 9.*
 &

102. 11. & Iairi filiam, ac uiduæ filium, sequē ipsum etiam man-
dato Patris tertia die excitauit; quod est pignus & arra
resurrectionis nostræ, Ego enim, inquit, sum resurrectio
& uita; quique Ionam post tertium diem uiuum inco-
lumemque de uentre cetæ eduxit, & Daniele ore leonum libe-
rauit; is quoque nos poterit à morte excitare. Quòd si
Græci derident nos, non credentes nostris scripturis, sal-
tem fidem habeant uati suæ Sibyllæ, quæ ad uer-
bum ita inquit.

» Atque ubi cuncta cinis fuerint tenuisq; fauilla:
» Atque idem Deus extinguet quem incenderit ignem,
» Ossaq; restituet rursum cineresq; sepultos;
» Et genus omne hominum (ut fuerant.) Deus ipse reponet,
» Tunc graue iudicium ueniet, quo iudices Orbem,
» Ipse iterum Deus, hosq; iterum iam terra recondet.
» Sed quoscunque pios, uiuos suscipiet Orbis
» Inspirante Deo uitam, gratumq; fauorem,
» Mutuaq; inter se cumulant gaudia lati.

Cum igitur illa resurrectionem affirmet, corporumque
renouationem non neget; piosque ab impiis discer-
nat; temerè ii nostratibus aduersantur. Quanquàm
aiunt in unica specie * se resurrectionē ostendere, non
credentes iis, quæ ipsimet narrant. Aiunt enim auem
quandam esse soligenam, uberem præbentem resur-
rectionis demonstrationem, quam dicunt comparem
non habere; solamque in Mundo reperiri, Phœnicem
appellant; narrantque eam post quingentesimum an-
num in Aegyptum aduolantem, secumque copiam
cinnamomi, casia, xylobalsami adducentem, in lo-
co, qui dicitur, Solis ara, consistere, ibique conuer-
sam ad aspectum Solis, ei (ut aiunt) supplicem sponte
con-

conflagrare, redigique in puluerem. Ex cineribus autem uermem existeret, eumque concalefactum, in nouam phœnicem formari, alitemque factum in Arabiam, quæ est ultra Aegyptiacum saltum, aduolare. Cum ergo (ut ipsi aiunt) per auem rationis expertem, probetur resurrectio, cur temerè nostratia calumniantur, cum fateamur, qui potentia sua effecit, ut quod non erat, esset, eum quoque facere posse ut id post eius interitum restitueretur? Nam propter hanc persuasionem uerbera, persecutiones, mortes perferimus. nam frustra ea didicissemus, nisi firmiter nobis hærent ea, quæ aliis prædicanda suscepimus. Quemadmodum igitur credimus Mosi dicenti, In principio fecit coelum, & terram. & cognoscimus, non materiæ inopia, sed uoluntate sola Christum, quæ constituit, ea produxisse coelum inquam, terram, mare, lumen, noctem, luminaria, astra, uolatilia, aquatica, quadrupedia, reptilia, plantas, herbas; eodem modo excitabit nos sua uoluntate, ope aliena non indigens. Eiusdem enim facultatis munus est, producere mundum, atque mortuos excitare. Atque tunc quidem hominem, qui nullus erat, ex diuersis constantem rebus effecit, data ei anima de nihilo; nunc autem existentibus animis, dissoluta corpora restituet. Rerum enim manentium est resurrectio, non in nihilum redeuntium. Ille igitur, qui prima corpora de nihilo effecit, ex iisque uarias naturas composuit, idem mortuos uita reddita excitabit. Nam qui in utero hominem de pusillo semine fingit, animamque illi non dum existentem, creat, &

„ (ut ipse inquit quodam in loco Ieremiæ) Antequam te *Ier. 1.*
 „ formarem in utero, noui te. Et alio in loco, Ego Do- *Zac. 12.*
 „ minus firmans coelum, & fundans terram, & formans

S spiritum

CONSTIT. S. APOSTOLORVM

spiritum hominis in eo. idem ipse omnes homines excitabit, cum eius sint opera, quemadmodum diuina Scriptura testatur dixisse Deum unigenito Christo, Faciamus hominem ad imaginem & similitudinem nostram. Et fecit Deus hominem; secundum imaginem Dei fecit illum, masculum & foeminam fecit eos. Et diuinissimus & patientissimus Iob. de quo Scriptura ait, quod scriptum est eum resurrecturum cum iis, quos Dominus suscitabit, sic inquit ad Deum, Nonne sicut lac mulsisti me, & sicut caseum me coagulasti? pelle, & carnibus uestisti me, ossibus, & nervis compegisti me. uitam & misericordiam posuisti apud me, & uisitatio tua custodiuit spiritum meum. Hanc habens in me ipso, scio quod omnia potes. Ideo inquit Saluator ac magister noster Iesus Christus, Quod hominibus est impossibile, Deo possibile est. Dicitque Deo charissimus Dauid, Manus tuae fecerunt me, & plasmauerunt me. Et iterum, Tu nosti figmentum nostrum. Et deinceps, Tu plasmasti me, & posuisti super me manum tuam. Mirabilis facta est scientia tua, ex me confortata est, non poteram ad eam. Imperfectum meum uiderunt oculi tui, & in libro tuo omnes scribentur. Sed etiam Isaias illi supplicans dicit, Nos lutum, & tu factor noster. Quare si opus eius homo est per Christum effectus, omnino mortuus per eum resurget, uel ad recte factorum praemia, uel ad scelerum supplicia. Quod si Iustitia iudicat ueluti legislator, quemadmodum impios punit, ita seruat fideles, atque eos, qui pro Christo ab hominibus sunt interfecti, alios quasi astra decorans, alios quasi luminaria illustrans, sicuti Danieli dicebat Gabriel. Quare cum fideles Christi discipuli omnes simus, eius promissionibus credimus. uerus est enim qui promisit

Dicit

» Dicit autem beatus Propheta Dauid, Fidelis Dominus *Ps. 144.*
 » in omnibus sermonibus suis, & sanctus in omnibus o-
 » peribus suis. Nam qui de Virgine sibi corpus parauit,
 is reliquorum hominum instituit originē, qui ipse se è
 mortuis excitauit, is omnes sepultos in uitam reuoca-
 bit; qui ex uno grano multum tritici de terra excitat, &
 abscissæ arbori regerminantes surculos restituit, & are-
 factæ uirgæ Aaron reddidit uiriditatem, ille ipse nos
 quoque suscitabit in gloria; & qui paralyticum incolumem
 restituit, aridam manum habentem curauit; cæco
 à natiuitate, luto de sputo ac terra factō, mancā par-
 tem reddidit, idem ille nos in uitam reducet; qui quē ex
 quinque panibus, & duobus piscibus, quinque millia
 hominum satiauit, ut duodecim cophani superessent;
 & in uinum aquam conuertit, & ex ore piscis per me
 Petrum eductum staterem censum petentibus misit, is
 quoque mortuos suscitabit. Hæc enim omnia nos de
 eo testamur, alia contestantur Propheta. Nos quī cum
 illo comedimus, & bibimus, & spectauimus eius mira-
 cula, uitam, consuetudinem, sermones, passiones, mor-
 tem, resurrectionem à mortuis, uersatiquē cum eo su-
 mus postea per quadraginta dies, mandatumquē ha-
 buimus ut prædicaremus Euangeliū in uniuerso Mun-
 do, & doceremus omnes gentes; baptizaremusquē in
 mortem eius in uirtute Dei cunctorum; qui est pater
 ipsius, & testimonio Spiritus, qui est paracletus; iidem
 illi docemus uos hæc omnia, quæ cū nobis præcipe-
 ret, in cœlum ab oculis nostris sublatus est, rediens ad
 eum, qui ipsum miserat. Quæ si credetis, beatitudinem
 assequemini, cæteroqui ipsi sine culpa inueniemur, nec
 nos contaminabit infidelitas uestra. De Martyribus
 dicimus uobis, ut apud uos in omni honore sint quem

admodum & apud nos in honore habiti fuerūt, beatus Iacobus Episcopus, & Sanctus noster condiaconus Stephanus. ii enim & à Deo sunt beatitudinem consecuti, & ab hominibus honorem; expertes omnis delicti; obfirmati aduersus peccatum; immutabiles in bonis; securi in laudibus, de quibus Dauid dicebat, Preciosa in cōspectu Domini mors Sanctorum eius. & Solomon, Memoria iusti eum laude. De quibus propheta quoq;
 Pron. 10 „ dicebat, Viri iusti tolluntur.

De falsis Martyribus.

C A P. I X.

OMNIA iam dicta sunt, quæ ad eos, qui pro Christo uerè Martyres sunt, pertinebant, nihil de falsis
 Pron. 10 Martyribus, de quibus scriptura dicit, Nomen Impiorum extinguitur. Testis enim fidelis non mentitur,
 „ „ profert falsa testis iniquus. nam qui sine mendacio martyrium pro defendenda ueritate est executus, is uerax Martyr putatur, fidelisque, eo quòd uerbo pietatis per proprium sanguinem est patrocina-
 Pron. 14 „ tus.

Moralis admonitio.

C A P. X.

HORTAMUR uos fratres, & conserui ut relinquatis inania & turpia uerba, facetias, ebrietates, libidines, delicias, immoderatam iracundiam cum stultis sermonibus; quoniam neque in Dominicis diebus, qui sunt hilaritatis & lætitiæ, concedimus uobis præter sanctitatem aliquid dicere uel facere. Ait enim
 Ps. 2. „ quodam in loco scriptura, Seruite Domino in timore, & exultate ei in tremore. Exultationes igitur uestras

stras cum timore & tremore celebrari oportet. Christianus enim fidelis nec carmen Ethnicum, neque meretriciam cantilenam canere debet, quoniam continget eum in cantione, dæmoniacorum nominum Idolorum mentionem facere, & in locum Spiritus sancti inuadet in eum spiritus malus.

Admonitio erudiens fugiendam Idololatriæ abominationem.

C A P.

XI.

PROHIBITVM est autem iurare per illa, & in ore habere illorum abominabilia nomina, uel ea colere, uel timere ueluti Deos: non enim dii sunt, sed improbi dæmones, & ridicula opera. dicit enim quodam in loco Dominus de Israelitis, Reliquerunt me, & iurauerunt in diis, qui non sunt, & reliqua. Tollenam nomina idolorum ex ore ipsorum. Et alio in loco, Ipsi me prouocauerunt in iis, qui non sunt dii; irritauerunt me in Idolis suis, atque in omnibus scripturis hæc prohibita reperiuntur à Domino Deo.

Ier. 5.

Zach. 13

Deu. 32.

Quid non oportet Cælum & astra colere, neque per ea, aut per alias creaturas iurare secundum Domini mandatum.

C A P.

XII.

NON solum enim de Idolis prohibitum est, sed etiam de luminaribus lege est sancitum, ne quis per illa iuret, neque ea colat: inquit enim, Ne aspiciens Solem, & Lunam, & astra, in errorem inductus adoraret. Et alio in loco, Secundum uias gentium nolite discere, & à signis Cœli nolite timere. astra enim & luminaria ut luceant hominibus, non ut colantur

Deut. 4.

Ier. 10.

data

data sunt. Et si Israelitæ, uitio morum, pro Creatore adorabant creaturam, Opificem contemnentes, creaturam plusquàm oportuit admirantes; qui quandoque titulum confluuerunt, ut in deserto; aliquando Belphegor adorauerunt; aliquando Baal, & Thammus, & Sidoniam, Astartem, ac rursum Moloch, & Chamos; & aliquando Solem, ut in Ezeciele scriptum est. Iam uerò bruta quoque coluerunt, ut Aegyptium Apim & hircum, Desum, ac deos argenteos & aureos: quod factum est in Iudæa. quo circa minitans

Ezech. 9 illis per Prophetam aiebat, Parumne est hoc domui
 „ Iudæ, quòd faciunt abominationes istas; quas fecerunt,
 „ quando impleuerunt terram iniquitate, eo quòd
 „ irritauerunt me? Et ecce ipsi sunt, quasi subsannantes,
 „ & ego faciam cum furore; non parceret oculus meus,
 „ neque miserebor, & clamabunt in auribus meis uoce
 „ magnâ & non exaudiam eos. Videte dilecti quantâ
 „ aduersus Idololatrias, & colentes Solem, ac Lunam
 „ pronunciet Dominus. Quare debet homo Dei, uti
 „ Christianum decet, nec per Solem iurare, neque per
 „ Lunam, neque per astra, neque uerò etiam per Cœlum,
 „ neque per terram, uel per aliquod elementum
 „ magnum siue paruum. Nam si magister per uerum
 „ Deum nos iurare prohibuit, ut oratio uestra iureiurando
 „ firmiter sit, neque uerò per Cœlum (pertinet enim
 „ ad Græcorum impietatem) neque per Israellem,
 „ uel per Dei sancta, uel per altare, ac donum, uel per
 „ templi ornatum, uel per proprium caput: Est enim
 „ Iudaici abusus consuetudo; ideoque prohibetur: fidelibus
 „ uerò præcipit illorum sermonem esse, Est, est,
 „ Non, non, quodque præter id sit, esse à malo; quanto
 „ damnabiliores sunt qui falsa nomina adhibent ad
 „ iusiurandum

iurandum, & existimata pro ueris colunt? quos Deus propter malitiam tradidit in reprobum sensum ut operentur quæ non oportet.

Numerus dierum festorum Domini, quos oportet custodire, & quando quilibet ex ijs sit celebrandus. CAP. XIII.

DI ES festos custodite fratres. In primis diem Natalem, qui celebretur à uobis uigesima quinta noni mensis. Post quem Epiphaniæ dies sit uobis in maximo honore, quo die Dominus propriam diuinitatem ostendit. Celebretur is sexta decimi mensis. Post quem, seruandum est à uobis ieiunium quadragesimæ, continens memoriam conuersationis & legislationis Domini. Celebretur hoc ieiunium ante ieiunium Paschæ, quod incipiens à secunda sabbati, desinat in Parasceuem. Post quos dies soluto ieiunio, aggredimini sanctam Paschæ hebdomadam; ieiunantes in ea omnes cum timore, & tremore, orantes per eos dies, pro iis, qui pereunt.

De Pascha.

CAP. XIII.

AG GRESSI enim sunt consilium aduersum Dominum in secunda sabbati mense primo, qui est xanthicus, & ad tertiam sabbati durauit deliberatio; quarta decreuerunt eum cruce interimere.

De Iuda.

CAP. XV.

AC Iudas hoc cognouit, qui pridem deprauatus, tunc etiam à diabolo auaritia corruptus fuit; quan-

quanquàm antea cùm ei loculi traditi essent, & pauperum res furaretur, non reiectus fuit à Domino propter longanimitatem, sed aliquando comedentibus nobis cum eo, uolens illum ad sanitatem reducere; nosque erudire, eius prædictionem præfatus est inquit, Amen amen dico uobis quòd unus ex uobis me tradet. Et quolibet nostrum dicente, nunquid ego sum? Dominoque tacente; consurgens ego unus ex duodecim, qui plus aliis ab illo diligebam, & ad pectus eius recumbens, ei supplicabam ut diceret, quis eum esset traditurus; neque tamen hoc modo indicauit nobis illius nomen bonus Dominus, sed duo signa proditoris dedit, unum dicens, Qui intingit mecum panem in catino. alterum, Cui ego intinctam buccellam dabo. quanquàm illo dicente, Nunquid ego sum Rabbi? tamen non dixit Dominus, etiam, Sed tu dixisti. illumque de hoc perterrefacere uolens ait; Vae homini illi, per quem filius hominis tradetur; melius esset ei si natus non fuisset. quæ cum audiuiisset, discessit, dixitque sacerdotibus, Quid uultis mihi dare, & ego illum uobis tradam? Illi uerò constituerunt ei triginta argenteos; & impleta est Scriptura dicens, Et acceperunt triginta argenteos precium apreciati, quod parauerunt à filiis Israël, & dederunt eos in domum figuli. Itaque quinta die cùm comedissemus apud eum, Pascha, & intinxisset ille manum in catinum, & buccellam accepisset, exiuiissetque nocte, dixit nobis Dominus, Venit hora, qua dispergamini, & me solum relinquantis. Et quolibet contendente, se eum non deserturum, meque Petro promittente, cū illo me comoriturum, dixit, Amen dico uobis, antequam gallus cātet, ter me negabis nosse.

Quòd

Quod non aderat Iudas cum Dominus discipulis tradidit mysteria.

C A P.

XVI.

CVM uerò antitypa mysteria preciosi corporis & sanguinis sui nobis tradidisset, quibus non aderat unà nobiscum Iudas, exiit ad montem oliuarum prope torrentem Cedron, ubi erat hortus: aderamus cum eo etiam nos; hymnumque de more diximus; cumque longè à nobis secessisset, rogauit patrem dicens, Pater transfer à me calicem; ueruntamen non mea uoluntas fiat, sed tua. Quod cum ter fecisset, nosque propter molestiam in somnum incidissemus; accedens ipse ad nos, Venit, inquit, hora, & filius hominis tradetur in manus peccatorum. Et ecce Iudas & cum eo turba impiorum. signumque proditiōis illis ostēdit dolosum osculum, qui signo accepto ceperunt Dominum, uinctumque in domum Pontificis Caiphæ duxerunt, in qua frequens conuenerat non populus, sed colluies; nec sacrū presbyterium, sed confessus iniquorum & impiorum consilium. Qui cum multa contra eam facerent, nullum petulantiae genus omittebant, despuentes, deridentes, cædentes, conuiciantes, tentantes, diuinationes pro Prophetiis quærentes, simulatorem, blasphemū, Moīsis uiolatorem, templi euerforem, sacrificiorum extinctorem, Romanorum hostem, Cæsaris aduersarium eum appellantes. Cumque usque ad primum diluculum ei ita insultassent, tauri illi & canes ad Annam eū ducunt, qui Caiphæ gener erat. cūque ibi similia egissent, & esset illo die Parasceue, Præsidi Romanorum Pilato tradunt, multa ac graua ei obiciētes, quæ probare non potuerunt. Quare indignatus Pilatus nullam, inquit, aduersus hunc causam reperio. Itaque illi

T duobus

- duobus falsis testibus productis, Dominum criminari uoluerunt. Qui cum uarii & inter se dissentientes reperi fuissent; ad maiestatem rem reuocauerunt, dicentes, Hic iacet se regem esse, prohibetque tributa dari Cæsari. fiuntque iidem accusatores, testes & iudices; sententiæque auctores, dicentes; Crucifige crucifige eum. ut impleretur quod de eo in Prophetis erat scriptum, Congregati sunt super me testes iniqui, & mentita est iniquitas sibi. Et rursus, Circumdederunt me canes multi, concilio malignantium complexi sunt me.
- Psf. 26.* Et alio in loco, facta est hæreditas mea mihi; sicut leo
Psf. 21. in sylua, dedit super me uocem suam. Igitur Pilatus ob animi molliciem, dedecorato magistratu, ipse se improbitatis coarguit, qui turbas, quam iustitiam colere maluerit; testatusque sit, illum esse innocentem, & uti nocentem, tamen eum crucis supplicio tradiderit, quamquam Romanorum legibus prohibētibus quenquam indicta causa supplicio affici. Carnifices porro comprehensum Dominum gloriæ, ligno confixerunt; sexta enim hora illum in crucem egerunt, tertia sententiam acceperunt, postea acetum ei ad bibendum felle mistum obtulerunt; tum uestimenta sorte partiti sunt, duosque maleficos ex utraque parte cum eo crucifixerunt, ut impleretur quod dictum est, Dederunt in escam meam
Psf. 68. fel, & in sitim meam potauerunt me aceto. Et rursus,
Psal. 21. Diuiserunt sibi uestimenta mea, & super uestem meam miserunt sortem. Et alio in loco, Et cum impiis reputatus sum. Deinde per tres horas tenebræ extiterunt à sexta ad nonam. Rursus lux orta est uergente Sole ad Occasum, sicut scriptum est, Nonne dies, & non nox & ad uesperam erit lumen? Quæ omnia intuiti qui cum eo in crucem acti fuerant latrones, alter ex eis maledicta
 . dicta

dicta in eum iaciebat, ut qui ob imbecillitatē sibi opem
 ferre non posset, alter huius inscitia increpabat; ad Do-
 minumque conuersus uti illustratus ab eo, sciensque
 qui nam esset qui pateretur, rogabat eum ut postea in
 regno; sui memor esset. Ipse uerò cōcessa illi rerum præ-
 teritarum obliuione, in Paradisum eum introduxit ad
 fruendum mysticorum bonorum suauitate. Circa ue-
 » rò horam nonam exclamans, Deus meus, inquit, cur
 » me dereliquisti, & paulò post uocē magna clamans, Pa-
 » ter, inquit, dimitte eis; non enim sciunt quid faciunt. &
 » subiungens, In manus tuas commendo spiritum meū.
 spiritum emisit; sepeliturque ante Solis occasum in
 monumento nouo. Illucescente uerò una sabbatorum, *S. Ign. ad*
 surgens à mortuis præstitit illa, quæ ante passionem no- *Trall.*
 bis prædicebat, quòd oportebat filium hominis in cor-
 de terræ per tres dies, & per tres noctes manere. Excita-
 tusque à mortuis, primum Mariæ Magdalenæ, & Ma-
 riæ Iacobi se se ostendit, postea Cleopæ in itinere, dein
 de nobis suis discipulis; qui quidem propter metum Iu-
 dæorum fugiebamur, clanculum autem de illo exqui-
 rebamus. Hæc in Euangelio quoque scripta sunt. præce-
 pit igitur nobis ut ieiunaremus sex his diebus propter
 Iudæorum impietatem atque iniquitatem: admonens
 nos ut eos ob interitum lugeamus, atque deplemamus.
 Etenim ille quoque illacrymatus est, ignorantibus tē-
 pus uisitationis suæ. In quarta feria & Parasceue no-
 bis ieiunium indixit; in illa ob prodicionem, in hac ob
 passionem; desinere autem ieiunium in septima die in
 galli cantu. Iussit in ipso sabbato ieiunare, non quòd
 oporteat in sabbato ieiunium seruare, cū in eo cessatio
 conditi operis sit, sed quòd in illo tantum ieiunare
 oportet, in quo opifex ipse subtus terram mansit. In ip-

CONSTIT. S. APOSTOLORVM

- fo enim festo suo detinuerunt Dominum, ut impleretur ille sermo, Posuerunt signa sua in medio festiuitatis
Is. 73. eorum, & non cognouerunt. Debemus igitur pro ipsis
 33 lugere, quod cum uenisset Dominus, ei credere noluerunt; iudicantesq; se salute indignos, eius doctrinam re
 33 iecerunt. Beati nos igitur sumus, qui aliquando populus, nunc uero gens sancta, liberata Idolorum errore,
 33 ignorantia, impietate: qui non misericordiam consecuti, nunc propter obedientiam cordis uestri misericordiã
 impetrauistis. Vobis enim, qui ex gentibus uenistis, apertum est ostium uitæ, qui aliquando non eratis dilecti, nunc in gratiam atque amorem recepti estis, populus acquisitionis Dei, designatus ad eius uirtutes enun
Isa. 65. ciandas: de quibus dixit Saluator, Inuentus sum à non
 33 quærentibus me, manifestatus sum à non interrogan
 33 tibus me. dixi, Ecce adsum genti, qui non inuocauerunt nomen meum. Nam cum illum non quæreretis, tunc ab illo quæsit estis. Quare cum in eum credideritis, obedite eius uocationi, relinquẽtes multorum deorum insaniã, atq; ad unum uerum & Omnipotentẽ Deum confugientes per Christum, qui effecti estis supplementum numeri eorum, qui saluantur decem millia myriadum;
 33 & millia millium, ut scriptum est in Dauid, Cadent à latere tuo mille, & à dextris tuis decem millia. Et rur
Psal. 67. sum, Currus Dei decem millibus multiplex milliã lætã
Isa. 65. tium. Ad Israelem uero infidelem dicit, Tota die expandi manum meam ad populum non obedientem, & con
 33 tradicentem, ambulantem in uia non bona, sed post
 33 peccata sua; populum irritantẽ me in conspectu meo.

Con-

Connumeratio prophetiarum prædictionum, quæ Christum prædicant, quarum exitum Iudæi cernentes, tamen ob malitiam credere noluerunt, eum esse Christum Dei, & ad crucem gloriæ Dominum condemnauerunt.

CAP.

XVII.

- V**IDETE quomodo irritauit Dominum populus, cum ei credere noluerit. Ideo dicit, Irritauerunt Spiritum sanctum, & conuersus est eis in odium. tenebræ enim eis offusæ sunt propter suam improbitatem, quoniam cerpentes Dominum, non crediderunt eum esse Christum Dei, ante omnia sæcula ex ipso genitum, filium unigenitum, propter infidelitatem uerbum Deum non agnouerunt. neque ex operibus suis, neque ex prophetiis de eo scriptis. Nam quod de Virgine nasci debebat, legerant, Ecce uirgo concipiet, & pariet filium & uocabunt nomen eius Emanuel. Puer natus est, filius natus est, cuius principium super humerum eius, & uocatur nomen eius magni consilii angelus, admirabilis, consiliarius, Deus fortis, dominator, princeps pacis, pater futuri sæculi. Quod uerò propter summam uitiositatem non erant obediētes futuri, ait, Domine quis credidit auditui nostro, & brachium Domini cui reuelatum est? Et deinceps, Auribus auditis, & non intelligitis; & uidentes uidetis, & non cognoscitis. Induratum est enim cor populi huius. Quare crepta est iis notitia, quoniam cum uidissent, despexerunt, & cum audiuissent, attendere noluerunt. Vobis uerò à gentibus profectis assignatum est regnum, quoniam cum Deum ignoraretis, per prædicationem credentes cognouistis; immò uerò ab eo cogniti estis per Iesum Saluatorem & redemptorem omnium, qui in eo spem col-

Pf. 106.

Isa. 7.

Isa. 53.

Isa. 6.

Act. 28.

lo-

locant . Nam relicta inani prioris temporis consuetudine ; despectisque inanimis Idolis , illisque Dæmonum tenebris dispulsis , complexi uerum lumen , cognitoque per id uno & solo atque uero Deo , ac patre , regni eius hæreditatem estis consecuti . Nam baptizati in nomen Domini , atque in eius resurrectionem , ueluti infantes nuper nati nullum peccati sensum , actionemque habere debetis . Non enim in uestra estis potestate , sed eius , qui sanguine suo uos redemit . Nam de ueteri Israele propter eius infidelitatem (inquit Dominus) Tolleitur à uobis regnum Dei , & dabitur genti facienti fructus ipsius . id est à uobis ab illo olim longè abalienatis , concesso regno , recipit rectæ sententiæ fructus . Vos enim estis , qui ad uineam olim missi fuistis , & obtemperare ei nolulistis ; sed uos peccati dolore ducti , nunc in ea laboratis ; illi agrè ferentes conditiones , non modò uineam incultam reliquerunt , sed etiam interfecerunt procuratores Domini , alium lapidibus , alium ferro ; quendam etiam diffecerunt ; alium interemerunt inter templum & altare . Denique ipsum hæredem extra uineam expulsum occiderunt , qui ab illis ueluti lapis inutilis est reiectus , à uobis ut angularis receptus . Ideo de uobis dicit ,

Mat. 21 Populus , qui me non cognouit , seruiuit mihi , ad aurem auditus obediuit mihi .

Tf. 17.

Quomodo agendum sit Pascha. CAP. XVIII.

O P O R T E T ergo uos fratres , qui precioso Christi sanguine redempti estis , dies Paschæ accuratè & cum omni diligentia celebrare . Post æquinoctium , ne bis in anno unius passionis memoriam colatis , sed
semel

semel in anno eius, qui semel mortuus est, memoriam renouetis, cauentes ne cum Iudæis festum agamus. Nulla enim nunc est nobiscum cum illis societas. Versantur enim in errore, atque in ipso diei calculo, quem putant se obseruare, ut ex omni parte errare, & à ueritate discedere inueniantur. Vos autem obseruare subtiliter æquinoctium uerni temporis quod est x x i r. duodecimi mensis, qui dicitur Dystrus * obseruantes usq; ad uigesimum primæ Lunæ, ne in aliam hebdomadā incidat quartus decimus Lunæ, atque illo errore lapsi per ignorantiam, bis in anno celebremus Pascha, uel in alio die festum peragamus resurrectionis Domini nostri Iesu Christi, præterquam in dominico solo.

Dispositio de magna Paschæ hebdomada. CAP. XI X.

IN diebus Paschæ ieiunare incipientes à secunda sabbati usque ad Parasceuem & sabbatum dies sex, solo pane utentes, sale, atque oleribus, & aqua in potum. A uino & carnibus uos abstinete in iis diebus; sunt enim dies luctuosi, non festi. Parasceuem tamen & sabbatum integrum ieiunent, qui quidem possunt, nihil gustantes usque ad galli cantum noctis. Quod si quis non potest duorum dierum ieiunium continuare, seruet saltem sabbatum: ait enim quodam in loco de se Dominus, Quando discedet ab eis sponsus, ieiunabunt in illis diebus. iis igitur diebus sublatu est à falsis Iudæis, & crucifixus est, & cum impiis reputatus.

S. Ign. ad Philip- pens.

Matt. 9.

De

De pernōtatione magnæ Sabbatæ, & de die Resurrectionis.
C. A. P. X.

QUARE monemus uos ut ieiunetis per hos dies, quemadmodum nos etiam ieiunauimus cum nobis ipse creptus est, usque ad uesperam. In reliquis uerò diebus ante Parasceuem nona hora; uel uesperæ quilibet cibum capiat; uel quemadmodum quisque poterit: à uespera autem quinti diei usque ad galli cantum uigilantes, atque in ecclesiam conuenientes uigilate orantes ac rogantes Deum; legentes in uestra pernōtatione legem; Prophetas; psalmos, usque ad galli cantum; baptizatisque Catechumenis uestris, & lecto Euangelio in timore ac tremore, luctum desinite; rogateque Deum, ut conuertatur Israel, & inueniat pœnitentiæ locum, atque impietatis remissionem.

„ quoniam Iudex alienigena lotis manibus dixit, Innocens sum à sanguine iusti huius, uos uideritis. Israel uerò exclamauit, Sanguis eius super nos & super filios nostros. Pilatoque dicente; Regem uestrum crucifigam? Ipsi exclamauerunt, Non habemus Regem nisi Cæsarem; Crucifige crucifige eum: omnis enim qui se Regem facit, contradicit Cæsari; & si hunc dimittis, non es amicus Cæsaris. Et Pilatus Præses, & Herodes Rex iusserunt eum crucifigi: & impletus est ille sermo; Quare fremuerunt gentes, & populi meditati sunt inania. Astiterunt Reges terræ & Principes conuenerunt in unum aduersus Dominum, aduersus Christum eius, & proiecerunt dilectum ueluti mortuum irrisum. Ipsoque crucifixo & suscitato, illucescente die dominico, impleta est Scriptura, quæ dicit,

Psal. 7. Exurge Deus iudicans terram, quoniam tu hæredita-
Pf. 81. bis

bis in omnibus gentibus. Et rursus, Exurgam dicit *Pf. 12.*

» Dominus, ponam in salutari, fiducialiter agam in eo,

» & tu Domine miserere mei, suscita me & retribuam
eis. Quare uos quoque suscitato Domino offerite sa-
crificium uestrum, de quo uobis præcepit per nos, di-

» cens, Hoc facite in meam commemorationem. De-

inde ieiunium soluite læti, & festum diem agentes,

quoniam pignus resurrectionis nostræ Iesus Christus à

mortuis est excitatus; idque sit uobis legitimum solen-

neque in perpetuum usque ad consummationem sæ-

culi, quoad uenerit Dominus. Iudæis enim Domi-

nus etiam nunc mortuus, Christianis iam surrexit, il-

lis propter perfidiam, iis propter fidei certitudinem.

Quoniam spes in eo sita immortalis æternaque uita ha-

benda est. Post octo dies iterum ueneranda Octauæ

celebritas seruetur; in qua me Thomam resurrectio-

nem credere nolentem confirmauit, demonstratis mi-

hi fixuris clauorum laterisque lancea percussi uulnere.

Ac rursus à prima dominica numeratis quadraginta

diebus à dominica usque ad quintam, celebrate fe-

stum Ascensionis Domini, in quo perfecta omni di-

spensatione atque dispositione, in Cælum ad eius

Deum ac Patrem est receptus, sedens à dextris Vir-

tutis, & expectans donec ponantur inimici sui sub pe-

dibus suis. Qui in consummatione sæculi cum uirtute

& gloria multa uenturus est ad iudicandum uiuos &

mortuos, ac reddendum unicuique secundum o-

pera sua. Tumque uidebunt dilectum filium

Dei, in quem confixerunt, illoque cognito

percutient se tributim, mulieresi-

que eorum seorsum.

*Ign. ad
Magne-
sios.*

ET ENIM nunc quoque decima mensis gorpai
conuenientes; lamentationes Ieremiæ legunt in
ea parte in qua dictum est, Spiritus faciei nostræ Chri-
stus Dominus comprehensus est in corruptionibus ip-
forum. & quod scriptum est in Baruch, Hic est Deus
» noster, non æstimabitur alius aduersus eum; inuenit
» omnem uiam scientiæ; & ostendit illam Iacob puerō
» eius, & Israel dilecto eius. Post hæc in terris uisus est;
& cum hominibus conuersatus. Cumque hæc legunt
se cædunt, & deplorant ut ipsi arbitrantur, solitudi-
nem, quæ sub Nabuchdonosor contigit. Ut autem se
habet ueritas, futuri luctus inuiti initia ordiuntur. Post
decem Assumptionis dies, qui est à prima dominica
quingagesimus, sit uobis magnus dies festus Pen-
thecostis. In eo die hora tertia misit nobis Domi-
nus Iesus donum Spiritus sancti, repleti que sumus e-
ius operatione, linguisque nouis locuti, quemadmo-
dum eius afflatus nobis suggerebant, & prædicaui-
mus Iudæis & gentibus eum esse Christum Dei con-
stitutum iudicem uiuorum & mortuorum. Hoc Moses
testatus dicebat, Accepit Dominus ignem à Domi-
no, & pluit. Hunc uidit Iacob uti hominem, & dixit,
Vidi Deum facie ad faciem, & saluata est anima mea.
Hunc Abraam hospicio acceptum iudicem, suumque
dominum confessus est. Hunc Moses in rubo uidit. de
hoc in Deuteronomio dicebat, Prophetam uobis exci-
tabit de fratribus uestris; tanquam me, ipsum audite in
omnibus, quæ locutus fuerit uobis: & omnis ani-
ma, quæ non audiuerit Prophetam illum, exterminabi-
tur è populo ipsius. Hunc uidit Iesus Nauæ dux exerci-
tus Domini, armatum simul pugnantem ad Hiericho,
quem

Baruch. 3

Gen. 19.

S. Ignat.

ad Antio

ch. hæc

eadem se

reomnia.

Gen. 32.

Deu. 18.

Ios. 5.

quem procidens adorauit uti dominus seruum. Hunc Samuel cum uidisset, Sacerdotes ac Reges Christos appellauit. Hunc Dauid cum uidisset, cecinit pro eo canticum appellans canticū pro dilecto. subiungensq;
 » in personam illius dicebat. Accingere gladium tuum
 » ad femur tuum potentissime; specie tua & pulchritudi
 » ne tua, intende, procede prosperè, & regna, propter ue
 » ritatem & mansuetudinem, & iustitiam, & ducet te mi
 » rabiliter dextera tua. Sagittæ tuæ acutæ potens, populi
 » sub te cadent in corde inimicorum Regis. propterea un
 » xit te Deus Deus tuus oleo lætitiæ iuxta participes tu
 » os. De eo quoque Solomon dicebat uti in personam
 » ipsius, Dominus possedit me principium uiarum sua
 » rum, ad opera ipsius ante sæcula fundauit me, in princi
 » pio antequàm terram faceret, antequàm uenirent fon
 » tes aquarum, antequàm montes stabilirentur, ante
 » omnes colles generat me. Et rursum, Sapientia ædifica
 » uit sibi domum. De eo quoque Isaias dicebat. Egredie
 » tur uirga de radice Iessæ, & flos de radice ascendet, &
 » erit radix Iessæ, & qui surgit ut dominetur gentibus, in
 » cum gentes sperabunt. Zacharias, Ecce Rex tuus ue
 » nit iustus, & saluans, ipse mitis, & sedens super asinam,
 » & pullum filium iumentum. Hunc Daniel filium homi
 » nis esse, inquit, uenientē ad patrem, & omne iudicium
 » atque honorem ab illo recipientem, & lapidē sine ma
 » nu à monte abscissum, factum in montem magnum, &
 » replentem uniuersam terram, cōterentem imperia pro
 » uinciarum, multitudinēq; Deorum, nunciantē unum
 » Deum, & constituentem Imperium Romanum. De
 » hoc Ieremias prædicebat, Spiritus, iquiēs, faciei nostræ
 » Christus Dominus comprehensus est in corruptionib;
 » us ipsorum, cui diximus, In umbra eius uiuemus in

1. Re. 16

24. 26.

Psal. 44

Prou. 8.

Prou. 9.

Zach. 9.

Dan. 2.

Iere. 4.

gentibus. Et Ezechiel atque alii deinceps Prophetæ ubique prædicant hunc esse Christum, Dominum, Regem, iudicem, legislatorem, angelum Patris, unigenitum Deum. Hunc igitur nos quoque prædicamus, atque nunciamus vobis Deum uerbum ministras Deo eius, ac Patri, in condenda rerum uniuersitate: in hunc cre-

1. Ioã. 5. dentes uiueris, non credentes plectemini. qui enim nõ

„ obedit filio, non uidebit uitam, sed ira Dei manebit su

„ per illum. Post festum Pentecostis celebrate unã heb-

domadam, post quam ieiunate alteram hebdomadam:

æquum est enim & lætari Dei dono, & ieiunare post hi

Exo. 24. laritatem. Etenim Moses & Helias ieiunauerunt per

Ex. 34. quadraginta dies, & Daniel hebdomadas dierum tris

Dan. 10. panem cupiditatum non comedit, nec caro, neque

1. Reg. 1. uinum in os eius intrauit. Et beata Anna rogans Sa-

„ muelem dicebat, Vinum, & omne quod inebriat non

bibi, & effundam animam in conspectu Domini. Nine-

Ioan. 3. uitæ, quoque cum per tres dies & tres noctes ieiunassent,

Esth. 4. iræ Dei periculum effugerunt. Esther quoque Mardo-

Iud. 9. chæus, Iudith impiorum insultationem, idest Olopher

Pf. 108. nis, & Amon ieiunio declinauerunt. Davidque di-

cit, Genua mea infirmata sunt à ieiunio, & caro mea

immutata est propter oleum. Vos quoque per ieiun-

ium supplicationes uestras Deo offerte. Post heb-

domadam ieiunii in omni quarta feria, & Parasceue

præcipimus uobis ut ieiunetis, idque quod à ieiunio su-

pereft, pauperibus præbeatis. In omni sabbato excepto

uno, atque die dominico conuentus celebrâtes exhilara-

mini: obnoxius .n. peccato est, qui die dominico ieiun-

nat, cum sit dies resurrectioni dicatus, quique in Pēteco-

ste atque omnino in die festo Domini mœstitiam præse-

fert. per hos .n. dies exhilarari oportet, non lugere.

CON-

CONSTITUTIONVM

SANCTORVM APOSTOLORVM

B. CLEMENTE ROMANO

A V C T O R E ,

L I B E R . S E X T V S .

De Schismate. C A P . I .



N T E omnia cauete Episcopi à formidâdis, grauibus, atq; impiis hâresibus; fugiêtes eas ueluti ignê adurentê eos, qui ad illum accedunt. Fugite quoque schismata: nam nec ad nepharias hâreses fas est inclinare mentem, neque ab eiusdem sententiâ fratribus ob imperandi cupiditatem licitum est recedere. Hâc enim cùm quidam olim aggre-
 33 di ausi fuissent, non effugerunt supplicium. Dathan enim, & Abiron cùm aduersus Mosẽ se opposuissent, terrâmotus absorbuit, & Core cum ducentum quinquaginta uiris, qui in Aaron seditionem commouerunt, incendio sunt consumpti. Maria cum exprobrasset Mosi, à castris septẽ diebus ablegatur: dicebat. n. Mo-
 sem uxorem Aethiopissam duxisse; sed etiam idẽ factum est in Azaria, & Ozia Rege Iudæ, qui eum usurpaueret sibi sacerdotium, ac ueller adolere incensum, quod ad se non attinebat, prohibereturque ab Azaria Pontifice, & ab octuaginta senioribus, neque illis obtemperaret, lepra in frõte est perfusus. Itaque continuò exiuit, quoniam refutauit eum Dominus.

Num. 16

S. Ignat.

ad Mag.

Nu. 16.

Nu. 12.

2. Re. 16.

Quid

ATTENDAMVS ò dilecti, quæ sit seditionorum gloria, & qui euentus. nam si Reges inuadens, supplicio dignus iudicatur, quanuis filius, uel amicus sit, quanto magis qui sacerdotibus insultat? Quanto enim sacerdotium regno est excellentius, cum regendarum animarum officio præsit, tanto grauiori supplicio puni-
 2. Re. 25 tur, qui aduersus id aliquid temerè fecerit, quàm qui ad-
 & Dathan. Illi enim aduersus David de Regno, ii ad-
 uersus Mosem de principatu pugnam susceperunt, atq;
 omnes aduersariis maledixerunt. Abessalon David pa-
 ter iniustum iudicem illum appellans, dicensque, Vni
 cuique sermones tui pulchri sunt, & non est qui iustifi-
 cet te, quis me faciet principem? Abeddam uerò, Non
 2. Re. 26 est mihi, inquit, pars in David, neque hæreditas in filio
 Iesse. scilicet indignum iudicans, David imperio pare-
 re, de quo dixit Dominus, Inueni David filium Iesse
 uirum secundum cor meum, qui faciet omnem uolun-
 tatem meam. Dathan autem & Abiron, & Coritæ dicé-
 tes in Mosem, Num parum est quòd eduxisti nos de
 terra Aegypti fluente lacte, & melle, & quid? quòd erui
 sti oculos nostros, & tu imperas nobis? & congregaue-
 runt in eum Ecclesiam magnam. & Coritæ, Num Mosi
 locutus est Dominus soli; quid quòd Aaron soli dedit
 sacerdotium, non ne omnis Synagoga Domini sancta?
 & quid quòd solus Aaron sacerdotio fungitur. & ante
 hos alius dicebat, Quis te constituit iudicem principem,
 & iudicem nostrum?

*De uirtute Moſis, deque infidelitate gentis Iudeorum, & quod Deus: b
admirabilia edidit per eum.* CAP. III.

ET inueſti ſunt in Moſem ſeruum Dei, omnium
mitiſſimum, & fideliffimum, deſpexeruntque in-
gratiſſimi tantum uirum legiſlatorem, cuſtodem, Pon-
tificem, & Regem, interpretem diuinarum rerum, qua-
ſi conditorem cum conditoris opera oſtenderit, cle-
mentiffimum, humiliſſimum, patientiffimum, huma-
niſſimum, qui eos multis periculis liberauerat, & à ua-
rio mortis genere ſua ſanctitate eripuerat; qui tot tan-
taque ſigna atque prodigia populo ediderat; qui præ-
clara & admirabilia opera in eorum beneficium effece-
rat; qui decem plagas Aegypto intulerat; qui mare
rubrum tranſmiſerat, aquasque ueluti murum utrin-
que diuiſerat; qui per arida deſerta populum duxerat,
Pharaonemque; & Aegyptios cum omnibus, qui eos
ſequebantur, demerſerat; qui eis fontem iniecto ligno
dulcem reddiderat, & ex petra dura ſitientibus eis a-
quas eduxerat; qui manna eis de cœlo dederat, & car-
nes de aere collegerat; columnam igneam noctu ad il-
luſtrandum monſtrandumque iter præbuerat, & de
die columnam nubis ad umbram faciendam, fran-
gendosque ſolis ardores parauerat; qui legem Dei ta-
bulis lapideis inciſam eis tradiderat, perfecti numeri
Decalogum, quem Deus facie ad faciem alloqueba-
tur, ueluti ſi quis cum ſuo amico loqueretur: de quo
dixit, Non ſurrexit Propheta ut Moſes. Huic Cori-
thæ, & Rubelitæ inſultauerunt, & in Moſem lapides iac-
tauerunt rogantem ac dicentem, Ne intendas in ſa-
crificium ipſorum. Atque apparens gloria Dei, alios
in terram demerſit, alios incendio conſumpſit. Itaque
du-

Deu. 34.

duces erroris & schismatis dicentes, Constituamus du-
cem nobis, aperiens se terræ hiatus deuorauit cum ta-
bernaculis suppellectileque ipsorum, & uiui in Infer-
num descenderunt. Corint̃æ igne sunt interempti.

*Quodd schisma efficit non qui ab impijs secessionem facit, sed qui a
pijs recedit.* CAP. IIII.

QUOD si iis, qui imperandi cupiditate se separa-
uerunt, statim Deus supplicium intulit, quan-
to grauiori pœna afficiet impiarum hæresum auctores
improbantes illius prouidentiam, & operum institu-
tionem? Sed uos fratres Scripturis eruditi, nolite fa-
cere schismata sententiæ, neque uerò unitatis uestræ,
quoniam, qui nefariæ opinionis sunt auctores, scopi
interitus populis statuuntur. Eodem modo laici cum
iis, qui contraria sententiæ Dei dogmata defendunt,
nolite societatem habere, neque participes illorum im-
pietatis fieri. Ait enim Dominus, Recedite è medio
Num. 16 „ horum hominum, ne cum eis pereatis. Et rursus,
„ Egredimini è medio ipsorum, & segregamini, dicit
„ Dominus; & immundum ne tangatis, & ego reci-
„ piam uos.

*Demonstratur ex prophetica prædictione, quare falsi nominis Israel
reiectus fuerit.* CAP. V.

VERE enim fugiendi sunt, qui Deo blasphemiam
dicunt, quàm plurimi enim ex impijs Deum igno-
rant, ii uerò tanquàm Deo infensi malitiæ improbita-
tisque morbo laborant: nam ex malitia hæreticorum
prodiit contaminatio in omnem terram, utinquit Ie-
remias

*S. Ign. ad
Philal-
deph.*

remias Propheta . Cum enim expulerit synagogam
 prauam Dominus Deus, domumque reiecerit, ut di-
 „ cit quodam in loco, Reliqui domum meam, dimisi hæ *Ier. 12.*
 „ reditatem meam . Et rursum , Relinquam uineam *Isa. 5.*
 „ meam, & non putabitur, neque fodietur , & ascendet
 „ in eam tanquàm in terrâ incultam spina , & nubibus
 „ imperabo ne pluât super eam imbrem. Cum igitur re *Isa. 1.*
 „ liquerit populum sicut tentorium in uinea, & sicut po
 „ morum custodiam in cucumerario , sicut ciuitatem
 obseffam, subtraxeritq; ei Spiritum sanctum, imbrẽq;
 propheticum ; repleuit gratia spirituali Ecclesiam ad *Eccle. 24*
 similitudinem fluminis Aegypti in diebus noualium,
 & extulit eam quasi domum in monte collocatam, & *Isa. 2.*
 quasi in montem excelsum, quasi montem abundan-
 tem caseo , quasi montem pinguem in quo compla-
 cuit sibi Deus ut habitaret in eo. Etenim Dominus in *Psal. 67.*
 „ ea commorabitur usque ad finem. Et in Ieremia dicit, *Ier. 17.*
 „ Soliũ gloriæ exaltatum sanctificatio nostra . Et Isaias, *Isa. 2.*
 „ Et erit in nouissimis diebus manifestus mons Domi-
 „ ni, & domus Dei in summis montium , & exaltabitur
 „ super colles . Quoniam igitur populum reliquit, &
 templum desertum dimisit, abscisso uelo templi , su-
 „ blatoque ab eo Spiritu sancto ; Ecce enim, inquit, re *Matt. 23*
 „ linquitur uobis domus uestra deserta ; Contulit uo-
 „ bis, qui de gentibus uenistis , spirituales gratiam , ut
 „ inquit per Ioel, Et erit post hæc, ait Dominus, & effun- *Ioel. 2.*
 „ dam de spiritu meo in omnem carnem , & propheta-
 „ bunt filii uestri , & filiæ uestræ uisiones uidebunt ,
 „ & senes uestri somnia somniabunt . omnem enim ser-
 monis facultatem , & actionem , atque huiusmodi
 officium ereptum populo Deus in uos gentium sobo-
 lem transtulit. ideoq; Diabolus inuidens sanctæ Dei

Ecclesiæ excitauit in nos ærurnas, persecutiones, perturbationes, blasphemias, schismata, hæreses. Nam populum illum propter Christum interfectum sibi subegit; nos qui ab eius uanitate recessimus, uariis modis tentat, ut olim beatorum Iob. nam & summo Pontifici Iesu filio Iosedec restitit, & nos sæpè cribrare uoluit, ut deficeret fides nostra: sed magister noster illum in iudicium adducens dicebat, Increpet in te Dominus Diabole, & increpet in te Dominus, qui eligit Israël; non ne ecce hic est auulsus tanquàm titio? & qui dixit tunc iis, qui apud Pontificem aderant, Detrahite ei uestimenta sordida. subiunxitque, Ecce abstuli iniquitates tuas abs te. idem dicet nunc, quod olim congregatis nobis dicebat de nobis, Quod rogauit ne deficeret fides nostra.

Zac. 3.
S. Ignat.
Smyrn.

Zac. 3.

Quòd apud Iudeos constabat impia doctrina uariarum hæresum.

C A P. VI.

HABVIT quoque Iudaicus populus hæresum prauitates. nam Sadducæi ex illis prodierunt, qui negabāt mortuorum resurrectionem, & Pharisei, qui fortunæ & fato peccatorum actiones tribuunt. Et Basmothæi, qui prouidentiam tollunt, affirmantes fortuito casu omnia constare; iiq̃ animæ immortalitatem negant. Sunt quoque Hemorobaptistæ, qui quotidie nisi in aqua mergantur, cibum non capiunt, sed etiam lectis, tabulis, crateris, calicibus, scabellis nisi aqua purgatis non utuntur: & qui nostris temporibus orti sunt Ebionæi, filium Dei nudum hominem fuisse contententes, uiri libidine, & Ioseph; ac Mariæ concubitu genitum. qui ab iis omnibus separantur, & patrias leges seruant

seruant, sunt Hæxi. Atque hæc quidem in ueteri populo fuerunt, sed nunc quoque improbus dæmon efficax ad malefaciendum, & bonum cuiusmodi sit ignorans, ex nobis quibusdam excitatis, hæreses & schismata in iis effecit.

Vnde orta sint hæreses, & quis fuerit auctor impietatis.

C A P. V I I.

NOVÆ autem hæreses hoc habuerunt exordium. Cum inuasisset Diabolus Simonem quendam è uico Gitthon appellato, Samaritanum, arte magum, suæ prauæ sententiæ eum administrum effecit. quo autem tempore coapostolus noster Philippus, Domini dono, atque sui spiritus afflatu uirtutes curationū Samariæ administrabat; ita ut obstupefacti Samaritani in fidem uenerint cunctorum Dei & Domini nostri Iesu Christi, baptizatiq; sint in nomine ipsius; cumq; iam Simon ipse signa & prodigia intuitus, sine ulla magica arte perfectæ, admiratusq; credidisset, & baptismum accepisset, atque ieiunio & orationi esset intētus: audientes nos gratiam Dei ad Samaritanos per Philip-pum peruenisse, ad eos accessimus, multisq; ad doctrinæ sermonem collatis, omnibus baptizatis impo-sitis manibus, oratione, gratiam eis Spiritus sancti impartiebamus. Vidensq; Simon impositione nostrarum manuum dari credentibus Spiritum, obtulit nobis pecuniā inquiring, Mihi quoq; hāc potestatem date, ut cui ego imposuero manus, is habeat spiritum sanctum. uolens scilicet; ut quemadmodum Adam gustato ligno, promissa immortalitate priuatus fuit, sic nos accepta pecunia deliniti, Dei munere excluderemur, quo per cō-

mutationem, pecuniam ei traderemus, inæstimabilem Dei gratiam. Quare perturbatis omnibus nostris, con-
iiciens ego Petrus oculos in maleficum serpentem, qui illum detinebat, respondi Simoni, Argentum tuum te cum sit in perditionem, quoniam donum Dei putasti pecunia possideri; non est tibi pars in sermone isto, neque fors in ista fide: cor enim tuum non est rectum coram Deo. Poenitentiam itaque age à tanta nequitia & roga Dominum si fortè remittatur tibi hæc cogitatio cordis tui. in felle enim amaritudinis, & in uinculo iniquitatis uideo te esse. Tuncque Simon perterritus, Rogo, inquit, precamini uos pro me Dominum, ut nihil in me ueniat eorum, quæ dixistis.

Qui fuerint successores impietatis Simonis, & quibus hæresibus præfuerint. CAP. VIII.

CVM uerò ad gentes exiimus ad prædicandū uerbum uitæ, tunc Diabolus molitus est in populo, ut post nos Pseudapostolos mitteret ad sermonem labefactandum. Itaque produxerunt Cleobium quendam, & adiunxerunt Simoni: ii uerò discipuli fuerunt eiusdem Dosithei, quem reprobatū eiecerat principatu, deinde alii aliorum absurdorum dogmatum auctores extiterunt Cerinthus, Marchus, Menander, Basilides, Saturninus. Ex iis alii plures deos esse opinantur; alii tres inter se contrarios sine origine, semper congregientes; alii infinitos, & ignotos; quidam uerò nuptias tollunt, arbitantes non esse eas opus Dei; alii quosdam cibos abominantur; alii inuerecundè fornicantur, quod nunc faciunt falsi nominis Nicolaitæ. Veruntamen Simon cum me Petrum primū conuenisset Cæsareæ Stratonis,

Stratonis, ubi Cornelius fidelis per me in Dominum Iesum crediderat, cum esset Ethnicus, uerbum Dei conatus est peruertere cum, una mecum adessent sacri filii Zachæus olim publicanus, & Barnabas; item Niceta, & Aquila fratres Clementis Episcopi, & ciuis Romani, Pauli coapostoli nostri discipuli, & in Euangelio coadiutoris. Cumque tertio cum eo disputassem de Propheta, deque Dei Monarchia, illum uirtute Domini conuictum, atque repressum, in Italiam aufugere compuli.

*Quemadmodum Simon prestigijs quibusdam cum uoluisset uolare, precibus Petri ab alto deiectus fregit pedes, & manus;
Narrat Clemens, Hegesippus, Iustinus, Hirenæus.*

CAP.

IX.

ROMAM cum uenisset Ecclesiam uehementer perturbauit, multos euertens, atque in suam adducens sententiam, gentes uero commouebat magicis artibus. Itaque quadam die cum in Theatrum in meridie processisset, iussissetque suis operis, ut me in Theatrum arriperent, pollicitus est se in aere uolaturum. Cumque omnes hac re erecti essent, ego seorsum orabam, itaque sublatus à Dæmonibus, uolabat sublimis, dicens in cœlum se ascendere, unde illis bona suppeditaturus esset, populo illi, ueluti Deo, acclamante optima; attollens ego manus in cœlum, tota mente supplicabam Deo, ut per Iesum Christum Dominum frangeret scelestum illum, & dæmonum uim labefactaret, in fraudem ac perniciem hominum, illa utentium; illumque perfractum non occideret, sed comminueret. tuncque Simonem intuitus, Si Dei (inquam) homo ego sum, Aposto-

CONSTIT. S. APOSTOLORVM

Apostolus uerò Iesu Christi uerus, doctorque pietatis non erroris, cuiusmodi & tu Simon; impero improbis uirtutibus apostatæ pietatis, quibus uehitur Simon Magus, ut remittant suas uires, ut ab alto hic decidat in risum eorum, qui ab ipso decepti sunt. Cumque hæc dicerem, desertus à uirtutibus Simon, cum magno fragore corruit, uehementerque concussus fregit coxendicem, & pedum tarsos, clamorque plebis ortus est, quo ferebatur unum esse Deum, quem iustè Petrus nunciaret, tantum ueritate fretus, multiq; ab eo defecerunt. Quidam cum essent illius perniciæ digni, remanserunt in eius praua disciplina. Atque hoc modo primum inducta Romæ est impia Simonianorum hæresis, atque per reliquos Pseudapostolos operabatur Diabolus.

Quomodo hæreses & inter se, & cum ueritate diffideant.

C A P.

X.

*Contra
has hære-
ses præ-
clare di-
sputat S.
Ignatius
in Episto-
lis, nō di-
scedens à
Clemēte.*

HIS omnibus unus, atque idem erat propositus impietatis finis, Omnipotenti Deo maledicere; ignotum Deum celebrare; nec esse Deum patrem Christi, neque Mundi conditorem, sed ineffabilem, atque innominabilem per se genitum, legis & Prophetarum oraculis non locutum; providentiam nullam esse; resurrectionem non futuram, nec Iudicium, neque retributionem; animam esse mortalem; uoluptatem solam sequendam; omnem cultum sine delectu amplectendum. Aliqui enim plures deos esse putant, aliqui tres principio carentes, alii duos ingenitos, alii infinita æua inducunt, ac quidam nuptias respuunt, carnem item & uinum, quæ in rebus abominandis ponunt;

nunt; item nubere, & liberis operam dare prohibent, ac quosdam cibos capere, scilicet ut hac continentia suæ sententiæ prauitatem facilius probare possint. Quidam uerò ex iis docent abstinendum carnibus, non quòd parcant animantibus ratione carentibus, sed quòd ea animam rationis participem habere existimant, eosque pœnas cædis daturus, qui ea occidere audent. Alii suilla tantum carne abstinere, iis, quæ lege munda censentur, uescuntur; putantque circumcisionem ex lege seruandam. in Christum credendum ueluti in uirum sanctum, ac Prophetam. Alii docent sine pudore libidini inserviendum, & carne abutendum, animamque ea sola ratione Mundi principes posse effugere, si omnem impuram actionem exequantur. Ii omnes Diaboli organa sunt, & iræ filii.

Expositio Apostolicæ prædicationis. CAP. XI.

NO s^{unt} uerò Dei soboles, & filii pacis, sacrum ac rectum prædicantes pietatis sermonem, unum solum nunciamus Deum, legis, ac Prophetarum Dominum; rerum omnium auctorem; Christi patrem; non qui sit sibi ipsi origo, & per se genitus, sed æternum; & principii expertem; & lumen inhabitantem inaccessibilem; non congemmatum uel multiplicem, sed solum in æternitate; non ignotum uel silentio abditum, sed per legem, ac Prophetas proditum, omnipotentem, omnium opificem; omnium potestatem habentem; Deum & patrem unigeniti & primogeniti omnis creaturæ; unum Deum, unius filii patrem, non multorum; unius Paracleti per Christum, aliorum ordinum effectorem; unum conditorem uariarum creaturarum.

turarum per Christum ; factorem eundem , rectorem
ac legiflatorem , per ipsum ; resurrectionis auctorem ,
iudicii retributionis , per eundem Christum . Hunc ip-
sum uoluit hominem fieri , qui uersatus est cum homi-
nibus sine peccato , passus est , à mortuis surrexit , & ad
illum , qui eum miserat , reuersus est ; Atque omnem
creaturam Dei bonam fatemur , nihilque respuen-
dum , omneque , quod ad naturæ necessitatem perti-
nens iustè sumitur , id optimum ducimus . Omnia e-
nim secundum scripturam erant ualde bona . Nuptias
legitimas , & liberorum procreationem honestam , nec
contaminatam credimus : nam ad propagandum ge-
nus hominum , sexuum differentia formata est in A-
dam & in Eua . Animam incorpoream , & immorta-
lem affirmamus , nec interire eam ueluti corpora , sed
perpetuò manere , uti rationis participem , & liberta-
te præditam . Omnem iniustum concubitus , maxi-
mè eum , qui contra naturam à quibusdam exercetur ,
respuimus ut nepharium , & sceleratum ; resurrectio-
nem futuram fatemur , iustorum & iniustorum , nec
non retributionem . Christum non confitemur pu-
rum hominem , sed Deum uerbum , & hominem , me-
diatorem Dei & hominum ; Pontificem Patris . Ne-
que uerò unà cum Iudæis circumcidimur , scientes ue-
nisse eum , cui repositum esset , & per quem cu-
stodirentur generationes , expectationem
gentium Iesum Christum , ex Iuda or-
tum , de Iessæ florem , cuius im-
perium super hume-
rum eius .

Gen. 94.

”

Contra

Contra eos, qui Christum confitentur, & tamen Iudaizare uolunt.

C A P.

XII.

SED quoniam tunc hæc hæresis magnas ad decipiendum uires uidebatur habere, totaque Ecclesia in periculo uersabatur, nos duodecim cum conuenissemus Hierosolymis (nam in locum proditoris Mathias Apostolus factus est, qui sortem Iudæ accepit (ut scriptum est, Et Episcopatum eius accipiat alter) unà cum Iacobo fratre Domini deliberabamus quid faciendum esset; uisumque est ipsi & Presbyteris, sermonibus doctrinæ alloqui populum. Etenim quidam à Iudæa Antiochiam profecti, docebant fratres, affirmantes nisi circumciderentur secundum morem Moysis, aliosque ritus, quos ille præceperat, seruarent, saluos fieri non posse. Cum ergo seditio, quæstioque non parua commota esset, & fratres, qui erant Antiochiæ, cognouissent nos conuenisse, ut de hac re quæreremus; miserunt ad nos uiros fideles, & sacrarum literarum peritos, ut de hac quæstione cognoscerent; qui cum ad nos uenerunt, nunciarunt nobis, quæ in Antiochæna Ecclesia quærebantur, aliquos affirmare, oportere circumcidi, aliasque ceremonias seruare. Atque aliis alia dicentibus, Ego Petrus cum consurrexisssem, Viri fratres (inquam) scitis uos ab antiquis diebus in nobis elegisse Deum, ut per os meum audirent gentes Euangelii sermonem, & crederent. & qui nouit corda Deus testimonium perhibuit ipsis. Cornelio enim Centurioni imperii Romani, uisus est aliquando Angelus Domini, qui ei dixit ut me accerferet, ac de ore meo uerbum uitæ audiret. is uero à Ioppe Cæsaream Stratonis me uocauit. cumque me ad iter pararem, uolui ci-

Act. 15.

Y bum

bum capere; qui cū pararetur, interea eram in cœnaculo orans: quo tempore uidi cœlum apertum, & uas quoddam quatuor initiis uinctum ueluti splendidum linteum in terram submitti; in quo inclusæ erant omnes quadrupedes, atque reptiles terræ, & alites cœli; auditaque est uox de cœlo, Surge Petre, 'sacrifica, & manduca. & ego respondi; Nequaquam Domine, quoniam nihil commune, uel immundum unquam comedi. Iterumque audita uox est, Quæ Deus purgauit, ne tu immunda existimaueris. Quod cū ter esset factum, uas in cœlum receptum est. cumque in dubio essem, quo'nam spectaret uisa species, dixit mihi Spiritus, Ecce uiri te quærunt, surge & uade cum eis, nihil dubitans; quoniam ego illos misi: ii uerò à Centurione missi fuerant. Quæ cū mecum euoluerem, agnoui sermonem Domini scriptum, Omnis, qui inuocauerit nomen Domini, saluus erit. Et rursus,

10el. 2. „
 „
 Pſal. 21 Recordabuntur & conuertentur ad Dominum omnes
 „
 „ fines terræ, & adorabunt coram eò omnes Tribus gen
 „
 „ tium, quoniam Domini est regnum, & ipse domina
 „
 „ tur gentibus. Cogitansque ubique de uocatione gen
 „
 „ tium scriptum esse, surrexi, & cum eis sum profectus, atque domum illius intraui. me uerò adhuc nuncian
 „
 „ te sermonem, cecidit Spiritus sanctus in eum, atque in illos, qui unà cum eo ibi aderant; quemadmodum nobis in principio acciderat; nullumque discrimen sta
 „
 „ tuit inter nos, & illos, fide purificans corda; & cognoui ego non esse acceptorem personarum Deum, sed in omni gente eum, qui timet ipsum, & operatur iustitiam, illi esse acceptum. Commoti autem hac re sunt qui ex circuncisione fideles erant. Nunc igitur quid tentatis Deum, ut imponamus iugum graue collo discipu-

scipulorum, quod nec nos, neque patres nostri ferre potuerunt, sed per gratiam Domini credimus saluari, quemadmodum & illi liberauit enim nos uinculis Dominus, & leuauit nos onere nostro, iugumque clementia dissoluit. Quæ cum dicerem, siluit omnis multitudo, respondit autem Iacobus frater Domini iis uerbis, Viri fratres me audite, Simon narrauit quemadmodum primum Deus statuit sumere de gentibus populum nomini suo, cui rei consentiunt uerba Prophetarum quemadmodum scriptum est, Post hæc reuertar, & restituiam tabernaculum Dauid collapsum, & ruinas illius reparabo, & excitabo illud ut requirant cæteri homines Dominum, & omnes gentes, super quas inuocatum est nomen meum, dicit Dominus faciens hæc, nota sunt à sæculo Deo omnia opera sua; Quare ego iudico non grauandos eos, qui à gentibus ad Deum se conuertunt, sed scribendum ad eos ut se abstineant à contaminationibus gentium, Idolothytis, sanguine, suffocato, & fornicatione; quæ etiam olim seruabantur ante legem ab iis, qui secundum naturam uiuebant, Enos, Enoch, Noe, Melchisedech, Iob, uel si quis alius huiusmodi fuit. Tuncque uisum est nobis Apostolis, & Episcopo Iacobo, atque Presbyteris cum uniuersa Ecclesia, delectos ex nobis uiros mittere una cum Barnaba, & Paulo gentium Apostolo, Tarsensi, & Iuda cognomento Barsabbano, ac Sila, uiris præcipuis inter fratres, scribereque epistolam eorum manu iis uerbis.

Apostoli & Presbyteri, & fratres, his, qui sunt Antiochie in Cilicia, & Syria fratribus, ex gentibus, salutem.

„ QVONIAM audiuiimus quod quidam ex nobis

Y 2 con-

» conturbauerunt uos sermonibus, peruertentes animas
 » uestras iis, quæ non mandauimus; uisum est nobis in
 » unum congregatis, delectos uiros ad uos mittere cum
 » dilectis nostris Barnaba & Paulo, hominibus, qui ani-
 » mas suas tradiderunt pro Domino nostro Iesu Chri-
 » sto pro iis, quæ significastis. misimus etiam cum iis Iu-
 » dam, & Silam, qui uerbis eadem uobis referent. Vi-
 » sum est enim Spiritui sancto & nobis nihil plus imponi
 » uobis oneris, quàm horum necessariorum, ut absti-
 » neatis ab Idolothytis, sanguine suffocato, & fornicatione,
 » à quibus si continebimini, bene agetis. Valete.
 » Atque epistolam quidem misimus, nos uerò per ali-
 » quot dies mansimus Hierosolymis, simul deliberantes
 » quæ ad communem utilitatem, & ad corrigendas res
 » pertinebant.

Quòd oportet separari ab hæreticis. CAP. XIII.

POSTEA intercessit aliquod tempus; uisitatis fratri-
 bus, iisque in sermone pietatis confirmatis, admoni-
 tisque fugere eos, qui sub nomine Christi & Mosis ad-
 uersantur Christo, & Mosis, & in pelle ouina includunt
 lupum. ii enim sunt Pseudochristi, & Pseudoprophe-
 tæ, & Pseudapostoli, deceptores, corruptores, uulpibus
 similes, humi iacentes, uinearum calamitas; propter
 quos refrigescet multorum charitas. qui uerò perseue-
 rauerit usque in finem inflexibilis is, saluus erit. A' qui-
 bus ut caueremus, Dominus nobis denunciabat, Ve-
 nient, inquit, ad uos uiri in uestimētis ouium, intus
 autē sunt lupi rapaces. à fructibus eorum cognoscētis
 eos. Attendite ab ipsis. Surgent enim Pseudochristi,
 Pseudoprophetæ, & decipient multos.

Mat. 24.

Mat. 27.

Qui sint, qui catholicam doctrinam predicauerint, & quæ sint illorum præcepta. CAP. XIII.

IGITUR horum causa nunc in unum conuenientes Petrus, & Andreas, Iacobus, & Ioānes filii Zebedæi Philippus, & Bartholomæus, Thomas, & Matthæus; Iacobus Alphæi, & Lebæus cognomento Thadæus, & Simō Cananites, & Mathias Iudæ suffectus, & Iacobus frater Domini, Hierosolymarum Episcopus, & Paulus doctor gentium, uas electionis, unā congregati scripsimus ad uos hanc catholicam doctrinam ad uos confirmandos, quibus in uniuersa Ecclesia Episcopatus munus est commissum: in qua declaramus uobis, Deum Omnipotentem unum esse, præter quem nullus est, atque ut illum solum colatis, & adoretis per Iesum Christum Dominum nostrum in sancto spiritu; utaminiq; sacris Scripturis, lege, & Prophetis, parentes reueramini; omnes nefarias actiones fugiatis; resurrectionem & Iudicium credatis; retributionē expectetis; omnibus eius creaturis cum gratiarum actione utamini; ueluti eius operibus, nihilq; in se continentibus mali, legitimè connubia iungatis: uituperatione enim carent huiusmodi nuptiæ, quoniam & à Domino iungitur uiro
 „ mulier, atque Dominus dicit, Qui fecit ab initio masculum, & foeminam, fecit eos & dixit, Propterea relinquet homo patrem & matrem, & adhærebit uxori suæ, & erunt duo in carne una. Neque uerò post nuptias liceat eam indemnata eiicere: Custodiet enim, inquit, spiritu tuo, & uxorem iuuentutis tuæ ne reliqueris; quoniam ipsa est particeps uitæ tuæ, & reliquiæ spiritus tui, & ego feci, & non alius: inquit enim Dominus, Quod Deus coniunxit, homo ne separet. Mulier enim est ui-

Mat. 19.
Mala. 2.
tæ

tæ confors ac socia, in unum corpus à Deo cōflata. qui uerò contrā scindit in duo id, quod est in unum à Deo concretum; rationem rerum à Deo conditarum euer- tit, & illius prouidentiaē aduersatur. Eodem modo re- tinens eam, quæ naturæ legem uiolat, iniuste facit; quo- niam qui adulteram retinet, insanius atque impius est;

- „ Abscinde enim eam, inquit, à carnibus tuis: non enim
Ecdl. 25. est adiutrix, sed insidiatrix ad alium deflectens mentē.
 Neque etiam circuncidamini; contentique sint fideles
Ier. 4. circuncisione cordis in spiritu. Circuncidimini enim,
 „ inquit, Deo uestro, & circuncidite præputium cor-
 „ dis uestri.

Quodd non oportet baptismum iterare, neque recipere baptismum ab impijs datum, qui baptismus non est, sed potius contaminatio. CAP. XV.

EODEM modo contenti sint uno solo baptismo, qui in Domini mortem traditur, non ministerio ab on- nandorum hæreticorum sed probatorum sacerdotum in nomine Patris, & Filii, & Spiritus sancti. Neque im- piorum baptismus recipitur, neque is, qui per sanctos administratur, altero baptismo, debet irritus effici, ut enim unus est Deus, & unus Christus, & Paracletus unus, sic unus est baptismus, qui in eius nomine da- tur. Qui uerò ab impijs piaculum accipiunt, eorum sen- tentiæ locii fiunt. non enim illi sunt sacerdotes. dicit. n. iis Deus, Quoniam tu abiiecisti sententiam, abiiciam & ego te, ut non sis sacerdos mihi. Neque uerò bapti- zati ab iis, initiati censentur, sed potius inquinati, cum non peccatorum remissionem accipiant, sed impietatis uinculum induant. Veruntamen initiatos iterum ba- ptizare tentantes, crucifigunt Dominum, iterum eum inte-

1. Reg. 3.

interimunt, derident diuina, eludunt sancta, insultant Spiritui, sanguinem sanctum ueluti communem contemnunt, peccant in mittentem, in passum, & in testificantem. Sed etiam, qui ob negligentiam baptizari contemnit, ueluti infidelis condemnabitur, & ei exprobrabitur ueluti ingrato. Ait enim Dominus, *Ioá. 3.*
 » quis baptizatus fuerit ex aqua & Spiritu sancto, non
 » ingreditur in regnum cœlorum. Et iterum, Qui credi
 » derit, & baptizatus fuerit, saluabitur; qui uerò non cre
 » diderit, condemnabitur. Qui uerò dicit, Baptizabor
 cum ad finem uitæ peruenero, ne peccem, & baptismū
 inquinem. is Deum ignorat, & suæ naturæ est parum
 » memor. Noli enim differre cōuertere ad Dominum; ne- *Prjm. 3.*
 scis enim quid sequens dies pariat. Baptizate quoque
 puerulos uestros, & educate eos in disciplina & præce
 ptis Dei. Sinite enim, inquit, paruulos uenire ad me,
 & nolite eos prohibere.

De libris falsò inscriptis. CAP. XVI.

HÆC omnia mandauimus uobis, ut nostram sen
 tentiam cognosceretis cuiusmodi sit, atque nostro
 nomine inuulgatos ab impiis libros ne receperitis. nō
 enim nominibus Apostolorum attendere debetis, sed
 naturæ rerum, & rectæ sententiæ. nouimus enim à Si
 mone & Cleobio pestilentes sub nomine Christi &
 Apostolorum compositos libros circūferri in fraudem
 uestri, qui Christum, nosque eius seruos diligitis. Pri
 scis quoque temporibus quidam libros Apocryphos
 scripserunt Mosis, Enoch, & Adæ, Isaiæ quoque, Dau
 dis & Hæliæ, atque trium Patriarcharum perniciosos
 & ueritati infectos; Tales modò libros effecerunt exe
 crandi

CONSTIT. S. APOSTOLORVM

crandi homines, damnâtes rerum originem, nuptias, prouidentiam, liberorum procreationem, legem, Prophetas, barbara quædam nomina inferentes, ut ipsi aiunt, Angelorum, re uera autem dæmonum in ipsis loquentium. Quorum doctrinam fugite, ne supplicii eorum participes sitis, qui illos conscripserunt, ut deciperent ac perderent fideles, & laudandos Domini Iesu discipulos.

De Clericis.

CAP. XVI.

EPISCOPVM & Presbyterum, ac Diaconum dicimus unius uxoris debere constitui, siue uiuant eorum uxores, siue decesserint. non licere autem iis, si post ordinationem sine uxore fuerint, ad nuptias transire; uel si uxores habeant, cum aliis coniungi, sed contentos esse ea, quam habentes ad ordinationem uenerunt; ministros quoque, Cantores, Lectores, Ostiarios unius uxoris uiros esse iubemus. Si ante nuptias ad clerum uenerunt, concedimus eis ut uxores ducere possint, siquidem hoc expetent, ne si peccauerint, poena afficiantur. statuimus autem nemini licere ex clero amicam, uel ancillam uel uiduam, uel repudiatam ducere, ut etiam lex uetat. Diaconissa sit uirgo, casta, sin minus, saltem uidua eligatur, quæ unum uirum habuerit, fidelis & honesta.

Adhortatio admonens fugiendam impiorum hæreticorum societatem.

CAP. XVII.

POENITENTES recipite: hæc est enim Dei uoluntas in Christo. Catechumenos, post institutionem baptizate.

baptizate. Impios hæreticos, qui impoenitentes fuerint, segregatos à fidelibus eiicite, atque à Dei Ecclesia ex-
terminare, præcipiteque fidelibus, ut ab eorum con-
suetudine omnibus modis se abstineant, nec sermo-
nis cum iis, neque precum communionem habeant
ullam. Ii enim aduersarii, insidiatoresque sunt Eccle-
siæ, qui gregem labefactant, & hæreditatem contami-
nant. Ostentatores, atque ex omni parte deprauati, de
quibus dicebat Solomôn, in impietate eos simulare

Quint.

cc

cc

cc

cc

cc

Pro 14.

cc

cc

cc

cc

cc

cc

cc

Eccle. 9.

- ” pietatem, Est enim, inquit, uia quæ uidetur quibus-
” dam recta, sed extrema eius respiciunt profunda Infer-
ni. hi sunt illi, de quibus Dominus amarè seuerèque
pronunciauit, dicens, Quod sunt Pseudochristi, & do-
ctores falsi, qui blasphemia affecerunt Spiritum san-
ctum, eiusque donum post adeptam gratiam reiece-
runt, quibus non remittetur nec in hoc sæculo, neq;
in futuro; qui Iudæos falsa religione superant, Græcos
impietate; qui Deo, qui est super omnia, maledicunt,
& Filium eius despiciunt, atque doctrinam Spiritus con-
temnunt: qui diuinos sermones negant: & per hypo-
cristim se eos recipere simulant in contumeliâ Dei: frau-
demque eorum, qui eos sequuntur, qui sacram scri-
pturam derident, & iustitiam, quæ tandè illa sit, igno-
rant; qui Ecclesiam Dei labefactant, ueluti uulpeculæ
uineam. quos monemus ut fugiatis, ne laqueis animas
uestras impediatis. Nam qui cum iustis ambulat, ius-
tus erit; & qui cum insipientibus ambulat, cognosce-
tur. nec enim cum furibus currere oportet, neque cū
adultero partem ponere, quoniam sanctus Dauid in-
quit, Domine qui oderunt te, eos odio habui, & aduer-
sus inimicos tuos contabui. perfecto odio oderam illos:
inimici facti sunt mihi. Et Iosaphat Deus exprobrat

2000000

Z ami-

- amicitiā, societateq; initam cum Achabō, & Ozia,
 2. *Pa. 19* per Ionam Prophetam inquit, Si cum peccatore tu
 » amicitia iungeris, & auxilium præbes ei, qui odio ha-
 » betur à Domino, ideo statim ira Domini facta esset in
 » te, nisi inuentum fuisset cor tuum perfectum erga Do-
 » minum. propterea pepercit tibi Dominus. uerunta-
 » mē interrupta sunt opera tua, & fractæ sunt naues tuæ.
 Vitate igitur illorum societatem, atque ab eorum pace
 abalienamini. de iis enim Propheta loquebatur iis uer-
Isa. 57. bis, Non est gaudere cum impiis, dicit Dominus: ii. n.
 sunt occulti lupi, noui canes, qui non possunt latrare,
 qui quidem modò sunt pauci, sed progrediente, atque
 appropinquante cōsummatione, plures grauioresque
 » sunt futuri; de quibus dicebat Dominus. Nunquid fi-
 » lius hominis cum uenerit, inueniet fidem in terra? &
 » eo quòd abundabit iniquitas, refrigescet charitas mul-
 » torum, & uenient Pseudochristi, & Pseudoprophetæ,
 » & dabunt signa in cœlo, ut si fieri possit etiam electi de-
 » cipiantur. quorum fraudeliberabit nos Deus per Ie-
 sum Christum, qui est spes nostra. Etenim nos quoque
 cū peragrareremus gentes, ecclesiasq; cōfirmaremus,
 alios quidem multis admonitionibus & sermonis me-
 dicina curatos ad sanitatem reduximus, cū morti es-
 sent uicini, & tantū non animam efflarent; eos, qui
 nullo remedio curari potuerunt, ab ouili eiecimus, ne
 morbi contagione ualentes agni contabescerent, sed
 puri, mundi, sani, integri Domino conseruarentur.
 Atque hæc quidem ubique toto orbe terrarum in sin-
 gulis ciuitatibus præstitimus. Rēquimus uerò uobis
 Episcopis, & reliquis sacerdotibus iure, ac merito hu-
 ius catholice doctrinæ monumentum pro confirmatio-
 ne illorum, qui Deo crediderunt. Quam doctrinam
 misimus

missimus per Clementem cooperatorem nostrum fidelissimum, & filium unanimem in Domino unà cū Barnaba & Timotheo filio optatissimo, & Marco Germano, cum quibus Titum uobis dedimus, & Lucam, Iasonem quoque & Lutium, & Sosipatrum, per quos hortamur uos in Domino, ut à ueteri consuetudine recedatis, uinculorum, inanum, exterminationum, obseruationum, delectu s ciborum, baptismorū quotidianorum: uetera enim recesserūt, ecce noua sunt omnia.

Contra improbantes legem. CAP. XIX.

COGNOSCITIS enim Deū per Christum, uniuerſamque eius dispēſationem à principio institutam, quòd dedit nobis legem simplicem ad auxilium naturalis legis, puram, salutarem, sanctam, in qua & proprium nomen reposuit, perfectam, absolutam, decem praecepta continentem, plenam, reprehensione carentem, conuertentē animas, cuius immemores Hebræos
 „ per Malachiam prophetam admonet dicens, Recordamini legis Moſis hominis Dei, qui praecepit nobis man
 „ data & iustitias. qui adeò sanctus ac iustus est, ut cū
 „ Dominus leprosum unum curauisset, posteaque no-
 „ uem alios, dixerit priori, Vade & ostende te Pontifici,
 „ & offer munus, { quod praecepit Moſes in testimonium
 „ ipsis. nouem uerò illis rurſum, Ite & ostendite uos sa-
 „ cerdotibus. Non enim legem dissoluit, ut Simon opi-
 „ natur, sed impleuit. Inquit enim, Iota unū, & unus apex
 „ non praeſteribit à lege, quousq; omnia fiant: non enim
 „ ueni, inquit, ſoluere legem, sed adimplere. Etenim Mo-
 „ ſes legiſlator ſimul ac Pontifex, idemque Propheta, &
 „ Rex, Helias quoque zelator Prophetarum adfuerunt

Mal. 4.

Luc. 5.

Matt. 5.

in transfiguratione Domini in monte, incarnationis, passionumque testes, ut amici, familiaresque Christi, non ut inimici, & alieni. Ex quibus perspicuum fit, legem bonam sanctamque esse unà cum Prophetis.

Quæ sit naturalis lex, & quæ sit inducta, atque adiecta, & quam ob causam inducta sit. CAP. XX.

LEX est Decalogus, quam antequàm populus uitulum, hoc est Apim Aegyptium faceret, Deus tulit uoce, quæ auribus audiretur. Hæc lex iusta est; ob quam causam lex dicitur, quoniam secundum naturam iustè iudicia facit, quam Simôn improbat, putans se ab ea iudicatum, supplicium effugere non posse. Hæc lex bona est, sancta, libera. inquit enim, Si feceris mihi altare, ex terra facies mihi ipsum. non dixit Fac, sed, si feceris. non necessitatem imposuit, sed liberæ potestati permisit. non enim sacrificio opus habet Deus, cùm nulla re suapte natura indigeat, sed quemadmodum iam superiori tempore Deo charus Abel, & Noe, atque Abraam, & reliqui non rogati, sed naturali lege commoti, sua sponte Deo sacrificia offerebant à grato animo profecta, ita permittit modò Hebræis, non iubendo, sed si uoluerint concedendo. ac si recta animi sententia obtulerint, benignè recipiendo sacrificia ipsorum. Ideo, inquit, Si sacrificare desideras, non indigenti mihi sacrifica; nulla enim re opus habeo: meus est enim orbis terrarum, & perfectio eius. Cum uerò eius populi homines huius rei immemores fuerunt, & uitulum pro Deo Deum inuocauerunt, ei que causam profectiois ab Aegypto tribuerunt, dicentes, Hi sunt dei tui Israel, qui eduxerunt

runt te de terra Aegypti. Et colentes similitudinem vituli comedentis foenum, negauerunt Deum, qui per Moſem uiſitauerat ipſos in tribulatione ipſorum, Moſem (inquam) qui in manu & uirga ſigna effecerat, Aegyptios decem plagis percuſſerat, mare rubrum diuiſis aquis tranſmiſerat, eos per mediam aquam ut equitatum per campum duxerat, inimicos, & inſidiatores eorum demerſerat, fontem amarum ad Maran dulcem reddiderat, ex duro lapide aquam ad ſatietatem eduxerat; columna nubis propter ætus magnitudinem eos contexerat; columna ignea illuſtrauerat, uiamque monſtrauerat ignorantibus quò pergerent; qui manna de cœlo dederat, à mari carnis copiam miſerat inueſta ortygometra; qui in monte leges eis dederat. Cuiusque uocem audire meruerant, eum abnegauerunt dicentes, Fac nobis deos, qui præeant nos. uitulumque conſlauerunt, & ſacrificauerunt Idolo. Tunc uerò ira incenſus Deus, ut qui eos ingratos uidebat, obligauit eos uinculis arctiſſimis oppreſſione onerum, atque duricie catenæ, & non ampliùs dixit, Si feceris, ſed Fac altare, & aſſiduè ſacrifica: immemor es enim gratiæ. Offer igitur iuge holocauſtum, ut memor ſis mei. Nam quoniam malè uſus es libertate, poſthac tibi impono neceſſitatem, atque certis cibis te prohibeo, & animalium mundorum & immundorum delectum tibi præſcribo, quanuis omne animal bonitatem habeat, ut quod à me factum ſit, & exterminationes tales tibi impero, expiationes, aſſidua baptiſmata, aſperſiones, luſtrationes, ceſſationes uarias, atque iis ſingulis, niſi obtemperaueris, poenam ſtatuo, ut æquum eſt inobedienti, ut hoc modo uexatus, & catena enectus, à multitudine

deorum

Exo. 32. deorum recedas; omissoque illo, Hi sunt dii tui Israel. recorderis illius, Audi Israel Dominus Deus tuus Dominus unus est, confugasque ad illam legem, quam ego natura omnibus hominibus indidi, unum solum esse Deum in cœlo & in terra, huncque diligendum ex toto corde, ex omnibus uiribus; atque ex omni mente, & excepto illo neminem timendum; neque aliorum deorum nomen mente concipiendum, neque lingua pronunciandum. Nam ob duritiem obligauit eos, ut sacrificando, cessando, se expiando, atque talia obseruando, in cogitationem eius uenirent, qui hæc ipsis præcepisset.

Quod sub gratia sumus, & non in seruitute legis inducti in Christum credentes.

CAP. XXI.

VESTRI, qui credidistis in unum Deum, ac non necessitate, sed recta sententia, ei, qui uos uocauit, paruistis, beati sunt oculi, quoniam uident, & aures, quoniam audiunt. soluti enim estis uinculis, & seruitute liberati. non amplius enim (inquit) dico uos seruos, sed amicos, quoniam omnia, quæ audiui à Patre meo, manifestauì uobis. illis enim nolentibus loqui uel audire, non defectu poenarum, sed abundantia nequitiae, dedi mandata non bona, & iustitias, in quibus uicturi non sunt. non bona autem ex proposito ipsorum, quoniam cauteria, gladius, medicamenta infesta sunt non ualentibus; non seruantur autem propter inobedientiam, unde non seruata mortem eis afferunt.

Quod

Quòd lex de sacrificio induc̃ta erat, quam adueniens Christus, sustulit. C A P. X X I I.

VOs igitur beati estis, qui maledictione estis liberati.
 Christus enim Dei filius cùm uenisset, legem ratam
 habitam impleuit, induc̃ta sustulit, si non omnia, at gra
 uiora; legem confirmans, iis finem imponens, uolun
 tatemque humanam rursus dimisit liberam, ut nō hìc
 temporaneæ mortis iudicium exerceat, sed in alio sta
 tu rationes sit cogniturus. Ideoque dicit, Qui uult ue
 nire post me, ueniat. Et rursus, Num & uos uultis
 abire? Iam uerò ante quoque eius aduentum recusa
 bat populi sacrificia, sæpenuerò in eum peccantis,
 atque existimantis sacrificiis eum non pœnitentia pla
 catum iri. ita enim, inquit, Vt quid mihi incensum de
 Saba affers, & cinnamomum de terra longinqua? Holo
 caustomata uestra non sunt accepta, & sacrificia uestra
 non placent mihi. & deinceps, Holocaustomata uestra
 congregate cum sacrificiis uestris, & comedite carnes,
 quoniam non mandaui uobis, quādo eduxi uos de ter
 ra Aegypti. De holocaustis, & sacrificiis per Isaiam
 quoque, Quid mihi multitudo uictimarum uestrarū?
 dicit Dominus. Plenus sum holocaustis arietum: adi
 pem agnorum, & sanguinem taurorum, & hircorum
 nolo, neque ueneritis apparere mihi. Quis enim quæ
 siuit hæc de manibus uestris? calcare atrium meum nō
 addetis ampliùs. Si obtuleritis filiginem, uanum, in
 censum, abominatio est mihi. Neomenias uestras, &
 sabbata uestra, & diem magnum non feram. Ieiunium,
 & cessationem, & festiuitates uestras odit anima mea.
 facti estis mihi in facietatem. Et per alium dicit, Disce
 de à me, sonum carminum tuorum, & psalmum orga
 norum

Ier. 6.

Ier. 7.

Isa. 1.

Amos. 5.

ganorum tuorum non audiam. & Sauli, qui sacrificare
 1. Reg. 15 constituerat, Samuel dicit; Bona auscultatio super sa-
 „ crificium, & obedientia super adipem arietum. Ecce
 „ enim non uult Deus sacrificium sicut obtemperari si-
 „ bi, & per Dauid dicit, Non recipiam de domo tua ui-
 Tsal. 49 tulos, neque de gregibus tuis hædos. Si esuriero non
 „ dicam tibi: meus est enim orbis terrarum, & perfe-
 „ ctio eius. Num manducabo carnes taurorum, aut san-
 „ guinem hircorum bibam? Sacrifica Deo sacrificium
 „ laudis, & redde altissimo uota tua. Atque in omni-
 „ bus scripturis eorum sacrificia reiicit, quoniam ii in ip-
 „ sum peccauerunt. Sacrificia enim impiorum, abomi-
 Pron. 15 natio apud Dominum. Etenim iniquè offerunt ea. &
 „ iterum, Sacrificia ipsorum tanquam panis ipsis, om-
 „ nes comedentes ea inquinabuntur. Quòd si ante suum
 „ aduentum, loco sacrificii cor mundum postulabat, &
 „ spiritum contritum, modo cum iam uenerit, multo
 „ magis hæc, quæ per sanguinem fiebant, eum dicimus
 „ sustulisse. Sustulit autem cum prius illa impleuerit. e-
 „ tenim circumcissus est, & aspersus, sacrificia quoque
 „ obtulit, & holocausta, atque aliis moribus usus est; ip-
 „ seque legislator effectus est perfectio legis, non subla-
 „ ta lege naturali, sed extinctis iis, quæ per deuterofim
 „ inducta fuerant, quanquam non omnibus.

*Quomodo Christus impleuerit legem, & quæ extinxerit, quæ
 commutauerit, uel transfulerit. CAP. XXIII.*

L E G E M enim naturæ non sustulit, sed confirma-
 Deut. 6. uit: nam qui dixit in lege, Dominus Deus tuus,
 „ Dominus unus est. idem dicit in Euangelio, Vt co-
 Ioan. 17. gnoscant te solum Deum. & qui dixit, Diliges pròxi-
 mum

mum tuum, sicut te ipsum in Euangelio renouato
 præcepto. Mandatum nouum (inquit) do uobis, ut *Ioâ. 13.*
 diligatis uos inuicem. Qui tunc eadem prohibuit,
 modò prohibet inconsideratam iram; qui tunc adul-
 terium, modò illicitam cupiditatem, qui tunc latro-
 cinium, modò magis commendauit eum, qui de pro-
 priis laboribus inopibus præbet; qui tunc odium prohi-
 buit; nunc inimicorum dilectionem præcepit; qui uindi-
 ctam, nunc præcipit patientiam, non quòd iniusta sit
 uindicta, quæ iustè sumatur, sed quòd præstantior sit
 patientia. Neque uerò naturales affectiones excidi ius-
 sit, sed illarum exuperantiam; qui colendos parentes
 præcepit, ipse iis subiectus erat; qui Sabbatum seruari
 uoluit, ut ille dies consumeretur in legum meditatio-
 ne, nunc quotidie iussit nos cogitantes conditæ natu-
 ræ prouidentiaque legem, gratias agere Deo. Cir-
 cumcisionem sustulit, cum eam in se expleffet. Ipse e-
 nim erat, cui reposita erat expectatio gentium; qui ius-
 iurandum præceperat, & periurium prohibuerat, om-
 nino iurare uetuit. Baptismum, sacrificium, sacerdo-
 tium, localem adorationem alio modo mutauit. pro
 quotidiano baptismo, unum solû baptismum instituit,
 qui in eius mortè perficitur pro una tribu. De qualibet
 natione præcepit optimos deligi, nec corporum integri-
 tatem spectari, sed religionem ac uitam. Pro sacrificio
 cruento, rationale, & incruentum, ac mysticum sacri-
 ficiu instituit, quod in mortè Domini per symbola cor-
 poris, & sanguinis sui celebratur. pro adoratione locali,
 ab ortu Solis usq; ad occasum in omni loco imperii sui;
 nomen suum celebrari statuit. Quare non sustulit à no-
 bis legem, sed uincula: nam de lege Moses inquit, *Deuter. 6*
 „ Meditaberis uerbum, quod ego tibi mando, sedens
 A A domi,

Psal. 1. domi, surgens & ambulans in uia. Et Dauid ait, In
 „ lege Domini uoluntas eius, & in lege eius meditate-
 „ ris die ac nocte. ubique enim nos legibus obsequentes
Psal. 18. esse uult, non legum contemptores. Beati enim (in-
 „ quit) immaculati in uia, qui ambulant in lege Domi-
 „ ni; Beati qui scrutantur testimonia eius: in toto corde
 „ exquirent eum. Et iterum, Beati sumus Israel, quo-
 „ niam quæ placent Deo, cognita sunt nobis. Et Do-
 „ minus inquit, Si hæc cognouistis, beati estis si fece-
 „ ritis ea.

*Quòd per Romanos quoque uoluit Dominus Iustitiæ legem de-
 monstrari.* CAP. XXIII.

NON solùm per nòs Iustitiæ legem uult demon-
 strari, sed etiam placuit sibi, ut ea per Romanos ap-
 pareret, atque luceret. nanque ii quoque credentes
 in Dominum, à deorum errore, atque iniquitate re-
 cesserunt, & bonos receperunt, improbosque puniunt,
 & Iudæos uestigiales habent, atque suis iustis eos uti
 non permittunt.

*Quòd Deus Iudæos ob impietatem, qua aduersus Christum usi
 sunt, in seruitutem redactos, tributo subiecit.*

CAP. XXV.

QUONIAM sponte seruitutem sibi imposuerunt
 dicentes, Non habemus Regem nisi Cæsarem;
 & nisi occidamus Christum, omnes in eum credent,
 & uenient Romani, & tollent locum nostrum & gen-
 tem. atque inuiti uera prædixerunt: nam & in eum
 gentes crediderunt, ipsique à Romanis potestate spo-
 liati

liati sunt, prohibitiq̃ue ea facere, quæ sibi patriis legibus præcepta fuerant: Maledictus enim (inquit) qui non manet in omnibus scriptis in libro legis ut ea faciat. fieri autem non potest, ut cum dispersi uagiq̃ue inter gentes uiuant, omnia faciant, quæ lex præscribit: Vetat enim diuinus Moses altare extra Hierosolyma constitui, legemq̃ue extra Iudææ fines legi. Sequentes igitur nos Christum, benedictionum hæreditatem adipiscamur, legi & Prophetis per Euangelium obsequamur. Fugiamus eos, qui Deos colunt, interfectores Christi, & Prophetarum, nephandos atque impios hæreticos; obtemperemus Christo ut Regi, qui potestatem habet inducendi uarias leges, ac tanquàm sapiens legislator nouas ferendi, ubique naturalibus immobilibus conseruatis:

Galat. 3.

Quod fugere oportet hæreticos tanquàm animarum pestem.

CAUTE ab hæreticis omnibus Episcopi & laici, qui legem, & Prophetas improbant. Deo enim Omnipotenti infesti non parent, & Christum non confitentur filium Dei. negant enim eius generationem secundum carnem. Crucem erubescunt; passionem ac mortem contemnunt; resurrectionem ignorant; æternam eius generationem præcidunt. Alii ex iis in alio impietatis genere uersantur: opinati Dominum purum hominem esse ex anima tantum & corpore constantem; alii Iesum illum ipsum Deum, qui est super omnia, esse existimant, putantes eum sibi ipsi patrem esse. quibus quid potest esse magis impium? alii rursum cibos quosdam uituperant, nuptiasq̃ue cum

liberorum procreatione improbant: quòd opus sint diaboli. cumque ob suam improbitatem sint impii, nolunt à mortuis resurgere: propterea resurrectionem labefactant, dicentes, nos eximios quosdam fore, si comedere, & bibere noluerimus, fingentes dæmonia quædam nudata carnibus, à mortuis excitatum iri; qui damnabuntur ad ignem æternum. Quare fugite ab iis, ne unà cum illorum impietate pereatis:

De Iudaicis & Græcis obseruationibus. CAP. XXVI.

QUOD si quidam Iudaicas consuetudines obseruant, fluxum seminis, nocturnas pollutiones, legitimos concubitus: dicant nobis his horis, uel diebus, quibus horum aliquid ipsis accidit, abstinent ne se ab oratione uel à libro tangendo? si affirmabunt, perspicuum est eos Spiritu sancto destitui, qui semper cum fidelibus uersatur; nam de Sanctis ait Solomon, ut unus
 „ quisque se præparet, ut cùm dormit, custodiat eum, &
 „ cùm expergiscitur, colloquatur cum eo. Nam si existimas ò mulier septem diebus te in puerperio manentem, Spiritu sancto priuatam esse, num quoque si repente mortem obires, uacua Spiritu sancto, & destituta spe erga Deum decederes? uel potius spiritum habes omnino inseparabilem, ut qui locum non occupet? necessaria est autem tibi oratio, & spiritus afflatus, cùm nihil in eo pecces. Nam nec legitimus concubitus, nec cubile, nec sanguinis fluxus, nec nocturna pollutio potest hominis naturam contaminare, uel Spiritum sanctum auferre, sed sola impietas & actio iniusta. Nam Spiritus sanctus semper manet cum iis, qui eum adepti sunt, quousque digni fuerint, & à quibus se subtrahit, eos
 desertos

desertos, & spiritui nequam contraditos dimittit. Homo autem omnis, alius Spiritu sancto plenus est, alius impuro, nec potest alterum effugere, nisi aliquod contrarium patiatur. Paracletus enim odit omne mendacium, Diabolus omnem ueritatem. Vnusquisque autem qui baptismum uerè est adeptus, à diabolico spiritu recessit, & Spiritum sanctum obtinuit, atque bonum agenti adest Spiritus sanctus, complens eum sapientia & intellectu, nec permittit spiritum malum ad eum accedere, obseruans illius inuasiones. Tu ergo mulier si quemadmodum dicis, in diebus puerperii Spiritu sancto uacua es, certè plena es impuro: nam nec orans, neque legens inuitum illum aduocas. amat enim is ingratos, si ullus alius, inertes negligentes, somnolentos, quoniam ipse quoque ingrato animo malignus à Deo spoliatus est dignitate, qui pro Archangelo diabolus esse maluerit. Ideo mulier uanos sermones deferre, semperque memor esto Dei, qui te creauit, atque ei supplicare. est enim tuus quoque, qui cunctorum est Dominus. meditareque illius leges, nihil obseruans, nec naturalem purgationem, neque concubitum legitimum neque partum, neque abortum, neque corporis maculam: quoniam huiusmodi obseruationes, sunt stultorum hominum inania commenta, ac mente carentia. nam nec funus, nec cadauer, nec sepulchrum, nec cibibus, nec pollutio potest animam hominis inquinare; sed sola aduersus Deum impietas & iniquitas, atque proximi iniuria, ut rapina, & uis, atque omne quod est Iustitiæ contrarium, adulterium, fornicatio. Quare iis uitis, deferite obseruationes dilecti, Græcorum enim sunt propriæ. non enim mortuum abominamur ut illi, sperantes illum iterum uicturum; neque legitimum concubitum

cubitus improbamus. Est enim eorum consuetudo ut in iis impiè sentiant: Dei enim uoluntate conciliatur uiri & mulieris iusta coniunctio. Nam qui fecit ab initio, masculum, & foeminam fecit eos, & benedixit eis, ac dixit, Crescite & multiplicamini, & replete terram. Quare si Dei uoluntate sexus sunt ad sobolè propagandam congregati, ergo de illius quoque sententia facta est maris & foeminæ congressio.

De masculorum concubitu, adulterio, fornicatione. CAP. XXVIII.

AT non ille abominabilis concubitus, qui contra naturam fit, neque praua actio, quæ Deo infesta est? nam contra naturam est Sodomorum peccatum, & cum bestiis coniunctio, praua actio adulterium, & fornicatio, quorum factorum aliud est scelus, aliud est iniustitia, ultimum est peccatum; nullum uerò impunitum relinquitur pro suo genere. Nam primi quæ-
runt mundum dissolui, iis, quæ secundum naturam sunt, contra naturam abutentes. Secundi iniustè faciunt, qui alienas nuptias corrumpunt, & quod à Deo in unum coniunctum est, in duo diuidunt, filiosque suspectos faciunt, & naturalem uirum insidiis exponunt. Fornicatio est propriæ carnis corruptio, quæ non causa liberorum expetitur, sed uoluptatis. quod est incontinentiæ signum, non argumentum uirtutis. Hæc autem omnia legibus prohibita sunt, inquit enim Scriptura, Nō dormies cum masculo coitu muliebri; male dictus enim est talis, & lapidibus obruite eos: abominationem fecerunt. Omnem dormientem cum iumento, interficite eum: iniquitatem fecit in populo. Et si quis mulierem nuptam uitiauerit, occidite utrumque;

Leu. 18.

et 20.

Leu. 18.

et 20.

Deu. 22.

iniqui-

- » iniquitatem fecerunt, rei sunt; moriantur. & deinceps
 » non erit, qui fornicetur in filiis Israel. Et non erit quæ
 » fornicetur de filiabus Israel. Non offeres mercedem *Deu. 23.*
 » meretricis Domino Deo tuo ad altare, nec præcium
 » canis. Non enim, inquit, castæ sunt preces de mer-
 » cede meretricis. Hæc leges prohibuerunt, nuptiæ
 » commendauerunt, benedictas eas appellantes; quo-
 » niam benedixit eis Deus, qui foeminam cum masculo
 » coniunxit. Ait quodam in loco sapiens Solomon A' *Pro. 19.*
 » Domino copulatur mulier uiro. Et Dauid inquit. Vxor *Psa. 127*
 » tua sicut uitis abundans in lateribus domus tuæ: Filii
 » tui sicut nouellæ oliuarum in circuitu mensæ tuæ. Ecce
 » sic benedicetur homo, qui timet Dominum. Nuptiæ
 » igitur honestæ & commendabiles sunt, ipsaque libero
 » rum procreatio pura est: nihil enim mali inest in bono.
 » Neque uerò naturalis purgatio odiosa Deo est, qui il-
 » lam instituit in mulieribus per menstrua spatia, ualetu-
 » dinis, firmitatisque causa, cum otiosæ sint, ut quæ
 » magna ex parte domi sedent, sed etiam (ut habetur in
 » Euangelio) cum illa, quæ patiebatur fluxû sanguinis,
 » ualetudinis gratia salutare fimbriam attigisset, non
 » molestè tulit Dominus, neque omnino illam accusa- *Matt. 9.*
 » uit, immo potius eam curauit, dicens, Fides tua te
 » saluam fecit. Menstruisque apparentibus mulieri-
 » bus, uiri cum eis ne coeant, ut filii sine morbo nascan- *Ezec. 18*
 » tur; prohibuit enim hoc lex inquiring, Ad mulierem men-
 » struatam ne accedas. Neque uerò cum prægnantibus
 » consuetudinem habeant: non enim suscipiendorum
 » filiorum, sed uoluptatis causa hoc faciunt. oportet au-
 » tem Dei amicū, non appetere uoluptatem.

*Quomodo oporteat mulieres uiris suis subiectas esse, & uiros diligere
nas uxores. CAP. XXIX.*

MVLIERES subiectæ estote uiris uestris, eos-
que in honore habete, ac timore, & charitate il-
lis inseruite quemadmodum sancta Sarra Abraham ho-
norabat, quæ nec nomine ipsum audebat appellare,
» sed dominum illum uocabat; Dominus meus, inqui-
» ens, senex est. Item uiri diligite uestras uxores ut pro-
» pria membra, ut uitæ socias, in filiisq; generandis
Prou. 5. » adiutrices. Lætare enim inquit, cum muliere, quæ est
» à iuuentute tua, cerua tuæ amicitia, & pullus tuarum
» gratiarum conuersetur tecum, propria uerò præeat te,
» & adsit tibi in omni tempore. in huius enim amicitia
» implicatus, multiplicabilis eris. Diligite ergo eas uti
Mal. 2. » membra propria, uti corpora uestra. Scriptum est
» enim hoc modo, Dominus testificatus est inter te &
» mulierem adolescentiæ tuæ, & hæc consors tua, & non
» alius fecit, & reliquæ spiritus tui, & custodite in spiri-
» tu uestro. & mulierem adolescentiæ tuæ ne deseras.
Vir igitur & uxor iustis nuptiis coniuncti, mutuò se
excitantes, sine obseruationibus orent, & quanuis
non lauent, tamē erunt lustrati. Qui uerò alienā uxore
corruperit, uel cum meretrice se inquinauerit, neq; si
toto mari, atq; oībus fluuiis se abluerit, expiari poterit.

*Quod Iudeorum & Græcorum mos est obseruare naturales purga-
siones, & mortuorum reliquias uitare; à Christianis
uerò hoc est alienum. CAP. XXX.*

NOLITE obseruare legalia, nec naturalia piacula,
existimantes iis contaminari, nec sequamini Iudai-
cas separationes, nec assiduos baptisimos, neque expia-
tiones

riones in contactu mortui, sine ullaque exceptione cō
 uenite in cœmeteria, sacros libros in iis legentes & psal
 lentes pro iis, qui dormierunt, Martyribus, atque om-
 nibus sanctis, qui à sæculo fuerunt; proque fratribus
 nostris, qui in Domino obierunt; Et antitypum rega-
 lis corporis Christi, acceptabilemque Eucharistiam of-
 ferre in Ecclesiis & cœmeteriis uestris. Atque in exitu
 mortuorum psallentes, eos deducite, si fideles fuerint
 in Domino. Preciosa enim in conspectu Domini mors
 » sanctorum eius. Et iterum, Reuertere anima mea in re- *Psa. 115*
 » quiem tuam, quoniam Dominus benefecit tibi. Et aliò *psal. 114*
 » in loco, Memoria iustorum cum laude: Et iustorum *Pro. 10.*
 animæ in manu Dei. Nam, qui in Deum crediderunt,
 quanquàm obierunt, tamen non sunt mortui. Dicit. n.
 Dominus Sadducris de resurrectione mortuorum, *Sap. 3.*
 » Non legistis quod scriptum est, Quoniam ego Deus *Mar. 12*
 » Abraam, Deus Isaac, Deus Iacob: non est Deus mor- *4. Reg. 6.*
 tuorum, sed uiuorum; omnes enim in ipso uiuunt. Igi-
 tur eorum, qui in Deo uiuunt, nec reliquiæ sine hono-
 re manent. nam Helissæus Propheta post discessum è ui-
 ta, mortuum quendam excitauit interfectum à Piratis
 Syriæ. attigit enim corpus eius Helissæi ossa, atque ex-
 citatus uixit; quod factum non esset, nisi Helissæi cor-
 pus sanctū fuisset. Et Ioseph complexus est Iacob post
 mortem, cum iaceret in lectulo, & Moses ac Iesus Na-
 uæ Iosephi reliquias secum duxerunt, quod minimè
 putauerunt piaculum. Quare uos quoque Episcopi &
 alii sine metu piaculi contingentes mortuos, nolite pu-
 tare quòd eorum contactus uos inquinat; neque eorū
 reliquias uitetis, omissis huiusmodi insanis obseruatio-
 nibus, ornaminique sanctitate & temperantia, ut par-
 cipes immortalitatis, & consortes Regni Dei effici-
 mini,

mini, & promissionem Dei assequamini; requiescentes
in æternum per Iesum Christum Salvatorem; qui po-
test aperire aures cordis uestri; ad recipiendum acuta
Dei eloquia per Euangelium, & per Doctrinam Iesu
Christi Nazaræi. Qui crucifixus est sub Pontio Pilato;
& Herode; mortuus ac suscitatus à mortuis, & iterum
uenturus in cūsummatione sæculi cum gloria ac uirtu-
te multa. Qui mortuos est excitaturus, Mundo finem
impositurus, & unicuique pro meritis tributurus. Qui
dedit nobis se ipsum pignus resurrectionis, atq; in Cœ-
lum assumptus est per potentiam Dei & Patris ipsius
in conspectu nostro. qui per quadraginta dies come-
dimus & bibimus unà cū illo, postquam à mortuis re-
surrexit; quiq; sedet à dextris Throni maiestatis O-
mnipotentis Dei super Cherubin. Qui audiuit, Sede à
dextris meis donec ponā inimicos tuos scabellum pē-
dum tuorum. Quem uidit beatissimus Stephanus stan-
tem à dextris uirtutis, & exclamans dixit; Ecce uideo
coelos apertos, & filium hominis stātem à dextris Dei;
ut Pontificem omnium rationalium ordinum,
per quem honor, maiestas, & gloria
Omnipotenti Deo, nunc,
& in sæcula
Amen.



CON-

M V R O T O T O 9 . 2 . T . 1 2 3 0 3 94
CONSTITVTIONVM
SANCTORVM APOSTOLORVM

B. CLEMENTE ROMANO

A V C T O R E ,

LIBER SEPTIMVS.

De conuersatione, & uitæ moribus, deq; gratiarum actione.

C A P . I .



V^M legislator Moses dixerit Israelitis, *Deu. 30.*
Ecce posui in cōspectu uestro uia uita,
& uia mortis. & subiunxerit. Elige uitā
ut uiuas. & Helias Propheta dixerit po-
pulo, Quousque claudicatis utroq; po- *3. Re. 18*
pulate? Si Deus est Dominus, sequimi-
ni eum. meritò quoque dicebat Dominus, Nemo po- *Matt. 6.*
test duobus dominis seruire, uel enim alterum odio
habebit, & alterum diliget, uel uni hærebit, alterum
contempnet.

*De uia naturali, & induc̃ta, & quòd una à Deo, altera ab errore pro-
uenit ex insidijs Diaboli.* C A P . I I .

N E C E S S A R I O nos etiam secuti magistrū Chri-
stum, qui omnium hominum Saluator est, maxi-
mè fidelium, dicimus duas esse uias, unam mortis, uitæ
alteram, quæ inter se comparationem non habent: ma-
gna est enim earum differentia, immo omnino dissi-
dent: ac naturalis quidem est uitæ uia, induc̃ta uerò

BB 2 uia

- uia mortis, quæ non uoluntate Dei accidit, sed insidiis
aduersarii. Prima est igitur uia uitæ; atque hæc ipsa
Deu. 6. est, quam præscribit lex, diligere Dominum Deum
,, ex tota mente, ex tota anima, atque illum solum,
,, præter quem nullus est; & proximum sicut te ipsum.
Matt. 7. & quodcunque tibi fieri non uis, id alteri ne feceris.
Matt. 5. Benedicite maledicentibus uobis. Orate pro calum-
,, niantibus uos. Diligite inimicos uestros. quæ est enim
,, merces uestra, si ametis, qui amant uos? nam & Eth-
,, nici hoc faciunt. uos uero amate illos, qui odio uos
Deu. 23. habent, & inimi cum non habebitis; Nullum homi-
,, nem, inquit, odio habebis, non Aegyptium, non
Idumæum: omnes enim sunt Dei creaturæ. Fugite au-
1. Pet. 4. tem improborum non naturam, sed propositum. Ab-
stinete uos à carnalibus & mundanis cupiditatibus.
Matt. 5. Si quis percusserit te in una maxilla, uerte ei alteram,
non quod uindicta in malis sit, sed quod patientia præ-
psal. 7. stantior. Ait enim David, Si retribuui retribuētibus
Matt. 5. mihi mala. Si quis te angarizauerit unum milliāre, uā
,, de secum alterum. Volenti tecum certare, & tunicam
,, tuam accipere, dimitte etiam pallium. Et ab eo, qui
,, tollit tua, ne repetas. Petenti à te, da. Et uolenti abs-
,, te mutuum accipere, noli claudere manum. Vir enim
,, iustus misericordia mouetur, & accōmodat; omnibus
,, enim uult dari Pater, qui Solem suum oriri facit super
,, malos & bonos, & pluit super iustos & iniustos. Omni-
,, bus igitur æquum est suppeditare de iustis labo-
iron. 3. ribus. Honora enim, inquit, Dominum,
de tuis iustis laboribus. præfere-
di autem sunt
Sancti.

Morales exhortationes dominicarum præceptionum concordantes cum antiquis mandatis diuinarum legum. Prohibitio iræ, inuidiæ, corruptelæ, adulteriij, atque omnis uetitiæ actionis.

CAP. III.

NON occides, hoc est nō perdes tibi similē hominē: dissoluis enim quæ bene coagmentata sunt; non quòd omnis cædes in malis habēda sit, sed quia solūm illa prohibetur, quæ innocenti infertur, iusta uerò magistratibus reseruatur. Non mœchaberis. diuides enim
 33 carnem in partes duas. Erunt enim, inquit, duo in carne una. unum. n. sunt uir & mulier natura, consensione societate, amore, uita, more; separantur autē sexu, & numero. Pueros non uitiabis: contra naturam. n. est hoc uitium, profectum à Sodoma, quæ à Deo misso incendio cōflagrauit: is. n. est execrabilis, & dicet omnis populus fiat. Non fornicaberis: non. n. erit fornicator inter filios Israel. Non furaberis. Achar. n. cū in Israele furatus esset, in Hiericō lapidibus oppressus interiit; & Giezi furatus, mentitusque, Neemani leprā adeptus est. & Iudas cū surriperet pauperū facultates, Dominū gloriæ Iudæis tradidit, & peccati dolore se suspendit, & crepuit medius, diffusaq; sūt uiscera eius. Ananias quoq; & Saphira eius uxor furati res proprias, cū tentassent Spiritum Domini, sententia Petri coapostoli nostri statim sunt mortui.

Exo. 20.

Leu. 20.

Ios. 7.

4. Reg. 8

Ioan. 12.

Act. 1.

Act. 5.

Prohibitio magiæ, interemptionis filiorum, periuriij falsi testimonij.

CAP. IIII.

NON dabis operam magiæ arti: non lustrabis: lustratores. n. non sinetis uiuere. Non interficies filiū tuū in interitū, nec quod natū erit, occides. oē. n. quod formatam

CONSTIT. S. APOSTOLORVM

formatam animam à Deo accepit, uindicabitur, si iniu
Exo. 20. stè interimatur. Non concupisces res proximi tui, ue-
Matt. 5. lutu uxorem, filium, bouem, agrum. Non peierabis: di-
psal. 62. ctum est enim ne iures omnino; quod si non feceris, sal-
 tem iustum iusiurandum iures, quoniam Laudabitur
 omnis, qui iurat in idipsum. Falsum testimonium non
 dices, quoniam qui criminatur pauperem, irritat eum,
 qui illum creauit.

*Prohibitio detractionis iracundiæ, morum subdolorum, sermonis otiosi,
 mendacij, iniuriæ, hypocrisis. C A P. V.*

Pro. 12. **N**ON maledices; Ne diligas, inquit, maledicere. Ne
Pro. 6. tollaris. neque iniuriarum memor eris. Viæ enim
 recordantium iniuriarum in mortem. Non eris an-
Psa. 139 cipitis sententiæ, neque bilinguis; laqueus enim fortis ui-
Mat. 12. ro, propria labia. Et uir loquax non rectificabitur su-
 per terram. Non erit sermo tuus uacuu: omnis enim
 sermonis otiosi reddes rationem. Non mendacium di-
psal. 80. ces; Perdes enim, inquit, omnes, qui loquuntur men-
Isa. 45. dacium. Non eris iniurius neque rapax, Væ enim,
 inquit, opprimenti proximum iniuria mala.

*Prohibitio improbitatis, personarum acceptionis, iræ, odij, inuidiæ.
 C A P. VI.*

Den. 10. **N**OLI esse hypocrita, ne partē tuā cum ipsis ponas.
16. Nec improbus, nec superbus, Superbis. n. Deus
Leu. 19. resistit. Nō accipies personam in iudicio, quoniā Domi-
 ni est iudicium. Non odio habebis omnē hominem, re-
Pro. 9. dargutione redargues fratrem tuum, & non accipies
 per eum peccatum. Et redargue sapientem, & diliget
 te.

„ te . Fuge omne malum , & omne quod est simile ipsi .
 „ Abstine enim , inquit , ab iniusto , & tremor non appro-
 „ pinquabit tibi . Noli esse iracundus , inuidus , obrecta-
 tor , neque esto furiosus , aut audax , ne tibi accidat ,
 quod Cain , quod Sauli , quod Ioab . quoniam ille
 quidem occidit fratrem Abel , quod is præstabilius iu-
 dicatus fuerat à Deo , & quod eius sacrificium fuerat
 prælatum : alter sanctum David persequebatur , qui ui-
 cerat Goliath Philistæum , cum illi inuidisset in accla-
 matione à Choro puellarum celebratâ . Tertius duos
 Duces exercitus interemit , Abenner Israelis , & Amef-
 sam Iudæ .

De augurali carmine. CAP. VII.

NOLI auguresse , quoniam ducit hoc studium ad 1. Re. 15
 Idololatriam . Augurium enim , inquit Samuel , Nu. 23.
 peccatum est . Et non erit augurium in Iacob , neque
 „ uaticinium in Israel . Non eris incantâs , neque lustrans Den. 18.
 „ filium tuum . Noli ariolari , neque augurari , neque dis- Len. 19.
 „ disciplinis prauis studere : hæc enim omnia lex prohi-
 buit . Noli esse malorum cupidus ; perduceris enim ad
 immensam peccatorum multitudinem . Noli uti uer-
 borum obscœnitate , uel oculis alludere , uel uinolentia
 expetere : hæc enim scortationes & adulteria pa-
 riunt . Noli avarus esse , ne pro Deo mammonæ ser-
 uias . Noli duci gloriæ cupiditate , neque elatus sis , ne
 que excelsos spiritus habeas . Ex iis enim omnibus o-
 „ riuntur iactantiæ . Memor esto eius , qui dixit ; Domine psal. 130
 „ non est exaltatum cor meum , neque elati sunt oculi
 „ mei , neque ambulauit in magnis , neq; in mirabilibus
 „ super me , nisi quod humiliatus sum .

CONSTIT. S. APOSTOLORVM

Prohibitio murmurationis, insolentiae, superbiae, audaciae.

CAP. VIII.

NOLI murmurator fieri, memor supplicii, quod pertulerunt qui contra Moſem murmurarunt. Noli insolens eſſe, neque prauam mentem, neque cor durum habeas. Neque ſis iracundus, aut puſillanimis.

Mat. 5. Omnia enim hæc ad blaſphemiam perducunt. Sed
 „ eſto mitis, ſicut fuerunt Moſes & Dauid, quoniam mi-
 „ tes hæreditabunt terram.

De longanimitate, ſimplicitate, manſuetudine, patientia.

CAP. IX.

EST O longanimis. Qui enim talis eſt, prudentia præſtat, quoniam puſillanimis ualde eſt inſipiens. Præbe te miſericordem: Beati enim miſericordes, quoniam ipſi miſericordiam conſequentur. Sis ſimplex, quietus, bonus, timens ſermones Dei. Noli te extollere, ſicut ille Phariſæus. Quoniam omnis, qui ſe exaltat, humiliabitur.

Luc. 14. Et quod eſt excelſum inter homines, abominatio eſt apud Deum. Non addes animæ tuæ audaciam. Quoniam homo audax in mala incidet.

Eccl. 2. Non ambulabis cum inſipientibus, ſed cum ſapientibus, ac iuſtis. Qui enim ambulat cum ſapientibus, ſapiens erit; & qui ambulat cum iuſtis, cognoscetur. Accidentes tibi calamitates, æquo animo patere, & caſus ſine moleſtia, ſciens mercedem tibi à Deo datum iri, ſicut Iob & Lazaro data eſt.

Quodd

*Quòd oportet, magistros secundum Christum, parentibus
pluris ducere. CAP. X.*

EXPLICANTEM tibi sermonem Dei honora,
eumque in memoria habe diu noctuque, in hono-
re autem habe eum, non ut ortus uitæque tuæ aucto-
rem, sed ut eum, qui tibi dedit, ut bene ac laudabili-
ter uiueres. ubi enim uiget Doctrina de Deo, ibi adest
„ Deus. Exquires quotidie faciem sanctorum, ut ac-
„ quiescas in sermonibus ipsorum.

Quòd non oportet separari à sanctis. CAP. XI.

NOLI à sanctis secedere, memor Coritarum. inter
pugnantes pacem compone, sicut Moses, conci-
„ lians concordiam. Iustè iudica. Domini enim est iu-
„ dicium. Non accipies personam in redarguendo de *Den. 10.*
peccato, quemadmodum Helias, & Michæas redar- *3. Re. 18*
guebant Acahab, & Abdemelech Aethiops Sedeciam, *Ier. 38.*
& Nathan Dauid, & Ioannes Herodem. *2. Re. 12*

De infirmo siue pusillanimit. CAP. XII.

NOLI esse pusillanimitas in oratione tua, si futura
sit, uel secus; inquit enim Dominus mihi Petro
„ in mari, Modicę fidei, quare dubitasti. Noli ad ca-
piendum producere manum, ad dandum contrahere.

De Beneficentia. CAP. XIII.

SI habueris quod manibus tuis tibi paraueris, præ-
beto, ut labores tui consumantur in redēptionem
CC pec-

CONSTIT. S. APOSTOLORVM

peccatorum tuorum . eleemofynis enim & fide purgan-
tur peccata . Noli dubitare in erogando in pauperes ,
nec cum das murmurato ; cognoscet enim quisnam is
sit , ille qui præmia tribuit . Nam qui miseretur , in-
quit , pauperi , foeneratur Domino . Perinde enim at-
que donum illius erit , retribuetur ei . Noli auertere o-
culos ab indigente . Qui enim , inquit , claudit aures
suas , ne audiat indigentem , & ipse inuocabit , & non
erit , qui exaudiat eum . Communica omnia cum fratre
tuo , neque dicito propria esse ; communis enim percep-
tio , ususque à Deo omnibus hominibus paratus est .
Noli manum tuam tollere de filio tuo , uel à filia tua ,
sed à pueritia institue eos in timore Dei . Institue e-
nim , inquit , filium tuum , ita enim tibi erit bonæ spei .

*Quemadmodum à dominis serui tractandi sint ; & quomodo serui de-
beant dominis subiecti esse .* CAP. XIII.

NE domineris seruo tuo , & ancillæ tuæ , qui in
cundem Deum fidem posuerunt , in acerbitate a-
nimæ ; ne aliquando suspirent aduersus te , & in Dei
iram incidas . Vosque serui subiecti estote dominis
quasi in figura Dei , in oratione , ac timore , ueluti
Deo , & non hominibus .

De hypocrisi , attentione legis , & confessione . CAP. XV.

ODI O habeto hypocrisim , & omne quod optimū
sit , Domino facito ; mandata Domini ne contem-
nito ; quæ ab eo accepisti seruato , nec addens aliquid ,
nec detrahens . Non addes enim sermonibus eius , ne
redarguat te & mendax fias . Confitere Domino Deo
tuo

tuo peccata tua. Et non ampliùs addas ad ea, ut bene tibi sit à Domino Deo tuo, qui non uult mortem peccatoris, sed poenitentiam.

De cultu Parentum. CAP. XVI.

PATREM tuum & matrem tuam hōnora, cūm sint auctores originis tuæ, ut sis longæuus super terram, quam Dominus Deus tuus dat tibi. Fratres tuos & consanguineos tuos ne contemnas. Propinquos enim seminis ne despexeris. Exo. 20.

De subiectione erga Regem & Magistratus. CAP. XVII.

REGEM timeto, sciens Domini esse electionem. Magistratus eius in honore habeto, ut ministros Dei; ultores enim sunt omnis iniuriæ; quibus pendite tributum, uectigal atque omnem collationem grato animo.

De pura conscientia orantium. CAP. XVIII.

NON accedes ad orationem in die iniquitatis tuæ, priusquàm solueris amaritudinem tuam. Hæc est uia uitæ, quam ut possitis assequi, concedatur uobis per Iesum Christum Dominum nostrum.

Quod uia quæ insidijs Diaboli inducitur, impietatis, & iniquitatis est plena. CAP. XIX.

VIA mortis ea est, quæ in uitiosis actionibus cernitur: in ea enim ignoratio Dei, & multorum Deorum.

rum coaceruatio reperitur, à quibus proueniunt cædes, adulteria, fornicationes, periuria, iniusta cupiditates, furta, idololatriæ, magiæ, ueneficia, rapinæ, falsa testimonia, hypocrisis, cordis duplicitas, dolus, superbia, uitiolitas, insolentia, inluria, obscœnitas, obtrectatio, audacia, alti spiritus, iactantia, temeritas, bonorum persecutio, ueritatis odium, mendacii studium, ignoratio iustitiæ; quæ qui agunt, non adherent bonitati, nec recto iudicio, inuigilant non uirtuti, sed uitio, à quibus longè abest mansuetudo & patientia. Qui inania diligunt, sectantur retributionem, non mouentur misericordia pauperis, non dolent cum dolente, ignorant suum conditorem, interfectores filiorum, interemptores plasmatis Dei, auertentes se ab indigentibus, affligentes oppressum, diuitum aduocati, pauperum contemptores, undique peccatis obruti. Cauete filii ab iis omnibus.

Quodd non oportet nec ad dextram, nec ad sinistram pietatis declinare: monet enim hoc legislator. CAP. XX.

Deu. 5. **V**IDE ne quis te abducatur à pietate. Non declinabis enim, inquit, ab ipsa nec ad dextram, nec ad sinistram, ut intelligas in omnibus, quæ agas. non enim, nisi deflexeris à uia recta, impius eris.

Quodd non est improbandum aliquid, ex ijs, quæ ad uitium sunt accommodata, sed cum gratiarum actione, & ordinatè omnia sunt percipienda. CAP. XXI.

*S. Ign. ad
Heronē.
Isa. 1.
Gen. 9.*

DE escis dicit Dominus, Bonæ terræ comedite, & omnem carnem edite ut olera herbarum: sanguinem

„ nem autem effundes : non enim quæ intrant in os, co-
 „ inquinant hominem, sed quæ exeunt, blasphemias in-
 „ quam, & detractiones, ac si quid est huiusmodi. Tu
 uerò comedas medullam terræ cum iustitia, quoniam
 quodcunq; bonum ipsius est, frumentum iuuenibus; *Zac. 9.*
 & uinum odore fragrans uirginibus. Quis enim come-
 dit uel bibit sine ipso? admonet quoque te sapiens Es- *1. Esd. 8.*
 „ dras, Ite, inquiens, & comedite pinguedines, & bibite
 „ dulcedines, & ne tristemini.

Quòd abstinentum est ab Idolothytis. CAP. XXII.

FVGITE ab Idolothytis: in honorem enim Dæmo-
 num ea sacrificant, in contumeliam uidelicet Dei,
 qui unus est, atq; ita non eritis participes Dæmonum.

*Ordinatio Dominica. quomodo sit baptizandum, & in cuius
 mortem. CAP. XXIII.*

DE Baptismo ò Episcopo & Presbyter, iam antea
 præcepimus, ac nunc quoque dicimus, quòd ba-
 ptizare debes, quemadmodum Dominus præcepit no-
 bis dicens, Euntes docete omnes gentes, baptizantes
 eos in nomine Patris, & Filii, & Spiritus sancti, docen-
 tes eos seruare omnia, quæ præcepi uobis; Patris, qui
 misit; Christi, qui uenit; Paracleti, qui testimonium
 dedit. Vnges autem prius oleo sancto; deinde bap-
 tizabis aqua. Postremo consignabis unguento, ut un-
 ctio sit participatio sancti Spiritus: aqua sit symbolum
 mortis: unguetum sigillum pactionum. Si desit oleum,
 uel unguentum, sufficit aqua, & ad unctionem, & ad
 sigillum, & ad promissionem morientis, uel potius cõ-
 morientis.

CONSTIT. S. APOSTOLORVM

morientis. Ante baptismum ieiunet qui est baptizandus. Etenim Dominus prius baptizatus à Ioanne, & in desertum ductus, postea ieiunauit quadraginta diebus, & quadraginta noctibus. baptizatus est aut, & ieiunauit, non ad eluendas sordes, uel quòd ieiunio sibi opus esset, uel purgatione, qui natura purus ac sanctus erat, sed ut Ioanni ueritatem comprobaret, & nobis regulam præscriberet. Quare Dominus in suam passionem non est baptizatus, neq; in mortem, neq; in resurrectionem: nihil enim horum adhuc uenerat, sed ad aliorum institutionem, ideoque ex potestate post baptismum ieiunat, ut Dominus Ioannis: qui uerò in eius mortem initiatur, primùm ieiunare debet, & postea baptizari: non est enim æquum commortuum & suscitatum sub ipsam resurrectionem mœstum esse. Homo enim non est dominus institutionis Saluatoris, quoniam is dominus est, ipse uerò subiectus.

Quibus diebus hebdomada sit ieiunandum, et quibus non ieiunandum, & quam ob causam. CAP. XXIIII.

IEIUNIA uestra aliena sint à consuetudine hypocritarum, qui ieiunant in secunda & quinta Sabbati. Vos uerò uel per totos quinque dies ieiunate, uel in quarta feria, & Parasceue, quoniam in quarta iudicium contra Dominum prodiit, cùm Iudas pecunia accepta promisit eum tradere: in Parasceue uerò, quoniam in ea Dominus, crucis supplicium passus est sub Pontio Pilato. Sabbatum & dominicū diem, festum agite, quoniam illud naturæ conditæ est monumentum, hic resurrectionis. Vnum autem Sabbatum seruandum uobis est in toto anno, quod pertinet ad sepulturam Domini, in quo ieiunare oportet,

*S. Ign. ad
Magn. et
ad Phil.*

et, non festum agere: nam quo tempore naturæ auctor subter terram degit, ualidior est de eo luctus, quàm de natura instituta, lætitia, cùm opifex natura, ac dignitate suis operibus sit præstantior.

Quales debeant esse ij, qui orationem Dominicam dicunt.

C A P. X X V.

CUM oratis, nolite imitari hypocritas, sed orate quemadmodum Dominus in Euangelio instituit, Pater noster, qui es in coelis, sanctificetur nomen tuum, adueniat regnum tuum, fiat uoluntas tua sicut in coelo & in terra. Panem nostrum quotidianum da nobis hodie, & dimitte nobis debita nostra, sicut & nos dimittimus debitoribus nostris: Et ne nos inducas in tentationem, sed libera nos à malo; quoniam tuum est regnum in sæcula Amen. Ter in die ita orate, præparantes uos ipsos, ut sitis digni adoptione filiorum Patris, ne si indignè uos illum patrem uocetis, exprobetur uobis id, quod Israel filius primogenitus audiuit, „ Si sum pater, ubi est gloria mea; Et si sum Dominus, „ ubi est timor meus? Gloria enim patrum est filiorum sanctitas; & honor dominorum, timor seruorum: quemadmodum quod est horum contrarium, ignominia est & Domini expulsio. Propter uos enim, inquit, „ nomen meum blasphematur inter gentes. *Mal. i.*

Mystica gratiarum actio. C A P. X X V I.

ESTOTE ex omni parte gratiis agendis intenti, tanquàm fideles, & grati serui. Atque in agendis gratiis dicite hoc modo, Gratias agimus tibi Pater noster

CONSTIT. S. APOSTOLORVM

*Eadē ver-
ba sūt in
ep. Ign.
ad Phil.*

ster pro uita, quam manifestaſti nobis per Ieſum filiū tuum, per quem cuncta creaſti, & uniuerſis prouides, quem & miſiſti ad ſaluandum nos, ut fieret homo; quē permiſiſti pati & mori, & ſuſcitatum glorificare uolu- iſti, & à dexteris tuis collocaſti, per quem nobis pro- miſiſti reſurrexionem mortuorum. Tu Domine Om- nipotens Deus æterne, quemadmodum hoc diſper- ſum erat, & congregatum factū eſt unus panis, ita con- grega Eccleſiam tuam à finibus terræ in regnum tuū. Etiam gratias agimus tibi Pater noſter pro precioſo ſanguine Ieſu Chriſti, qui effuſus eſt pro nobis, & pro precioſo corpore, cuius hæc antitypa perficimus, ipſo nobis ordinante, ut annunciamus eius mortē, per quem tibi gloria in ſæcula amen,

Nullus qui non ſit initiatus, ex iis comedat, ſed tantū qui ſunt baptizati in Domini mortem. Si quis non initiatus ſe occultans ſumpſerit, iudicium æter- num comedet, quod cū non ſit de fide Chriſti, ſum- pſit quæ nephas erat ſumere in ſupplicium ſuum. Si quis per imprudentiam perceperit, eum ſubitò inſti- tutum initiate, ne contemptor exeat.

Gratiarum actio in diuina ſumptione.

C A P. X X V I I.

POſt perceptionem, gratias agite hoc modo, Gra- tias agimus tibi Deus & Pater Ieſu Saluatoris no- ſtri, pro ſancto nomine, quod habitauit in nobis, & pro cognitione, fide, charitate, & immortalitate, quam de- diſti nobis per Ieſum Chriſtum filium tuum. Tu Do- mine Omnipotens cunctorum Deus creaſti Mundum, & quæ in eo ſunt per ipſum, & legem plantaſti in ani- mis noſtris, & uictum præparaſti hominibus. Deus ſan-
ctorum

ctorum & irreprehensibilium patrum nostrorum Abraham, Isaac, & Iacob fidelium seruorum tuorum. Deus fortis, fidelis, uerus, & non mentiēs in promissionibus: qui Iesum Christum tuum in terram misisti, ut cum hominibus uersaretur ut homo, qui erat Deus uerbum & homo: & errorem radicitus euelleret. Tu ergo nūc per ipsum memento huius Ecclesiæ sanctæ tuæ, quam acquisiisti precioſo sanguine Christi tui, & libera eam ab omni malo, & perſice in dilectione tua & ueritate: & cōgrega nos in regno tuo, quod præparaſti. Ipſa Maranatha *, oſanna filio Dauid, Benedictus qui uenit in nomine Domini. Deus Dominus, qui apparuit nobis in carne. Si quis Sanctus ſit, accedat; qui non eſt, fiat per poenitentiam. Permittite etiam Presbyteris ut gratias agant.

Gratiarum actio pro myſtico unguento. CAP. XXVIII.

DE Unguento, gratias agite hoc modo, Gratias agimus tibi cunctorum opifex Deus etiam pro ſtantia unguenti, & pro immortalī ſæculo, quod ma-
 niſtaſti nobis per Ieſum filium tuum, quoniam tua eſt gloria, & poteſtas in ſæcula amen. Si quis ueniat & hoc modo gratias agat, recipite eum, uti Dei diſcipulum. Si uerò aliam doctrinam prædicauerit, præter quam uobis tradidit Chriſtus per nos, eum
 non permittatis gratias agere: is enim
 contumelia afficit Deum potius quàm honorat.

DD Quòd

CONSTIT. S. APOSTOLORVM

Quod oportet delectum adhibere in communionem. CAP. XXIX.

QVI ad uos ueniunt, omnes probati recipiantur. Intelligentia enim præditi estis, & potestis dexteram, uel sinistram cognoscere, & falsos doctores à doctoribus discernere. uenienti uerò magistro, ex animo, ministrare in usum necessarium; falso autem magistro præbete quoque quæ opus habet, sed eius errorem nolite recipere, aut cum illo orare, ne eius contagione contaminemini: quilibet Propheta uerus, uel magister ueniens ad uos, dignus est qui alatur, ut operarius sermonis Iustitiæ.

De Primitijs. CAP. XXX.

Nu. 18.

PRIMITIAS fructuum torcularis, & aræ, bonum quoque & ouium dabis Sacerdotibus, ut benedicantur horrea & cellæ tuæ, & fructus terræ tuæ, stabilisq; frumento, uino, & oleo, & augeantur armenta bouum tuorum, & greges ouium tuarum. omnem decimam dabis orphano, ac uiduæ, pauperi, & aduenæ, primitias panum calidorum, cadum uini, olei, atque mellis, nucum quoque, uuæ, & aliarum rerum primitias dabis sacerdotibus, argenti, uestis, & omnis possessionis orphano & uiduæ.

Quomodo oporteat diem dominicum congregatos celebrare.

CAP. XXXI.

DIE Resurrectioni Domini dicato (dominicum dicimus) conuenite assidue, gratias agentes Deo, & confitentes de beneficiis, quæ in nos contulit Deus
per

per Christum, liberans nos ab ignorantia, errore, uinculis, ut careat reprehensione sacrificium nostrum, & facile ascendat in Deum, qui de Oecumenica sua Ecclesia dixit, In omni loco offeretur mihi incensum & *Mal. 1.*
 „ sacrificium mundum, quoniam Rex magnus ego sum,
 „ & Dominus Omnipotens; & nomen meum admirabile inter gentes.

Quales esse oporteat eos, qui ordinantur. CAP. XXXII.

CONSTITVITE Episcopos dignos Domino, Presbyteros quoque & Diaconos, homines pios, iustos, mites, non cupidos, ueritatis studiosos, probatos, sanctos, non acceptores personarum, qui ualeant docere sermonem ueritatis, recte procedentes in placitis Domini. Vos uero eos honorate ut patres, ut dominos, ut beneficos, ut bene uiuendi auctores. Increpate uos mutuò, non cum iracundia, sed cum longanimitate, bonitate, & pace. Omnia, quæ sunt præcepta uobis à Domino, seruate, uigilate pro uita uestra; *Luc. 10.*
 „ sint lumbi uestri præcincti, & lucernæ ardentes. Vosq;
 „ similes hominibus expectantibus Dominum, quando ueniet uesperè, uel manè, uel in galli cantu, uel in media nocte. Qua enim hora non expectant, ueniet Dominus, & si ei aperuerint, beati serui illi, quoniam inuenti sunt uigilantes. quoniam præcinget eos, & collocabit in mensa, & præteriens ministrabit eis. Estote ergo sobrii, & orate ne dormiatis in mortem; non enim proderunt uobis priora recte facta, si in extremo à uera fide aberraueritis.

NAM in nouissimis diebus multiplicabuntur Pseudoprophetae, & sermonis corruptores, & conuertentur oues in lupos, & charitas in odium: abundante enim iniquitate, refrigescet multorum charitas: mutuò enim se odio habebunt & persequentur, ac tradent: tuncque existet Mundi deceptor, ueritatis hostis, mendacii patronus, quem Dominus Iesus interimet spiritu oris sui, qui labiis perdit impium, multiq; scandalum patientur in eo. qui perseuerauerint usque ad finem ii, salui erunt. Tuncque apparebit in cœlo signum filii hominis, deinde sonus tubæ excitabitur per Archangelum, interea mortui in uitam redibunt, tūq; ueniet Dominus, & omnes Sancti unà cum eo, cum terræ motu, supra nubes cum Angelis Virtutis suæ, in Throno Regni ad condemnandum deceptorem Mundi Diabolum, & ad tribuendum unicuique pro actionibus suis. Tunc proficiſcentur mali ad æternum supplicium; iusti in uitam æternam, adipiscentes illa, quæ oculus non uidit, & auris non audiuit, & in cor hominis non ascenderunt; quæ præparauit Deus diligentibus se. Lætabunturq; in Regno Dei, quod est in Christo Iesu. Quare cū tanta bona ab eo simus consecuti, efficiamur eius serui, eum assidua oratione inuocantes, & dicentes.

2. Thes. 2
1. Cor. 3.

Oratio commemorans uariam Dei prouidentiam.

CAP. XXXIII.

AETERNE Saluator noster Rex Deorum, qui solus es omnipotens, & Dominus Deus omnium creaturarum

turarum, & Deus sanctorum & irreprehensibilium Patrum nostrorum antiquorum. Deus Abraam, & Isaac, & Iacob, misericors, miserator, longanimis, & multæ misericordiæ, cui omne cor patet, & omnis occulta cogitatio reuelatur, ad te clamant animæ iustorum, in te confidit spes sanctorum: Pater iustorum, & cum rectitudine, inuocantium exauditor, qui etiam tacitas interpellationes cognoscis: pertingit enim usque ad interiora hominis tua prouidentia, & per conscientiam scrutaris cuiusque sententiam, cui in omni regione orbis terræ precum, & orationis offertur incensum, qui præsens sæculum Iustitiæ curriculum instituisti, omnibus aperiens ostium misericordiæ, & unicuique ostendens perinnatam cognitionem, & naturale iudicium, legisque admonitionem, quod diuitiarum non est æterna possessio, nec formæ perpetuus decor, quod uirum robur faciliè dissoluitur, cunctaque quasi uapor & uanitas consumuntur, solaque fidei conscientia pura permanet, quæ per medios cœlos cum ueritate ascendens comprehendit futuræ uitæ dexteram, simulque antequàm promissū regenerationis præstetur, ipsa anima spe exultans lætatur. Iterum Patre nostro Abraam instituyente uiam ueritatis, qui uisione uiam monstrauit, & docuit cuiusmodi sit præsens sæculum, ac fidem quidem eius præiuit cognitio, cognitionem secuta est fides, fidem pæctio. dixisti enim, Faciam semen tuum ut stellas cœli, & arenam, quæ est in littore Maris. sed etiam cùm ei Isaac filium concesseris, cognouerisque ipsum similem futurum illius, item eius Deus uocari uoluisti, dicens, Ero tuus Deus, & seminis tui post te. Cùmque Pater noster Iacob in Mesopotamiam mitteretur, monstrato ei Christo, per eum locutus est dicens, Ecce ego sum tecum

Gen. 15

Gen. 28.

Gen. 32.

CONSTIT. S. APOSTOLORVM

Exo. 3. tecum, & augebo te, & multiplicabo uehementer. atq;
 eodem modo dixisti Mosi fidei, ac sancto seruo in uisio
 ne rubi, Ego sum qui sum; hoc miki nomen est æternū,
 & memoriale in generationibus generationum. Propu
 gnator generis Abraam benedictus es in sæcula.

Oratio commemorans uaria Conditoris opera.

BENEDICTVS es Domine sæculorum Rex, qui
 per Christum cuncta fecisti, & per ipsum in princi
 pio incondita ordinasti; qui diuifisti aquas ab aquis fir
 mamento, & spiritum uitalem eis iniecisti; qui stabili
 uisti terram, & extendisti cœlum, & singularum crea
 turarum perfectam dispositionem ordinasti. Tua enim
 uirtus Domine Mundum ornauit, cœlum ut fornicē
 concretum decorauit astris ad expellendas tenebras,
 lucem, solemque ad illustrandos dies, fructuumque
 maturitatem condidit: lunam ad temporum uicissitu
 dinem, crescentem & decrecentem, noctem diemque;
 appellasti, firmamentum per medium abyssum demō
 strasti, & dixisti ut congregarentur aquæ, & appare
 ret arida. Mare uerò ipsum quomodo quis explicare
 posset? quod quidem æstuans ab alto in terram impel
 litur, recurrit autem iussu tuo, arena prohibitum. Di
 xisti enim ut in ea ipsius undæ frangerentur, idque a
 nimentibus paruis, & magnis, nauigisque peruium
 effecisti: uel quomodo terra se uestiens herbis, tanta
 florum iucunditate distincta sit, tantaque arborum
 uarietate, quam lucidissima lumina nutriunt, constan
 tissimum seruantia cursum, & in nullo tuū imperiū ua
 riantia, sed quatenus tu iubes orientia atque occiden
 tia in signa temporum, & annorum, & pro hominū
 usu

usu permutantia cursus sui uicissitudinem. Deinde uaria animalium genera condita sunt, terrestrium, aquaticorum, alitum, amphibiorum, quibus sapiens ars prouidentia tua singulis accommodatam uisus rationem largitur. ut enim uaria producere potuit, sic uariè singulis prouidere non contempsit, finemque operis rationale animal mundi ciuem tuæ sapientia dispo-
sitione condidisti, dicens, Faciamus hominem ad imaginem & similitudinem nostram, illum constituens, ut esset Mundi ornamentum, cuius corpus ex quatuor incorporeis elementis condidisti, animam de nihilo ei dedisti, quinque sensus, quasi quinque certamina concessisti, mentem animæ aurigam, sensibus præfecisti. Præterea, Domine, quis posset pro dignitate cōmemorare roscidarum nubium tempestates, micantium fulgurum splendores, tonitruum horribiles fragores, ciborum conuenientem ministratum, cœlorum omnibus accommodatam temperationem? parere uerò nolentem hominem, uitæ mercede priuasti, non illo funditus sublato, sed breui tempore morti traditum, iureiurando in uitam reuocasti, & terminum mortis soluisti, qui mortuos uiuos facis per Iesum Christum, qui est spes nostra.

*Oratio cum gratiarum actione commemorans Dei in rebus
prouidentiam. C A P. X X X V.*

MAGNVS es Domine; Omnipotens, & magna est fortitudo tua, & sapientia tua non est numerus. Creator, Saluator, diues in gratiis, longanimis, & misericordia largitor, qui non subtrahis à creaturis tuis salutem: natura enim es bonus, & peccatoribus

CONSTIT. S. APOSTOLORVM

psal. 103

bus parcis, ad poenitentiam eos prouocans, miserationibus enim plena est tua castigatio: quomodo enim sustineremus, si ad subitum iudicium uocaremur? quādo diuturno tempore expectati, uix infirmitatem abiicimus. Tuam potentiam enarrant cœli & terra firmitate librata, mole sua apta Mare fluctuans, infinitos pascens animantium greges. coercetur arena, tuum per horrescens imperium, omnesque cogit clamare, Magnificata sunt opera tua Domine; omnia in sapientia fecisti; repleta est terra operibus tuis. Exercitus Angelorum ardens, spiritusque intellectuales dicunt, Vnus Sanctus & Seraphin unā cum Cherubinis, sex alis ornatis tibi uictoriæ hymnum canentia incessabili uoce proclamant, Sanctus Sanctus Sanctus Dominus Sabaoth; Plenum est cœlum & terra gloria tua. Aliæ quoque ordinum turbæ Archangeli, Throni, Dominationes, Principatus, Potestates, Virtutes inclamantes dicunt, Benedicta gloria Domini de loco eius. Israel uerò, hoc est terrena Ecclesia ex gentibus congregata, cœlestes Virtutes æmulata, diu noctuq; corde pleno, & uolenti animo canit, Currus Dei decem millium multiplex millia lætantium, Dominus in eis, in Sina, in sancto. Nouit cœlum eum, qui ipsum nullo fulcimen to nixum concamerauit, & stabile effecit, ut lapidem cubum, qui etiam terram & aquam in unum coegit, aeremque diffudit, unde uita ac spiritus duceretur; cui ignem coniunxit ad teporem, tenebrarumque expulsiōem. Obstupefcit astrorum chorus indicans eū, qui ipsa numerat, & demonstrans illum, qui ipsa nominat. Obstupefcunt quoque animalia, uitæ inspirato rem, & arbores suum fatorem; quæ omnia uerbo tuo creata, indicant tuæ potentiae magnitudinem. Quare debet

debet omnis homo ex intimo pectore tibi per Christū laudem pro iis omnibus tribuere, cum propter te hæc omnia possideat. Tu enim bonus es in beneficiis concedendis, & largitor in misericordia præstanda. Qui solus es omnipotens; quando enim uis, adest tibi, ut possis: tua enim æterna potentia flammam refrigerat, leones coercet, cete mansuefacit, ægrotos subleuat, copias evertit; exercitum hostium & multitudinem populi superbientem prosternit. Tu es in cœlo, in terra, in Mari, in ultimis finibus, nullo ipse termino circumscriptus, magnitudinis tuæ non est finis. non enim hoc nos dicimus Domine, sed serui tui est oraculum dicentis, Et cognosces corde tuo quia Dominus

Deus tuus, Deus in cœlo sursum, & in terra infrà, & non est alius, nisi ipse, neque enim est Deus præterquam ipse solus. Sanctus non est præter te, Dominus Deus scientiarum, Deus sanctorum, sanctus supra omnes sanctos: qui enim sanctificati sunt, sub manu tuā sunt; gloriosus, exaltatus, inuisibilis natura, imperscrutabilis in iudiciis, cuius nullius indiga uita est, sine mutatione & uarietate duratio, sine labore operatio, nullis finibus definita maiestas, perpetuus decor, inaccessible domicilium, intransmigrabilis habitatio, interminabilis scientia, inuariabilis ueritas, sine medio opus, sine insidiis potentia, sine successione imperium, sine aduersario uires, numerosa est exercitus multitudo. Tu enim es sapientiæ pater, naturæ per mediatorem auctor, ut causā, providentiæ præbitor, legum dator, inopiæ expletor, impiorum ultor, & iustorum retributor, Christi Deus, ac Pater, & colentium illum Dominus, cuius est infallibilis promissio, incorruptibile iudicium, inexorabilis sententia, inex-

Den. 4.

hausta pietas, æterna benignitas, propter quem tibi digna ac merita adoratio debetur ab omni rationali & sancta natura.

Oratio commemorans Christi incarnationem, & uariam erga Sanctos prouidentiam. CAP. XXXVI.

DOMINE Omnipotens Mundum per Christum condidisti, & Sabbatum propter id instituisti, quoniam in eo quicuisi ab operibus, in meditationem tuarum legum, festaque præcepisti in lætitiā nostrarum animarum, ut memoriam recoleremus creatæ à te sapientiæ: quemadmodum propter nos nasci uoluit ex muliere, apparuit in uita, demonstrans se in baptismo, quod Deus & homo erat, qui apparuit, pro nobis passus est tua permissione, & mortuus, atque tua potentia suscitatus. Ideo resurrectionis festum celebrantes; in dominica lætamur, propter eum, qui uicit mortem; donauit uitam, & immortalitatem; per quem accesserunt gentes ad ipsum in populum magnum, uerum Israel, Deo charum, uidentem Deum. Tu enim Domine etiam patres nostros de terra Aegypti eduxisti, ferrea fornace, luto, atque opere latericio liberauisti, è manu Pharaonis suorumque ministrorum eripuisti, per Mare ueluti per aridam duxisti, eisque in deserto omnibus es obsecutus: legem dedisti decem mandatorum tua uoce prolatam, & manu tua conscriptam. Sabbatum eos seruare iussisti, non ut ansam cessandi eis dares, sed ut occasionem pietatis haberent, scilicet ut potentiam tuam agnoscerent, & mala uitarent, quasi sacris quibusdam cancellis eos astringens, doctrinæ causā in exultationem hebdomadis: propterea hebdomas

mas una est insignis, & hebdomades septē, & mensis septimus, & annus septimus, cuius replicata cōuersio Iobelaū efficit anni quinquagesimi, in quo est dimissio, uidelicet ne ulla occasione, homines ignoratiā possint excusare. Huius causa in omni Sabbato iussit cessari, ut ne sermonē quidē iratū in die Sabbati de ore suo quisquam uellet emittere. Sabbatum enim est creationis requies, Mundi perfectio, legum inuestigatio, grata Dei laus pro iis, quæ hominibus est largitus: iis omnibus præstat dominicus dies, qui cum demonstret nobis ipsum mediatorem, moderatorem, legislatorē, resurrectionis auctorem, primogenitum omnis creaturæ, Deum uerbum, & hominem, natum de Maria sine congressu uiri; conuersatum sanctē, crucifixum pro nobis sub Pontio Pilato; & mortuum ac suscitatum à mortuis, meritò ut dominicus præcipitur, ut tibi Domine pro iis omnibus gratiarum actio offeratur: ea est enim à te collata gratia, quæ sua magnitudine omnia beneficia obscurat.

*S. Ign. ad
Magn. et
Simyr.*

Oratio continens mentionem prouidentia, & connumerationem diuersorum beneficiorum, Dei prouidentia, per Christum collatorum Sanctis. CAP. XXXVII.

QVI promissiones à Prophetis prædictas impleuisti, & misertus es Sion, & Hierusalem, eo, quòd solium Dauid pueri tui in medio eius excitasti, propter natiuitatem Christi, qui de semine eius secundum carnem ex sola Virgine erat nasciturus; ipse quoque nunc Domine Deus accipe deprecationem labiorum populi tui, qui constat ex gentibus inuocantibus te in ueritate, quemadmodum accepisti dona iustorum in gene

rationibus suis. Abel primum sacrificium respexisti, & recepisti; Noe cum de arca esset egressus; Abraam postquam exiuit de terra Chaldæorum; Isaac in puteo iuramenti; Iacob in Bethel, Moïsis in deserto; Aaron in medio uiuorum & mortuorum; Iesu Naue in Galgalis; Gedeonis in petra, & uelleribus ante peccatum; Manoe & uxoris in campo; Sampsonis in Siti ante delictum; Iephtæ in bello ante temerariam promissionem; Barac & Debboræ in Sisara; Samuelis in Massepha; Dauid in Area; Orna Iebusæi, & Solomonis in Gabaon, & Hierusalem; Helia in monte Carmelo; Heliassæi in fonte sterili; Iosaphat in bello; Ezechiæ in morbo, & in Enancherim; Manassis in terra Chaldæorum, post delictum; Iosia in Phassa; Esdræ in reditu; Danielis in lacu leonum; Ionæ in uentre Cetis; trium puerorum in fornace ignis; Annæ in tabernaculo ante arcem; Neemiæ in excitatione murorum; Zorobabelis, Martathia & filiorum, in zelo tuo; Iabelis in benedictionibus. Quare nunc quoque suscipe cum approbatione orationes populi tui, tibi per Christum oblatas in spiritu.

Oratio auxilij iustorum. CAP. XXXVIII.

GRATIAS agimus tibi pro uniuersis Domine Omnipotens, quod non abstulisti misericordias tuas, & miserationes tuas à nobis, sed in unaquaque generatione, & generatione, saluas, liberas, succurris, protegis. Succurristi enim in diebus Enos & Enoch; in diebus Moïsis, & Iesu; in diebus iudicum; in diebus Samuelis, & Helia, & Prophetarum; in diebus Dauid & Regum; in diebus Esther, & Mardochei; in diebus Iudith; in diebus Iudæ Machabæi & fratrum, & in diebus

bus nostris succurrifti nobis p̄t tuum Pontificem mā-
gnum, Iefum Christum filium tuum . nam & à gladio
feruauit, & à fame eripuit alendo, & à morbo libera-
uit; & à lingua iniqua nos texit . de omnibus tibi per
Christum gratias agimus, qui nobis uocem formatam
ad confessionem dedifti, linguam compositam ueluti
plectrum & organum accōmodafti, gustatum idoneū;
tactum conuenientem; uifum ad aspiciendum, audi-
tum; ad apprehēdendum uoces; odoratum ad perci-
piendos odores; manus ad opus; pedes ad ambulan-
dum concessifti: hæcque omnia ex paruula gutta in u-
tero informas, & post informationem, animam immor-
talem largiris, prōducisque in lucem animal rationale
hominem, quem legibus instituiſti, iuſtificationibus or-
naſti, eiſque breuis temporis diſſolutione inducta; re-
ſurrectionem promiſiſti . Quæ ergo uita ſuſciceret, aut
quæ laudem excellentia ſatis eſſet, ut gratias tibi agere
poſſemus? Sed hoc pro meritis præſtare non ualemus,
præſtare autem quantum poſſumus piè debemus . eri-
puiſti enim nos ab impietate eorum, qui plures deos
colunt, & qui Chriſtum occiderunt, ab hæreſibus uin-
dicaſti, ab ignorantia errore reuocaſti, Chriſtum miſi-
ſti ad homines, ut eſſet homo, qui erat unigenitus De-
us, Paracletum collocaſti in nobis, Angelos præfecifti,
Diabolum dedecoraſti, cū non eſſemus, nos cōdidi-
ſti, conditos conſeruas, uitam ſuppeditas, uictum præ-
bes, poenitentiam promiſiſti, pro omnibus tibi gloria;
& honor per Iefum Chriſtum nunc & ſemper & in ſæ-
cula Amen . Hæc meditamini fratres, & erit Domi-
nus uobiſcum in terra, & in regno patris ipſius, qui &
eum miſit, & nos per eum liberauit à ſeruitute corru-
ptionis in libertatem gloriæ, & promiſit uitam creden-
tibus

tibus per ipsum in cunctorum Deum. Quemadmodum uiuere debeant qui sunt Christo initiati, & cuiusmodi gratiarum actiones Deo per Christum offerre iam diximus. Aequum est autem ut etiam iis, qui non dum initiati sunt, opem præstemus.

Quomodo oporteat Catechumenos institui. CAP. XXXIX.

QVI in sermone pietatis instituendus est, erudiatur ante baptismum cognitione Dei ingeniti, instruatur etiam notitia Iesu unigeniti, & fide de Spiritu sancto; discat uarium creaturarum ordinem, prouidentiae seriem; diuersarum legum iudicia, erudiatur cur Mundus conditus sit, & quamobrem homo Mundi ciuis sit constitutus; agnoscat naturam suam cuiusmodi sit; instruatur, quemadmodum Deus uitiosos puniuit aqua & igne, Sanctos honorauit in qualibet ætate, Seth, Enos, Enoch, Noc, Abraam cum suis posteris, Melchisedech, Iob, Mosem, Iesum, & Chaleb, & Phinees sacerdotem, & alios, qui in quauis ætate, sanctitate præstiterunt, quemadmodum sua prouidentia non auertit se Deus ab humano genere; sed id per diuersa tempora ab errore, & uanitate ad cognitionem ueritatis reuocauit, transferens à seruitute, & impietate ad libertatem & pietatem; ab iniustitia ad iustitiam; à morte perpetua ad uitam æternam. Hæc atque huiusmodi discat in Catechesi, qui ad baptismum accedit. Adoret autem, qui manus imponit, ipsum Deum cunctorum dominum, gratias agens pro plasmate ipsius, quod misit filium suum unigenitum Christum, ut hominem saluū faceret deletis iniquitatibus, & ut dimitteret impietates & delicta, & ab omni macula carnis ac
spi-

spiritus eum expiaret; sanctificaret autem hominem secundum beneplacitum bonitatis suæ, & dirigeret uoluntatem, & illuminaret oculos cordis eius ad intelligendum mirabilia ipsius; & manifestaret ei iudicia iustitiæ, ut odio habeat omnem uiam iniustitiæ, & ingrediatúr uiam ueritatis; ut dignus fiat lauacro regenerationis in filiorum adoptionem in Christo; atque complantatus similitudini mortis Christi in spe gloriæ communionis, mortuus reddatur peccato, uiuat autem Deo secundum mentem, uerbum & opus, & in libro uiuentium connumeretur. post hanc gratiarum actionem, instruat eum in iis, quæ pertinent ad incarnationem Domini, ad passionem, resurrectionem, ascensionem.

Præceptio quomodo oporteat Catechumenum cum initiatur à Sacerdotibus, benedici, & quæ ab ijs docendus sit. CAP. XL.

DEINDE eum se iam ad baptismum parat Catechumenus; discat illa, quæ dicuntur de abrenunciando Diabolo; & de aggregando se Christo. Oportet enim ut primum discedat à contrariis, deinde ingrediatúr mysteria, deleta prius à corde omni improbitate, macula & sordibus, atque hoc modo sancta percipiat; nam ut diligens agricola purgat prius agrum succrescentibus spinis, deinde triticum serit, sic debetis uos prius expulsa omni impietate constituere pietatem, & ad baptismum accedere. Etenim Dominus noster ita nobis præcepit dicens, Docete prius omnes gentes. & postea subiunxit, Et baptizate eos in nomine Patris, & Filii, & Spiritus sancti. Prostituteur igitur ille qui baptizatur, cum abrenunciat, hoc modo,

Abre-

Abrenunciatio contrarij, & congregatio ad Christum
Oratio ad Deum. CAP. XII.

ABRENNUNCIO Sathanae & operibus eius, pom-
 pis, cultui, Angelis, & machinationibus eius, &
 omnibus quæ sub ipso sunt. Post abrenunciationem,
 aggregas se Christo dicat, Quoniam & aggregor Chri-
 sto, & credo, & baptizor in unum ingenitum meum
 uerum Deum omnipotentem, patrem Christi, crea-
 torem & opificem omnium, ex quo omnia; & in Do-
 minum Iesum unigenitum filium eius primogenitum
 omnis creaturæ, genitum heneplacito Patris ante sæ-
 cula, per quem omnia facta sunt, quæ sunt in cœlis &
 in terra, uisibilia & inuisibilia, qui in nouissimis die-
 bus descendit de cœlis, & carnem assumpsit, & ex san-
 cta Virgine Maria natus est, & conuersatus sanctè secun-
 dum leges Dei, & Patris ipsius. Crucifixus sub Pontio
 Pilato, mortuus pro nobis: resurrexit à mortuis tertia
 die postquam passus est. Ascendit in cœlos, sedet ad
 dexteram patris, iterum uenturus est in consummatio-
 ne sæculi, cum gloria, iudicare uiuos & mortuos; cu-
 ius regni non erit finis. Baptizor & in Spiritum San-
 ctum, hoc est Paracletum, qui operatus est in omni-
 bus sanctis, qui fuerunt à sæculo; postea missus est
 Apostolis à Patre secundum promissionem Saluatoris
 nostri, & Domini Iesu Christi; & post Apostolos om-
 nibus credentibus in sancta catholica Ecclesia. Car-
 nis resurrectionem, peccatorum remissionem, regnum
 cœlorum, uitam uenturi sæculi. Post hanc promissio-
 nem deinceps uenit ad olei unctionem.

Chrifti

Chrismatis mystici olei benedictio. CAP. XLII.

BENEDICITVR hoc oleum à Sacerdote in remissionem peccatorum, & præparationem baptismi. Inuocat enim hoc modo ingenitum Deum Patrē Christi, Regem omnis sensitivæ & intellectualis creaturæ, ut sanctificet oleum in nomine Domini Iesu, & det gratiam spiritualem, & remissionem peccatorum, & præparationem confessionis baptismi, ut qui ungitur liberatus omni impietate, dignus fiat initiatione, secundum mandatum Vnigeniti.

Mystica aquæ benedictio. CAP. XLIII.

DEINDE uenit ad aquam, benedicit & glorificat sacerdos Dominum Deum Omnipotentem, patrem unigeniti Dei, gratias agens, quòd misit ad suscipiendum carnem, filium suum propter nos, ut nos saluos faceret; quoniam subiit incarnationem, ut in omnibus obediens fieret, & annunciaret regnum Cœlorum, remissionem peccatorum, & mortuorum resurrectionē. Post hæc adorat ipsum unigenitum Deum, post ipsum, & propter ipsum, gratias agens ei, eo quòd pertulit pro omnibus mortem crucis, cuius figuram tradidit baptismum regenerationis; glorificat quòd in nomine Christi Deus cunctorum Dominus in Spiritu sancto non despexit genus humanū, sed uariè ei prouidit; ipsi Adæ in Paradiso cū ei primū pro delitiis domicilium Paradisi tradidit, deinde cū suæ prouidentię ratione mandatum dedisset, eumque in peccatum lapsū iustitia spoliasset, bonitate utens, non abiicit illum omnino, sed suos posteros pro temporum successione variis

FF ratio-

rationibus instituit, propter quem in extremo sæculi misit filium suum, ut propter homines homo fieret, & omnes humanas ægritudines susceperet excepto peccato. Ipsum igitur nunc quoque inuocet sacerdos ad baptismum, & dicat, Descende de Coelo, & sanctifica hæc aquam, da ei gratiam & uirtutem, ut qui baptizatur secundum mandatum Christi tui, cum eo crucifigatur, & commoriatur, & consepeliatur, & resurgat in adoptionem filiorum Dei, quæ est in ipso, ut mortuus quidem sit peccato, uiuat autem iustitia. Et post hoc baptizatum in nomine Patris, & Filii, & Spiritus sancti, unguat unguento dicens,

Benedictio unguenti mystici. CAP. XLIIII.

DOMINE Deus, qui es ingenuus, summus cunctorum Dominus, qui odorem cognitionis Euangelii in omnibus gentibus suauem fecisti, da nunc etiam hoc unguentum operari uirtutem in baptizato, ut firma & sancta in eo maneat fragrantia odoris Christi tui, & commortuus ipse resurgat, & uiuat unà cum Christo. Hæc atque huiusmodi dicat: uniuscuiusque enim manus impositionis, uirtus hæc est. Nam nisi in quodlibet horum a pio sacerdote aliqua huiusmodi inuocatio fiat, in aquam solam descendit qui baptizatur more Iudæorum, ac tantum abiicit sordes corporis, non animæ. deinde astans dicat orationem, quam nos docuit Dominus. Surgentem autem stare oportet necessariò & orare, quoniam qui suscitatus est, rectus manet; ideo cum is commortuus sit & excitatus unà cum Christo, astare debet. oret autem uersus Orientem; nam id scriptum est in secundo Paralipomenon. cum enim templum à Rege

ge Solomone perfectum esset, in ipsa dedicatione Sacerdotes, & Leuitæ, & Cantores cum cymbalis & psalteriis constiterunt, ad Orientem conuersi laudantes, & confitentes, ac dicentes, Laudate Dominum, quoniam bonus, quoniam in sæculum misericordia eius.

Oratio eorum, qui dudum sint initiati.

CAP. XLV.

PO S T primam orationem orate in hunc modum, Deus Omnipotens, Pater Christi tui, unigeniti filii tui, da mihi corpus purum, cor mundum, mentem uigilantem, scientiam infallibilem, Spiritus sancti aduentum in adoptionem, & certitudinem ueritatis Christi tui, per quem tibi gloria in sancto Spiritu in secula sæculorum Amen.

Qui missi ordinati sint ab Apostolis.

CAP. XLVI.

HAEC de Catechumenis præcipienda duximus. De ordinatis autem à nobis Episcopis in uita nostra, significamus uobis quòd ii sunt. Hierosolymis ordinatus est Iacobus frater Domini, quo mortuo secundus Simeon Cleopæ; post eum tertius Iudas Iacobi; Cæsareæ Palestinæ primus ordinatus est Zachæus olim publicanus; post eum Cornelius; tertius Theophilus; Antiochæ Euodius à me Petro; Ignatius à Paulo; Alexandræ Annianus primus à Marco Euangelista est ordinatus; secundus Abilius à Luca item Euangelista; Romanæ Ecclesiæ Linus, Claudix primus à Paulo; Clemens post eius mortem à me Petro, secun-

FF 2 dus

CONSTIT. S. APOSTOLORVM

dus ordinatur. Ephesi Timotheus à Paulo ; Ioannes
 à me Ioanne ; Smyrnæ Aristo primus ; post eum Strā
 tæas Loidis ; & tertius Aristo ; Pergami Caius, Phila-
 delpheæ Demetrius à me ; à Paulo Lucius Cenchræis ;
 Titus in Creta ; Dionysius Athenis ; Tripolis Phæni-
 cum Marathones ; Laodiceæ in Phrygia Archippus ;
 Colossensium Philæmo ; Berææ, quæ est in Macedonia ;
 Onesimus Philemonis ; Crescens in Ecclesiis, quæ
 sunt in Gallia ; Aquila, & Niceta in Paræciis, quæ
 sunt circa Abiam ; Crispus in Aeginensi ecclesia. Ii
 sunt, quibus nos Paræcias in Domino commisimus.
 quorum doctrinæ memores, ex omni parte obtempe-
 rate nostris sermonibus, eritque Dominus uobiscum.
 nunc, & in infinita tempora, quemadmodum ipse di-
 xit nobis, cum ad suum Deum ac Patrem se reciperet.
 „ Ecce enim, inquit, ego uobiscum sum omnibus die-
 „ bus usque ad consummationem sæculi. Amen.

Oratio Matutina. C A P. XLVII.

GLORIA in altissimis Deo, & ī terra pax hominibus
 bonæ uolūtatis; laudamus te, celebramus te, bene-
 dicimus te, glorificamus te, adoramus per magnū Pōti-
 ficē te uerum Deum ingenitum, unū, inaccessibleem, so-
 lū propter magnā gloriā tuā, Domine Rex cœle-
 stis, Deus Pater Omnipotens, Domine Deus Pater
 Christi agni immaculati, qui tollit peccata Mundi, su-
 scipe deprecationem nostrā; qui sedes super Cheru-
 bin. Quoniam tu solus sanctus, tu solus Dominus Ie-
 sus Christus Dei omnis creatæ naturæ, Regis nostri,
 per quem tibi gloria, honor, & cultus.

Vespertina

Vespertina Oratio. CAP. XLVIII.

LAUDATE pueri Dominum, Laudate nomen Domini; Laudamus te, celebramus te, benedicimus te, propter magnam gloriam tuam, Domine Rex Pater Christi, agni immaculati, qui tollit peccata Mundi. Te decet laus, te decet hymnus, te decet gloria Deum, & Patrem per filium in Spiritu sancto, in sæcula sæculorum Amen.

Nunc dimittis seruum tuum Domine secundum uerbum tuum in pace. Quoniam uiderunt oculi mei salutem tuam, quod parasti ante faciem omnium populorum. Lumen ad reuelationem gentium, & gloriam plebis tuæ Israel.

Oratio in Prandio.

BEENEDICTVS es Domine, qui pascis me à iuuentute mea; qui das escam omni carni, reple gaudio, & lætitia corda nostra, ut omnem sufficientiam habentes, abundemus in omni opere bono in

Christo Iesu Domino nostro, per quem
tibi gloria, honor & fortitudo in sæcula

Amen.



CONSTITVTIONVM SANCTORVM APOSTOLORVM

B. CLEMENTE ROMANO

AUCTORE,

LIBER OCTAVVS.

De Charismatibus.

C A P. I.



V M Deus & Saluator noster Iesus
Christus nobis magnū tradiderit pie-
tatis sacramentum, inuitaueritque Iu-
dæos ac Græcos ad agnitionem unius
& solius ueri Dei, quemadmodum ip-
se quodam in loco gratias agens de sa-

Ioan. 17.

lute credentium, affirmat, Manifestaui, inquit, nō
,, mien tuum hominibus; opus quod dedisti mihi, con-
summaui. & de nobis Patri dicit, Pater sancte, & si
Mundus te non nouit, sed tamen ego te noui, & ii te
nōrunt / meritō nobis simul omnibus ueluti perfectis
de Charismatibus, quæ ab ipso per spiritum dantur,

Mar. ult.

,, dicit, Signa eos, qui crediderint, hæc sequentur, in
,, nomine meo Dæmonia eiicient, linguis loquentur no-
,, uis, serpentes tollent, si quid mortiferū bibent, non eis
,, nocebit, super ægrotos manus imponent, & bene habe-
,, bunt. quæ Charismata primū nobis Apostolis cōcessa
sunt, cū Euangeliū omni creaturæ prædicaturi esse-
mus, deinde iis, qui per nos crediderunt, sunt col-
lata necessariō, non ad eorum, qui illa exercent uti-
litatem, sed ad infidelium persuasionem, ut quos ora-
tio

tio flectere non potuit, commoueat prodigiorum potentia. Signa enim non nobis fidelibus dantur, sed iis, qui de Iudæorum & Græcorum gente infideles sunt. Nulla enim nobis utilitas accedit, cum Dæmones expelluntur, sed iis, qui ope Domini purgantur, quem admodum quodam in loco ipse Dominus erudiens nos

ostendit dicens, Nolite gaudere quòd Spiritus uobis Luc. 10.

obediunt, sed gaudete quòd nomina uestra scripta sūt

in Cœlo. quoniam illud eius uirtute fit, hoc nostra be

neuolentia & studio, scilicet accedente ipsius auxilio :

Non est ergo necessarium ut omnes fideles Dæmonia

eiiciant, uel mortuos excitent, uel linguis loquantur,

sed is tantum, cui Charisma propter aliquam utilita-

tem concessum est, uidelicet ad salutem infidelium,

cum sæpenumero conuincantur non sermonum de-

monstratione, sed prodigiorum effectione, cum salute

digni fuerint. Nam nec impii omnes miraculis ducun-

tur : cuius rei testis est ipse Deus cum dicit, Si in aliis Isa. 28.

linguis loquar populo huic, & in aliis labiis, non cre-

dent. neque enim Aegyptii crediderunt Deo, cum Mo

ses tanta signa atque prodigia effecisset, neque Iudæo-

rū multitudo, quasi alteri Mosis, Christo credidit, cum

omnem illorum morbum, omnemque infirmitatē cu-

rauerit. Nam illos non cōmouit uirga in serpentē con-

uerſa, nec manus dealbata, nec Nilus sanguine perfu-

sus. hos uerò nō flexerunt cæci uidentes, nec claudi am-

bulantes, nec mortui in uitā reuocati. atq; illi quidē ad

uerſabantur Ioānes & Mābres, huic Anna & Caiphas.

Ita non omnes commouent prodigia, sed solos bona

mente præditos, quorū gratia Deus tanquā sapiens

dispensator uirtutes fieri statuit, non hominum uiribus

sed sua uoluntate. quæ ideo dicimus, ne qui huiusmo-

di

di charismata obtinuerunt, extollantur in eos, qui ea non acceperunt. Charismata dicimus, quæ in signis consistunt, quoniam cæteroqui nullus est qui per Christum in Deum crediderit, quin spirituale Charisma acceperit; nam liberati multorum Deorum impietate, & credere in Deum Patrem per Christum, Dei Charisma censendum est. Item abiecto Iudaico uelo, credere Dei uoluntate eum, qui est ante sæcula unigenitus, in extremo tēpore ex Virgine sine uiri concubitu natum, conuersatumque ut hominem sine peccato, omnēque legis iustitiam impleſſe, ac Dei permissione crucem subiisse contempto dedecore, cū esset Dei uerbum; eundemque mortuum & sepultum, ac tertia die suscitatum, postque resurrectionem per quadraginta dies cum Apostolis fuisse, perfecta que omni dispensatione, in conspectu ipsorum, ad Deum ac Patrem suum, à quo missus fuerat, sublatus. Hæc qui credit, non simpliciter, nec temerè, sed iudicio & sententiæ firmitate Charisma à Deo obtinet. Eodem modo, qui omni hæresi est liberatus. Quare nemo ex iis, qui signa & prodigia faciunt, iudicet quenquam ex fidelibus, qui faciendi illa potestatem non est adeptus. Varia enim sunt Dei dona, quæ ab ipso per Christum tribuuntur; ac tu quidem accepisti hoc, ille aliud, uidelicet sermonem sapientiæ, uel scientiæ, uel facultatem spirituum separandorum, uel prædictionem rerum futurarum, uel sermonem ad docendum idoneum, uel patientiam, uel moderatam continentiam. Etenim Moses homo Dei, cū in Aegypto miracula ederet, non elatus est supra gentiles suos, nec cū Deus uocaretur, cum proprio Propheta Aaron se iactabat. Et Iesus Naue qui post Moſem populo præfuit, & si in bello contra Iebusos

busæos eius uoluntate sol ad Gabæon, luna ad uallem Aelon constitit, cum dies ad uictoriam non sufficeret; tamen non insultauit aduersus Phinees, neque Chaleb. Nec Samuel, qui tot admirabilia egerat, despectit Deo charum Dauid, quanquam uterque Propheeta erat, & unus Pontifex, alter uero Rex. Cumque in Israël septem millia uirorum essent, qui non incuruerent genu ante Baal; tamen solus Helias, & eius discipulus Helisæus reperti sunt, qui miracula facerent. sed neque Helias œconomum suum elusit, qui cum Deum timeret; tamen signa non edebat; neque Helisæus suum discipulum, hostem expauescentem contempsit; neque sapiens Dapiel cum ab ore leonum iterum esset ereptus; nec tres pueri cum camino ignis essent liberati; reliquos generis sui homines despexerunt. Sciebant enim se non propriis uiribus, periculis liberatos, sed Dei ope; miracula edidisse, & discrimina superasse. Quare nemo se efferat supra fratrem, quamuis Propheeta fuerit, & miraculorum effector: nam si cui semel concessum est, ut non amplius numeretur inter infideles, superflua est ei reliqua omnis miraculorum facultas. nam ut quis pius sit, ab amore proficiscitur, ut miracula efficiat, ab auctoris potestate, quorum primum nos ipsos respicit, alterum operantem Deum, ob eas causas, quas antea diximus. Quare nec Rex contemnat Duces suos, nec Princeps eos, qui eius imperio parent. Nam si nulli sint qui pareant, Principes sunt superflui; et si nulli sint Duces, non poterit regnum consistere. Sed nec Episcopus se extollat aduersus Diaconum uel Presbyterum; neq; Presbyter aduersus plebem: mutua enim coniunctione copulata est huius societatis communio. Episcopi enim & Presbyteri, quorum

rundam sunt sacerdotes, & laici, quorundam sunt laici. Atque esse quidem Christianum, in nostra situm est potestate: esse Apostolum, uel Episcopum, uel aliud quidpiam: non est in nostra situm potestate, sed in potestate Dei, qui largitur Charismata. Atque hæc quidem hætenus dicta sint propter eos, qui charismata uel dignitates acceperunt. Addimus autem illud ad sermonem, qui Prophetæ munere utuntur, non esse omnes sanctos, nec qui Dæmones eiiciunt, præditos esse omnes pietate. Etenim Balaam filius Beor uates, cum esset impius, futura prædixit; item Caiphas, qui falsi nominis Pontifex erat. Multa etenim Diabolus unà cum suis Dæmonibus prædicit, nec tamen ideo ulla est illis pietatis scintilla: inscitia enim sunt oppressi propter uoluntariam prauitatem. Perspicuum est igitur impios, quanuis Prophetarum officio fungantur, non deponere ob prophetiam, suam impietatem, nec eos, qui Dæmones expellunt, sanctitatem acquirere, eo quod illi cedunt. Fallunt enim se mutuò (ut ii qui ludos risus causa exercent) atque eos, qui ipsis mentem adhibent, ad interitum perducunt. Neque uerò Rex impius, pro Rege habendus est, sed Tyrannus: neque Episcopus imperitia aut nequitia cumulatus, est Episcopus, sed falso nomine gaudet, ut qui non à Deo, sed ab hominibus constitutus sit, ut Ananias, & Samæas in Hierusalem, & Sedecias, & Achias, qui Babylone falsi Prophetæ fuerunt, sed etiam, Balaam uates poenas dedit cum Israël in Beelphegor pessunde derit. & Caiphas postea sibi mortem consciiuit, & filii Sceuæ cum conarentur Dæmones eiicere, ab iis uulnerati, turpiter se in fugam dederunt. Reges quoque Israël & Iudæ secuti impietatem, uaria supplicia pertulerunt.

Ier. 27.

28.

Achias &

Achab in

Ieremia.

Nu. 24.

25.

Act. 21.

lerunt. Perspicuum est igitur falso nomine præditos
Episcopos atque Presbyteros, diuinam ultionem non
declinatu-Mal. 1.

ros, qui uile facitis nomen meum, tradam uos in occi-
sionem, ut Sedeciam, & Achiam, quos in sartagi-
nem misit Rex Babylonis, ut inquit Ieremias Prophe-Ier. 29.

ta. Hæc uerò dicimus non ut ueras prophetias damne-
mus (scimus enim eas afflatu diuino inter sanctos agi-
tari) sed ut gloriosorum audaciam comprimamus. il-
ludque præterea addimus, Deum talibus hominibus
gratiam auferre. Superbis enim Deus resistit, humili-
bus autem dat gratiam. Silas & Agabus cùm nostro tẽ-
pore Prophetæ essent, non comparabant secum Apo-
stolis, neque fines suos transibât, quanquàm Deo cha-
rissimi erant. Prophetarunt quoque olim Maria Mosis
& Aaronis soror, & postea Debborra, & post has Olda
& Iudith, una Iosia, altera Darii tempore. Mater etiam
Domini prophetauit & Elisabeth eius cognata, & An-
na. nostro quoque tempore Philippi filia eodem sunt
functæ munere, sed hæ aduersus uiros suos superbia
inflatæ non sunt, sed intra proprios terminos constite-
runt. Quare si inter nos quoque reperitur uir uel mu-
lier, cui huiusmodi gratia concessa sit, humiles spiri-
tus habeat, ut in eo sit grata uoluntas Dei; Ad quem
enim, inquit, respiciam, nisi ad humilem & quietum,
& pauentem sermones meos?

Isa. 66.

De Ordinationibus. C A P. I I.

IN principio orationis exposuimus quæ ad charis-
mata pertinebant, quæ quidem Deus propria uolun-
tate concessit hominibus, & quemadmodum morem.

eorum refutauerit, qui uel falsa dixerunt, uel alieno spiritu ad prædicendum sunt excitati, & quod improbis hominibus sepe. Deus prophetiam & miraculorum facultatem tribuit. nunc autem ad præcipuum ecclesiasticæ descriptionis caput oratio properat, ut cum uos, qui de Christi sententia per nos Episcopi constituti estis, hanc à nobis dispositionem didiceritis, omnia secundum tradita nobis mandata perficere possitis, scientes quod qui nos audit, Christum audit, & qui Christum audit, is Deum & Patrem ipsius audit, cui gloria in sæcula Amen. Simul igitur congregati nos duodecim Domini Apostoli, has nostras diuinas præcepimus institutiones de omni ecclesiastica forma, præsentibus unà nobiscum electionis uase Paulo coapostolo nostro, laico Episcopo, atque reliquis Presbyteris, & septem Diaconis. Primus igitur ego Petrus dico, Episcopum ordinari debere (ut supra simul omnes constituimus) ex omni parte reprehensione carentem, ab omni populo delectum, quo nominato & approbato, conueniens populus cum collegio Presbyterorum, & Episcopis, qui adsunt, in die dominico, præcipuus ex omnibus interroget Presbyteros, & plebem, an is sit, quem petunt in Rectorem; quibus annuentibus, iterum interroget, num omnes testificentur eum dignum esse hac magna & illustri gubernatione; deinde an pietatem erga Deum coluerit, erga homines iusta seruauerit, domum suam rectè administrauerit; sine reprehensione uitam instituerit. Atque omnibus simul ex ueritate non ex coniectura testificantibus talem eum esse, ueluti coram iudice Deo & Christo, præsentem nimirum etiam Spiritu sancto, atque omnibus sanctis, & administratoriis spiritibus, tertio iterum interrogentur, an uerè dignus sit sacerdotio,

cerdotio, ut in ore duorum uel trium testium stet omne uerbum: iisque tertio assentientibus, illum dignum esse, ab omnibus assensus petatur, quem prompto animo præstantes audiantur, silentioque imperato, unus ex primis Episcopis cum duobus aliis stans prope altare, reliquis Episcopis & Presbyteris secretò orantibus, Diaconis diuina Euangelia super caput eius, qui ordinatur, aperta tenentibus, dicat conuersus ad Deum,

Inuocatio ordinationis Episcoporum. CAP. III.

DOMINE Deus Omnipotens; qui solus es ingenitus, & à nullo dominaris, qui semper es, & existis ante sæcula; qui nullo indiges, & superas omnem causam atque originem; qui solus es uerax, solus sapiens, solus altissimus; qui natura es inuisibilis; qui omnia nosti antequàm fiant; qui abscondita scrutaris; qui es inaccessibilis, & nullius imperio subditus: Deus & pater unigeniti filii tui Dei & Saluatoris nostri, cunctorum opifex per ipsum, prouisor, gubernator; pater misericordiarum, & Deus omnis consolationis; qui in altis habitas, & humilia respicis. Tu es qui dedisti leges Ecclesiæ per corpoream præsentiam Christi tui sub testimonio Paracleti, per tuos Apostolos, qui & ipsi gratia tua astitimus Episcopi; qui à principio ad gubernationem populi tui sacerdotes designasti; Abel in primis, Seth, Enos, Enoch, Noe, Melchisedech, Iob; qui instituisti Abraam & reliquos Patriarchas cum fidelibus seruis tuis Mose, Aaron, Eleazar, Phinees; qui ex ipsis principes & sacerdotes in arca testimonii constituisti; qui Samuelem in sacerdotem & prophetam elegisti, qui sanctuariũ tuum sine ministerio non reliquisti;

CONSTIT. S. APOSTOLORVM

reliquisti; qui in iis, quos elegisti, glorificari uoluisti; iidem quoque nunc intercessionem Christi tui infunde uirtutem Spiritus principalis, qui ministrat dilecto filio tuo Iesu Christo, quem uoluntate tua donauit sanctis Apostolis tuis. Da in nomine tuo scrutator cordium Deus huic seruo tuo, quem elegisti Episcopum, pasce re sanctum gregem tuum, & fungi Pontificatu tibi, sine reprehensione ministrantem die & nocte, & placan-tem faciem tuam, congregare numerum eorum, qui saluantur, & offerre tibi dona Ecclesie tue sancte. Da ei Domine Omnipotens per Christum tuum participationem sancti Spiritus, ut habeat potestatem dimittendi peccata secundum mandatum tuum; dandi sortes secundum præceptum tuum, soluendi omne uinculum, secundum potestatem, quam dedisti Apostolis, ut placeat tibi in mansuetudine & mundo corde, firmiter ac laudabiliter, offerendo tibi mundam & incruentam hostiam, quam per Christum instituisti mysterium noui Testamenti, in odorem suauitatis, per sanctum filium tuum Iesum Christum, Deum & Saluatorem nostrum, per quem tibi gloria, honor & adoratio in sancto Spiritu nunc & semper, & in sæcula sæculorum Amen.

Sermo de Catechumenis. C A P. I I I I.

POSTQUAM hæc erit precatus, reliqui Sacerdotes dicant Amen, & cum eis uniuersus populus. & post orationem unus ex Episcopis tradat Eucharistiam in manus ordinati, & ipso mane collocetur à reliquis Episcopis in suo throno, omnibus eum osculantibus osculo in Domino. Post uero lectionem legis & Prophetarum, Epistolarum nostrarum, actuum, atque Euange-
lii,

lii, ordinatus salutet Ecclesiam iis uerbis, Gratia Domini Dei nostri Iesu Christi, & charitas, Dei Patris, & communicatio Spiritus sancti, sit cum omnibus uobis Amen, Et omnes respondeant, Et cum spiritu tuo. post hæc uerba alloquatur populum sermonibus exhortatoriis.

Sermo Diaconi pro Catechumenis.

CAP. V.

QVIBVS absolutis, Dico ego Andreas frater Petri, omnibus consurgentibus, Diaconus ascendens altum aliquem locum pronunciet, NE QVIS AUDITORVM, NE QVIS INFIDELIVM. Silētiōq; factō dicat, CATECHVMENI ORATE. Et omnes fideles orent attento animo dicentes, Domine misere-re. Diaconus pro ipsis oret dicens, Pro Catechumenis omnes Deum oremus, ut bonus & benignus Dominus clementer exaudiat obsecrationes & preces ipsorum, & recipiens eorum supplicationes, tribuat eis auxilium, & concedat petitiones cordis ipsorum ad utilitatem, reuelet eis Euangelium Christi sui, illuminet eos, & instituat disciplina cognitionis Dei, doceat ipsos mandata, & iudicia sua, inserat in animam eorum castum & salutarem timorem suum, aperiat aures cordis ipsorum ut meditentur in lege sua die ac nocte, confirmet eos in pietate, uniat, & connumeret in sancto ouili suo, dignos faciens lauacro regenerationis ueste immortalitatis, uera uita, liberet eos ab omni impietate, & ne det locum inimico aduersus eos, mundet eos ab omni iniquatione carnis, & spiritus inhabitet in eis, & inambulet per Christum suum, benedicat introitus & exitus eorum, & dirigat uias eorum
in

in bonum. Etiam pro eis intente oremus, ut remissionem delictorum consecuti per baptismum, sanctis mysteriis digni fiant in mansione sanctorum. Erigite vos Catechumeni, & petite pacem Dei per Christum suum, diem pacificum & sine peccato, itemque omne tempus uitae uestrae, Christianos praesides uestros, propitium & benignum Deum delictorum remissionem; ipsi soli ingenito Deo per Christum suum uosmet commendate: Inclinamini, & benedictionem accipite. In iis singulis, quae loquitur Diaconus, populus, ut praediximus, dicat, Domine miserere, & in primis pueruli. Inclinantibus autem ipsis capita, benedicat iis ordinatus Episcopus benedictione huiusmodi,

Benedictio Episcopi super Catechumenos. CAP. VI.

DEVS Omnipotens, ingenite, inaccessibilis, qui es solus uerus Deus, Deus & pater Christi unigeniti filii tui, Deus Paraleti & cunctorum dominus; qui per Christum discipulos constituisti doctores ad docendum pietatem, ipse nunc respice super Catechumenos Euangelii Christi tui, & da eis cor nouum, & spiritum rectum innoua in uisceribus eorum, ad cognoscendam & faciendam uoluntatem tuam in corde pleno, & uolenti animo, dignos fac eos sancto baptismo, & aggrega eos Ecclesiae tuae sanctae, & participes fac sanctorum mysteriorum per Christum Iesum, qui est spes nostra, qui pro nobis mortuus est, per quem tibi gloria & adoratio in Spiritu sancto in saecula Amen.

Sermo

Sermo Diaconi pro Energumenis. CAP. VII.

POST hæc Diaconus dicat, Ite Catechumeni in pace. qui, postquam ii exiuerunt, dicat. Orate Energumeni, hoc est uexati ab immundis spiritibus. Intendentes omnes pro ipsis orate, ut benignus Deus per Christum increpet immundos, & nequam spiritus, & eripiat seruos suos ab imperio inimici. qui increpauit legionem dæmonum & principem malorum diabolum: ipse nunc increpet pietatis rebelles & liberet figmenta sua à uexatione ipsius, & purget ea, quæ ingenti sapientia condidit. Etiam intendentes oremus. Salua & excita illos Deus in uirtute tua, Inclinate uos Energumeni, ut benedictionem accipiat. Et Episcopus oret dicens,

Oratio pro Energumenis. CAP. VIII.

QVI fortem armatum ligasti, & omnia uasa eius diripuisti; qui dedisti nobis potestatem ambulandi super serpentes, & scorpiones, & super omnem uirtutem inimici; qui homicidam serpentem ligatum tradidisti nobis, tanquam passerem puerulis, quem cuncta pauent & horrent à facie uirtutis tuæ; qui cum deiecisti sicut fulgur à cælo in terram, non lapsu locali, sed ab honore in ignominiam, ob uoluntariam nequitiam; cuius aspectus siccatur abyssi; & minæ liquesciunt montes, & ueritas Domini manet in æternum; quem laudant infantes, & lactentes benedicunt; quæ celebrant, & adorant Angeli; qui aspicit super terram, & facit eam tremere; qui tangit montes, & fumigant;

Luc. 10.
Iob 3.
Psal. 10-

HH qui

Nabû. I. qui minatur Mari & siccat illud, & omnia flumina deserta facit: cuius nubes puluis pedum eius; qui ambulat super Mare, sicut super pauimentum. *Iob. 9.* Unigenite Deus magni patris fili increpa spiritus nequam, & libera opera manuum tuarum ab alieni spiritus uexatione; quoniam tibi gloria, honor & adoratio, & per te tuo patri in sancto Spiritu in sæcula Amen.

Sermo Diaconi pro illuminandis. CAP. IX.

DIACONVS dicat, Ite Energumeni, & postea dicat, Orate qui illuminamini. Intentè omnes fideles pro ipsis oremus, ut Dominus dignos illos reddat ut in Christi mortem initiati resurgant unà cum illo, & consortes faciat eos regni ipsius, & participes mysteriorum eius; uniat & conscribat in numero eorum, qui salui fiunt in sancta eius Ecclesia. Salua & suscita illos in tua gratia. Consignati Deo per Christum eius, inclinantes se benedicantur ab Episcopo hac benedictione,

Oratio tertia super illuminandos. CAP. X.

QVI per sanctos Prophetas prædixisti iis, qui initiantur, lauamini, mundi estote. & per Christum instituisti spiritualem regenerationem, idem nūc respice super eos, qui baptizantur & benedic, & sanctifica eos, & præpara dignos fieri tuo dono spiritali, & uera adoptione filiorum ad consequendum spiritalia tua mystéria in numero eorum, qui saluantur per Christum Saluatorem nostrum, per quem tibi gloria, honor, & adoratio in sancto Spiritu in sæcula Amen.

Sermo

ET dicat Diaconus, Discedite illuminandi, & post hoc pronunciet, Orate pœnitentes intentè omnes. Pro pœnitentibus fratribus rogemus, ut misericors Deus ostendat illis uiam pœnitentiæ; recipiat resipiscentiam & confessionem ipsorum, & conterat citò Satanam sub pedibus eorùm, & redimat eos à laqueis diaboli, & à fraude dæmonum, & eripiat eos ab omni uerbo nephario, ab omni opere illicito, & amore prauo; & condonet eis peccata uoluntaria, & inuoluntaria, & deleat chirographum ipsorum, & conscribat eos in libro uitæ, expiet eos ab omni piaculo carnis & spiritus, & uniat eos, reducens ad sanctum suum ouile, quoniam ipse cognoscit figmentum nostrum; quoniam quis gloriabitur se castum habere cor? uel quis confidet se mundum esse à peccato? Omnes enim sumus pœnæ obnoxii. Etiam pro ipsis intentius oremus, quoniam gaudium fit in cœlo super uno peccatore pœnitentiam agente, ut declinantes omnem actionem malam, amplectantur omnia opera bona, ut benignus Deus citò eorum obsecrationibus placatus, restituat eis lætitiā salutaris, & spiritu principali confirmet eos, ne amplius prohibeantur communionem habere sanctorum sacrorum ipsius, & participes fieri diuinorum mysteriorum, ut digni reperti adoptionis filiorum, uitam æternam consequantur.

Etiam omnes intentè pro eis dicamus, Domine
misericordia.

CONSTIT. S. APOSTOLORVM

Impositio manuum pro pœnitentibus.

CAP. XII.

SALVA eos Deus, & suscitâ misericordia tua. Susci-
tati Deo per Christû inclinate uos, & benedicimini.

Episcopus ita oret.

1. Tim. 2

OMNIPOTENS æterne Deus, cunctorum Domi-
ne, creator & gubernator uniuersi, qui hominem
in Mundi ornatum posuisti per Christum, & dedisti ei
legem naturalem & scriptam, ut uiuendi normam ha-
beret, uti rationis compos; & si in aliquo peccaret, fun-
damentum pœnitentiæ tradidisti ei bonitatem tuam; re-
spice super inclinâtes tibi colla animæ & corporis, quo-
niam tu non uis mortem peccatoris, sed pœnitentiâ,
ut reuertatur à uia sua mala & uiuat: qui Nineuitarum
pœnitentiam admisisti, qui uis omnes homines saluos
fieri, & ad agnitionem ueritatis uenire; qui filium, qui
suas facultates luxuriosè consumpserat, paterno affe-
ctu recepisti per pœnitentiam, recipe nunc quoq; sup-
plicantium tibi pœnitentiam? quoniam non est qui nō
peccet in te. Si enim iniquitates obseruaueris Domine,
Domine quis sustinebit; quoniâ apud te est redēptio,
& reduc eos in sanctam tuam Ecclesiam, restituta illis
priori dignitate & honore per Christum Deum & Sal-
uatorem nostrum, per quem tibi gloria & adoratio in
sancto Spiritu in sæcula Amen. Et Diaconus dicat, Di-
scedite pœnitentes. & addat, Nullus ex prohibitis acce-
dat. fideles flectamus genua, rogemus Deum per
Christum eius, omnes intentè Deum
per Christum inuo-
cemus.

Allocutio

Allocutio Diaconi pro fidelibus. CAP. XIII.

PRO pace, & pro tranquillitate Mundi & sanctarum Ecclesiarum oremus, ut cunctorum Deus suam æternam & firmam pacem nobis concedat, ut in stabilitate uirtutis secundum pietatem perseuerantes nos custodiat. Pro sancta Catholica, & Apostolica Ecclesia diffusa à finibus usque in fines, oremus, ut Dominus immobilem & tranquillam eam custodiat, atque conferuet usque ad consummationem sæculi fundatam supra firmam petram. Et pro sancta paræcia huius loci oremus, ut concedat nobis cunctorum Dominus cœlestis eius spem perfectè persequi, & ei debitam orationis seruitutem sine intermissione impendere. Pro omni Episcopatu, qui est sub Cœlo rectè tractantiũ uerbum ueritatis orate. Et pro Episcopo nostro Iacobo, & paræciis ipsius orate. Pro Episcopo nostro Clemente & paræciis ipsius orate. Pro Episcopo nostro Euodio & paræciis ipsius orate, ut misericordiam Deus cōcedat suis Ecclesiis, eos esse saluos, honorabiles, longæui temporis, uenerabilemque ipsorum senectutem faciat in pietate & iustitia. Et pro Presbyteris nostris orate, ut Dominus eripiat eos ab omni re incommoda & mala, saluum & honorabile presbyterium eis præbeat. Pro omni in Christo Diaconatu & ministratu orate, ut Dominus inculpabilem Diaconiam eis præbeat. Pro Lectoribus, Cantoribus, Virginibus, Viduis, Orphanis orate; pro matrimonio copulatis, & liberis operam dantibus orate, ut Dominus omnium suorum misereatur. Pro Eunuchis sanctè ambulanti bus orate. Pro continenter & castè uiuentibus orate. Pro afferentibus fructus sanctæ Ecclesiæ, & faciētibz pauperibus elemosynam

nem uerbi dedisti nobis in agnitionem gloriæ tuæ, & nominis tui, quod manifestauit nobis in comprehensionem; ipse quoque nunc respice per eum super hunc gregem tuum, & libera eum omni ignorantia & opere malo, & da eum timore timere te, & dilectione te diligere & ire à facie gloriæ tuæ. Benignus & propitius esto in precibus ipsorum, & conserua eos immobiles, culpa carentes, criminis expertes, ut sint sancti corpore & anima, non habentes maculam, neque rugam, neque aliquid huiusmodi, sed sint perfecti, & nullus inter ipsos sit mancus uel imperfectus. Adiutor, potens, personarum non acceptor, succurre huic populo tuo, quem redemisti precioso sanguine Christi tui, defensor, auxiliator, dispensator, custos, murus fortissimus, sepes, securitas, quoniam de manu tua nemo potest eripere: nam non est sicut tu Deus alter, quoniam in te sustinemur. Sanctifica eos in ueritate, quoniam uerbum tuum ueritas est, qui nullius gratiam respicis, falsis rationibus non deciperis, libera eos ab omni morbo, & ab omni infirmitate, ab omni peccato, ab omni dolo & fraude; à timore inimici; à sagitta uolante in die; à negotio perambulante in tenebris, & dignos fac eos uita æterna, quæ est in Christo tuo, filio tuo unigenito, Deo & Saluatore nostro, per quem tibi gloria & honor in sancto Spiritu nunc, & semper, & in sæcula sæculorum Amen.

Apparatus ad mysticum sacrificium. C A P. X V.

POST hoc Diaconus dicat, Attendamus. Et Episcopus salutet Ecclesiam, & dicat, Pax Dei cum omnibus uobis. Et populus respondeat, Et cum spiritu tuo.

CONSTIT. S. APOSTOLORVM

tuo. Et Diaconus dicat, Salutate uos inuicem in osculo sancto, & saluent Clerici Episcopum, & uiri laici laicos, & mulieres saluent mulieres. Pueri stent ad suggestum, & alius Diaconus præsit eis ne obstrepant. Et alii Diaconi deambulent & uideant uiros & mulieres, ne tumultus aliquis excitetur, & ne quis murmure, neue conuiueat, uel nutet. Diaconi uerò maneant ad portam uirorum, Hypodiaconi ad portam mulierum, ne ullus exeat, neue porta aperiatur, etiam si fidelis fuerit tempore oblationis. Unus Hypodiaconus det aquam manibus sacerdotum in signum puritatis animarum Deo repositarum.

Dico ego Iacobus frater Ioannis Zebedæi, ut statim Diaconus dicat, Nullus Catechumenus, Nullus Auditor, Nullus infidelis, Nullus hæreticus. Qui primam orationem perfecistis discedite. Pueros recipite matres. Ne quis contra aliquem, Ne quis in hypocrisi. Erecti ad Dominum cum timore & tremore manentes sinamus offerri. Quibus peractis Diaconi afferant dona Episcopo ad altare, et Presbyteri à dextris, & à sinistris assistant ueluti discipuli assistentes magistro. Duo Diaconi ex utraque parte altaris teneant flagellum confectum ex tenuibus membranis, uel ex patuum pennis, uel ex uelo, quibus leniter abigant præteruolantes bestiolas, ne in pocula incidunt.

Gratiarum actio ante consecrationem. CAP. XVI.

ORANS igitur per se Pontifex unà cum sacerdotibus, induensque uestem splendidam, & stans ad altare, Trophæo crucis se consignans in fronte, dicat, Gratia Omnipotentis Dei, & Charitas Domini nostri Iesu

Iesu Christi, & communicatio Spiritus sancti sit cum
 omnibus vobis. & omnes una voce respondeant, Et
 cum spiritu tuo. Et Pontifex dicat; Sursum mentem
 omnes respondeant; Habemus ad Dominum. Et Pon-
 tifex, Gratias agamus Domino. & omnes respondeant;
 Dignum, & iustum est. Pontifex dicat; Verè dignum
 & iustum est ante omnia laudare te verum Deum, qui
 es ante res generatas, ex quo omnis paternitas in cœ-
 lo; & in terra nominatur, qui solus es ingenuus sine
 principio, non agnoscens alicuius imperium, aut do-
 minium; nullius indigens; omnis boni dator, extra
 omnem causam; generationemquē positus, semper
 in eodem statu consistens; ex quo omnia, quasi ex quo-
 dam fonte in rerum naturam processerunt. Tu enim
 es notitia carens principio, æterna visio, ingenuus au-
 ditus, sapientia increata, primus natura, lex essendi,
 extra omnem numerum constitutus, omnia de nihilo
 produciens per unigenitum filium tuum, ipsum uerò
 ante omnia sæcula genuisti uoluntate, uirtute, & bo-
 nitate immediatè filium, unigenitum uerbum, Deum,
 sapientiam uiuentem, primogenitum omnis creaturæ,
 Angelum magni consilii tui, Pontificem tuum, Re-
 gem; & dominum omnis intellectiue & sensitiue na-
 turæ, qui est ante omnia, per quem omnia. Tu enim
 æterne Deus per ipsum cuncta fecisti, & per ipsum cō-
 uenienti prouidentia cuncta gubernas, per quem enim
 concessisti ut res essent, per eundem fecisti ut benè es-
 sent, Deus & Pater unigeniti filii tui, qui per ipsum
 ante omnia fecisti Cherubin & Seraphin, sæcula &
 exercitus; uirtutes, & potestates, Archangelos, &
 Angelos; & post hæc omnia, fecisti hunc Mundum ui-
 sibilem, & omnia, quæ in eo sunt. Tu enim es, qui cœ-
 lum

lum ut fornicem statuisti, & ut pellem extendisti, & terræ molē nullo adminiculo stabiliuisti, sola uoluntate tua; qui constituisti firmamentum, noctem & diē parasti, qui ex thesauris protulisti lucem, & eius recessu induxisti noctem ad requietem animantium, quæ mouentur in Mundo; qui Solem disposuisti in potestatem diē, & Lunam in potestatem noctis: qui stellarum ornatu cœlum distinxisti in laudem maiestatis tuæ: qui fecisti aquam in potum & munditiem, aerem uitalem ad ducendum spiritum uocemque formandam, per linguam percutientem aerem: auditum auxilio ipsius, ut apprehenderet sonos, & exciperet delatas sibi per aerem uoces; qui fecisti ignem ad depellendas tenebras, & ad explendam necessitatem, simulque ut ab eo calefieremus, & illustraremur; qui immensum Mare à terra segregasti, & illud nauigabile effecisti, hanc pedibus peruiam; illud etiam animanibus pusillis atque magnis auxisti; hanc mansuetis atque agrestibus referfisti, plantarum uarietate ornasti, herbis decorasti, floribus distinxisti, seminibus ditasti. qui constituisti Abyssum, & uasto hiatu eam comprehendisti, falsarum aquarum cumulatis æquoribus, & eam tenuissimæ arenæ terminis conclusisti: qui Mare modò uentis in montium altitudinem extollis, modò in planiciem exæquas, & modò agitas tempestate, modò sedas tranquillitate, ut ad nauigiorum cursus sit idoneum: qui creatum per Christum à te Mundum cinxisti fluminibus, alluisti torrentibus, fontibusque perennibus irrigasti, montibus circumdedisti; in firmamant terræ stabilitatem; referfisti enim Mundum & ornasti suauissimis plantis, & ad medicinam aptissimis, multis ac uariis animantibus robustis atque infirmis,

ad esum, atque ad laborem idoneis, & cicuribus, atque feris, serpentum sibilis, & diuersorum alitum cantibus, annorum recurrentibus circulis, mensum atque dierum numerosa multitudo: Solstitiorum uicissitudine, nubium imbriferarum tempestatibus, ad fructuum maturitatem, & animantium conseruationem, stationemque uentorum flantium ad imperium tuum, ad plantarum quoque atque herbarum multitudinem, ac non solum Mundum creasti, sed etiam Mundum eluam hominem condidisti; Mundi ornatum eum faciens. Dixisti enim Sapientiae tuae, Faciamus hominem ad imaginem & similitudinem nostram, & imperet piscibus Maris, & uolatilibus coeli: ideoque composuisti eum ex anima immortalis & corpore dissolutioni obnoxio. Illa de nihilo creata, hoc ex quatuor elementis conflatum, & dedisti ei per animam rationalem, intelligentiam, pietatis & impietatis iudicium, iusti & iniusti observationem; per corpus quinque sensus motum, quo progreditur. Tu enim Deus Omnipotens per Christum Paradisum in aedem ad Orientem plantasti, & uariis plantis ad cibum aptis ornasti; & in eum quasi in lautam domum hominem introduxisti, quem cum conderes, legem dedisti ei naturalem, ut intus inclusa, & apud se haberet femina diuinæ cognitionis. Nam cum illum in Paradisum deliciarum induxisti, omnia ei permisisti ut perciperet, unum autem solum gustare prohibuisti, spe maiorum rerum, scilicet ut si mandatum seruasset, mercedem eius, immortalitatem reportaret; sed cum mandatum contempsisset, & prohibitum fructum gustasset, fraude serpentis, & consilio mulieris, merito illum eiecisti Paradiso. sed bonitate tua non permisisti ut penitus periret (tuum. n. erat opus) sed

subiecta ei creatura concessisti, ut sudore ac labore uitum sibi quæreret, te omnia ferente, augente, ac maturante. Cumque iureiurando ei breuis temporis soporem dederis, illum ad nouam generationem reuocasti, soluto mortis termino, uitam ex resurrectione promissisti, non solumque id præstitisti, sed etiam posteros suos in infinitam multitudinem propagasti; obsequentes tibi glorificasti, rebelles suppliciis affecisti; atque Abellis quidem sancti sacrificium accepisti. Cain fratris interfectoris munus tanquam scelerati hominis reiecisti. Præterea Seth & Enos recepisti, & Enoch transtulisti. Tu enim opifex es hominum, uitæ præbitor, inopiæ expletor, legum dator, eas seruantium remunerator, uiolantium ultor; qui magnum diluuium induxisti. Mundo propter multitudinem impiorum, & iustum Noe eripuisti à diluuiò, in arca, cum octo animis, ut esset finis præteritorum, & principium eorum, qui erant in futura successione nascituri; qui formidandum ignem quinque Sodomæ urbibus immisisti, & terram fructiferam in salsuginem posuisti, à malitia inhabitantium in ea, & sanctum Lot incendio liberaisti. Tu es, qui Abraam maiorum suorum impietate liberaisti, & Mundi hæredem fecisti, & ei Christum tuum ostendisti; qui Melchisedech Pontificem seruitutis tuæ constituisti, patientissimum seruum tuum Iob uictorem serpentis auctoris malorum, declarasti, qui Isaac filium promissionis fecisti. Iacob patrem duodecim filiorum, eiusque posteros in numerosam sobolem propagasti, illum uerò cum septuaginta animis in Aegyptum introduxisti. Tu Domine Iosephum non neglexisti, sed præmiū suæ temperantiæ ei concessisti ut Aegyptiis imperaret. Tu Domine Hebræos ab Aegyptiis uexatos non neglexisti,

sti, ut promissa patribus suis seruares. Cumque homines naturæ legem labefactarent, & creaturam aliquando fornicitatem ducerent; aliquando plusquam oportere in honore haberent, & eam tibi Deo æquarent, non permisisti illos errare, sed excitato sancto seruo tuo Moise, per eum, in subsidium naturalis, scriptam legem dedisti, & creaturam ostendisti tuum opus esse, Deorumque multitudinem exterminasti. Aaaron, et posteros sacerdotali honore decorasti, Hebræos peccantes puniisti, resipiscentes recepisti, Aegyptios decem plagis es ultus, diuiso Mari Israelitas traduxisti, persequentes Aegyptios demersos interemisti, ligno aquam amaram, dulcem fecisti, è dura petra aquam eduxisti, de Cælo manna dedisti, atque ex aere ortygometram in cibum, columnam igneam nocte ad illustrandum, & die columnam nubis ad opacandum statuisti, Iesum imperatorem delegisti, septem nationes Cananæorum, eius opera expugnasti, Iordanem aperuisti, flumina Ethan siccasti, muros sine machinis, sineque hominum manu diruisti. Pro omnibus tibi gloria Domine Omnipotens. Te adorant infiniti exercitus Angelorum, Archangelorum, Thronorum, Dominationum, Principatum, Potestatum, Virtutum, Exercituum æternorum, Cherubina, & sex alas habentia, Seraphina, duabus uelantia pedes, duabus capita, duabus uolantia, & dicentia unà cum millibus millium Archangelorum, & cum millenis millium Angelorum incessabili uoce clamantium.

Et omnis populus simul dicat,

SANCTVS, Sanctus, Sanctus, Dominus Sabaoth: Plenum est cælum & terra gloria tua, Benedictus in sæcula Amen.

Et Pontifex deinde dicat,

SANCTVS enim es, & in omnibus sanctus altissimus, & superexaltatus in sæcula. Sanctus & unigenitus filius tuus Dominus noster & Deus Iesus Christus, qui in omnibus ministravit tibi Deo ipsius & Patri, in vario opificio creaturarum & in earum conuenienti prouidentia. Nō permisit genus humanum perire, sed post naturalem legem, post legis scriptæ admonitionem, post propheticas increpationes, post Angelorum tutelas, uolantibus naturalem legem hominibus, unā cum scripta, oblitterataque memoria diluuii, incendii, plagarum Aegyptiacarum, cædis Palestinorum, imminenteque omnium interitu, decreuit uoluntate tua, qui hominem condiderat fieri homo, qui legislator erat, subiici legibus, qui Pontifex erat, uictima fieri, pastor, effici ouis. Teque Deum suum ac Patrem placauit & conciliauit Mundo, atque instanti ira omnes liberauit; natus de Virgine, natus in carne, Deus, uerbum, Filius dilectus, primogenitus omnis creaturæ, secundū deo prædictas prophetias, ex semine David & Abraā; de tribu Iudæ; & conceptus est in utero Virginiis. formator omnium, qui nascuntur; atque incarnatus est is, qui carnis est expers, in tempore natus qui ab æterno est genitus, pie conuersatus est, & sanctis legibus instituit, omnem morbum, atque infirmitatem expulit, signa ac prodigia in populo fecit, cibum, potum, somnū coepit is, qui omnes cibo indigentes alit, & replet omne animal benedictione: manifestauit nomen tuū iis, qui id ignorabant: ignorantiam fugauit, pietatē excitauit, uoluntatem tuam expleuit, opus, quod dederas illi consummauit. Quæ omnia cum perfecisset impiorum

piorum manibus comprehensus, sacerdotum atque Pō-
tificum falsi nominis, populique ipsius iniqui, & mali-
tia laborantis traditione, multa passus est ab ipsis, om-
nemque sustinuit ignominiam tua permissione. Tradit-
us est Pilato Præsidi, ac iudicatus is, qui iudex erat,
condemnatus est aliorum Saluator, crucifixus, qui est
impassibilis; mortuus, natura immortalis; sepultus, o-
mnium uiuificator, ut passione & morte liberaret eos,
propter quos uenerat, & uincula Diaboli disrumperet,
hominesque ab eius fraudibus eriperet. Et resurrexit
à mortuis tertia die, & per quadraginta dies uersatus
cum discipulis, receptus est in cœlum, & sedet ad dexte-
ram Dei & Patris sui.

Memores igitur eorum, quæ propter nos est passus,
gratias agimus tibi Deus Omnipotens non quantum
debemus, sed quantum possumus. Et ordinationem
eius implemus. Nam in qua nocte tradebatur, acci-
piens panem in sanctas & immaculatas manus, & suspi-
ciens in te Deum suum & patrem, frangensque dedit
discipulis dicens, Hoc mysterium noui Testamenti,
accipite, ex eo comedite, hoc est corpus meum, quod
pro multis frangitur in remissionem peccatorum. Si-
militer & calicem miscens ex uino & aqua, & sanctifi-
cans tradidit eis dicens, Bibite ex eo omnes, hic est san-
guis meus, qui pro multis effunditur in remissionem pec-
catorum; hoc facite in meam commemorationem.
Quotiescunque enim comederitis panem hunc, & bi-
beritis calicem hunc, mortem meam annunciabitis do-
nec ueniam. Memores igitur passionis eius & mortis,
nec non ex mortuis resurrectionis, atque in Cœlos a-
scensionis, & futuri eius secundi aduentus, in quo ue-
niet cum gloria & uirtute iudicare uiuos, & mortuos,
&

& reddere unicuique secundum opera sua: offerimus tibi Regi & Deo secundum ipsius ordinationem panem hunc & calicem hunc, gratias tibi agentes eo quod nos dignos fecisti assistere in conspectu tuo & fungi sacerdotio tibi. Rogamusque te, ut benignè aspicere digneris super hæc dona proposita in conspectu tuo, tu qui nullo indiges Deus, & complaceas tibi in ipsis in honorem Christi tui, & mittas sanctum Spiritum tuum super hoc sacrificium, testem passionum Domini Iesu, ut ostendat hunc panem corpus Christi tui, & hunc calicem sanguinem Christi tui, ut qui cum percipiunt, confirmentur in pietate, & remissionem peccatorum consequantur, diabolo & errore eius liberentur, Spiritu sancto repleantur, Christo tuo digni efficiantur, uitam æternam adipiscantur, te eis reconciliato Domine Omnipotens.

Mystica oratio. C A P. XVIII.

ETIAM rogamus te Domine pro sancta tua Ecclesia, quæ est à finibus usque ad fines, quam acquisiisti precioso sanguine Christi tui, ut eam quietam & tranquillam conserues usque ad consummationem sæculi. Et pro omni Episcopatu rectè tractante uerbū Veritatis, etiam imploramus te, & pro mei offerentis tibi tenuitate, proque omni presbyterio, pro Diaconis atque omni clero, ut omnes à te edoctos Spiritu sancto repleas. Etiam rogamus te Domine pro Rege, & pro iis, qui sunt in sublimitate constituti, proque omni exercitu, ut per illos pacificè uiuamus, ut in quiete & concordia perseuerantes, per omne tempus uitæ nostræ glorificemus te per Iesum Christum, qui est:
spes

spes nostra. Etiam offerimus tibi pro omnibus, qui à sæculo placuerunt tibi, sanctis, Patriarchis, Prophetis, iustis Apostolis, Martyribus, Confessoribus, Episcopis, Presbyteris, Diaconis, Hypodiaconis, Lectoribus, Cantoribus, Virginibus, Viduis, laicis atque omnibus, quorum tu cognouisti nomina.

Etiam offerimus tibi pro populo hoc, ut facias eum in laudē Christi tui regale sacerdotium, gentem sanctam; pro Virginibus, & castitatem seruantibus; pro Viduis Ecclesiæ; pro copulatis honorabilibus nuptiis, & filios procreantibus; pro infantibus populi tui, ut neminem nostrum reicias. Etiam rogamus pro hac ciuitate, & habitantibus in ea; pro laborantibus infirmitate, & pro acerbam seruitutem seruientibus; pro relegatis, & publicationem bonorum perpeffis; pro nauigantibus, & pro peregrè proficiscentibus, ut sis auxiliator, omnium adiutor & opitulator. Etiam oramus te pro iis, qui nos odio habent & persequuntur nos propter nomen tuum; pro iis, qui extra sunt, & uersantur in errore, ut reducas eos in bonum, & furorem eorum mitiges. Etiam rogamus te pro Catechumenis Ecclesiæ, & pro uexatis ab aduersario, & pro fratribus nostris poenitentibus, ut illos in fide perficias, alios à uexatione mali eripias, horum poenitentiam recipias, & indulgeas illis atque nobis delicta nostra. Etiam offerimus tibi pro aeris salubritate, & fructuum fertilitate, ut abundè bona tua percipientes, te assidue laudemus, qui das escam omni carni. Etiam rogamus te pro iis, qui iusta causa impediti absunt, ut omnes nos in pietate custoditos congreges in Regnum Christi tui, Dei omnis sensitiuæ, & intellectualis naturæ,

CONSTIT. S. APOSTOLORVM

& Regis nostri, stabiles in bono, inculpabiles, crimine carentes, quoniam tibi omnis gloria, cultus, gratiarum actio, honor & adoratio Patri & Filio, & sancto Spiritui & nunc & semper & in infinita sæcula sæculorum. Et omnis populus dicat, Amen. Et Episcopus dicat, Pax Dei sit cum omnibus uobis. Et omnis populus dicat, Et cum spiritu tuo.

Et Diaconus iterum pronunciet,

C A P V T X I X.

ETIAM rogemus Deum per Christum suum. Pro dono oblato Domino Deo oremus, Ut bonus Deus suscipiat illud intercedente Christo ipsius, in cœleste altare suum in odore suauitatis. Pro hac Ecclesia, & pro populo rogemus, Pro omni Episcopatu; pro omni presbyterio; pro omni in Christo diaconia, & ministerio, pro uniuerso Ecclesiæ cœtu rogemus, ut Dominus oēs conseruet atque custodiat. Pro Regibus, & pro iis, qui sunt in sublimitate constituti oremus, ut in pace per ipsos uiuamus, ut quietam & tranquillam uitam agamus in omni pietate ac sanctitate; sanctorum Martyrum memoriam colamus, ut digni efficiamur certaminis ipsorum. Pro iis, qui in fide quiesuerunt, oremus. Pro salubritate aeris, & fructuum maturitate rogemus. Pro nuper illuminatis oremus, ut omnes in fide confirmentur. Excita nos Deus in gratia tua. Excitati, nos ipsos Deo per Christum eius commendemus.

Et Episcopus dicat,

DEVS magnus, & magni nominis, magnus consilio &, operibus potens, Deus & pater sancti pueri tui Iesu Saluatoris nostri, respice super nos, & super hoc ouile tuum, quod per ipsum elegisti in gloria nominis tui, & sanctificato corpore nostro, & anima dignos nos fac, ut purgati omni iniquatione carnis ac spiritus, proposita bona consequamur, et neminem nostrum iudices indignum, sed sis adiutor noster, auxiliator, & defensor noster per Christum tuum, cum quo tibi gloria & honor, laus, gloriatio, & gratiarum actio, & sancto Spiritui in secula Amen.

Et postquam omnes dixerunt Amen. Diaconus dicat, Attendamus. Et Episcopus alloquatur populum iis uerbis, Sancta sanctis. Et populus subiungat, Vnus sanctus, unus Dominus, unus Christus, in gloriam Dei Patris benedictus in secula Amen.

Gloria in altissimis Deo, & in terra pax hominibus bonae uoluntatis. Osanna Filio David. Benedictus qui uenit in nomine Domini, Deus Dominus, & apparuit nobis. Osanna in altissimis. Post hoc sumat Episcopus, deinde, Presbyteri, & Diaconi, & Hypodiaconi, & Anagnostae, & Cantores, & Ascetae, & ex mulieribus Diaconissae, & Virgines, & uiduae, postea pueri & omnis populus ordine cum pudore & reuerentia, absque tumultu. Et Episcopus det oblationem dicens, Corpus Christi. Et sumens dicat, Amen. Diaconus teneat calicem, & quando tradit dicat, Sanguis Christi, calix uitae: & bibens dicat, Amen. Cum reliqui sumunt dicatur psalmus à xxxiii. Postquam omnes sumpserunt, accipiant Diaconi reliquias, & portent in Pastophoria. Perfecto psalmo Diaconus dicat,

PERCEPTO precioso corpore, & precioso sanguine Christi, gratias agamus ei, qui dignos nos reddidit percipiendi sancta eius mysteria, & rogamus ut non in iudicium, sed in salutem nobis fiant, in utilitatem animæ & corporis, in custodiam pietatis, in remissionem peccatorum, in uitam futuri sæculi. Excitemur in gratia. Nos ipsos Deo soli, ingenito Deo & Christo eius commendemus.

Et Episcopus gratias agat.

DOMINE Deus Omnipotens, pater Christi tui filii benedicti; exauditor inuocantium te in rectitudine, qui scis interpellationes tacentium, gratias tibi agimus quod fecisti nos dignos participationis sanctorum mysteriorum tuorum, quæ præbuiſti nobis in confirmationem eorum, quæ bene cognita sunt, in custodiam pietatis, in remissionem peccatorum, quoniam nomen Christi tui inuocatum est super nos, & tibi conciliati sumus: qui segregasti nos à communicatione impiorum, coniunge nos cum consecratis tibi, confirma nos in ueritate, sancti Spiritus superuentione, ignorata reuela, quæ defunt exple, cognita corrobora, sacerdotes immaculatos tuere in seruitute tua. Reges conserua in pace, Magistratus in iustitia, cœlum in salubritate, fructus in fertilitate, Mūdum in prouidentia omni ex parte sufficienti, nationes bellicosas reprime, errantes conuerte, populum tuum sanctifica, Virgines conserua, matrimonio uinctos, custodi in fide, ignorantes corrobora,

corroborata, infantes ad uirilem ætatem perduc, nouitios confirma, Catechumenos instrue, & initiatione dignos redde. nosque omnes congrega in regnum Cælorum in Christo Iesu Domino nostro, cū quo tibi gloria, honor, cultus, & sancto Spiritui in sæcula. Amen.

Et Diaconus dicat,

C A P V T X X I I .

DEo per Christum eius inclinamini, & benedictionem accipite. Et Episcopus iterum oret dicens,

Deus omnipotens, uerus & incomparabilis, qui ubique ades & præsens es in cunctis, & in nullo tantquam ens quiddam existis, qui loco non circumscriberis, nec tempore consenesces, nec sæculis terminaris, neque sermonibus explicaris, qui generationi non es subiectus, custodia non indiges, extra interitum es positus, mutationem non recipis, qui natura es inuariabilis, qui lucem inhabitas inaccessibilem, qui natura es inuisibilis, quem uniuersales naturæ cum amore te inuestigantes cognoscunt, qui comprehenderis ab iis, qui in charitate quærunt te, Deus Israelis re uera uidentis, populi tui credentis in Christum. propitius factus exaudi me propter nomen tuum, & benedic eis, qui tibi inclinant colla sua; & concede eis petitiones cordis ipsorum, quæ sunt ad utilitatem, & nullum ex ipsis expelle à possessione regni tui, & sanctifica eos, muni, tege, defende, libera ab aduersario, ab omni inimico, domos ipsorum custodi, introitus & exitus eorum muni, quoniam tibi gloria, laus, maiestas, cultus, & adoratio, & puero tuo, Iesu Christo tuo Domino nostro, & Deo & Regi, & sancto Spiritui nunc & semper & in sæcula sæculorum. Amen.

Et

CONSTIT. S. APOSTOLORVM

Et Diaconus dicat,

Ite in pace. Hæc de mystica seruitute disponimus nos Apostoli uobis Episcopis, Presbyteris, & Diaconis.

C A P V T X X I I I .

DE ordinatione Presbyterorum ego dilectus à Domino dispono uobis Episcopis.

Cùm ordinas Presbyterum, ò Episcopo, manum super caput Presbyteri ipsè impone assistētibus tibi Diaconis, & orando dic,

Oratio ordinationis Presbyterorum.

DOMINE Omnipotens Deus noster, qui per Christum omnia creasti, & per eūdem opportunè prouides cunctis. Cui enim adest potestas diuersa faciendi, eidem inest facultas uariè prouidendi: ideo enim Deus prouides immortalibus sola conseruatione; mortalibus successionē; animæ, studio seruandarum legum; corpori, reparatione eius quod deest; idem igitur nunc respice super sanctam Ecclesiam tuam, & auge eam, & multiplica præpositos eius, & da illis uirtutem ut laborent uerbo, & opere ad ædificandum populum tuum. Idem quoque nunc respice super hunc famulum tuum suffragio & iudicio omnis cleri in presbyterium electum, & reple eum spiritu gratiæ & consilii ad adiuuandum & gubernandum populum tuum in mundo corde, quem admodum respexisti super populum electionis tuæ, & præcepisti Moysi ut eligeret Presbyteros, quos repleuisti spiritu. Et nunc Domine hoc præsta, & conserua in nobis integrum spiritum gratiæ tuæ, ut repletus operibus
curationum

curationum & sermone doctrinæ, in mansuetudine instruat populum tuum, & inseruiat tibi sincerè, in pura mente, & in animâ studiosa. Et sacrificia pro populo tuo immaculata perficiat per Christum tuum, cum quo tibi gloria, honor, & cultus, & sancto Spiritui in sæcula Amen.

De Ordinatione Diaconorum ego Philippus dispono.

CAPVT XXV.

DIACONVM constituas Episcopo imponens ei manus, assistentibus tibi omnibus Presbyteris & Diaconis, & orando dices.

Deus Omnipotens, uerus & non mentiens, qui diues es in omnibus inuocantibus te in ueritate, terribilis in consiliis, sapiens in intellectu, fortis, & magnus; Exaudi orationem nostram Domine, & auribus percipe supplicationem nostram; & ostende faciem tuam super hunc seruum tuum electum tibi ad Diaconatum; & reple eum Spiritu sancto, & uirtute, quemadmodum repleuisti Stephanum Martyrem, & imitorem passionum Christi tui, & concede ei, ut ritè administrato credito sibi Diaconatu, constanter, laudabiliter, innocenter, maiori gradu dignus efficiatur interuentu unigeniti filii tui, cum quo tibi gloria, honor & cultus, & sancto Spiritui in sæcula Amen.

De Diaconissa Ego Bartholomæus dispono.

CAPVT XXVI.

O EPISCOPUS impones ei manus presentibus Presbyteris, Diaconis, & Diaconissis, ac dices,

Oratio

Oratio ordinationis Diaconisse.

DEVS æterne Pater Domini nostri Iesu Christi, opifex uiri & mulieris, qui Spiritu compleuisti Mariam, Debborram, Annam, Oldam; qui non dignatus es unigenitum Filium tuum nasci de muliere, qui in tabernaculo testimonii, & in templo constituisti mulieres custodes tuarum sanctarum portarum, ipse quoque nunc respice super hanc famulam tuam, quæ ad Diaconatum promouetur, & da ei Spiritum sanctum, & munda eam ab omni iniquatione carnis & spiritus, ut dignè exequatur commissum sibi officium in gloriam tuam, & laudem Christi tui, cum quo tibi gloria & adoratio; & Sancto spiritui in sæcula Amen.

De Hypodiaconis ego Thomas dispono uobis Episcopis.

C A P I T U L U M X X I V I I .

HYPODIACONVM cum ordinas à Episcopo, impones ei manus & dices,

Domine Deus opifex coeli & terræ, & omnium, quæ in eis sunt, qui in tabernaculo Testimonii ædificatos constituisti tuorum sanctorum uasorum custodes: ipse quoque nunc respice super hunc seruum tuum electum Diaconum; & da ei Spiritum sanctum, ut dignè tractet ministratoria uasa tua, & faciat uoluntatem tuam in omnibus per Christum tuum, cum quo tibi gloria, honor, & cultus, & san-

cto Spiritui in sæcula

Amen.

De Lectoribus ego Matthæus, qui & Leui olim publicanus dispono,

CAPVT XXVII.

QVI Lectorem constituit, imponensei manum, & orans dicat,

Deus æternæ, qui multus es in misericordia & misericordibus, qui Mundi constitutionem per ipsa opera manifestas, & numerum electorum tuorum conseruas; ipse nunc respice super famulum tuum, qui promouetur ad legendum tuas sanctas scripturas populo tuo; da ei Spiritum sanctum, spiritum propheticum, qui seruum tuum Esdram instruxisti ad legendum leges populo tuo, & nunc inuocatus à nobis instrue seruum tuum & da ei ut laudabiliter perfecto commissio sibi munere, altiori gradu dignus efficiatur per Christum, cum quo tibi gloria & cultus, & Spiritui Sancto in sæcula Amen. Iacobus Alphæi ego quoque dispono de Confessoribus,

De Confessoribus. CAP. XXX.

CONFESSOR non ordinatur (pertinet enim hoc ad propositum, fortitudinemque animi) magno autem honore dignus est, ut qui confessus est nomen Dei & Christi eius in conspectu gentium & Regum. Quod si illo est opus, in Episcopum, uel Presbyterum, uel Diaconum ordinatur. Si uero Confessor aliquis non ordinatus, usurpauerit sibi aliquam huiusmodi dignitatem, quasi confessionis occasione, deponatur & eiiciatur, non enim est, quoniam negauit Christi dispositionem, & est infideli deterior. Idem de Virginibus.

CONSTIT. S. APOSTOLORVM

C A P V T X X X.

VIRGO non ordinatur; mandatum enim Domini non habemus; propositi enim est hoc certamen, non ad uituperationem nuptiarum, sed ad exercitium pietatis.

C A P V T X X X I.

ET ego Lebbæus cognomento Thaddæus hæc de Viduis dispono.

Vidua non ordinatur. Sed si iam pridem uirum amisit, & temperatè ac laudabiliter uixit, & domestica re Ætè gubernauit, ut Iudith, & Anna, quæ fuerunt fœminæ uenerabiles, ascribatur in statum uidualem. Quòd si nuper amisit coniugem, ei fides non habeatur, sed tempore iuuentus probetur: affectiones enim aliquando consenscunt cum hominibus, nisi maiori freno reprimantur.

Idem de Eporcista.

C A P V T X X X I I.

EPORCISTA non ordinatur, spontaneæ enim beneuolentiæ est hoc certamen, & gratiæ Dei per Christum, superuentione Spiritus sancti; nam qui accipit Charisma curationum, per reuelationem, à Deo declaratur, cum pateat omnibus gratia, quæ est in ipso.

C A P V T X X X I I I.

EGO quoque Simon Canites dispono à quot Episcopis debet ordinari Episcopus.

Epif-

EPISCOPVS à tribus uel duobus Episcopis ordinetur. Si quis ab uno ordinetur Episcopo, deponatur ipse, & qui eum ordinauit. Quòd si necessitas postulet ab uno ordinari, eo quòd non possunt plures accedere propter persecutionem, uel propter aliquam huiusmodi causam, afferatur decretum commissionis plurium Episcoporum.

Canones de Episcopis, Presbyteris, Diaconis & reliquis Clericis.

CAP. XXXIII.

IDEM de Canonibus,

Episcopus benedicit, non benedicitur, manus imponit, ordinat, offert, benedictionem ab Episcopis accipit, à Presbyteris nullo modo. Episcopus deponit quemuis clericum dignum depositione, excepto Episcopo. Solus enim non potest.

Presbyter benedicit, non benedicitur; benedictiones accipit ab Episcopo, & compresbytero. eodẽ modo dat ipse compresbytero, manus imponit; non ordinat, nõ deponit, excommunicat inferiores, si huius poenæ rei extiterint.

Diaconus non benedicit, non dat benedictionẽ, accipit aut ab Episcopo uel Presbytero; non baptizat, nõ offert, offerẽte Episcopo uel Presbytero, ipse dat populo, non ueluti sacerdos, sed ueluti ministras sacerdoti. Ex aliis Clericis, Diaconi officiũ facere liceat nemini.

Diaconissa nõ benedicit, sed nec aliquid ex iis, quæ faciunt Presbyteri uel Diaconi exercet ipsa, sed tantum portas custodit & ministrat Presbyteris, quando baptizantur mulieres, propter honestatem.

Diaconus excommunicat Hypodiaconum, Lecto-

LL 2 rem,

de*l* CONSTIT. S. APOSTOLORVM

rem, Cantorem Diaconissam, si quid tale contingat, absente scilicet Presbytero.

Hypodiacono excommunicare non licet, nec Lectori, nec Cantori, nec Diaconissæ; non clericum, non laicum: Sunt enim Diaconorum ministri.

De aqua & oleo ego Mattheus dispono.

C A P V T X X X V.

BENEDICAT episcopus aquam & oleum, si absit, benedicat Presbyter assistente Diacono. Quando aderit Episcopus, Diaconus assistat & Presbyter; dicat autem hoc modo,

Gratiarum actio de a qua & oleo.

DOMINE Sabaoth Deus uirtutum, creator aquarum, & dator olei, misericors & benigne, qui dedisti aquam ad potum, & mūdiciem; oleum ad exhilarandum faciem in exultationem lætitiæ; ipse quoque nūc per Christum sanctifica hanc aquam & hoc oleum, in nomine eorum, qui attulerunt, & da uirtutem sanitatis effectricem, ægritudinum expultricem, Dæmonum fugatricem, omnibus infidiis aduersariam per Christum, qui est spes nostra, quo cum tibi gloria, honor, & cultus cum sancto Spiritu in sæcula Amen.

Idem de primitiis & Decimis. CAP. XXXVI.

ETIAM præcipio omnes Primitias afferri Episcopo, & Presbyteris, & Diaconis ad uictum ipsorum. Decimas offerri ad uictum reliquorum Clericorum, Virginum, ac Viduarum, & iis, qui sunt paupertate oppressi

oppressi. Primitiæ enim sunt Sacerdotum & ministran-
tium ipsis Diaconorum.

Idem de reliquiis. CAP. XXXVIII.

BENEDICTIONES, quæ in mysticis sacris super-
sunt, de sententia Episcopi uel Presbyterorum Dia-
coni Clero distribuant, Episcopo partes quatuor, Pres-
bytero partes tres, Diacono partes duas; cæteris uerò,
Hypodiaconis scilicet, Lectoribus, Cantoribus, Diacono-
nissis partem unam. Hoc enim honestum & acceptum
est coram Deo, quemlibet pro sua dignitate honora-
ri. Ecclesia enim non confusionis, sed ordinis & dispo-
sitionis est magistra.

Canones uarij Pauli Apostoli. CAP. XXXIX.

ET Ego Paulus minimus Apostolorum hæc dispo-
no uobis Episcopis & Presbyteris.

Qui primò ad mysterium pietatis accedunt, per Dia-
conos adducantur ad Episcopum uel Presbyteros, &
causæ exquirantur, cur ad dominicum sermonem ac-
cesserint, & ii, qui eos adduxerunt, testificentur, sin-
gula diligenter exponentes. exquiratur autem eorum
mores, ac uita, & an serui sint, uel liberi. Quod si quis
seruus reperiatur, quæratur ab eo, cuius domini sit; ac
si hominis fidelis seruus fuerit, interrogetur Dominus,
an illū suo testimonio cōmendare uelit. Si nolit, reiicia-
tur, quousq; se dignū apud dominū exhibeat. Si com-
mēdatur domini testimonio, recipiatur. Si sit Ethnicus
seruus, instruatur quēadmodū placeat domino, ne blas-
phemetur Verbum. Si habet uxorem, uel mulier si ui-
rum, doceatur, contentus esse uterque suo connubio.

Si

Si sint soluti, discant non fornicari, sed iustis nuptiis copulari. Si dominus fidelis sciens seruum uel ancillam fornicari, tamen non dat seruo uxorem, uel ancillæ uirum, excommunicetur.

Si quis Dæmonem habet, erudiatur in pietate. Sed non recipiatur in cōmunionem priusquàm purgetur. Si mors instet recipiatur.

Si quis sit leno, uel lenociniū desinat, uel reiiciatur.

Meretrix si accedat, uel desistat, uel reiiciatur.

Artifex Idolorum, si accedat, uel artem desinat, uel reiiciatur.

Scenicus si accedat, siue uir sit siue mulier, auriga, gladiator, cursor stadii, Lūdus, Olympius, Chorales, Citharædus, Lyristes, saltator, caupo, desistat, uel reiiciatur.

Miles si accedat, erudiatur nemini iniuriam facere, non calumniari, contentum esse suis stipendiis, si pareat recipiatur, repugnans reiiciatur.

Pædico, cinædus, mollis, incantator, Astrologus, uates, uenatoriis carminibus dans operam, nepos, circumforaneus, amuleta faciens, lustrator, Augur, coniector, palmorum interpret, obseruans in occurſu offensiones oculorum, pedum, auium, fellium, carminum, auditionum symbolicarum, tempore probetur, nisi pareat, reiiciatur.

Pellex, infidelis ancilla soli Domino obsequens, recipiatur. Si cum aliis intemperans fuerit, reiiciatur.

Fidelis qui pellicem habet, si sit ancilla, desistat, & uxorem ducat; si libera, ducat eam in uxorem. Si nolit, reiiciatur.

Græcos mores qui sequitur, uel Iudaicas fabulas, uel mutet se uel reiiciatur.

Thea-

Theatralibus ludis qui dat operam, uenationibus, equorum cursibus; ac certaminibus, uel desistat, uel reiciatur.

Qui catechesi erudiendus est, per tres annos erudiat. quod si uirtute præditus sit, & erga Scripturam studium ostendat, recipiatur, quoniam non tempus, sed animus æstimatur.

Qui docet, quamuis laicus sit, peritus tamen sermonis & moribus grauis, doceat. Erunt enim omnes docibiles Dei.

Quilibet fidelis uir, mulierue summo mane excitatus è somno, antequàm opus aggrediatur, lotus oret, quod si catechesi uerbi est erudiendus, præponat operi uerbum pietatis.

Fidelis benignè se gerat cum seruis quemadmodum in superioribus libris præcepimus, & in epistola docuimus.

Quibus diebus oporteat quiescere seruos ego Paulus, & ego Petrus disponimus.

CAP. X. XXXIX.

OPERENTVR serui quinque dies; in Sabbato & dominica die quiescant in Ecclesia, propter doctrinam pietatis. Sabbatum enim diximus creationis habere rationem, dominicum resurrectionis.

Serui per totam magnam hebdomadam, & sequentem quiescant, quoniam illa ad passionem pertinet, alia ad resurrectionem, & est opus institui qui sit ille qui passus sit, & resurrexerit, & quis hoc permiserit & suscitauerit.

In Ascensione quiescant, quoniam est finis Christi dispensationis.

In

In Pentecoste quiescant propter poenitentiam Spiritus sancti donatam iis, qui in Christum crediderunt.

In Natali festo quiescant, quoniam in eo inexpectata gratia data est hominibus, ut nasceretur Dei uerbum Iesus Christus ex Maria Virgine propter Mundi salutem.

In Festo Epiphaniæ quiescant, quoniam in ea facta est manifestatio diuinitatis Christi testificante ei Patre in Baptismo, & Paraclete in forma columbæ, demonstrante eum, cui testificatio facta est.

In diebus Apostolorum quiescant; Magistri enim uestri in Christo fuerunt, & Spiritus uos participes fecerunt.

In die Stephani Protomartyris quiescant, & reliquorum sanctorum Martyrum, qui Christum propriæ uitæ anteposuerunt.

-III. Quibus horis, & cur in eis orandum sit. CAP. XL.

PRECES uestras facite diluculo, tertia hora, sexta, nona, uespere & in galli cantu, diluculo gratias agentes, quoniam illuminauit nos Dominus expulsa nocte, & inducto die; hora tertia, quoniam illa hora Dominus sententiam Pilati accepit; sexta, quoniam tunc crucifixus est; nona, quoniam omnia commota sunt crucifixo Domino perhorrescentia impiorum audaciam, & non ferentia ignominiam Domini; uespere gratias agentes, quod dedit nobis noctem diurnorum laborum quietem; in galli cantu, quoniam illo tempore nunciatur aduentus dici ad exercenda opera lucis.

Si propter Infideles ad ecclesiam iri non potest, domi cœtus congregabis ò Episcopo, ne pius ingrediatur ecclesiam

ecclesiam impiorum non enim; locus sanctificat hominem, sed homo locum. Quod si impii locum occupaverint, fugiendus tibi est is locus, quoniam ab ipsis prophanatus est: nam ut sancta sacerdotes sanctificant, sic nepharii contaminant. Si nec domi nec in ecclesia cœtus celebrari possunt, unusquisque apud se psallat, legat, oret, uel duo aut tres unâ congregati. Vbi enim sunt duo uel tres congregati in nomine meo, ibi sum in medio eorum. Fidelis unâ cum Catechumeno nec domi oret; non enim est æquum initiatum unâ cum eo, qui non est initiatus coinquinari. Pius cum Hæretico nec domi oret; quæ est enim societas lucis cum tenebris?

Fidelis seruus & ancilla coniuncti, separentur, uel reiciantur.

ET ego Iacobus frater quidem Christi secundum carnem, seruus autem tanquàm Dei unigeniti, Episcopus autê ab ipso Domino, & ab Apostolis Hierosolymarum ordinatus, hæc dico.

Vespere ò Episcope congregabis Ecclesiam, & dicto nocturno psalmo loquetur Diaconus pro Catechumenis, & Dæmone agitis, pro illuminandis, & pœnitentibus, ut ante diximus, Quibus dimissis Diaconus dicet, Qui fideles sumus rogemus Dominum. & postquàm primam orationem absoluit dicet,

Sermo nocturnus.

SALVA & excita nos Deus per Christum tuum, erigentes nos petamus misericordias Domini, & mise-

rationes ipsius, Angelum pacis, bona & utilia, Christianos Principes, uesperam & noctem pacificam, & sine peccato, atque omne tempus uitæ nostræ inculpabile. nos mutuò Deo uiuo commendemus per Christum suum.

Et Episcopus orando dicat.

Gratiarum actio nocturna. CAP. XLII.

DEVS, qui nullo ortus principio, nullo fine terminaris, cunctorum creator per Christum, atque gubernator, & ante omnia Deus ipsius ac pater, spiritus, intelligibilium, atque sensibilibium Rex, qui fecisti diē propter opera lucis, noctem ad quietem imbecillitatis nostræ; tua est enim dies, & nox: tu enim præparasti lucem & solem: tu nunc Domine benigne, ac bone, placidè suscipe hanc nostram uespertinam gratiarum actionem, qui nos traducis per longitudinem diei, & perducis ad initium noctis; custodi nos per Christum tuum, præbe uesperam pacificam, & noctē sine peccato, & dignos nos fac uitā æterna per Christum tuum, per quem tibi gloria, honor, & cultus in sancto Spiritu in sæcula Amen.

Et Diaconus dicat, Inclinate uos manuū impositioni.

Et Episcopus dicat,

CAPVT XLIII.

DEVS Patrum, & Domine misericordiæ, qui sapientia tua condidisti hominem rationale animal, & unum Deo charum, ex iis, qui sunt in terra, & dedisti ei ut imperaret iis, quæ sunt in terra, & cōstituiisti sententia

tia tua Principes & sacerdotes; illos ad securitatem uitae, hos ad iustam seruitutem; Ipse quoque nunc inclina Domine Omnipotens & ostende faciem tuam super populum hunc, inclinantem colla cordis sui, & benedic ei per Christum, per quem illuminasti nos lumine cognitionis, & reuelasti nobis te ipsum, quo cum tibi digna debetur adoratio ab omni rationali & sancta natura; & Spiritui Paraclero in saecula Amen.

Et Diaconus dicat; Ite in pace. Eodem modo diluculo Diaconus dicto matutino, & dimissis Catechumenis, Energumenis, baptizandis, & poenitentibus, habitoque sermone debito (ne iterum eadem dicamus) subiungat post illa uerba, Salua eos Deus, & excita in gratia tua. Petamus à Domino misericordias ipsius, & miserationes, diluculum hoc & diem pacificum & sine peccato, & omne tempus peregrinationis nostrae, Angelum pacis, Christianos Principes, propitium & benignum Deum, nos mutuo uiuenti Deo commendemus per unigenitum suum.

Et Episcopus orans dicat.

C A P. X L I I I.

DEVS spirituum atque omnis carnis, incomparabilis, nullo indigens, qui dedisti solem in potestatem diei, & lunam & astra in potestatem noctis: ipse quoque nunc respice super nos benignis oculis, & recipe matutinas nostras gratiarum actiones, & misere nostri: non enim expandimus manus nostras ad Deum alienum: non enim est nobis Deus recens, sed tu aeternus & infinitus, qui nobis per Christum praebuisti, ut essemus, & per eundem largitus es ut bene essemus; ipse nunc per eum dignos fac uita aeterna,

MM 2 cum

ACONSTIT. S. TAPOSTOLONVM

cum quo tibi gloria, hōnor, & cultus, & sancto Spiritui
in ſæcula Amen.

Et Diaconus dicat, Inclinate uos manus impositioni.

Et Episcopus iterum oret dicens,

Manus impositio matutina. CAP. XLV.

DEVS fidelis & uerus, qui facis misericordiam in
millia & decem millia diligentibus te, qui es ami-
cus humilium, & patronus pauperum, cuius omnia in-
digent, quoniam omnia seruiunt tibi, respice super hūc
populum tuum inclinantium tibi capita, & benedic eis
benedictione spirituali, custodi eos ut pupillā oculi, cō-
serua eos in pietate & iustitia, & fac dignos uita æternā
in Christo Iesu dilecto puero tuo, cum quā tibi gloria,
honor, & cultus unā cū sancto Spiritu nunc & semper,
& in ſæcula ſæculorum Amen. Et Diaconus dicat,
Ite in pace.

Benedictio Primitiarum. CAP. XLVI.

SUPER Primitiis, quæ offeruntur, Episcopus gra-
tias agat iis uerbis, Gratias agimus tibi Domine Om-
nipotens, cunctorum opifex & prouisor per unigeni-
tum filium tuū Iesum Christum Dominum nostrū, de
oblatis tibi primitiis, non quidem quantum debemus,
sed quantum possumus. Quis.n. hominum dignè tibi
gratias agere posset pro iis, quæ dedisti eis in perceptio-
nem? Deus Abraam, Isaac, & Iacob, atq; omnium San-
ctorum, qui omnia produxisti per uerbum tuum, & ius-
sisti terræ, ut uarios ferret fructus in lætitiā & escā
nostrā, qui dedisti crassioribus & rudioribus herbiuo-
ris animantibus herbam, aliis carnem, aliis semina, no-
bis

bis frumentum in uictum opportunum & accommodatum, aliaque uaria partim ad usum, partim ad ualitudinem, partim ad delectationem: ob hæc igitur omnia & supra modum celebrandus, de beneficiis, per Christum in omnes collatis, per quem tibi gloria, honor, & cultus in sancto Spiritu in sæcula Amen.

Allocutio pro defunctis. CAP. XLVII.

DE iis autem, qui quicuerunt in Christo, postquã Diaconus absoluit orationẽ, ne idem repetamus, hæc addet, Pro quiescentibus in Christo fratres nostri rogemus, ut benignus Deus, qui ipsius animam suscepit, dimittat ei omne delictũ uoluntarium & inuoluntariũ. Et propitius illi factus, collocet eum in regione piorũ & beatorum in sinu Abrahæ, Isaac, & Iacob; cum omnibus, qui à sæculo placuerunt illi, & fecerunt uoluntatẽ ipsius, unde abest dolor, tristitia & suspirium.

Excitemus nos, & inuicem commendemus nos æterno Deo per uerbum, quod erat in principio.

Et Episcopus dicat,

Qui immortalis natura es, & nullo fine terminaris, à quo oẽ immortale & caducũ prodiit; qui rationale animal hominẽ Mundi ciuẽ, mortale in sua constitutione fecisti, & promissisti ei resurrectionẽ; qui Enoch & Eliã mortẽ experiri nõ permisisti, Deus Abrahæ, Deus Isaac, Deus Iacob, nõ mortuorũ, sed uiuentiũ Deus, quoniã omniũ animæ apud te uiuunt, & iustorum spiritus in manu tua sunt, quos non attinget tormentum; omnes enim sanctificati sub tua manu sunt. Ipse quoque nunc respice super hunc seruũ tuum, quem recepisti in alteram uitam, & condona ei, si quid uolens uel inuitus deliquit. & Angelos placidos constitue ei, & colloca
eum

eum in sinu Patriarcharum, Prophetarum, & Apostolorum, & omnium, qui tibi à sæculo placuerunt, ubi non est tristitia, dolor, neque horror, sed cætus piorum & lætantium, & terra rectorum beata uidentium gloriam Christi tui, per quem tibi gloria, honor, cultus, gratiarum actio, & adoratio in sancto Spiritu in sæcula Amen.

Et Diaconus dicat, Inclinamini & benedictionem accipite.

Et Episcopus agat gratias pro eis iis uerbis,
Salua Domine populum tuum & benedic hæreditati tuæ, quam redemisti precioso sanguine Christi tui. Pasce illos in dextera tua, & tege illos alis tuis, & da eis bonum certamen certare, cursum consummare, si dem seruare constanter, & laudabiliter per Dominum nostrum Iesum Christum dilectum puerum tuum, per quem tibi gloria, honor, & cultus in sancto Spiritu in sæcula Amen.

Quomodo oporteat, & quando fidelium defunctorum memorias celebrare; & quòd de facultatibus ipsorum erogandum sit pauperibus. CAP. XLVIII.

PERAGATUR dies tertius mortuorum in psalmis, in lectionibus, atque orationibus propter eum, qui tertia die resurrexit. Item nonus in cōmemorationem superstitum, atq; defunctorum; etiam quadragesimus, secundum ueterem formam. Mosem enim hoc modo populus luxit; nec non anniuersarium pro memoria ipsius, deturque de illius facultatibus pauperibus in cōmemorationem ipsius.

Quòd impios morientes nihil iuuant memoria uel mandata.

CAP. XLIX.

HÆC de piis dicimus; nã de impijs, & si oēs Mundi facultates dares pauperibus, tamen nihil eis prodesse. Nam cui uiuo infensus erat Deus, certè eidem mortuo est iratus; non est enim iniustitia apud eum. Iustus est enim Dominus, & iustitias dilexit. Et ecce homo, & opus eius.

De uinolentis.

CAP. L.

QVI ad memorias eorum uocamini, cum modestia, & cum Dei timore comedite, ueluti ualentes legatione fungi pro mortuis; cum sitis Presbyteri & Diaconi Christi, sobrii esse debetis, & priuatim, & cū alijs, ut possitis intemperantes coercere. Dicit autem Scriptura, Dynastæ sunt iracundi, uinum uerò non bibant, ne cum biberint, obliuiscantur sapientiæ, & recta iudicare non possint. Quare Presbyteri & Diaconi post Deum Omnipotentem & dilectum Filium eius, sunt Ecclesiæ Dynastæ: quod non ideo dicimus ne bibant; nam ceteroqui contumelia afficerent id, quod à Deo creatum est in lætitiā, sed ne uinolentiæ studeant: non enim dixit Scriptura, ne bibas uinum, sed quid dicit? Noli bibere uinum ad ebrietatem. & iterum, Spinæ nascuntur in manu ebrii. quod non solum de Clericis præcipimus, sed etiam de omnibus laicis, super quos inuocatum est nomen Domini nostri Iesu Christi; nam ipsis quoque dictum est, Cui uæ, cui tumultus? cui tristitiæ & nugæ? cui liuidi oculi, cui contritiones superuacaneæ? non ne commorantium in uino, & inuestigantiū ubi potationes sunt?

*Prou. 23**Eccle. 31**Prou. 26**Prou. 23*

De recipiendis ijs, qui per Christum persecutiones patiuntur.

CAP. LI.

RECIPITE eos, qui persecutionem patiuntur per Christum, & fugiunt de ciuitate in ciuitatem, sed quodd sermones Domini in memoria habent. Fugiunt enim quoniam sciunt spiritum promptum, carnem infirmam esse, & bona sua relinquunt diripiēda, ne confessionem nominis Christi abiicere cogantur. Erogate igitur eis in usum, mandato Domini obsequentes.

Quodd unusquisque manere debet in ea sorte, in qua est collocatus, & ordinem seruare, & non arripere quæ sibi commissa.

non fuerunt. CAP. LII. q. ignis non ignis

et non ignis, sed sicut sol, luna, astra, elementa,

ILLVD autem communiter omnes præcipimus, ut

unusquisque maneat in ordine sibi tradito, nec fines

transeat; non enim nostri sunt, sed Dei, nam Qui uos

audit (inquit Dominus) me audit; & qui uos spernit,

me spernit, qui uerò me spernit, spernit eum, qui mi

hi me. nam si inanima rectam ordinis dispositionem

conseruant, nox, dies, sol, luna, astra, elementa,

solstitia, menses, hebdomadæ, dies, horæ, & im-

positi terminos, quos non pertransibunt. & iterum de

Mari, Posui & terminos circumponens claustra & por-

tas; Dixi autem ei, Hucusque uenies, & non transgre-

dieris; quanto magis uos nihil debetis commouere ex-

istis, quæ nos diuinam secuti auctoritatem uobis prescri-

psimus. Sed quoniam plerique leue hoc putant esse,

ideo ordines confundere audent, & unicuique attribu-

tam ordinationem perturbare, arripientes sibi dignita-

tes

tes non commissas, & tyrannicè uendicantes sibi ea, quorum non habent potestatem; Ideoq; Deum irritat ueluti Coritæ, & Rex Ozias, qui præter phas, præterq; Dei uoluntatem sacerdotium inuaserunt, ex quibus Coritæ incendio conflagrarunt, Ozias in lepram incidit. Irritant quoque Spiritum sanctum, cuius testimonium euertunt. Quare prospicientes periculum impendens talium rerû auctoribus, negligentiamq; in sacrificiis, & Eucharistia prouenientem, ex eo quod offeruntur ab iis, quos non decet, quiq; ludum putant Pontificalem honorem institutum ad magni Pontificis Iesu Christi Regis nostri imitationem; propterea necessarium duximus, ut de iis rebus admoneremus. Dicimus itaque Mosem Dei seruum, quem Deus facie ad faciem alloquebatur, ueluti si quis cum amico loqueretur, cui dixit, Noui te præter omnes. cui coram loquebatur, non per species, nec per insomnia, nec per Angelos, uel ænigmata. hunc igitur uirum dicimus diuinarum legum rationem tradentem præscripsisse, quæ à Pontificibus administrari conueniret, quæ à Sacerdotibus, quæ à Leuitis, unicuique proprio & suo muneri accommodato cultu distributo: atque ea quidem, quæ Pontificibus præcepta fuerant, nephas erat sacerdotem attingere, quæ sacerdotibus mādabantur, ab iis Leuitæ repellebantur, sed quilibet intra commissi sibi ministerii fines se continebat; quos si quis transire uolebat, extremo supplicio puniebatur. Hoc uerò maxime docuit Saulis audacia, qui cū sacrificare decreuisset sine Propheta, ac Pontifice Samuele, suscepit in se peccatum. execrationemq; irreuocabilem, neque Prophetam deterruit, quod a se Rex unctus fuisset. Idem euidentius ostendit Deus in Ozia factō, à

Exo. 33.

Num. 12

NN quo

3. Reg.
12.

quo nulla interposita mora , commissi sceleris pœnam expetiuit ; & qui sacerdotium concupiuerat , regno est spoliatus . Nostras res fortasse non ignoratis . scitis enim à nobis Episcopos, Presbyteros, & Diaconos uocari, oratione & manuum impositione, differentia nominum , rerum differentiam indicantes : non enim unusquisque prout uult, apud nos implet manum, (quæ admodum regnante Ieroboamo , nepharii sacerdotii mos fuit, in illo uitulæ piaculo) sed qui à Deo uocatur. Nam nisi propria quædam iura essent , atque ordinum discrimina, satis esset ut per unum nomen uniuersa perficerentur . Sed à Domino edocti consequentiam rerum , Episcopis Pontificatus munera assignauimus, Presbyteris sacerdotii, Diaconis ministeria erga utroque, ut quæ ad religionem pertinent, purè perficiantur. Nam nec Diacono phas est offerre sacrificium, uel baptizare, aut benedictionem paruam uel magnam facere ; nec Presbytero ordinationes exercere : impium est enim ordinem peruertere ; non enim est Deus confusio- nis, ut inferiores superiorum officia tyrannicè sibi uendicent : noua instituta sibi fingentes in detrimentum suum, ignorantes durum sibi esse contra stimulum calcitrare . Non enim uel nobis uel Episcopis aduersantur huiusmodi homines, sed omniū Episcopo & Pontifici, Patris Iesu Christo Domino nostro . A Mose enim Deo charissimo Pōtīfices instituti sunt, sacerdotes, Leuitæ , à Salvatore nostro nos tresdecim Apostoli , ab Apostolis ego Iacobus , & ego Clemens, & nobiscum alii, ne iterum omnes numeremus . Communiter ab omnibus nobis , Presbyteri, Diaconi, Hypodiaconi, Lectores . Primus igitur natura Pontifex est unigenitus Christus, qui non sibi ipse honorem arripuit, sed con-

constitutus est à Patre, qui propter nos factus homo, & spirituale sacrificium offerens Deo & Patri suo, ante passionem nobis solis præcepit hoc facere; quanquàm præsentibus nobiscum essent alii, qui in ipsum crediderant, sed non omnino omnis qui credit, continuò sacerdos est, & pontificium consequitur honorem. Post autem assumptionem ipsius, nos oblato secundum eius ordinationem sacrificio puro, & incruento, constituimus Episcopos, Presbyteros & Diaconos numero septem, è quorum numero unus erat Stephanus beatus Martyr, qui in amore erga Deum nobis non erat inferior; quidq; adeò fide sua pietatem charitatemque erga Dominum nostrum Iesum Christum ostendit, ut pro ipso animam tradiderit, à Iudæis Domini interfectori-
bus, saxis percussus. Sed tamen talis ac tantus uir, qui spiritu feruens erat, & qui uidit Christum à dextris Dei, & Coeli portas apertas, nusquàm apparet iis officiis, quæ Diaconix non conueniunt esse usus, uel sacrificiū obtulisse, uel manus alicui imposuisse, sed usque ad finem Diaconix ordinem seruasse. Ita enim erat decens, ut Christi Martyr, ordinis dispositionē seruaret. Quòd si qui Philippum Diaconum nostrum, & Ananiam fidelem fratrem producant, quorum alter Eunuchum baptizauit, alter me Paulum; ignorant ipsi id, quod nos dicimus; nam dicimus neminem sibi arripere debere sacerdotalem honorem, sed uel à Deo esse accipiendum, quod fecit Melchisedech & Iob; uel à Pontifice ut Aaron accepit à Mose. Quare Philippus & Ananias non ipsi se elegerunt, sed à Christo promoti sunt incomparabili Deo.

The first part of the history of the United States of America is the period from the discovery of the continent by Christopher Columbus in 1492 to the establishment of the first permanent settlements. This period is characterized by the exploration of the continent by Spanish, French, and English explorers, and the establishment of the first permanent settlements by the English in 1607. The second part of the history is the period from the establishment of the first permanent settlements to the American Revolution in 1776. This period is characterized by the growth of the colonies, the struggle for independence, and the establishment of the United States as a new nation. The third part of the history is the period from the American Revolution to the present. This period is characterized by the development of the United States as a major world power, the expansion of its territory, and the growth of its population.

IO. CAROLI BOVII
EPISCOPI OSTVNENSIS,

Scholia in Clementis libros.



VNC in animo est, aliqua in iis libris percurrere, quæ nisi explicarentur, lectoris studium possent retardare. quod faciam in paucis quibusdam locis annotandis, non enim statui scholia in singulis sententiis scribere, sed tantum pauca, quæ dubitationem aliquam habet illustrare.

EX PRIMO LIBRO.

IN Cap. 3. ex Euangelio non solum ultio inimicorum prohibetur, sed etiam dilectio & amor erga eos præcipitur. seruauit enim sæpe hoc antiquitas, ut Consilia quæ appellantur, in præceptis numeraret.

IN Cap. 4. ne pruritu uexatus &c. hanc ego puto esse ueram huius loci sententiam. Iubet tonderi capillum, ne eo culto prouocetur mulieres ad amorem. Inquit igitur, si capillum nutrias, necesse erit tibi ob pruritum scalpere caput ac lacerare, ad hanc uerò molestiam fugiendam, caput comptum & ornatum te habere oportebit, idq; unguentis perfundere quo mulieres allicientur ad libidinem, ergo tonde capillum, ne capitis cultu opus habeas.

IN Cap. 7. illud [*si sophistica*] est nonnullis suspectum, qui si considerarent, sophistarum nomen fuisse aliquando in laude, atque ita appellatos eos, qui sapientiam & rerum omnium scientiam profiterentur, certè nihil de eo dubitarent. Clemens ergo Græcorum disciplinis eruditus, sophistica ea uocat, quæ ab hominibus doctis & uitæ magistris, sapienter sunt tradita.

IN eodem Cap. duo dicit à Christo antiquata, deuteroses, quas

SCHOLIA.

quas Hieronymus humanas traditiones, Epiphanius, seniorum traditiones appellat. eas uerò (teste eodem Epiphaniò in primo contra hæreses libro) Iudæi habebant quatuor libris digestas, quibus traditi erant ritus & ceremoniæ, quas à maioribus suis seruandas acceperant, quasque Dominus in Marci Euangelio reprehendit.

ETIAM inducta & adiecta quæ dicuntur, Christus abrogauit, quæ accesserunt Decalogo, ea sunt sacrificia, expiationes, atq; aliæ ceremoniæ præceptæ Hebræis, postquam in Aegyptiam superstitionem imitati absente Mose, uictulum adorauerunt. Iudicauit enim Moses, cum gens Hebræorum prona ad malum, diuinam legem, liberam atq; à natura in hominum animis insitam faciliè contemneret, eam ita in officio posse contineri, & à cultu simulacrorum abduci, si assidua ac necessaria rerum diuinarum occupatione detineretur. Inducta, quæ dicit mutata in melius, ut ipse alio in loco declarat, tria sunt, Sacrificia, quibus successit incruentum Eucharistiæ sacrificium; Aspersiones, quæ mutatæ sunt in baptismum; Adoratio, quæ tunc certo loco fiebat, nunc patet à solis ortu ad occasum; in omni enim loco sacrificatur & offertur nomini eius oblatio munda.

IN eodem Capite mirum uideri non debet lectionem librorum prophanorum ab Apostolis prohibitam, qui in primis illis pietatis rudimentis, ut abolerent omnia gentilitatis uestigia, non solum illa prohibuerunt, quæ sua sponte Christianæ pietati aduersabantur, cuiusmodi erant sacrificia, & reliquus Deorum cultus, sed etiam omnia illa, quæ suis admonitionibus refricare poterant ueteris erroris memoriam. Confirmata uerò religione, cum iam homines non fierent, sed nascerentur Christiani, liberior fuit legendorum huiusmodi librorum consuetudo, adhibito tamen iudicio atque delectu, ut ex illorum lectione fideles fructum capere, & ad pietatem possent proficere. Scripsit Basilius aureum libellum de utilitate capienda ex Græcorum disciplinis, quem auctorem sequentes fructuosè huius-

iufmodi libros legimus.

IN Cap. 10. prohibentur mulieres lauare unâ cum uiris ,
quod idem prohibuit Conc. Laodic. Can. 30. & fex. Syn.
Can. 77.

E X L I B R O S E C V N D O .

IN Cap. 29. [*Decima salutaris, initium nominis Christi.*] hoc
dicitur , quoniam nomen Iesu à Iota incipit , qua litera
Græci notant numerum denarium .

IN Cap. 30. [*ut qui Dei dignitate ornatus est, quatenus clero præst,*
& omni Ecclesia,] hanc eandem sententiam apertius atque
distinctius exprefsit . S. Ignatius in Epistola ad Smyrn. iis
» uerbis, Ego autem dico, honora Deum ut auctorem cun-
» ctorum ac Dominum, Episcopum uerò ut Pontificem,
» imaginem gerentem, quatenus imperat, Dei, quatenus
» sacerdotalia exercet, Christi .

OBSERVA in eodem Capite, in Ecclesiæ membris contine-
ri mysticas significationes per quædam accommodata, & (ut
ita dicam) appropriata muneribus, cum omnia in Eccle-
sia ita constituta sint, ut (quoad possunt) diuinam simili-
tudinem referant ac significant. Porro quod de Viduis di-
citur, eas altaris similitudinem imitari, id dictum, opinor,
ad significandam constantiam, ac firmitatem propositi ear-
um in statu uiduali. & quod pietatis officia, quæ in eas,
& in orphanos conferuntur, sunt quasi uictimæ in altari
collocatz ad faciendum holocaustum Deo. Virgines thu-
ribulum significant propter uirginitatis fragrantiam, & il-
los ex purissimis earum corporibus atque animis afflatos
odores, qui non solum per Ecclesiam diffusi omnia sua-
uitate complent, sed etiam in Cælum sublati Deum de-
lectant.

IN Cap. 31. quod traditur, non esse arripiendum sacerdotii
honorem, sed capiendum ab eo, qui diuina potestate ius
obtinere illud aliis dandi, atque alia, quæ diuinitus à Cle-
mente expofita, ad hunc locum pertinent, habentur in
Dionys.

S C H O L I A.

Dionys. de Eccl. Hierar. cap. 5. ut perspicuum sit, utrunq; hanc doctrinam, ex eisdem fontibus haustam, literarum monumentis commendasse.

IN Cap. 32. Presbyteræ quæ nominantur, sunt uiduæ, ita enim eas appellat in tertio libro cap. 5. quare aliæ sunt illæ Presbyteræ quarum mentio fit in Conc. Laod. Can. 31.

IN Cap. 59. noli mirari Iacobum fratrem Domini extra duodecim Apostolos numeratum, fuit enim hæc constans non modò Clementis, sed etiam Eusebii, Epiphani, Ambrosii, atque aliorum sententia. cui non obstat quòd in Epistola ad Galatas Paulus eum Apostolum nominat & columnam, cum ampliori uocabulo dicti sint Apostoli alii, qui præter duodecim ad propagandum Euangelium missi, Apostolatus munere fungebantur, quemadmodum dicimus. S. Martialem Apostolum Galliarum fuisse. meritò autem Iacobus columna uidebatur, cum esset Hierosolymitanorum Episcopus, omniaque ad stabilendum Ecclesiæ statum pertinentia, unà cum Apostolis administraret.

IN Cap. 60. sunt hæc uerba. [*Glorificent solum Deum, unum & uerum per unigenitum Christum*] quæ nullam nobis gignere debent suspensionem erroris, quasi non faciant filium honore ac diuinate parem, uniusque, atque eiusdem naturæ cum patre. nam cum sint translata ex Euangelio Ioannis, „ Vt cognoscant te solum Deum uerum. interpretatio, qua illa sententia exponitur, debet quoq; ad hunc locum accommodari. Eadem uerba, de Christo loquens, scripsit „ S. Ignatius in Epistola ad Magnesios. Iis, qui extra ciuitatem manebant, unum & solum uerum Deum nuntiavit. Sed erit locus opportunior, & magis proprius de hac ipsa re accuratè dicendi.

C A P U T sexagesimum primum continet informationem quandam eorum, quæ in octauo libro distinctius & accuratius describuntur. in eo enim traditur integra sacrorum ratio, ut nihil possit desiderari h'c breuis anticipatio eorum, quæ ibi fusius exponuntur.

IN eodem cap. Pastophoria existimo fuisse tabernacula quædam

dām, quasi armaria in fronte templi utrinque posita; in quibus Eucharistia, uestes, & uasa sacra condebantur.

OSCVLVM mysticum, in hoc ipso loco dari solitum, affirmat Dionysius, cum agit de synaxi. Cyrillus in mystagogicis orationibus. Laodic. Conc. in Can. 19.

IN Cap. 32. Mentio fit Agapæ. Christiani enim in principio religionis, in Ecclesiam conuenientes, simul epulabantur; ea conuiuia quoniam amore & charitate mutua celebrabantur, Agapæ sunt dicta, quæ quod confusionem Ecclesiæ Corinthiorum afferrent, reprehensæ sunt ab Apostolo, sed nihilominus saltem in aliis Ecclesiis diu manserunt. Eas post longum tempus prohibuit Concilium Laodicense, ne scilicet in Ecclesiis fierent, & postea Carthaginense; manserunt tamen; nam Canones Constantinopolitani, qui longo post tempore scripti sunt, de eis sanxerunt, nunc omnino in dissuetudinem atque obliuionem abiierunt.

IN Cap. 63. præcipitur, ut in sabbato ac die Dominico Christiani frequentius accedant ad Ecclesiam. quantum attinet ad sabbatum mos fuit priscorum, ut eo die quoq; cætus celebrarentur, & diuinæ scripturæ legerentur. de quo nobis forsân alio loco agendum erit.

TRES illæ solennes præcationes, quæ die Dominico conciebantur, patebunt in octauo libro; earum quoq; mentio fit in Conc. Laod. Can. 19.

EX TERTIO LIBRO.

IN Cap. 10. magnas benedictiones puto eas appellari, quæ sunt propriæ Episcoporum, paruas, quæ licitæ erant presbyteris.

IN Cap. 11. ministri sunt ii, qui alio nomine dicti sunt Subdiaconi, quod alio loco patebit, & Concilium Laodicorum mentionem facit. lege in eo Theodorum Balsamonem.

IN Cap. 15. & 16. quæ de ungendis catechumenis dicuntur,

tur, item de Chrismate, eadem habentur in Dionysio in capite de baptismo, & in Cyrillo in secunda & tertia catechesi mystagogica. in iis cognoscis, quod idem in aliis uetustis scriptoribus obseruatur, morem fuisse, ut statim post baptismum Chrismatis sacramentum daretur.

- IN Cap. 17. uides appellari Patrē super omnia Deum, quod idem in aliis locis inuenies, estque idem loquendi modus consuetus Ignatio, qui in Epistola ad Philippenses disputans contra eos, qui confundeabant Patris & Filii personam, sic inquit, Quomodo non uidetur tibi Christus natus ex Virgine, sed esse is qui est super omnia Deus. & ad Tarsen. de eisdem hæreticis scribens. Alii dicunt quod ipse est, qui est super omnia Deus. quod non ideo dictum est, quasi creditum sit ab eis, Deum uerbum, non esse item supra omnia Deum. legerant enim Paulum dicentem, Quorum Patres illi, ex quibus Christus secundum carnem, qui est Deus supra omnia in sæcula amen. Quid igitur causæ est, cur Deum Patrem solum, sic uocauerint? Auctoritas Principii, siue (ut antiqui Patres locuti sunt) excellentia causæ effecit, ut prisca illi omnem eminentiam soli Deo patri tribuerint, non quod illam Verbo & Spiritui sancto detrahere uoluerint, (longè enim abest talis ab eorum pietate sententia) sed quia hanc auctoritatis præstantiam Patri, qui est fons & origo diuinitatis tribuendam censuerunt. quod nonnullis testimoniis confirmabo. S. Ignatius ad Philippen. tractans illa uerba, quibus Dominus à se reiecit Diabolum, Vade retro Satana, scriptum est, Dominum Deum tuum adorabis &c. in persona Christi sic inquit, Ego cognosco qui sim, & à quo sim missus, & quem adorari oporteat, Dominum enim Deum tuum adorabis, & illi soli seruias, noui illum unum, agnosco illum solum, à quo tu defecisti, non sum Deo aduersarius; confiteor excellentiam; scio meæ generationis auctorem patrem. Et ad Smyrneneses, ita scribit, Qui rogauit ne deficeret Apostolorum fides, non quasi ipse non satis esset, ut illam seruaret, sed quod gaudebat excellentia Patris. S. Epi-

Epiphanius in eo libro, qui Ancyrotus dicitur, usus erat
 „ aduersus Arianos illa Christi sententia, Pater meus usque
 „ modo operatur, & ego operor. illi uerò ita ad eam respon-
 „ debant, quòd in ea Pater apparet primus operator, at-
 „ que ita constaret eum filio esse præstantiorem, Hoc ò Aria-
 „ ne (inquit Epiphanius) stultè dicis, & multa principia uis
 „ in diuinitate intelligere, unum uerò est principium, & ea-
 „ dem atq; una diuinitas, non reiicit autè à se Filius, Patris
 „ honorem, sed ostendit quomodo se habeat ipsa diuinitatis
 „ consequentia. Hæc Epiphanius. cum ergo honor Patri
 „ tribuitur, non eò fit, quòd idem honor non sit tribuen-
 „ dus filio, sed ut demonstretur diuinitatis consequentia,
 „ hoc est ordo originis, quemadmodum Filius æterno ortu à
 „ Patre naturam accepit. hanc quæstionem multo expref-
 „ sus declarat S. Basilii in libro, quem scripsit contra Eu-
 „ nomium, in quo diligenter tractat illum locum, Pater ma-
 „ ior me est. longamq; eius rei disputationem concludit iis
 „ uerbis, Reliquum est igitur, ut maius, hoc in loco dicatur
 „ secundum causæ rationem; quoniam enim à Patre Filius
 „ principium atque origo est, secundum hoc maior est pa-
 „ ter, ut causa & principium. propterea Dominus sic dixit,
 „ Pater maior me est. scilicet quatenus Pater est, Pater uerò
 „ quid aliud significat quàm quod est principium & causa il-
 „ lius, qui ab ipso est ortus. Non discessit ab hac sententia
 „ S. Hilarius, qui in nono libro de Trinitate, sic scripsit,
 „ Donantis auctoritate Pater maior est, nunquid per doni-
 „ cationem Filius minor est? maior itaque donans est,
 „ sed minor iam non est, cui unum esse donatur. ait enim,
 „ Ego & Pater unum sumus. si hoc non donatur Iesu, ut con-
 „ fitendus sit in gloria Dei Patris, minor Patre est; si autem
 „ in eadem gloria ei donatur esse, qua Pater est, habes & in
 „ donantis auctoritate, quia maior est, & in donati confes-
 „ sione, quia unum sunt. Maior itaque Pater filio est, &
 „ planè maior, cui tantum donat esse, quantus est ipse, cui
 „ innascibilitatis imaginem sacramento natiuitatis impar-
 „ tit, quem ex se in forma suâ generat. hæc Hilarius. quam

sententiam non semel in suis libris exposuit. hanc auctoritatem principii in Patre considerantes prisca illi, omnem dignationem ei soli tribuere uidentur. multa enim huiusmodi in Clemente legimus, in Pastore, Ignatio, Iustino atque aliis, qui ante Arianam hæresim uixerunt. qui omnes unam in tribus personis essentiam, paremque maiestatem uenerati, tamen celebrauerunt originem. postquam autem Arius cœpit filii dignitatem minuere, & alii Spiritum sanctum in numerum creaturarum aggregare; Patres omisso huiusmodi loquendi more, quem Euangelistarum & Apostolorum loquendi modum imitata, tenuit antiquitas; apertis uerbis tres personas æquales prædicauerunt, nihilque uni tribuerunt, quod non item cæteris tribuerent. hoc enim fieri solet, cum existunt hæreses, ut quod antea omitti posse uidebatur, cum nulla de eo esset controuersia, orta hæresi id diligenter, planè, apertè, sit enucleandum. atque ita ex hæresum immani peste hoc boni consequitur Ecclesia, ut sententiæ fidei, quæ antea nunquam agitata, obscuriores uidebantur, postquam oppugnari cœptæ sint, illustrentur, atque declarentur. Hæc fusius dixi, propterea quòd in Clemente aliqua sunt, quæ ad hanc normam dirigi oportet. tu uerò cum in ea incidēs, eam adhibe moderationem, quam tibi ii fontes ostendunt. quod statim serua in ea sententia, quæ in eodem capite de Spiritu sancto habetur, quem dicit à Christo doceri, & Christum annunciare. translatus est hoc ex. 16. Capite Ioannis sic dicentis, Cum autem uenerit Spiritus ille ueritatis, docebit uos omnem ueritatem. non enim loquetur à semetipso, sed quæcunq; audiet loquetur, & quæ uentura sunt annuntiabit uobis, ille me clarificabit, quia de meo accipiet, & annuntiabit uobis. in quibus uerbis, propter Spiritum sancti à Patre & Filio progressionem, agnosce in duobus spiratoribus auctoritatem unius principii, in Spiritu sancto nullam alienæ ab iis naturæ differentiationem. Quòd autem ita interpretari debeamus loca, quæ tam in scripturis, quàm in prisca patribus uidentur Spiritus

tus sancti maiestatem non ita extollere, docet. S. Basilius in eodem libro contra Eunomium, qui eadem uia progrediens, quæ de filio dixerat, ea accommodat ad Spiritum sanctum. eius uerba hæc sunt, Quæ est necessitas, ut si dignatione atq; ordine tertius sit Spiritus sanctus; sit quodque natura tertius. nam quod obtineat secundas post filium partes, fortasse pietatis ratio id tradit. tertia uerò uti natura, nec ex sanctis Scripturis didicimus, neque ueluti consequens eorum, quæ dicta sunt concludere possumus. nam quemadmodum Filius ordine, secundum post patrem locum habet, quoniam ab illo est genitus, & dignatione, quoniam principium & auctor ipsius Pater est, & quoniam per eum aditum, & accessum habemus ad Patrem; natura uerò nullo modo est secundus, quoniam una est in utroq; diuinitas; ita Spiritus sanctus, & si ordine ac dignatione Filio est submissus, (ut hoc omnino concedamus) non tamen eo modo, ut quasi differentis ab ipso natura existat.

Quod dicitur in eodem Cap. Spiritum sanctum assumi ut testem, translatus est à .15. capite Ioannis sic dicentis, Cum autem uenerit Paracletus, quem ego mittam uobis à Patre spiritum ueritatis, qui à Patre procedit, ille testimonium perhibebit de me.

In Cap. 20. obserua Presbyteri officia, quæ sunt hæc, docere, offerre, baptizare, benedicere populo; quorum quidem habet potestatem Presbyter, sed tamen illam exercere non potest, nisi concedente Episcopo: lege Ignatium Smytnenses sic instituentem, Nemo sine Episcopo aliquid agat eorum, quæ ad Ecclesiam pertinent, illa firma Eucharistia censeatur, quæ sub Episcopo fuerit. Et paulò post, Non liceat sine Episcopo baptizare, nec offerre, neque sacrum facere. quod idem de reliquis muneribus censendum est. nam hæc ipsa munera, quæ nunc contemnuntur, in ueteri Ecclesia exercebant Episcopi, ut aliquando sola causa fuerit accersendi Episcopum absentem in Paschæ tempore, ut Catechumenos instruere, & baptizare possent.

S C H O L I A.

posset, de Eucharistia uides in Clemente Episcopum semper illam peragere; de docendi munere nihil dico, cum in hoc præcipue uersetur Episcoporum officium. hoc uero est intelligendum quòd quanquam Presbyteri docendi munus habebant, tamen summa rei & doctrinæ iudicium Episcopo referuabatur, immo præsentè Episcopo Presbyteri desinebant munus suum, nisi ille aliud iuberet.

E X Q V I N T O L I B R O.

- I**N capite 7. Considera auream illam sententiam de baptismo sanguinis, cur Catechumeni cum eo morientes salui fiant. re ipsa enim commoriuntur Christo, alii in figura. hæc scribingenti uenit mihi in mentem alterius præclaræ sententiæ. S. Cyrilli, quæ fusiùs eandem rem explanat. ea
 » scripta est, in secunda mystagogia iis uerbis. O rem no-
 » uam & admirabilem, non uerè mortui sumus, neque uerè
 » sepulti, neque uerè crucifixi surreximus; In ueritate tamè
 » saluamur. Christus sic crucifixus est, & re ipsa sepultus &
 » uerè resurrexit; atque hæc omnia nobis donauit, ut imi-
 » tatione, passionum suarum participes facti, re ipsa sa-
 » lutem consequamur.
- I**N Cap. 12. Quod de hirco desio dicitur, uel fortè mende-
 fio, (nam ita quoque dici posset, si illud *μῆρ*, quod in
 Græco præmittitur, sit syllaba) mihi id cuiusmodi sit,
 compertum adhuc non est, fortè enim alii locum hunc
 illustrabunt.
- I**N Cap. 16. Considera rem insignem scilicet Iudam abfuisse
 cum data est Apostolis Eucharistia; Cyprianus enim se-
 cus sentit, in sermone de ablutione pedum, & Augustinus
 in Epistola. 163. & in explicatione decimi Psalmi, & in
 sex. tractatu in Euangelium Ioannis, & Chrysostomus in
 sermone de latrone. Theophylactus, etsi idem sentit, ta-
 men agnoscit eam opinionem, qua alii affirmant Iudam
 non adfuisse, nec eam reiicit. Existimaui aliquando Dio-
 nysium Areopagitam hoc affirmare. quod si certum habe
 rem,

rem, uix iam phas esse ducerem secus opinari; sed tamen cum Dionysii uerba diligentius expenderem, non ita certa mihi uisa est eius sententia. tantum enim affirmat Christum Eucharistiæ auctorem iustissimè excludere eum, qui non sanctè atque ad imitationem sui sacro conuiuio interesset. quæ quidem sententia hoc non obscurè innuit, non autem manifestis, & perspicuis uerbis asseuerat. Quare Maximus ex uerbis Dionysii, probabili quadam coniectura
 » raid colligit, cuius annotatio in Dionysii uerba hæc est.
 » Ex iis aliquis rationabiliter dicere posset, quòd postquam
 » exiit Iudas, tradidit discipulis Christus mysteria, ut qui iis
 » non erat dignus. Georgius Pachymeres hunc locum Dionysii nouo quodam modo explanat, putat enim Dionysium dicere, Christum tradidisse quidem Iudæ mysticum panem & calicem; mysteria uerò solis discipulis dedisse, postquam Iudas discessit. eius uerba hæc sunt, Excludit & segregat iustissimè Iudam, qui non sanctè conuiuio interfuerat, nam cum illum mystici panis & uini participem fecisset, mysteria discipulis, postquam ille è cœna discessit, solis tradidit, cum iis indignus esset Iudas. Cur igitur Iudam arcet à diuinis mysteriis, qui simul cœnauerat? Etenim docet, quòd non satis est tantum corporaliter adesse & conuiuium celebrare; non enim hoc cum communione habet similitudinem, sed oportet intellectu, & mente adesse. Hæc Georgius; qui dico asseuerat ex Dionysii sententia, unum Iudam participem fuisse cœnæ mysticæ, hoc est panis & uini mystici, non agni typici (hunc enim sensum manifestè explodunt uerba Dionysii & Georgii) aliorum mysteria data solis Apostolis. Quærerem ego libenter à Georgio, quæ tandem fuerint mysteria, quibus exclusus sit Iudas, & quæ solis credita sint Apostolis; cum prius omnes simul panem & uinum mysticum sumpsissent. si responderet fuisse sacramenti effectum & spirituales manducationem, rursum scire uellè ab eo, quid opus erat, ut propterea Iudas abesset? quòd si mysteriorum traditionem putat ipsam Eucharistiæ institutionem, iam hoc scripturæ

scripturæ aduersatur coniungenti Eucharistiæ institutionem cum eius dispensatione . Sumens panem fregit , & dixit , Accipite & manducate , hoc facite , &c . Itaque mihi magnæ tenebræ sunt non modò in Dionysii , sed etiam in paraphrasis sui uerbis , quæ dicere uolui ut admonerem lectorem , ut legens Dionysium , hanc rem etiam consideraret . mihi enim amplius de ea uidetur quærendum . hoc tamen est in ea commodi , quòd ad factum pertinet , ut siue hoc uel illo modo se habeat , nulla labes , neque peruersio si dei accadat .

IN eodem Capite , Eucharistiæ mysteria dicuntur antitypa corporis & sanguinis , quæ uox idem ualet , quod in Dionysio Symbola , hoc est signa . signa uerò cum audis , noli ab iis remouere signatum , ita enim illa signa sunt , ut etiam uerè & realiter contineant signatum , hoc est corpus & sanguinem Domini . patres uerò antitypa illa dixerunt , uel respectum habentes ad præcedentem substantiam , uel quia species sunt sacramenta corporis & sanguinis Christi , qui in eis continetur . appellationes enim plerumque ducuntur ab eo , quod apparet & sub sensum cadit .

PENE omiseram id , quod in secundo Capite tertii libri annotatione dignum uidetur . damnari enim uidentur nuptiæ , quæ mortua prima uxore iterantur . Scito autem huiusmodi nuptias non damnari , iustæ enim sunt ; reprehenditur autem intemperantia eorum , qui illas contrahunt . nam cum primis nuptiis diuino illi propagandæ solis præcepto satisfecerint , iterum iungunt connubia , quæ improbantur ab antiquis , non quòd putent ea nepharia , sed quòd sint indicia incontinentiæ , & libidinosi putentur , qui illa appetunt . Eam ob causam antiqui Canones bigamis penitentia tempus præscripserunt , quod legimus in Conc. Ancyran. Can. 19. & Neocesæ. Can. 3. & Laod. Can. 1. Tertullianus etiam cum recta sciret , has nuptias permissas tantum putauit : Hieronymus durior fuit bigamis , ita ut nisi lenius cum eo agatur , uix possimus illum à reprehensorum criminatione vindicare . redeo

nunc

nunc ad quintum librum.

I^N Cap. 18. quinti libri, in quo traditur seruandi Paschæ ratio, nihil iam annotandum est, sed id totum potius delendum, ut nothum ac nouum. quod luce clarius perspicui potest ex ea Epiphanii disputatione, qua utitur aduersus Audianos imitantes in Paschæ obseruatione Iudæorum consuetudinem. narrat enim Epiphanius Audianos sententiam suam defendisse auctoritate constitutionis Apostolorum, in qua cauebatur ne alii calculum Paschæ facerent ipsi, sed agerent Pascha quando fratres sui de circuncisione agerent, atq; id unâ cum eis celebrarent, agnoscitq; Epiphanius huiusmodi constitutionem, atque eam interpretatur, inquiens primum, dici in constitutione Pascha agendum, quâdo id agerent fratres de circuncisione, non fratres qui sunt in circuncisione, hoc est quando agerent ii Episcopi, qui de circuncisione & Iudæorum gente genus ducebant, quos scribit quindecim fuisse; deinde inquit, id factum fuisse ab Apostolis ad tuendam consensionis unitatem. Quare tantum abest ut ea, quæ in hoc capite legimus Apostoli statuerint, ut etiam contraria horum ab ipsis præcepta uideantur. Præterea orientales illi Iudaicum morem retinentes, nullam aliam excusationem, ut in Eusebio legimus, afferbant suæ obseruationis, nisi quod Ioannem & Philippum Apostolos imitarentur, testabaturq; Polycarpus Ioannis discipulus, se unâ cum Ioanne eo die Pascha celebrasse. Neque mirum est Apostolos in illis Ecclesiæ rudimentis eo die inter se egisse Pascha, quo ipsi cum Domino egissent. Sed quid opus est aliunde argumenta petere? ipsa constitutio se prodit, & tantum non uocem emittens, clamat se nouam esse; ait enim æquinoctium fieri uigesima secunda Dystris mensis, hoc est Martii. perspicuum est autem Christi tempore æquinoctium fuisse uigesima quinta Martii; tempore uerò Anatolii Laodicensi Episcopi, qui uixit, Probo imperante, anno Domini ducentesimo octuagesimo, æquinoctii tempus retrocesserat tribus diebus, solq; arietem ingrediens faciebat æquinoctium uernum undeci

mo Calendas Apriles, hoc est uigesima secunda Martii, quod narrat Eusebius in Ecclesiasticæ historiæ libro septimo. Quare noua est constitutio, fortasse edita post Concilium Nicænum, in quo Paschæ observatio ad eam rationem redacta fuit, ut post æquinoctium uernum, quarta decima luna obseruaretur, & die dominico, qui post plenilunium primus esset, Pascha celebraretur, quod factum est ea præcipuè ratione ne Iudæorum consuetudinem imitaremur, neq; bis in eodem anno Pascha ageremus. hoc enim accidere posset si tantum duodecim lunares menses obseruaremus, nulla æquinoctii ratione habita. aliquando enim post æquinoctium celebrato Pascha, eodem anno ante æquinoctium itidem celebraretur. initium enim anni ordiuntur ab introitu Solis in signum arietis. Existimo igitur, cum uerba Apostolicæ constitutionis uiderentur antiquæ illi, & ab Ecclesia reiectæ Paschæ celebrationi quodammodo fauere, uiros pios illa uerba, ne offensionis causam præberent, & aliquos in errorem inducerent, delcuisset, reposuisseque receptam & probatam ab Ecclesia obseruandi Paschæ rationem.

IN Cap. 19. intellige Christianos olim sex diebus ante Pascha siccis cibis uesci solitos, cuius moris mentionem facit Epiphanius in libro tertio aduersus hæreses.

IN Cap. 21. illa auctoritas, qua dicitur quod Dominus accepit ignem à Domino, & alia, qua Iacob fatetur se uidisse Deum facie ad faciem, item illa de rubo, quem uidit Moses ardentem, meritò accommodantur ad filii Dei personam; fuit enim hæc constans præcorum procerum sententia, iis & huiusmodi aliis uisionibus, Christum Dei demonstratum. possem ad hoc probandum unanimem Patrum omnium consensum in medium afferre, sed breuitati studens, contentus ero una sancti Leonis sententia, quæ scripta reperitur in Epistola 13. ad Pulcheriam Augustam, iis
 » uerbis, Potuerat quippe omnipotentia filii Dei sic ad docendos iustificandosq; homines apparere, quomodo Patriarchis & Prophetis in specie carnis apparuit, cum aut
 » luctamen

» lactamen iniit, aut sermonem conferuit, cum u'e offi-
 » cia hospitalitatis non abnuuit, uel etiam appositum cibum
 » sumpfit, sed illæ imagines huius hominis erant indicia, cu-
 » ius ueritatem ex præcedentium Patrum stirpe sumendam
 » significationes mysticæ designabant.

I N eodem Capite, cum dicitur Deum Verbum, Deo ipsius
 ac Patri in condenda rerum uniuersitate ministrasse, cau-
 tus esto, & memento eorum, quæ de auctoritate Principii
 sunt dicta. noliq; putare illud ministerium efficere filium
 minorem Patre; ministrat enim quatenus sapientia & ars
 Patris existit, per quam uniuersa sunt condita. Iustinus
 in dialogo, quem cum Tryphone habuit, opera filii Patri
 cooperantis, ministeria appellat, filiumq; Patris ministrũ,
 scilicet ea ratione, qua dictum est, Verbum esse rationem
 artemq; Patris in rebus creãdis, productumq; à Patre, qui
 ei una cum essentia eandẽ operandi potestatem dedit. quare
 ut hic ordo significaretur, Patres aliquando ministerium
 filio tribuerunt. Non potuit autem hæc res planius expli-
 cari, quàm est à Tertulliano explicata in lib. de Trinitate, I
 cuius uerba hic subieci, quoniam instar normæ esse de-
 bent, ad quam hæ, quæ duriores uidentur, priscorum sen-
 tentiæ, sint dirigendæ. Sic igitur in fine eius libri inquit
 Tertullianus, Subiectis enim ei quasi filio omnibus rebus
 à Patre, Patris quidem sui Filius probatur, cæterorum au-
 tem & Dominus & Deus esse reperitur. Ex quo dum huic,
 qui est Deus, omnia substrata traduntur, & cuncta sibi sub-
 iecta Filius accepta refert Patri, totã diuinitatis auctori-
 tatem rursus illi remittit; unde unus Deus ostenditur
 uerus & æternus Pater, à quo solo hæc uis diuinitatis e-
 missa, etiam in Filium tradita & directa rursus per sub-
 stantiæ communionem ad Patrem reuoluitur. Deus qui-
 dem ostenditur Filius, cui diuinitas tradita & porrecta
 conspicitur, & tamen nihilominus unus Deus Pater pro-
 batur, dum gradatim reciproco meatu illa maiestas, atq; di-
 uinitas ad Patrem, qui dederat eam, rursus ab illo ipso
 filio missa reuertitur & retorquetur, ut meritò Deus Pa-

S C H O L I A

ter omnium Deus sit, & principium Filii sui, quem Dominum genuit: Filius autem cæterorum omnium Deus sit, quoniam omnibus illum Deus pater præposuit quem genuit: ita mediator Dei & hominum Christus Iesus omnis creaturæ subiectam sibi habens à Patre proprio potestatem qua Deus est, cum tota creatura subdita sibi concors Patri suo Deo inuentus, unum & solum & uerum Deum Patrem suum, manente in illo quod etiam auditus est, breuiter approbavit. Est igitur ipse filius creaturarum conditor unà cum Patre, *διευθυντής* omnino, ita enim aliis in locis eum Clemens appellat, hoc est opifex atque auctor, non *ὑποπυγός* quemadmodum Arius & Aetius impiè dicebant; facientes eum quasi secundarium Deum submissum ac subordinatum primo conditori, quorum opinionis diritas à Christianis mentibus longè repellatur.

E X S E X T O L I B R O .

IN Cap. nono animaduerte ferè earundem hæresum mentionem fieri in Epistolis Ignatii. De Prophetia, & de Monarchia Sermones à Petro cum Simone habitos, scriptos à se testatur Clemens in Itinerario.

QUAE in quinto decimo Capite habentur, atque omnia ea, quæ pertinent ad Concilium illud Apostolorum, cuius in Aëtis sit mentio, non sunt continuanda cum aliis, quæ primo loco dicta sunt, in quibus mortis Iacobi Episcopi facta est mentio, quare dirige hæc ad eam normam, quam posui in Prolegomenis cum de methodo agerem.

IN eodem Cap. nomen Iacobi Zebedæi delendum est, negligentia enim uel imperitia alicuius huc irrepsit, cum Iacobus Zebedæi filius antequàm hæc gereretur, ab Herode fuerit interfectus, id quod in Aëtis Apostolorum legitur.

IN Cap. 16. statuitur iterandum esse baptismum ab hæreticis administratum, quod conuenit cum quadragesimo septimo Canone eorundem Apostolorum; iudico autem Apostolos id statuisse quòd ii, qui eo tempore hæreses sequebantur

Et abantur, cum de diuinis personis falsa atque impia opinarentur, non potuerunt seruare synceram baptismatis formam, proptereaqu; necessarium erat instaurare baptismum in iis, quos ipsi baptizassent. quod idem statuit Nicæna Synodus in Canone. 19. de iis, qui à Paulianistis fuerant baptizati. ii enim à Paulo Samosatensi profecti. Christi diuinitatem labefactabant. quam impietatem postea Arius & Aetius magis peruulgarunt. Narrat Epiphanius formam baptismatis seruata ab Actio, quæ hæc erat, In nomine Dei increati, & in nomine Filii creati, & in nomine Spiritus sanctificatis, & à creato Filio creati. Quis non uidet, hoc modo, tota fide euersa, necessariam fuisse baptismi renouationem? idem existimo de iis, quos re-baptizari noluerunt Apostoli.

IN Cap. 24. noli putare uniuersum populum Romanum eo tempore, Christi fidem amplexum fuisse, sed cum multi essent in Vrbe Christiani, tamque religio esset celebris, præsertim si ab ea (ut legitur) Tiberius non abhorruerit, propterea hanc rem extollens Clemens, inquit, Romanos recepta Christiana pietate, ab Idolorum cultu discessisse.

IN Cap. 26. recognosce easdem hæreses numeratas ab Ignatio, in quibus animaduerte illud idem, quod in decimo septimo Cap. tertii libri dictum est de Deo, qui est supra omnia. Hoc loquendi more à Clemente accepto usi sunt Ignatius, & Iustinus, cum Trinitatis personas distinxerunt. quod quoties occurreret, reuoca in memoriam, quæ de hac re in eo loco annotata sunt. ita enim omnis erroris suspitio aberit.

EX SEPTIMO LIBRO.

IN Cap. 23. Non debes mirari, quod ieiunium ante baptismum præcipitur, cum præcipue ob eam causam putem Catechumenos olim in nocte magni Sabbati baptizatos. Narrat Cassiodorus Burgundiones, cum uexati ab Hunnis

nis in Galliam transissent, Christianamq; pietatem recepissent, à quodam Episcopo baptizatos fuisse, indicto ipsi prius octo dierum ieiunio. Tertullianus in libro de
 » Baptismo, Ingressuros, inquit, baptismum, orationibus
 » crebris ieiuniis, & geniculationibus & peruigiliis orare
 » oportet, & cum confessione omnium retrò delictorum.

IN Cap. 24. quartæ & sextæ seriz ieiunium præcipitur, quod diu mansit in Ecclesia, nunc (quod est dolendum atque lugendum) cum aliis optimis maiorum institutis in dis-
 suctudinem abiit. Præcipitur quoque sabbati celebritas, quam tamen cum diei Domini cultu minimè æquatam, ostendit huius libri caput trigesimum quartum. non est autem mirandum Apostolos æconomia, atque consilio usos, aliquid Synagoga ad Ecclesiam migranti concessisse, altè enim in ea insederant ueteres ceremoniæ; ut non ad eò facile aboleri possent. Fuit tamen hic mos (ut uidimus in secundo libro) ita retentus, ut in eo die meditatio diuinæ legis esset, non manuum cessatio. Concilium Laodicenum iubet in Sabbato congregari Ecclesiam, idemq; prohibet, eum diem more Iudæorum custodiri. Etiam quod hîc statuitur de unius magni Sabbati ieiunio, agnosco priscum morem, sed eundem accessione meliorum legum exoletum. nam Ecclesia Romana, quæ Apostolica utens potestate, singula pro conditione temporum in melius mutat, non fuit contenta unius Sabbati ieiunio, sed instituit, ut idem mos in omnibus Sabbatis seruaretur. de ea re, atq; aliis eò spectantibus extat præclara Innocentii primi epistola ad Gaudentium Egubinum Episcopum.

IN Capite. 39. nota Patrem appellari Deum ingenitum, alibi filius dicitur Deus genitus. quæ uoces & si molliores sunt, suspectæ tamen fuerunt patribus, cum ab Arianis usurparentur, qui ingeniti & geniti differentiam induxerunt, putantes ex ea filii naturam diuersam fieri à patre. Duces illi Ecclesiæ, & si uoces non aspernabantur (non enim id efficiunt, quod uolebant Ariani) tamen quoniam
 ir

in scripturis non reperiuntur, & eis utebantur hæretici, quorum etiam uocabula timēda sunt, ideo in eis recipiendis, cautionem adhibendam censuerunt; lege Epiphaniī di-
 sputationem contra Aerium, & Basilii cōtra Eunomium. Magnus Athanasius in epistola de synodis Arimini & Seleucia, duo inquit significare ingenitum, id quod existens, factum non est, & id quod suæ naturæ auctorem non habet: ad priorem significationem respiciens, filium ingenitum uerè dicere poterit, idem si alteram spectet, id de solo Patre uerè affirmabit. postea idem sanctissimus Pater, sciens iis uocibus ufos priscos, præscribit nobis, quemadmodum in eorum libris hæ uoces sint intelligendæ; inquit enim, Non ignoramus eos, qui dixerunt unum esse ingenitum Patrem, non eo animo scripsisse, quasi Verbum Dei genitum, hoc est factum, & opus esse uellent, sed ideo, ut ostenderent, Patrem sui auctorem non habere, sed illum Patrem sapientiæ esse, & omnia genita, hoc est quæ facta sunt, in sapientia fecisse. Cum igitur incidēs in hæc uerba (incidēs autem sæpe) noli exstimmare ea iniecta ab Ariānis, & si ipsi iis uocibus delectati sunt, sed illa accipe quem admodum Athanasius est interpretatus. nunc cū expulso Arianorum errore integra sinceraque manserit Homousii fides, has uoces non ita perhorrescimus.

IN Cap. 40 dicitur Christus genitus beneplacito Patris, non quod uoluntas Dei Patris ei ortum dederit (omnibus enim creaturis, ut inquit Hilarius, substantiam, Dei uoluntas attulit, sed Filio natura dedit) sed dicitur genitus beneplacito Patris, quatenus in eo naturaliter genito quiescit beneplacitum Patris, Hic est enim, inquit, Filius meus dilectus, in quo mihi complacui. pari sententia Origenes inquit, Patrem protulisse germen uoluntatis.

IN Cap. 43. sunt hæc uerba, [post hæc adorat ipsum unigenitum Deum, post ipsum, & propter ipsum gratias agens ipsi,] quorum uerborum hæc est sententia. adorat unigenitū Deum post ipsum, id est post Deum Patrem, ut ex eo intelligatur ordo originis, & in Patre principii dignatio, ut iam diximus,

mus, & propter ipsum, siue per ipsum, idest per Filium gratias agat ipsi Patri.

I^N Cap. 42. 43. 44. habes benedictionem olei Catechumenorum, aquæ baptismalis, & Chrismatis. intelligendum est autem priscos illos magnam uim tribuisse horum elementorum sanctificationibus. Tertullianus in libro de Baptismo sic inquit, Igitur omnes aquæ de pristina originis
 » prerogatiua sacramentum sanctificationis consequun-
 » tur, inuocato Deo; superuenit enim statim Spiritus de
 » Cælis, & aquis superest, sanctificans eas de semetipso, &
 » ita sanctificatæ uim sanctificandi combibunt. Cyprianus
 » ad Ianuarium. oportet uerò mundari & sanctificari a-
 » quam prius à sacerdote, ut possit baptismo suo, peccata
 » hominis, qui batizatur, abluere. Augustinus tract. 80.
 » in Euangelium Ioannis, Detrahe uerbum ab aqua, quid
 » erit nisi aqua, accedit uerbum ad elementum & fit sacra-
 » mentum. Ante hos Dionysius in Capite de baptismo ex-
 » ponit quemadmodum aqua per Spiritus sancti inuoca-
 » tionem, & sacri Chrismatis permissionem sanctificata,
 » praparabatur ad baptismum. Cyprianus in sermone de
 » Chrismatis unctione, sanctificatis (inquit) elementis
 » iam non propria natura præbet effectum, sed uirtus diui-
 » na potentiùs operatur. Cyrillus Hierosolymitanus, qui
 » has ipsas baptismi ceremonias tradidit, de oleo exorciza-
 » to, (ita enim appellat oleum Catechumenorum) post mul-
 » ta alia hæc inquit, Quemadmodum insufflationes sancto-
 » rum, & diuini nominis inuocatio, quasi uehemens flam-
 » ma urit atque fugat dæmones, ita hoc oleum exorciza-
 » tum, inuocatione Dei, & oratione tantas acquirit uires,
 » ut non solum ardentia peccatorum uestigia deleat, sed et-
 » iam omnes inuisibiles dæmones expellat.

I^N Capite. 44. uerba sunt obscura, [*inimicusque enim manus*
impositionis uirtus hæc est] si mendum absit, sententia (nisi
 fallor) est huiusmodi, In qualibet manus impositione tam
 ena quæ fit in baptismo, quam ea quæ fit in sacramento con-
 firmationis, uirtus hæc est, idest uirtus in sanctificatis ele-
 men-

mentis consistit , quatenus sacramenta illa requirunt materiam per inuocationem Spiritus sancti sanctificatâ atque præparatam , sine qua sacramentum ritè administrari non potest : quæ sententia ualde conuenit iis , quæ mox sequuntur. [*nisi enim super quodlibet horum inuocatio fiat &c.*] in quibus uerbis esto cautus , & primum illud tibi statue , sanctificatione materię baptismi magis requiri præcepti , quàm sacramenti necessitate. Sancti Patres tamen , tam ii , quorum uerba protuli , quàm alii non pauci , illam inuocationem Spiritus sancti super aquam magno opere extollunt , atque ei immensa tribuunt , ut non mirum sit Clementem quoque adeo eam commendasse . nam eius dictis minime aduersatur , ut quis non adhibita ad baptismum aqua sanctificata , uerè sit baptizatus , & si absit contemptus uel negligentia , sacramenti fructum consequatur . non enim negat Clemens illum esse uerè baptizatum , sed inquit , non abieciſſe eum animæ sordes , hoc est , non esse affecutum baptismi effectum . quod intellige , si præter necessitatem , seu aliam œconomicam rationem eam omiserit .

CONVERSIONEM ad Orientem explanans . S. Cyrillus , cuius sæpè mentionem feci , hæc inquit , Quando abrenuncias iathanæ , omni testamento , ueterique pacto in inferno cum eo inito rescisso , aperitur tibi paradisiſus Dei , quem plantauit ad Orientem , unde propter præuarcationem primus pater noster fuit expulsus , cuius rei signum est , cum ab Occidente conuerteris ad Orientem , qui locus est . Omnes alias baptismi ceremonias à Clemente expositas , Dionysius , Tertullianus , Cyprianus , Cyrillus , Augustinus , & denique priſci omnes agnoscunt .

CAPVT 47. continet hymnum Angelorum , quem quoniam , S. Hilarius , paucis mutatis , in latinum conuertit , atque in missam inſuſit , Concilium Toletanum quartum , & quidam alii eum huius hymni auctorem faciunt .

IN Capite primo, in quo sermo est de Episcopis impro-
 bis, quasi ii non sint veri Episcopi, caue ne hæc sententia
 tibi sit occasio sequendi errorem Hulsitarum negantium
 Episcopum, presbyterum uel mortali peccato obstructum
 esse Episcopum, uel presbyterum. non enim ita est acci-
 pienda Clementis sententia, quasi uelit eos, qui huiusmo-
 di sunt, amittere potestatem, quam in ordinatione ac-
 ceperunt, sed eos negat esse Episcopos, quatenus officia
 ac munera, quibus funguntur, non sunt grata atque ac-
 cepta Deo, immo neque electio ipsorum ei tribuitur, sed
 hominibus. sunt igitur hi Episcopi quo ad potestatem:
 non sunt Episcopi, quo ad Deum attinet, quia institutio-
 nes ipsorum, atque officia, quæ postea exercent non sunt
 probata Deo. Ioannes Chrysostomus hanc quæstionem
 pertractans, ad eius explicationem produxit Clementis
 sententiam, cuius uerba audiamus. Diaconis autem &
 » Presbyteris secundum præuidentiam suam, illis uidetur
 » Deus iniungere ministerium Diaconatus aut Presbyterat-
 » tus, qui sunt iusti; qui autem inueniuntur iniusti, illos or-
 » dinasse homines uidentur non Deus. ab exitu ergo rei co-
 » gnoscitur, qui à Deo ordinatus est, & qui ab hominibus.
 » qui enim ministerium suum bene consummauerit, appa-
 » ret quia ex Deo fuerat ordinatus, qui uerò ministerium
 » suum non bene consummauerit, ex hominibus ordinatus
 » est. Quomodo autem quidam sacerdotes ex hominibus or-
 » dinantur, manifestè in libro octauo Canonum Apostolo-
 » rum dicitur. Hieronymus quoque in Cōmentariis in Epi-
 » stolam ad Galatas asseuerat, eos esse ab hominibus ordina-
 » tos, qui indignè, fauore populi, patientiam Domini con-
 » temnentes, diuino sacerdotio contra meritum ordinan-
 » tur. tales igitur non sunt sacerdotes. hoc est Deus non ele-
 » git eos, ut essent sacerdotes, neq; ipsorum muneribus ac-
 » quiescit diuini beneplaciti consensio, quâquam ex ui ordi-
 » nationis consequuntur diuinitus sibi delatam potestatem.

IN Cap. 3. uide id, quod etiam in Dionysio legitur, signum externum, quo instituuntur Episcopi & cœlestem accipiunt potestatem, esse impositionem libri Euangeliorum ceruicibus illorum, qui instituuntur; cuius rei rationem cognosces ex eodem Dionysio, ex qua plura possunt intelligi, quàm mihi modò breues annotationes scribenti, & offensiones uitanti, explananda uidentur.

IN eodem Capite tertio, Pater appellatur cunctorum opifex per Christum, qui (ut diximus) est ars & sapientia patris, per quam facta sunt sæcula.

IN quarto præcipit Catechumenis, ut se commendent Deo ingenito per Christum, & meritò, per eum enim habemus accessum ad Patrem.

IN nono & decimo cap. qui illuminantur, sunt ii Catechumeni, qui de fide instructi, & diu in Ecclesia uersati, breui erant ad baptismum accessuri.

IN cap. decimo sexto, attende uerba præfationis, quibus etiam nunc utimur, ab Apostolis manasse. ac ne constitutio nouitatis suspicionem tibi afferat, lege Cyrillum, qui in mystagogicis orationibus hunc ipsum Liturgiæ morem exposuit, totidem uerbis de Clemente translatus, ex quo facillè intelligitur liturgiam Clementis Hierosolymis in usu fuisse. eadem uerba leguntur in Basilio, & Ioanne Chrysostomo, Iustinus & si uerba non retulit, tamen eorum uim expressit. In eodem cap. dicitur Filius uoluntate & potentia Patris generatus, quibus uerbis explanatur recta de origine filii sententia. est enim potentia generatiua Patris principium generationis filii, cuius æterna uoluntas est comes.

IN cap. 17. [*ut ostendat hunc panem corpus Christi tui*] hoc est ut efficiat, hanc enim uim habet Græcum uerbum. Eadem uerba sunt in Liturgia Iacobi, Basilii, Chrysostomi, quæ ne mini suspicionem afferre debent, quasi aliis uerbis, quàm iis, quæ à Domino accepta se nobis tradere affirmat Paulus, putauerint ii Patres panem & uinum in corpus & sanguinem conuerti. constans enim & perpetua fuit omnium

patrum sententia, uerbis Domini tantum mysterium ad-
ministrari. Quod uerò hoc loco dicitur, ad superiora uerba
respectum habet, & ad illa referri debet. ut enim quæ ante
consecrationem dicuntur, ad oblationem corporis & sangui-
nis Christi dirigenda sunt, sic quæ post consecrationem my-
sticè precatur, & facit sacerdos, ad unum peractæ consecra-
tionis actum trahuntur. Sacerdos ante consecrationem te-
nens manu patenam, & calicem, dicit se offerre hostiam im-
maculatam pro peccatis, & calicem salutaris, quæ actio re-
spondet oblationi corporis & sanguinis faciendæ, tunc an-
ticipatione quadam sacerdotis mente atq; proposito con-
ceptæ, ita post consecratam eucharistiam inuocatur Spiri-
tus sanctus illorum munerum sanctificator, & peracti ope-
ris una cum Patre & Filio effector, quæ inuocatio non est
separanda à priore actione, qua sacerdos, uerba Domini
proferens, panem & uinum consecrauit, sed ad eundem ac-
tum reuocari debet, immo ad idem temporis momen-
tum, quo illa admirabilis conuersio facta est. nam cum om-
nia simul, atque uno tempore fieri non possint, ordine,
ac temporis interuallo disponuntur. quæ uerò sermone &
tempore diuiduntur, cogitatione atque intelligentia sunt
in unum coniungenda. Græci cum in Concilio Florenti-
no interrogati essent, cur post uerba Domini prolata,
quibus consecratio absoluitur, precarentur Deum ut pa-
nem & uinum in corpus & sanguinem conuerteret, respon-
derunt, se constanter credere consecrationem uerbis Do-
mini perfici, preces autem illas eam uim habere, atq; idem
ualere, quod in Latinorum Liturgia oratio, quæ post con-
secrationem dici consuevit, Supplices te rogamus omni-
potens Deus iube hæc perferri per manus sancti Angeli
tui in sublime altare tuum, in conspectu diuinæ maiesta-
tis tuæ.

IN cap. 18. habetur oblatio pro Prophetis, Apostolis & Mâr-
tyribus, quæ fortè alicui uidebitur absurda, eo quòd in-
iuriam (ut inquit Augustinus) facit Martyri, qui orat pro
Martyre. Tu uerò intellige hoc loco non modò nihil ab-
sonum

sonum fieri, sed etiam maximè pietatem coli. audi autem non me, sed Cyrillum, cuius nomen toties repetui, hanc sanctorum memoriam exponentem iis uerbis, Atq; hoc » sacrificium tibi offerimus, ut memores simus, primùm » eorum, qui dormierunt, Patriarcharum, Prophetarum, » Apostolorum, Martyrum; ut Deus orationibus & inter- » cessionibus ipsorum nostram deprecationem suscipiat. » deinde ut in memoria habeamus sanctos patres, qui dor- » mierunt, atque Episcopos, & deniq; omnes, qui nos præ- » cesserunt, magnam utilitatem credètes accessuram eorum » animabus, pro quibus offertur, ex oratione sancti & tre- » mendì sacrificii. Habes in Cyrillo duplicem ordinem dor- » mientium, quorum in sacrificio fit mentio, unum constan- » tem ex Patriarchis, Prophetis, Apostolis, Martyribus, qui » ideo memorantur, ut nostræ necessitatis ipsi memores, ro- » gent Deum pro nobis, alterum ordinem eorum, quorum » necessitati nos oratione & sacrificio subuenimus. Præter » hæc; quæ dicit Cyrillus, uidetur Christianæ pietati maxi- » mè consentaneum, ut sacrificium etiam pro Patriarchis, » atq; Apostolis offerri dicatur, non quidem ad delictorum » expiationem, sed ad gratiarum actionem. aguntur enim » gratiæ Deo, quòd illi athletæ, & pugnatore magni, post » tot susceptos labores, & gloriam Dei celebratam, dignam » suo certamine gloriam acceperunt. De aliis autem, qui- » bus sacrificio opem præstamus, nihil iam attinet dicere, » cùm continuata traditione, constantiq; omnium patrum » testificatione, certum iam sit ab incunabulis Ecclesiæ, toto » Orbe Christiano, atque omnibus temporibus, mortuo- » rum memoriam supplicationibus & sacrificiis cultam ac » celebratam fuisse.

IN Cap. 17. memoratur impositio manuum, quæ fiebat Diaconissis, quod pugnat cum decimo nono Canone Concilii Nicæni, negante Diaconissas manuum impositionem habere. Item quod dicitur de imponenda manu Hypodiconis, & iis, qui in minoribus gradibus collocantur, est omnino mihi dubium, cùm canonica auctoritate constet, manuum

manuum impositionem infra diaconatum nō descendere.

IN Cap. 35. ne sit tibi mirum creaturam, Dei inuocatione, solemnique precatione sanctificatam, adipisci facultatem expellendorum morborum, quæ etiam demones fugare solet. refert S. Thomas se in historiis legisse, Anachoretas, qui in Aegypti solitudine uitam ducebant, uicinis mittere solitos oleum benedictum ad curandos morbos idoneum.

IN eodem cap. ancilla libidini domini obsequens recipitur. cum enim ipsa sui corporis potestatem non habeat, merito culpa non in eam, sed in dominum est reicienda.

PRÆCEPTIO quiescendi in diebus Apostolorum, fortè post tempora Apostolorum adiecta fuit, quanquam incredibile non est Apostolos suum exitum in Dei gloriam, & fidei propagationem futurum prospicientes, uoluissè, ut iis diebus fideles in commemorandis eorum certaminibus & Christi nomine celebrando essent occupati.

CONSTITVTIO iubens seruum & ancillam separari, intelligenda est, si ii inuitis dominis, seu omnino non iustis uuptiis sint copulati.

IN Calce ultimi Capituli, in quo de institutione sacrificii agitur, habentur uerba quædam, quæ ansam præbere possent, ut ii libri sint contemnendi. inducuntur enim tresdecim Apostoli dicentes se à Christo ordinatos; quod mirum esset si Christus omnium Ecclesiæ munerum institutor, & autor, suam excellentem potestatem sacramentis alligasset, uel eam certis finibus circumscriptam, unum in locum inclusisset. Matthias supra quem cecidit fors, hoc est (ut Dionysius interpretatur) signum uisibile apparuit, ut Apostolus, sic sacerdos à Domino est electus: Paulum, non ab hominibus, neque per homines electum, omnia munera ab eo accepisse, censendum est, qui cum uas electionis instituit. Subiungit Clemens in personam Apostolorum. Qui propter nos factus homo, & spirituale sacrificium Deo tuo & Patri offerens, ante passionem nobis præcepit solis, ut hoc faceremus, quanquam nobiscum essent

» essentialii, qui in illum crediderant. Iis uerbis aiunt Cle-
» mentem censere tresdecim Apostolos fuisse cùm Dominus
mysticam cenam celebravit. quæ tamen uerba non sunt re-
ferenda ad superiora, sed intelligenda solùm de iis, qui tunc
præsentes fuerunt. nosti enim ex mea obseruatione, Cle-
mentis morem ita inducentis Apostolos loquentes, ut ser-
mo præsens ad præterita referatur, & quamuis omnes lo-
qui uideantur, iis tamen solis tribuatur narratio, qui
rei, quam exponunt, præsentes interfuerunt.

F I N I S.

RERVM, ET VERBORVM MEMO-
 RABILIVM, QVAE HIS CLEMENTIS
 LIBRIS CONTINENTVR, INDEX
 LOCVPLETISSIMVS.

GVIDO MELDINAEVS ANGL. LECTORI S.

Si Indice hoc nostro commodè uti uolueris, numerorum notas depraua-
 tè multis in locis à Typographis appositas emendabis, & ubi
 literam *A*, inuenies, rem aut uocem, quam inuenire
 uolueris, in cartæ fronte perquires, ubi au-
 tem, *B*, intergo: & laborem no-
 strum boni consules.

A



BREVNCLATIO *Sathana* per baptizan-
 dum. car. 108. b

Abyssus uasto hiatu comprehensa. 121. b

Accusatus iniuste, beatus est apud Deum.

10. b. & seq.

Accusatores quales esse oporteat. 36. a

Accusatoris mores et qualitates diligenter scru-

retur index.

Accusatoribus, & calumniatoribus facile non est credendum.

30. a. b

Aequinoctium uerni temporis obseruandum. 72. a

Affectiones, nisi maiori freno compeſcantur, cum homine consene-
 ſcunt. 129. b

Agapæ à Domino, nomine coniuij nominatae.

26. b

Agricola erant *Judas* & *Iacobus*.

44. b

Alienigena & non *Leuita* offerre & ad altare sine sacerdotibus ac-
 cedere non poterat.

25. b

Altare Dei, est uidua.

25. b. 48. a. 51. a

Amuleta facientes improbantur.

131. b

R R

Andrea

I N D E X.

<i>Andræa sub persona loquitur Clemens.</i>	116. a
<i>Angeli placidi, animarum piarum custodes.</i>	135. a
<i>Anima corpori formato in utero, conciliatur.</i>	107. a
<i>Anima incorporea.</i>	80. b
<i>Anima ex nihilo creatur.</i>	122. a
<i>Anima immortalitatem qui olim negauerint apud Iudeos.</i>	77. b
<i>Antitypa mysteria corporis & sanguinis Christi.</i>	69. a. 100. b
<i>Antitypum corporis Christi offerre.</i>	93. a
<i>Antichristus, mundi deceptor, meritis hostis, mēdaci patronus.</i>	102. b
<i>Anuli aurei, scortationis indicia.</i>	3. a
<i>Apis Aegyptiorum.</i>	4. a. 86. b
<i>Apim Aegyptium olim coluerunt Hebraei.</i>	67. b
<i>Apis icū aculeum perdit, sterilisq; redditur.</i>	51. b
<i>Apostoli Constitutionum à Clemente scriptarum auctores enumerantur.</i>	83. a
<i>Apostoli Christi à Caipha, Alexandro, & Anna saepe plagis affecti.</i>	61. a
<i>Apostolorum succissina opera, ne ociosi comederent.</i>	44. b
<i>Apostolos duodecim loquentes inducit Clemens.</i>	47. b
<i>Apostolorum Epistola.</i>	82. a. b
<i>Aqua in baptismo cur.</i>	52. b
<i>Aqua in potum & mundiciem à Deo creata.</i>	121. b
<i>Aqua mystica benedictio.</i>	109. a. b
<i>Aqua benedicta uis.</i>	130. b
<i>Aquila & Niceta, Clementis Episcopi & ciuis Romani, fratres.</i>	79. a
<i>Argentei triginta in domus signi emptionem.</i>	68. b
<i>Auarius qui argentum alijs non impartitur, serpenti similis.</i>	55. b
<i>Audire lectionem Legis, Euangelij, & Prophetarum, quibus non liceat.</i>	31. b
<i>Augurij studium ad Idololatriam homines perducit.</i>	96. a
<i>Auream palam digitis non gestandam esse.</i>	3. a

B

B <i>ALNEI hora mulieri qua congrua.</i>	6. b
<i>Balneo uirili non muliebri, uir utatur.</i>	4. b
<i>Baptismo in ipso qua fiunt mysticè, enarrantur.</i>	52. b
<i>Baptif-</i>	

I N D E X.

Baptismus iterare non oportet.	83. b
Baptizatus unguento inungitur.	109. b
Baptizandus adultus, ieiunet.	99. b
Baptizare non debent mulieres.	49. b
Baptizare qui possint.	50. a
Baptizandi sunt pueruli.	84. a
Baptizandi forma.	52. b
Barba pili non sunt corrumpendi.	3. a
Barba carere mulieribus decorum, uiris non item.	3. a
Bartholomaei sub persona loquitur Clemens.	128. a
Basmotheorum haeresis.	77. b
Benedictio aqua & olei.	130. b
Benedictio primitiarum.	134. b
Benedictio magna, & parua.	50. a
Bigamia post professionem iniqua habenda est.	46. a
Bruta animae rationalis expertia non esse, quidam crediderunt.	80. a

C

C ADAUER, finis & sepulchrum, tangens animam non feciant.	91. a
Cadavera sanctorum sancta.	23. a
Caiphas falsi nominis Pontifex prophetauit.	113. b
Caiphas sibi mortem consciuit.	113. b
Calumniator conuictus, non est sine nota relinquendus.	37. a
Calumniator quo pacto puniendus sit.	33. b
Canere carmen Ethnicum et cantilenam meretriciam, non licet Chri- stianis.	67. a
Canonis de Episcopis, Presbyteris, Diaconis & reliquis Clericis.	130. a. b
Canonis uarij Pauli Apostoli.	131. a. & infra
Capillos in unum complicare, discerniculo, discriminare, calami- strisq; crispare, & flauos facere non licet.	3. a
Captiuos redimere oportet.	57. b
Catechumeni ab Episcopo benedicendi.	116. b
Catechumeni quo pacto instituendi.	107. b
Catechumenis martyrium in ueriores baptismum cedit.	63. a
RR 2	Can-

I N D E X.

<i>Causus in secunda sabbatorum oportet cognoscere .</i>	<u>35. a</u>
<i>Charismata à Deo per Spiritum dantur .</i>	<u>111. b</u>
<i>Charismata , quæ sint .</i>	<u>112. b</u>
<i>Chor aules .</i>	<u>131. b</u>
<i>Christus quorum delictorum à Iudæis insimulatus .</i>	<u>69. a</u>
<i>Christus cur ieiunauerit .</i>	<u>99. b</u>
<i>Christus non seruata Romanorum legum dispositione mortis additus .</i>	<u>69. b</u>
<i>Christus ex Iuda ortus .</i>	<u>80. b</u>
<i>Christus Pacis uia est .</i>	<u>19. b</u>
<i>Christus uiri in uia iustitiae ambulantis caput est .</i>	<u>5. a</u>
<i>Christus prius facere , postea docere cepit .</i>	<u>9. b</u>
<i>Christus uenit peccatores saluare per penitentiam .</i>	<u>12. b</u>
<i>Christi resurrectio , pignus est & arra nostrae futurae resurrectionis .</i>	<u>64. b</u>
<i>Christi sanguis .</i>	<u>41. a</u>
<i>Christum ex concubitu Ioseph & Maria natum , qui olim opinati sint .</i>	<u>77. b</u>
<i>Christum qui iterum crucifigant .</i>	<u>83. b</u>
<i>Christum negare , exitialis & tremenda res est .</i>	<u>61. b</u>
<i>Christiani laus praclara , cum nullo habere negocium .</i>	<u>34. b</u>
<i>Christiano transactio potius , quàm lis conuenit .</i>	<u>34. b</u>
<i>Christianum esse , in nostra situm est potestate .</i>	<u>113. b</u>
<i>Christiani ad Monomachias olim damnabantur .</i>	<u>57. b</u>
<i>Ciborum bonorum uorator non sit Episcopus .</i>	<u>9. a</u>
<i>Clemens Apostolorum cooperator .</i>	<u>86. a</u>
<i>Clemens Episcopus & ciuis Romanus , Pauli coapostolus .</i>	<u>79. a</u>
<i>Clementis Episcopi fratres Niceta & Aquila .</i>	<u>79. a</u>
<i>Clero ex ipso quilibet in cuius figuram constitutus .</i>	<u>25. a. b</u>
<i>Cœmeteria Apostolorum atate .</i>	<u>93. a</u>
<i>Cœmeteriis in ipsis conuenire ad legendos sacros libros , & psallendum in his pro defunctis .</i>	<u>93. a. ibidem , & missa celebrabantur .</u>
<i>Coerundum non est cum uxore menstrui tempore , ne filij cum morbo nascantur .</i>	<u>92. a</u>
<i>Coerundum non est cum uxore pregnante .</i>	<u>92. a</u>
<i>Collodium acre uulnera tumentia complanas .</i>	<u>32. b</u>
<i>Coma neutiquam nutrienda est .</i>	<u>3. a</u>
	<u>Con-</u>

I N D E X.

<i>Concordes in pietate esse debemus.</i>	39. b
<i>Concupiscens uxorem alienam, aut rem, nisi cum pœniteat, iam mente est fur & adulter.</i>	1. b
<i>Condemnans aliquem iniuste, contra seipsum pronunciat.</i>	33. a
<i>Conditoris Dei uaria opera enumerantur.</i>	103. b. 104. a
<i>Confessor non ordinatur.</i>	129. a
<i>Consuetudo piorum impijs saepe utilis.</i>	58. a
<i>Controuersia & altercatio, Christiano homini non est conueniens.</i>	34. b
<i>Contumeliam pro contumelia non debemus rependere.</i>	2. a
<i>Conuiualia praecepta nonnulla.</i>	26. b
<i>Corpus & sanguis Christi.</i>	126. a
<i>Corpus Domini cum timore ministrare oportet.</i>	41. a. cum timore accipiendum ibidem.
<i>Crucis trophæo se signabat Pontifex sacra mysteria celebraturus.</i>	120. b
<i>Culus corporis prohibetur.</i>	2. b
<i>Cupiditas omnis & iniquitas fugienda est.</i>	1. b
<i>Curiosum de ijs, qui male & perditè uiuunt, neminem esse oportet.</i>	3. b

D

D <i>AEEMONIS mali retia multa.</i>	6. b
<i>Damones qui eijciunt, non omnes pradios pietate.</i>	113. b
<i>Damones inscitia oppressi.</i>	113. b
<i>Demonibus nulla pietatis scintilla inest.</i>	113. b
<i>Davidis Hymnos psallere oportet.</i>	3. b
<i>Deabus Græci sacrificulas instituebant.</i>	50. a
<i>Decalogum legis, Christus in Euangelio in summam redigit, stabilis, ac perficit.</i>	1. b
<i>Decima & primitia quomodo eroganda.</i>	23. b
<i>Decima & primitia quæ erant olim, nunc oblationes sunt.</i>	25. a
<i>Decima ad quid offerrentur.</i>	130. b
<i>Decimas dari præcipit Christus in Euangelio.</i>	29. a. b
<i>Delectationis nostræ causa, à Deo aliqua creata.</i>	135. a
<i>Delictis diuersis, pœne diuersæ imponendæ sunt.</i>	76. a
<i>Deus pœnitentibus, pristinam dignitatem restituit.</i>	22. b
<i>Deus natura inuisibilis.</i>	127. a
	Deo

I N D E X.

Deo quo tempore gratia agenda .	30. a
<u>Deuterofes .</u>	4. a
Diabolus in die iudicij condemnabitur .	102. b
Diabolus multa pradicat .	113. b
Diaconus quæ curare debeat .	34. a
Diaconus pro quibus orare debeat .	41. a
Diaconus Chrifti figuram habet .	35. b
Diaconus omnia ad Epifcopum referat .	34. a. Epifcopi eft auditus , oculus , os , cor , anima . b
Diaconus fine Epifcopo nihil agat .	27. b
Diaconi auctoritas , & Diaconiffa .	130. a
Diaconi in templo cura .	40. b
Diaconi ordinatio .	128. a
Diaconi ad portam uirorum , in Ecclefia maneat .	120. b
Diaconi peccatorem eieclum ab Epifcopo , teneant , & pro eo Epifco- pum rogent .	15. b
Diaconi feptem Iacobo .	39. a
Diaconorum dignitas qua fit .	27. a
Diaconiffa , ad introitus mulierum in templum , maneat .	40. b
Diaconiffa ad mulierum ministeria eligebatur .	52. a
Diaconiffa ordinatio .	128. a
Dies dominicus , dies eft hilaritatis , & latitie .	66. b
Die dominico nihil præter fanctitatem dicere aut facere licet .	66. b
Dies fequens quid pariat , nescimus .	84. a
Diuites non reuereatur Epifcopus , nec affentatione fibi conciliet .	9. a
Diuitiarum non eft æterna poffeffio .	103. a
Dynaffa .	25. b. 136. a
Dyffrus mennis .	72. a
Dogmatum abfurdorum auctores .	78. b
Domini corpus in Euchariftia .	41. a
Domini aduentus fecundus cum terra motu .	102. b
Domi quando pfallendum .	133. a
Dominicus dies refurreclioni dicatus .	74. b
Dona uaria fidelibus uarijs largita .	112. b

I N D E X.

E

E BIONEI haretici, Apostolorum temporibus exorti.	77. b
Ecclesia Dei, pax est, & portus tranquillus.	19. a
Ecclesia catholica, est Dei plantatio, & uinea.	1. a
Ecclesia ab ipsa qui abscondendi sint.	32. a. b
Ecclesia mane ac uespere quosidie a populo frequentanda.	42. a
Ecclesia ordinis & dispositionis est magistra.	131. a
Ecclesia constat ex integris & piis membris.	33. b
Ecclesia forma qua esse debeat.	40. a
Ecclesia assidentis, de Ecclesia alendi.	24. b
Eleemosyna pauperibus pro defunctis.	135. b
Eleemosynas ut pauperibus praebeat, populum moneat, horteturq; sacerdos.	57. b
Eleemosynis & fide, peccata purgantur.	97. b
Energumeni, idest uexati ab immundis spiritibus.	117. a
Enoch & Helias mortem non sunt experti.	64. a
Epibata.	40. a
Episcopus Ecclesia medicus est.	19. a
Episcopus mediator Dei & fidelium. 24. a. uerbi minister, & scientiae custos.	25. a
Episcopus in iudicando, Dei sententiam sequatur.	20. b
Episcopus meditatione, ac studio inuigilet in dominicis libris.	9. a
Episcopus non debet esse turpis lucri cupidus, nec fideiusor, nec aduocatus.	9. b
Episcopus os Dei. 27. a. Episcopi dignitas, ibidem.	25. b
Episcopus Dei dignitate ornatus est.	8. a
Episcopus unius uxoris, qua semel nupsit, uir.	12. a
Episcopus Regibus, Principibus, Dominis, & sacerdotibus omnibus praest.	18. b. 24. b
Episcopus peccatoris culpam in se transferat.	114. b
Episcopus quomodo & a quibus eligeretur.	24. b
Episcopus laicorum sibi subiectorum scopus est.	14. a
Episcopus Laico sedizioso non debet obsequi.	7. b
Episcopus non minor sit annis quinquaginta.	113. b
Episcopus imperitia, aut nequitia cumulatus, Episcopus non est.	

Episco-

I N D E X.

<i>Episcopo subditi, eius sunt propinqui.</i>	8. a
<i>Episcopus sine iudicio parcens peccatori, in culpa est. 11. b. quomodo iudicare debeat.</i>	12. a
<i>Episcopus post Deum, noster pater, Dux, Rex, & Dynasta.</i>	25. a
<i>Episcopus redargutos, qui ad bonam frugem non redeunt, vitare debet.</i>	11. a
<i>Episcopus à quot Episcopis ordinaretur.</i>	54. a
<i>Episcopus etiam iuuenis esse potest.</i>	7. b
<i>Episcopus à quot Episcopis ordinandus.</i>	130. a
<i>Episcopus quando deponi possit.</i>	130. a
<i>Episcopi, prouentus Ecclesia soli consumere non debent, sed & egenis distribuere.</i>	23. b. 24. a
<i>Episcopi auctoritas.</i>	130. a
<i>Episcopi sedes in templo, quo loco esse debeat.</i>	40. a
<i>Episcopi uiuentibus Apostolis ordinati.</i>	110. a. b
<i>Episcopi Christum sibi ipsis tanquam scopum proponere debent.</i>	23. a
<i>Episcopi nictus, & uestitus qualis esse debeat.</i>	23. b
<i>Episcopum qualem esse oporteat. 7. b. 8. a. b. 9. a. b. 10. a. 11. a. 15. b. 16. a. 19. a. b. 23. a. b. 40. a</i>	
<i>Episcopum personarum acceptorem esse non oportet.</i>	9. a
<i>Episcopum de omnibus sollicitum esse oportet.</i>	17. a
<i>Episcopo sermone uel factis detrachens, Deum offendit.</i>	27. b
<i>Episcoporum ordinationis inuocatio.</i>	115. a. b
<i>Episcoporum dignitas qua sit.</i>	27. a
<i>Episcoporum actiones, & dispensationes à nobis non sunt in examen uocanda. 29. b. nec uindiciandi.</i>	30. a
<i>Episcopis quomodo obedire oporteat.</i>	18. a
<i>Episcopi laicos ut filios diligant.</i>	ibidem
<i>Episcopis ligandi & soluendi super terram, est à Christo tributa facultas.</i>	12. a. 16. b
<i>Episcopatus onus non est facile nec leue.</i>	24. b
<i>Eporcista non ordinatur.</i>	129. b
<i>Euangelium dum legitur in templo, Diaconi & laici cum silentio assurgant.</i>	40. b
<i>Euangelium quomodo Episcopus debeat interpretari.</i>	9. b
<i>Euangelium quarum sit scripturarum complementum.</i>	3. b
<i>Eucharistia acceptabilis oblatio.</i>	93. a
	Eucharisti

I N D E X.

Eucharistiam sacram accipientes, quid consequantur.	124. b. 126. b
Exempla pœnitentia. 20. a. b. & seq.	31. a. b
Experientia peccatorum deuitanda est.	12. b
Ezechielis locus declaratur.	10. a

F

F ACILE medicamen non esse adhibendum.	6. b
Fato & fortuna peccata tribuebant Pharisei.	77. b
Femoralia, & crepidas improba arte consueere non licet.	3. a
Feruoꝝ iuuenilis etatis ad fornicandum propensio.	58. b
Festa cur Deus præceperit.	105. b
Festi dies qui.	68. a
Fides Christiana clarissima.	27. a
Fidem infirmam habentibus, opem ferre oportet.	14. a
Fideles coram infidelibus non litigent.	34. b
Filiorum sanctitas, patrum gloria.	100. a
Flabello ad abigendas muscas à poculis sacrificantium, utebantur	
Diaconi.	120. b
Flabella ex tenuibus membranis, pavorum pennis, aut uelo tenui.	
120. b	
Feminarum diuersa ætatis, & conditionis, loca in templo.	40. b
Fornicatio est propria carnis corruptio.	91. b
Fortuito casu omnia constare, qui olim opinati sunt apud Iudeos.	
77. b	
Fratrium falsorum consuetudo fugienda est.	60. b
Fucare faciem non debent mulieres.	6. b

G

G ENTILIUM libros haudquaquam esse legendos.	3. b
Gorpyus mensis.	73. b
Graci resurrectionem non credebant.	64. b
Græcorum impietates omnes fugienda sunt.	44. a
Gratiarum agendarum formula.	100. a. b
Gratiarum actio nocturna.	133. b

SS Hæresis

I N D E X.

H

H ÆRESIS non una apud Hebræos.	77. b
Hæreses unde ortæ sint.	78. a
Hæreticorum absurde quadam opiniones.	90. a. b
Hæreticorum societas fugienda est.	85. a. b
Hæreticorum multi errores enumerantur.	79. b. & infra
Hegesippus & Tertullianus in summis citati.	84. b
Helluones, & uiri nequam subsidio indigni sunt.	8. b
Hemorobaptista hæretici.	77. b
Hessai hæretici.	78. a
Hircum Desum, uel Mendesium, qui coluerint Iudæi.	67. b
Homo mundi ornamentum.	104. a. 122. a
Homo iniquus ab Ecclesia segregandus.	16. a
Hominibus omnibus benefacere oportet.	46. b
Homicidium magistratibus iustum.	95. a
Honorandus <u>quilibet</u> pro sua dignitate.	131. a
Hostia Missæ, rationalis & incruenta, à sacerdote per Jesum magnum Pontificem ad altare adducitur.	24. a
Hypodiaconi in templo ad portam mulierum maneant.	120. b
Hypodiaconi auctoritas.	130. a
Hypodiaconi ordinatio.	128. b

I

I ACOBVS frater Domini, Episcopus Hierusalem.	110. a
Iacobi sub persona loquitur Clemens.	120. b. 129. a. 133. a
Idololatria nullum peccatum grauius est.	22. b
Idololatria fugienda est.	67. a
Ieiunans die dominico, peccat.	74. b
Ieiunandum.	68. a. 70. a. 72. a. b. 74. b. 99. b
Ieiunandum <u>quibus</u> diebus, & quibus non ieiunandum, & cur.	99. b
Ieiunans peccatorem Episcopus affligat.	15. b. 16. a
<u>Ignis</u> cur à Deo <u>creatus</u> .	121. b
Impiorum pecuniam accipere coacti sacerdotes, in quos usus eam erogare debeant.	57. b. & seq.
Impetuentes atque omnino obdurati, ab <u>Ecclesia</u> abscindendi.	32. b. 33. b

Incant-

I N D E X.

<i>Incantationes & uaticinia fugere oportet .</i>	<u>44. a</u>
<i>Incarnationis Seruatoris nostri sermo imperfectus, inderisum ab infidelibus ne trabatur periculum est .</i>	<u>47. b</u>
<i>Indigenti cuilibet beneficiendum .</i>	<u>46. b</u>
<i>Indignorum largitiones non accipiendas esse. 49. a. b. 56. a. b. 57. a. b.</i>	
<i>Infirmis in fide, opem ferre oportet .</i>	<u>14. a</u>
<i>Initiatum qualem esse oporteat .</i>	<u>10. b</u>
<i>Innocentem eiciens, & redeuntem non recipiens, fratricida est, & interfessore audacior .</i>	<u>20. a</u>
<i>Ioannes Christi ad pectus cur recubuerit .</i>	<u>68. b</u>
<i>Ioannis in persona loquitur Clemens . 40. b. 57. a. 68. b. 127. b</i>	
<i>Iobeleum .</i>	<u>106. a</u>
<i>Ioias septimo anno praeuit populo .</i>	<u>8. a</u>
<i>Iosias octo annos natus regnavit .</i>	<u>8. a</u>
<i>Ira Satanae amica, quae sit .</i>	<u>30. b</u>
<i>Israel, terrena Ecclesia .</i>	<u>104. b</u>
<i>Ite in pace in fine Missae .</i>	<u>127. b</u>
<i>Iudas auarus. 68. b. loculos habebat, pauperum res furabatur. ibid.</i>	
<i>Iudas, confessionem sonat. 43. a</i>	
<i>Iudas cum Dominus discipulis mysteria tradidit, non aderat. 69. a. b. & seq.</i>	
<i>Iudus fur erat & pauperum facultates surripiebat .</i>	<u>95. a</u>
<i>Iudaei Apostolorum aetate dispersi, & uagi .</i>	<u>90. a</u>
<i>Iudaei excidium Hierusalem & Christi fidem latè diffundendam, inscijs praedixerunt .</i>	<u>89. b</u>
<i>Iudeos iustis suis uti, non sinebant Romani .</i>	<u>89. b</u>
<i>Iudex personarum non sit acceptor. 33. a. qualis esse debeat. 36. a. b. pariem utranque audiat .</i>	<u>37. a</u>
<i>Iudices uelut interijciebant, causam diligentius cognituri . hac de re Magius in Miscellaneis .</i>	<u>37. b</u>
<i>Iudices Ethnici quomodo causas cognoscerent .</i>	<u>37. b</u>
<i>Iudicandum non est, reo non audito .</i>	<u>19. a. b</u>
<i>Iudicare quenquam temerè, non oportet .</i>	<u>19. b</u>
<i>Iudicio alierius qui praest, similis est ei qui caudam canis manibus tenet .</i>	<u>37. a</u>
<i>Iurare per elementa, uel caelestia corpora, non debemus .</i>	<u>67. b</u>

I N D E X.

<i>Iurandum iustum saltem iurandum.</i>	<u>95. b</u>
<i>Iusta mortuorum, quibus diebus facienda.</i>	<u>135. b</u>
<i>Iusta cum peragerentur, comedebant sacerdotes.</i>	<u>136. a</u>
<i>Iustitia nostra quo pacto abundet.</i>	<u>29. b</u>
<i>Iustus uiuens cum iniquo, cum eo non perit.</i>	<u>13. a</u>
<i>Iuueniles perturbationes, & externa calumnia, qua aetate superentur.</i>	<u>7. b</u>

L

L <i>ABOREM detrectans non manducet.</i>	<u>45. a</u>
<i>Labori unde uictus comparetur, indulgendum.</i>	<u>44. b</u>
<i>Laicus sacerdotis munus sibi non arroget.</i>	<u>26. a. 50. a</u>
<i>Laicos Diaconis quomodo oporteat parere.</i>	<u>27. a. b</u>
<i>Lauare cum uiro mulier non debet.</i>	<u>6. b</u>
<i>Lectoris ordinatio.</i>	<u>129. a</u>
<i>Legem naturalem non sustulit Christus, sed inducta per Deuterofim, quanquam non omnia, extinxit.</i>	<u>88. b</u>
<i>Liberorum procreatio pura est.</i>	<u>92. a</u>
<i>Libidini sine pudore inseruiendum esse, haeretici nonnulli affirmabāt.</i>	<u>80. a</u>
<i>Libri subditijs sacris scripturis non adnumerandi, qui sint.</i>	<u>84. a</u>
<i>Libri in templo legendi.</i>	<u>40. a</u>
<i>Libri externi & falsi Propheta, leues à fide abducunt.</i>	<u>3. b</u>
<i>Libris à quibus abstinere oporteat.</i>	<u>3. b. & seq.</u>
<i>Libros Gentilium haudquaquam esse legendos.</i>	<u>3. b</u>
<i>Locus non sanctificat hominem, sed homo locum.</i>	<u>133. a</u>
<i>Loca in Ecclesia quomodo distribuenda.</i>	<u>40. a. b. & seq.</u>
<i>Loth hospitalis.</i>	<u>39. a</u>
<i>Loti manè ut orare debeamus precipitur.</i>	<u>132. a</u>
<i><u>Ludius.</u></i>	<u>131. b</u>
<i>Lux è thesauris prolata.</i>	<u>121. b</u>

M

M <i>AGIA prohibetur.</i>	<u>95. a</u>
<i>Magistratus Regis, ut Dei ministri honorandi.</i>	<u>98. a</u>
<i>Magistros nobis Dei sermonem explicantes, parentibus pluriis ducere oportet.</i>	<u>97. a</u>
<i>Maledicere alienum à Christiano.</i>	<u>51. b. & seq. 95. b</u>
	<u>Malorum</u>

I N D E X.

<i>Malorum flūs inde proueniat.</i>	98. b
<i>Maledictum in caput iniuste maledicentis reuertitur.</i>	51. b
<i>Mandatorum decem admonitio.</i>	29. b. 30. a
<i>Mandra similitudinem habet Ecclesia.</i>	40. b
<i>Mannum impositio, conciliabat credentibus Spiritum sanctum.</i>	32. a
<i>Mannus cur abluant sacerdotes.</i>	120. b
<i>Maranatha.</i>	101. a
<i>Martyr sanctus, quis efficiatur.</i>	59. b
<i>Martyribus pro ipsis oratio in cœmeterijs.</i>	23. a
<i>Matthæi sua persona loquitur Clemens.</i>	23. a. 31. a. 40. b. 129. a.
	130. b
<i>Mediator Dei & fidelium Episcopus.</i>	24. a
<i>Memoria Martyrum colenda est.</i>	125. b
<i>Memoria defunctorum celebranda.</i>	135. q. quibus diebus. ibidem
<i>Mens anime auriga, sensibus præflecta.</i>	104. a
<i>Menstrua Deo non odiosa.</i>	92. a
<i>Menstrua in mulieribus, cur à Deo instituta.</i>	92. a
<i>Menstruis apparentibus, cum mulieribus non coeundum.</i>	92. a
<i>Milesitales quales esse debeant.</i>	131. b
<i>Miraculis impij omnes non ducuntur.</i>	112. a
<i>Missæ sanctum mysterium.</i>	126. b
<i>Missæ sacræ.</i>	120. a. b. & infra
<i>Missæ ostia rationalis & incruenta.</i>	24. a
<i>Missæ sacrificium in cœmeterijs celebrari poterat.</i>	93. a
<i>Missæ in celebratione, pro uita funclis orandum.</i>	125. b
<i>Mœchus carnem in partes duas diuidit.</i>	95. a
<i>Mors non est supplicium.</i>	64. a
<i>Morienti in peccato, nulla relinquitur penitentia.</i>	12. b
<i>Moriuntur pii sine tristitia.</i>	12. b
<i>Mortui Christo, peccandi consuetudinem amittunt.</i>	10. b
<i>Mortuorum, qui p̃y dum uiuerent fuerant, sine honore non manent reliquæ.</i>	93. a
<i>Mortuis profunt orationes uiuentium.</i>	93. a. 135. a. b
<i>Mortuis Missæ sacrificium prodest.</i>	125. b
<i>Mortuorum memoria celebranda.</i>	135. b
<i>Mortuos deducere debemus psallentes.</i>	93. a
<i>Mortuos tangens non inquinatur.</i>	93. a
<i>Mor-</i>	

I N D E X.

<i>Mortuos excitare, & mundū producere, eiusdem est facultatis.</i>	65. a
<i>Moses & Helias Christi incarnationis passionumq; testes in transfiguratione.</i>	86. a. b
<i>Moses altare extra Hierusalem constitui, legemq; extra Iudae fines legi uenit.</i>	90. a
<i>Mulier soli uiro suo placere studeat.</i>	5. b
<i>Mulier qua se ipsam comit, & si hoc homines alliciendi causa non facit, nihilominus peccat.</i>	6. a
<i>Mulier uiri corpus est.</i>	49. b
<i>Mulier non doceat.</i>	47. b. & seq.
<i>Mulier procax, & contentiosa damnatur.</i>	6. b. & seq.
<i>Mulier uiro quo pacto subdita esse debeat.</i>	5. a. b
<i>Mulier demissis oculis capiteq; uelato uiam suam ingredi debet.</i>	6. b
<i>Mulier cum uiro lauare non debet.</i>	6. b
<i>Mulier mala damnatur.</i>	6. a
<i>Mulier in plateis caput uelare debet.</i>	6. b
<i>Mulier ubi & quo tempore lauare debeat.</i>	6. b
<i>Mulieris nulla pars ornatum desiderat.</i>	6. b
<i>Mulieris bona praestantia & utilitas.</i>	5. b
<i>Mulieri contentio deuitanda est.</i>	6. b
<i>Mulieres in Ecclesia non doceant.</i>	47. b
<i>Mulieres capite uelato ad sacram Eucharistiam accedant.</i>	41. a
<i>Mulieres uiris suis subiectas esse oportet.</i>	5. a. & quomodo. 92. b
<i>Mulieres separatim in templo sedere debent.</i>	40. a
<i>Mulieres facile capiuntur.</i>	4. b
<i>Mulieres qua fuerunt Prophetissae.</i>	114. a
<i>Mulierum qua atas, bigamiae suspicione uacet.</i>	45. b
<i>Mulieribus a malis sibi cauendum esse, earumq; illecebras esse declinandus.</i>	4. b
<i>Mundana res, diuinis non preferenda.</i>	43. a
<i>Mysticum ad sacrificium apparatus.</i>	120. a
<i>Mystica seruitus qua.</i>	127. b
N ICOLAITAE haeretici.	78. b
<i>Nihil sanguine perfusus.</i>	112. a
<i>Nox cur a Deo inducta.</i>	121. b. 132. b. 133. b
	Nous-

INDEX.

Novissimorum temporum prædictio .	102. b
Nuditas corporis ad libidinem allicit .	4. b
Nuptia tertia, incontinentia sunt argumentum .	46. a
Nuptia quarta & ulteriores, manifesta fornicatio, & non dubia in- temperantia indicantur.	46. a

O

O BEDIENTIBVS Deo, qua sit lex imposta.	2. a
Oblatio in Missa pro sanctis uita sanctis.	125. a
Oblationis tempore, porte templi clauderantur.	120. b
Oblationes à quibus non recipiende.	56. a. b. & sequenti.
Ostia celebrans.	73. a
Oleum in baptismo cur.	52. b
Oleum ad quid creatum.	130. b
Olet chrismatismis benedictio.	109. a
Opem ferendam esse indigentioribus.	8. b
Opera ad salutem spectare apparet.	12. b
Orandum est ter in die.	100. a
Orandum est assidue.	38. a
Orare pro defunctis. 93. a. pro Martyribus.	ibidem
Oratio pro defunctis.	135. a. b
Oratio pro mortuis.	125. b
Orare quibus horis oporteat.	132. b. & cur. ibidem.
Oratio Orientem uersus.	41. a. 109. b. & seq.
Oratio Dominica.	53. a. 100. a
Orationis dominica locus declaratur.	39. b
Oratio matutina qua esse debeas.	110. b
Oratio in prandio.	ibidem.
Oratio uespertina.	111. a
Oratio nocturna.	133. a. b
Oratio pro illuminandis.	117. b
Oratio eorum, qui dudum sunt initiati.	110. a
Oratio pro Energumenis.	117. a
Oratio auxilij iustorum.	106. b. & seq.
Oratio Manassis Regis Iuda pulcherrima et pia. 21. b. & sequenti.	
Oratio pro poenitentibus.	118. a
Oratio	

Oratio ordinationis Presbyterorum.	127. b
Oratio ordinationis Diaconis.	128. b
Oratio post communionem.	126. b
Oraturi mane lauentur.	132. a
Ordinum celestium turba.	104. b
Orientem uersus cur orantes aspicere debeant. 41. a.	Orientem uersus templum. 40. a
Ornare se ipsum, cultuiq; corporis indulgere, nemo debet.	2. b
Ornatum nulla pars mulieris desiderat.	6. b
Ornamenti in pulchro accessio, artificis artem dedecorat.	6. b
Ornatus corporis prohibetur.	2. b
Ornatus uiri mulieribus perniciosus.	2. b
Orphanos quo pacto pietate amplecti debeamus. 54. b.	ipsis quomodo prouidere debeat Episcopus. 55. a
Ostiarium, ad introitus uirorum in templum manere debet.	40. b
Quis pastori non obediens punitur.	17. b

P

P ALMORVM interpres.	131. b
Panum calidorum primitia.	101. b
Paradisus ubi plantata.	122. a
Parentes spirituales tanquam beneficos & ad Deum legatos, honorare debemus.	28. b
Parentes spirituales, uitae & mortis in iudicandis peccatoribus potestatem habent.	28. b
Parentes quo pacto se erga filios habere oporteat.	58. a
Parentes colendi, & consanguinei non despicatui habendi.	98. a
Partem utranque Iudex audiat.	37. a
Pascha bis in anno celebrandum.	72. a
Pascha quomodo agendum sit.	71. b
Passionis Christi sermonem imperfectum si quis edat, derisus ansam Infidelibus prebebit.	47. b
Pastophoria templi.	40. a. 126. a
Pastor negligens erga oves, punitur.	17. b
Pastores perniciosos fugere debemus.	17. b
Paulus in nomen sanctum blasphemauerat, & multa mala pijs intulerat	

lerat ante quàm Christianus fieret.	23. a
Paulus electionis uas.	114. b
Paulus & Aquila scenas faciebant.	44. b
Patientiam Christi amulari debemus.	62. a
Pauli sub persona loquitur Clemens.	131. a. 132. a
Pauperes ab Episcopis contemnendi, aut opprimendi non sunt.	9. a
Pauperibus indigentioribus, opem ferendam esse.	8. b
Peccans de industria, Deum tentando, remissionem non consequitur.	22. b
Peccandum non est spe uenia.	22. b
Peccatum operis à peccato propositi, conuicti, & suspicionis differt.	35. b
Peccatum suum agnoscantibus, quid dicat Spiritus sanctus.	16. b
Peccatum quod pœnitenti non condonatur.	22. b
Peccatum non repressum deterius fit, & in alios grassatur.	16. a
Peccati expertus nemo præter Christum.	16. b
Peccata elemosynis & fide purgantur.	97. b
Peccatorum experientia uitanda est.	12. b
Peccatorum confessio.	97. b
Peccator correptus. pœnitentiam agere recusans, pro Ethnico habendus.	31. a
Peccator prius iudicandus est, mox cū misericordia excipiendus.	12. b
Peccator exemplo delinquentium, in peccato confirmatur.	16. a
Peccatorem pœnitentem qui non recipit, insidiatoribus tradit.	12. b
Peccatorem ad pœnitentiam inuitare oportet, bonam spem illi iniiciendo.	15. a
Peccatorem pudore affici oportet.	15. b
Peccatorem foras eiciat Episcopus exacerbatus, mox à Diaconis rogatus recipiat.	15. a. b
Peccatores non pœnitentes cum orant, Deum irritant.	57. a
Peccatores separatim increpandi.	31. a
Peccatores non uitet Episcopus.	15. a
Peccatores quomodo iudicare debeat Episcopus.	12. a
Peregrinorum admonitio, & adhortatio ualde accepta.	41. b
Periculis non se exponat fidelis.	62. b
Petri sub persona loquitur Clemens.	35. a. 40. b. 57. a. 66. a. 68. b.
78. b. 81. a. 100. a. 114. b. 132. a	

IN NIDIE X.

Pharisei peccatorum actiones, fortuna, & fato tribuebant.	77. b
Philippi sub persona loquitur Clemens.	128. a
Phœnix avis, resurrectionis futura argumentum.	64. b. & infra:
Phœnicis avis historia.	64. b. & infra
Pigritia fatiis mater.	8. b
Pœnam ad infligendum, promptus non sit sacerdos.	15. a
Pœnitentem qui non recipit, Christus irritas.	23. a
Pœnitentem recipere oportet.	13. a
Pœnitentes, in pristinum gradum Deus restituit.	32. a
Pœnitentibus, pristina a Deo dignitas restituitur.	22. b
Pœnitentiæ exemplum magnum in quibus olim.	20. a. b. & seq.
Pœnitentia quis sit modus & quo pacto recte ea peragatur.	15. a. b
Pontifice pro ipso orandum est.	41. a
Populus in templo initia uersuum hymnorum Davidis cœcinebat.	40. a
Populi ignorantis peccatum, in Episcopum non docentem recidit.	10. a
Populi scopus est Episcopus.	16. b
Populum ad benefaciendum pauperibus incitet sacerdos.	57. b
Potestatem diuersa faciendi qui habet, habet & uariè providendi fâcultatem.	127. b
Predicationis Apostolica expositio.	80. a
Presbyteri sunt senatus & confessus Ecclesie.	26. b
Presbyteri in formam Apostolorum censi debent.	25. b. 26. b
Presbyteri, & Diaconi post ordinationem, uxores accipere prohibentur.	84. b
Presbyteri auctoritas.	130. a
Presbyteri ordinatio.	127. b
Primitiæ & Decimæ quomodo erogandæ.	23. b
Primitiæ ad quid offerrentur.	130. b
Procax & contentiosa non sit mulier.	6. b
Prodigia solos bona mente praditos mouent.	112. a
Propheta munere qui utuntur, non omnes esse sanctos.	113. b
Prophetarunt mulieres multe.	114. a
Proni dentiam qui negarent.	79. b
Psalmum sexagesimum secundum manò, uespere uerò centesimum quadragessimum, olim dicebant.	42. a
Psalmi. 81. locus declaratur.	25. b
Psalmi. 109. locus.	26. a
	Psalmi

I N D E X.

Psalmi Davidis, cāntilenarum desiderium lenire possunt. 4. a
Pueri sint in templo penes parentes. 40. b
*Pulchritudo nobis à natura tributa, cultu adiecto non est exornan-
 da, sed cohibenda, & quo pacto.* 3. a
Punitur nullus pro alio. 13. b
Pusillanimitas, valde insipiens est. 31. b. Consolandus est. ibidem

Q

QUADRAGESIMAE ieiunium. 68. a. quam memoriam con-
 tineat. ibidem

R

REI mores & qualitates consideret index. 36. b
Reliquia sanctorum sancta. 93. a
Reo non audito, iudicare, periculosum est. 19. a. b
Resurgemus immortales. 63. b
Resurrectio est rerum manentium. 65. a
Resurrectio debetur rationali hominum creatura. 64. a
Resurrectio corporum destruitur. 63. b. & infra latè.
Resurrectionem qui negauerint. 29. b
Rex à Domino eligitur, ideo timendus. 98. a
Rex impius, pro Rege non est habendus. 113. b
Regis olim quod munus esset apud Hebr. 29. a
Reges qui à Deo defecerunt, breui tempore interisse. 4. b
Regibus omnibus praesunt Episcopi. 12. a
Regum historiam legens, in fide adificatur. 4. b

S

SABBATVM, natura condita est monumentum. 99. b
Sabbatum cur institutum. 105. b. & seq.
*Sacerdos peccata non contemnat, nec ad puniendum prom-
 ptus sit.* 15
Sacerdos, Angelus Dei est. 26. b
*Sacerdotes idololatrarum in honore olim habui & sacrosancti existi-
 mati.* 27. a

TT 2 Sacer-

I N D E X.

<i>Sacerdotes quomodo oporteat honorare.</i>	28.b
<i>Sacerdotes, pro principibus & Regibus habendi.</i>	28.b
<i>Sacerdotium regno excellentius.</i>	75.b. & cur ibidem
<i>Sacerdotium quantum regno prestantius sit.</i>	29.a
<i>Sacerdotalem aliquam ad dignitatem seipsum demittere, res tremenda est.</i>	25.b. & seq.
<i>Sacrificium cruentum, rationale, incruentum, ac mysticum.</i>	89.a
<i>Sacrificium ad mysticum apparatus.</i>	120.a
<i>Salutatio mutua osculo in templo.</i>	41.a
<i>Sanctorum festiuitatibus quiescant serui.</i>	132.b
<i>Sanguis Christi cum pudore, ac timore accipiendus.</i>	41.a
<i>Sathan lapsu locali non decidit.</i>	117.a
<i>Scandalo alieno causam qui praestiterit, peccat.</i>	3.a
<i>Scenas faciebant Paulus & Aquila.</i>	44.b
<i>Scopus populi, est Episcopus.</i>	16.b
<i>Scriptura sacra, Historica, Poetica, & Sophistica, seu quae ad sapientiam pertinent, continet.</i>	4.a
<i>Scriptura quos libros legere oporteat.</i>	3.b
<i>Sedere in templo, & stare, qui debeant.</i>	40.b
<i>Seditioso laico, Episcopum obsequi non oportet.</i>	14.a
<i>Senes in Ecclesia sedeant.</i>	40.b
<i>Sententiā mortis in reum pronunciaturus, quid facere debeat.</i>	37.b
<i>Sermo aut affirmes, aut neget sine iuramento.</i>	67.b
<i>Sermo nocturnus.</i>	133.a.b
<i>Sermo & oratio post communionem.</i>	126.b
<i>Sermones Christi in memoriam reuocare, & meditatione completi continuū debemus.</i>	3.b
<i>Serpentes à Deo creati.</i>	122.a
<i>Serpentes in thesauris dormire creditum.</i>	55.b
<i>Seruator cur in hunc mundum venerit.</i>	4.a
<i>Serui erga dominos, & domini erga seruos, quales esse debeant.</i>	97.b
<i>Serui quibus diebus quiescere debeant.</i>	132.a.b
<i>Seruorum timor, dominorum honor.</i>	100.a
<i>Seruos erga dominos et dominos erga seruos, quales esse oporteat.</i>	58.b
<i>Sexuum differentia ad quid.</i>	80.b. 91.b
<i>Sibylle de futura resurrectione carmina.</i>	64.b
<i>Sigillum in baptismo cur.</i>	52.b
<i>Simora</i>	

I N D E X.

<i>Simon Magus, contra naturam volans, attritus est.</i>	<u>13.b</u>
<i>Simon Samaritanus à vico Githon, Magus.</i>	<u>28.a</u>
<i>Simonis Magi historia.</i>	<u>79.a.b</u>
<i>Simonis Canitis sub persona loquitur Clemens.</i>	<u>129.b</u>
<i>Simonem Magum in Italiam aufugere, compulsi Petrus.</i>	<u>79.a</u>
<i>Sodomiticum facinus respuitur tanquam nefarium, et sceleratum.</i>	<u>80.</u>
<i><u>b.91.b.95.a.</u></i>	
<i>Sodomiticum facinus execrabile, à sodomitis profectum.</i>	<u>95.a</u>
<i>Sodomiticum facinus mundi dissolutionem querit.</i>	<u>91.b</u>
<i><u>Solis ara.</u></i>	<u>64.b</u>
<i>Solomon duodecimum agens annum regnavit.</i>	<u>8.a</u>
<i>Sors in qua quis collocatus est nequitiam deferenda.</i>	<u>136.b</u>
<i>Spectacula <u>indecora.</u> & Theatra cum Græcorum ludis fugienda.</i>	<u>44.a</u>
<i>Speculatores Episcopos esse oportet.</i>	<u>10.a</u>
<i>Spiritus sancti.</i>	<u>25.b</u>
<i>Spiritus sanctus quando nos destituit.</i>	<u>90.b</u>
<i>Spiritus malus improba canentem inuadit.</i>	<u>67.a</u>
<i>Subditorum forma sit Episcopus. <u>11.b.</u> & seq. hi Episcopo quomodo obedire debeant.</i>	<u>18.a</u>

T

T <i>ABERNACVLVM testimonij per omnia Ecclesiam designabat.</i>	<u>24.a</u>
<i>Templi forma qua esse debeat.</i>	<u>40.a</u>
<i>Templi porta ne infideles ingrederentur, custodiri solebant.</i>	<u>41.a</u>
<i>Templa portam virorum, & portam mulierum habebant.</i>	<u>120.b</u>
<i>Terra ornamenta qua sint.</i>	<u>121.b.122.a</u>
<i>Tertullianus & Egesippus in summis citati.</i>	<u>44.b</u>
<i>Testes contra Christum varij, & inter se dissidentes reperti.</i>	<u>69.b</u>
<i>Testes falsi contra Stephanum pro homartyrem.</i>	<u>36.b</u>
<i>Testes quales esse debeant.</i>	<u>36.b</u>
<i>Thaddæi sub persona loquitur Clemens.</i>	<u>129.b</u>
<i>Thoma sub persona loquitur Clemens.</i>	<u>128.b</u>
<i>Trigamia incontinentia est argumentum.</i>	<u>46.a</u>
<i>Tuba Dei Episcopus eiusq; voluntatis testis, ac omnium peccata portans.</i>	<u>24.a</u>
<i>Tuba <u>sonus</u> post apparitionem signi filij hominis.</i>	<u>102.b</u>
	<u>Uel-</u>

I N D E X.

v

V ECTIGALIA & tributa pendere debemus.	98. a
Velum interjiciebant iudices causam diligenter examina- turi.	37. b
Verborum obscenitas vetatur.	96. a
Vestitus Episcopi, usus & dignitati accommodatus.	23. b
Via dua, altera vita, alter a mortis.	94. a
Victima quae olim erant, nunc orationes sunt.	25. a
Vitui accommodata, non sunt improbanda.	99. a
Vidua pro eo qui victum ipsi suppeditavit, Deum precetur.	51. a
Vidua adolescentiores ad vidualem statum non ordinanda.	46. a
Viduae falsa quae sint.	48. a. b
Viduae non ordinantur.	129. b
Viduae quot annos nata, constituenda sint.	45. b
Vidua & orphanus, cuius gestent figuram.	25. b. 48. a
Viduae vera quae sint.	46. b. 47. a
Vir & uxor quae ratione unum sint.	95. a
Vir aduersus uxorem qualem se prestare debeat.	2. b
Virum erga uxorem qualem esse oporteat.	92. b
Virgines figuram turibuli & incensi gestant.	25. b
Virgines non ordinantur.	129. b
Virginis propositum non ad nuptiarum uituperationem, sed ad e- xercitium pietatis.	129. b
Virginis nullum extat preceptum.	59. a
Vnguenti mystici benedictio.	109. b
Virtutes caelestes concordantes sunt.	39. b
Vita & consuetudines veterum iustorum & Patriarcharum cur con- scriptae sint.	16. b. 17. a
Voluptatem non appetat Dei amicus.	92. a
Voluptatem solam sequendam esse aliqui affirmabant.	79. b
Vox quomodo formetur.	121. b
Vulnerum curatio.	32. b
Vxor, vitae confors, ac socia.	83. a. b
Vxores Presbyterorum, & Diaconorum. 84. b. item Cantorum, Le- ctorum, & Ostiariorum. ibidem. Episcoporum.	8. a

Xanticus

I N D E X.

X


XANTICVS mensis.

68.A

Z

ZACHAEVS olim Publicanus, Episcopus Caesarea Palestina.
110.A.

F. I N I S.



ERRATA SIC EMENDABIS.

			<i>In Epistola</i>	<i>exemplar</i>
			<i>In praefatione.</i>	<i>ἀναγτανόδοτος.</i>
Car.	1	<i>b</i>	<i>vers. 23</i>	<i>ad expetendum.</i>
	13	<i>b</i>	8	<i>fideiubeat.</i>
	24	<i>a</i>	4	<i>insomnis</i>
	31	<i>a</i>	4	<i>obstrueris</i>
	38	<i>b</i>	3	<i>quadringentas</i>
	38	<i>b</i>	18	<i>filij</i>
	40	<i>a</i>	29	<i>epistolas</i>
	57	<i>a</i>	13	<i>pecunias</i>
	64	<i>b</i>	17	<i>susceperit</i>
	74	<i>a</i>	1	<i>dominum seruus.</i>
	118	<i>a</i>	25	<i>adoptione</i>
	125	<i>b</i>	22	<i>certamine.</i>
	115	<i>a</i>	24	<i>coronam innuerunt</i>
	144	<i>a</i>	25	<i>duo</i>

Regestum.

A * * * * * B C D E F G H I K L
M N O P Q R S T U V X Y Z
A A B B C C D D E E F F G G H H I I
K K L L M M N N O O P P Q Q R R S S.

VENETIIS, M. D. LXIII.
Ex officina Iordani Zileti.



1791

THE NEW YORK
MILITARY
MUSEUM
AND
GALLERY
OF
ARTS
AND
SCIENCE
1791

THE NEW YORK
MILITARY
MUSEUM
AND
GALLERY
OF
ARTS
AND
SCIENCE
1791



